

62693/13

Vol. 1


MEDICAL SOCIETY
OF LONDON



ACCESSION NUMBER

PRESS MARK

JUNCKER, J.



CONSPECTVS

MEDICINAE

THEORETICO-PRACTICAE,

TABVLIS CXXXVII
OMNES PRIMARIOS MORBOS
METHODO STAHLIANA

TRACTANDOS,

EXHIBENS:

SECUNDA VICE EDITVS ET AVCTVS,

CVM

INDICE SATIS LOCVPLETE

ET

PRAEFATIONE

EXCELL. STAHLII,

CONSILIARII ET ARCHIATRI REGII,

AVCTORE

D. IOANNE IVNCKERO,

MED. PRACTICO ORPHANOTROPHEI HALENSIS.



CVM PRIVILEGIO.

HALAE, IMPENSIS ORPHANOTROPHEI. MDCCXXIV.

LONDON MEDICAL SOCIETY

COMBINED

MEDICAL

THEORY AND PRACTICE

TAYLOR'S

ON THE

METHODS

OF

TEACHING

INDICATING

THE


MODE

OF

TEACHING

TEACHING

AND



THE



LECTORI BENEVOLO,
GEORGIUS ERNESTVS STAHL,
FELICITATEM.



Apientiam Diuinam ex operibus eius lustrare gestientibus, illud cynosuræ loco inseruire posse arbitror, vt procul ab omni distractione, & in varios calles exerrante speculatione, quantum fieri potest, simplicem & rectam viam peruestigent; in quam omnes alii tramites desinentes, non aliunde securius spectari, imo perspici possunt, quam ab illa regia via, ad quam semper respectando, securius receptus pateat, ab omni erroris periculo. Cui, ex aduerso, necesse est expositum iri, quando non solum diuisos & diuersos tramites percurrere libido incessit, & magis magisque deuia sectari; sed prorsus auia querere, perreptare, & tandem limites migrando, alienas

regiones ingredi, & in vniuersa propositi cursus meta necessario confundi. Facile vero fuerit intelligere, quod viam, qualem laudamus, ingressuro, & in illa feliciter progressuro, apprime necessaria sit vigil atque perspicax animi aduersio; tranquillus, inquam, & bene compositus animus, auidus non solum cognoscendi, sed & ordinatum, & nihil interruptum processum, patienter atque circumspicte prosequendi. Alienissimus imprimis a polypragmosyne, seu multarum diuersarum rerum fugitiua perlustratione; quarum vel nullam penitus perspicere obtingat: vel inter plures implicari atque ita confundi necesse sit, vt inde non modo singularum, sed & omnium, vsus amittatur. Nihil autem magis atque certius in hos labyrinthos seducit, quam temere de sua sapientia sibi blandiens opinio, & immatura fiducia funditus atque penitus perspecta, non magis habendi, quam dandi, eiusmodi Diuinæ sapientiæ specimina, & velut in systemate in conspectum producendi, prius, quam pleraque, nedum omnia, eo pertinentia documenta, cognita sint, & in debitum ordinem, redigi potuerint. Ex aduerso, si cum debita animi applicatione, quotquot possunt, phænomena conquiruntur, animo bene composito, & iudicio, vti certe absolute necessario, ita etiam horum ausuum recte compote, perpenduntur, & iuxta illum ordinem, quem in rei veritate inter se obseruant, circumspicte colliguntur; fieri aliter non potest, quin multo euidentior agnitio & cognitio inde resultet. Sicut autem huius generis contemplationes de integro suscipere, instruere, & proprio Marte absolvere, profecto non omnium est ingeniorum; ita neque, in plerisque talibus negotiis vlla necessitas hoc postulat: cum vtique Diuina benignitas, iam inde ab omni æuo non dedignata sit, hinc inde industriorum hominum solertiæ radium aliquem fulgidissimi illius iubaris suæ sapientiæ obiiicere, cuius animad-

versione non solum oblectati fuerunt, sed etiam posteris suis obseruandum, & magis magisque ad suos vsus applicandum, commendarunt. Cum autem nihil in sui initio perfectum esse possit, facile vtique est intelligere, quod monumenta, ab antecessoribus ad posteritatem transmissa, non possint aut debeant pro tali perfecto systemate æstimari, cui absolute acquiescere sufficiat. Qui certe error, a multis iam seculis, vt varias alias, ita medicam quoque scientiam, impediuit, ne amplius, quam antiquissimis temporibus factum erat, exco-leretur & locupletaretur: imo ipsæ præconceptæ opiniones interceperunt passim etiam vtilissima vetustiorum annotata, monita, atque documenta, vt vsibus, quibus inferuire poterant, nusquam admouerentur. Substitit itaque medica scientia seu theoria, vsque ad præteriti seculi confinia, vbi nouæ aliquæ contemplationes, partim ex antiquiorum placitis, partim e propriis æstimationibus variorum phænomenon (Fernelio, Argenterio, &c.) in mentem venerunt; a medio vero eius seculi, cum anatomia caput efferret, & fermentationis nomen putredinem priscorum antiquaret, rude donatis propemodum plerisque vetustatis sententiis, nihil nisi nouæ opiniones, magno agmine eruperunt; quæ ad hunc vsque diem, quid emolumenti aut detrimenti arti attulerint, peritorum & æquorum arbitrorum æstimationi lubens relinquo. Postquam autem ab Helmontio decantata, & a Willisio latius ebuccinata, fermentatio, a Tachenio, per breuem manum Acidi & Alkali, ad varias commodiores explicationes & applicationes quadrare visa est; & tale systema Syluio imprimis in mentem venit, & a fidelibus aliquot eius Discipulis, non solum per Belgium, sed & Germaniam superiorem, propagabatur: quod quidem tempus in meorum studiorum Academicorum initia excurrens, sollicitum de solido fundamento medicæ Doctrinæ capeffendo, animum

non potuit non percellere, & in trutinandis, pro viribus, discrepantium dogmatum ponderibus, vigilem & attentum exigere. Cum autem iam ab ipsa teneriore iuuenta mea, chymicarum rerum, & imprimis fermentationis experimentalis, illa ad minimum notitia mihi suppeteret, quæ tam late per ipsum latifundium sanguinis protensam fermentationem, adhuc magis autem tales eius effectus, simpliciter exundatorios & eruptorios, quales, pro statis etiam, imo in exquisitas periodos distributis, commotionibus & excretionibus, allegabantur, pro veris atque ratis agnoscere, nequaquam permetteret: imo magis magisque pensitati omnes actus striete & proprie Vitales, longe simpliciore methodia, nempe sola, tempore & loco conueniente, administrata gubernatione motuum secretoriorum & excretoriorum, fieri & absolui solere comparerent: institi proinde potius illi viæ, vt fermentationem quidem, seu in animali corpore, omnino veriore Putredinem, (non tamen tam factam, quam fieri, imo, vt scholæ loquuntur, in fieri,) in febribus præfertim, pro subiecto seu vera materia morbida; tempestiuam & maturam eius amotionem, pro obiecto; secretiones & excretiones, pro medio formali; viarum & meatuum idoneam constitutionem, imo & humorum iustam crasin in reliqua sui massa, pro instrumento materiali; directionem autem motuum illorum, pro causa efficiente, agnoscere, necessarium ducerem. Hoc ipso vero non poteram non simul deprehendere, quod Vita striete sumpta, corporis inquam vita, qua corpus viuere, & secundum illam viuum dicitur, nihil aliud sit, quam conseruatio eius ab omni corruptione, in quam tamen ex vniuersa sua crasi totum præceptum est, & propendet. His certe contemplationibus nihil noui, neque vero etiam quicquam difficilis, vel afferre mihi videbar, vel inferre: quandoquidem simplicissimum hoc systema, vt
ipfi

ipſi corporis animalis manifeſto conſpicuæ conſtitutioni, ita quoque antiquiſſimorum medicinæ deſcriptorum vero ſenſui conſentaneum eſt. Conueniebat etiam apprime, imo inædificatum videri poterat, recentiſſimæ ſententiæ: Quod omnia in corpore animali fiant mechanice: dum exquiſite commonſtrabat, quod vtique tota Conſeruationis vitalis abſolvatur, & ad vltimum ſuum finem perducatur, nullo, (præter inſtrumenta) materiali, ſed ſimpliciter formali, Mechanico Actû, nempe Motu, exquiſite ad materiæ ſuſpectarum proportionem, gubernato, vt materiæ illæ alienæ, partim ſemoueantur, (ſecernantur) partim tandem ex vniuerſo corpore emoueantur (excernantur.) Conſidebam autem, totum hoc negotium, ad medicum uſum atque ſcôpum, tanto luculentius inferuiturum, dum ex eo diluceſcit, quod vniuerſa ita conſiderata vitalis conſeruationis ſit vera & indefinens Therapia interna ſeu ſpontanea; cuius rationi plane conformem energiam, pro certiſſima cynoſura: & ſynergiā, pro fideliffimo adiumento, medicus obſeruare & aſſervare debeat. Vbi ſimul, aut certe magis magisque, ſuæ luci vindicare atque ſtabilire laborabam, impeditiſſimam illam, & nuſquam pro merito & pondere ſuo, tactam, nedum deductam diſcretionem, quinam actus & motus, in morbis, reuera ſymptomatici, œconomix corporis obſiſcantur, & illi damna minentur: quinam autem contra, actus atque motus vere Energici, contra morbum incumbentem, plane ſalutariter, pro eius depulſione, inſtruantur & exerceantur. Id quod omnis æui Medici per pugnam Naturæ cum morbo, vix leuiter adumbrare, ſatis habuerunt; quibus vero conſiliis, auxiliis, atque machinis, illa geratur, designare, nedum demonſtrare, nuſquam condigne curæ cordique habuerunt. Id quod, ex aduerſo, mihi quidem apparuit, ſatis ex eo elucere poſſe, quod dicti hi actus Energici, aduerſus mor-

morbos iam præſentes atque incumbentes, ſalutariter militantes, nullius alterius generis ſint, quam illi, qui etiam cetera tranquillis corporis rebus, perpetuo præſidio præſto ſunt. Adeoque in morbis, ſolo, (præſenti neceſſitati maiori, conveniente,) gradu, tempore, atque ordine, & tandem loco, ita inſtruuntur, vt expugnationi morbidæ materiæ, & plenariæ exturbationi, adeoque ſyſtematis corporei, eliminatis alienis reſtitutioni in ſui homogeneitatem, (amotis heterogeneis,) ſatiſfaciant. Dum autem hanc conſiderationem, Medico imprimis uſui commendaturus, illud ubique indicare atque ſtabilire laboro, quod hæc vitalis conſervatio, atque vindicatio, omnino ſanæ rationi exquisitè conſentanea ſit; utique ab ipſo corporis animalis primo ſupremo Architecto ſapientiſſime inſtituta, & ita conſtituta, vt ſana ratio, ſci-tiſſimum hunc ordinem, utique percipere & agnoſcere poſſit: Tanto magis autem debeat, quo medicæ methodi iuſtam & vere legitimam cynoſuram hinc formare liceat: Totam rem altius, & ab ovo, quod aiunt, exorſurus, antiquiſſimam illam, & ipſa veritate ſimpliciſſimam, ſententiam, pro fundamento ſubſterno, quod vera cauſa efficiens, (directio-num illarum, quas pro pure medico ſcopo, pro efficiente cauſa agnoſcere, ſufficere poterat,) ſit in homine ipſa Anima. Agnoſco, quod hac propoſitione, utpote non tam ad medicam, quam phyſicam anthropologiam, plane ſuperſedere potuiſſem. Intempeſtiuo vero metu, ne tam motus in abſtracto, quam inſuper directio in abſtracto (ſicut hoc ſenſu reuera ſunt,) pro metaphyſicis gryphis, & nudis mentalibus ideis, tanquam Actus ſine Agente, mihi imputarentur, conſultum duxi, Agens ipſum diſerte nominare, & Animæ has partes deferre, imo aſſerere, atque vindicare. Tædet autem merito, atque piget, imo proſecto pudet, altercationum, quæ ſuper hoc negotio, intentatæ, & per aliquod iam ſu-

supra viginti annos, vix non singulis diebus, recoctæ appo-
sitæ, lassata tandem patientia, ad logicorum atque metaphy-
sicorum in ipsis triuialibus scholis scabella litem hanc reiici-
cere extuderunt. Vbi facile decernetur, quid abstracte me-
taphyhci, vel in hac antiquæ veritatis sententia insit; vel in o-
pinionibus illis, de motu (vt actu, sine agente) materiæ insi-
to; de spiritibus animalibus, motus hos non solum dirigen-
tibus, sed & ad finem, proportionate, gubernantibus: de mo-
tuum horum, siue absolutorum, siue insuper directorum, mo-
mentaneo obsequio, sine reliquo nexu, ad animæ volunta-
tes; & nude fictitias, & per errorem patheticas, animæ i-
deas, (non solum in animi pathematibus, corporis motus in
instanti, & profunde, turbantibus; sed & in impressi-
bus pure patheticis & fictitiis, in monstrosos næuos fœtuum,
exeuntibus &c.) & quæ sunt plura huius commatis postula-
ta. Insuper habitis inanibus huiusmodi oblocutionibus, non
destiti nexum veritatis, vtilissimarum depletionum & ventila-
tionum, prudenti & peritæ considerationi commendare;
præsertim in negotio spontanearum hæmorrhagiarum, seu
sanguinis exonerationum. Vfus sum pro hoc scopo Hip-
pocratis monumentis, quæ de morbis diuersarum ætatum
successui magis peculiaribus, & quasi propriis, consignata
reliquit sub finem tertiæ sectionis Aphorismorum. Quam
rem complexus sum Dissertatione de fundamentis morborum
ætatum: ostendente, quo modo omnibus ætatibus quidem
communes sint abundantis sanguinis depletiones in genere;
varient autem Loco, per quem emittantur. Et pariter com-
munes omnibus ætatibus, apparatus, congestiones, & con-
tentiones, ad eiusmodi eruptionem respicientes & tendentes:
dum autem, pro diuersitate ætatum, versus & circa peculi-
aria illa loca eruptionis instruuntur, hoc ipso etiam illos
Hippocrati notatos, peculiares, & singulis ætatibus magis
b pro-

proprius, (secundum & per regiones peculiare corporis) morbos introducant: si nempe sincera perruptio in impedito hæreat, & ad effectum difficulter, aut plane non, pertingat. Moui vero omnem lapidem, vt hæc iam ab ipso Hippocrate prudentissime notata veritas, quemadmodum non aliunde, quam e constanti experientia, desumpta est, ita perennis experientiæ euentissimis testimoniis illustraretur & confirmaretur: vnde etiam apud practicos peritos, nempe experientiæ quotidie obseruandæ compotes, sine vlla difficultate, passim, imo, quod sine vanitate dictum velim, longe lateque liberalem assensum obtinuerunt huius generis commentationes. Ego vero nullam occasionem prætermisi, qua hanc eandem experientiam, in varii generis morborum schematibus, ostendere, ad vera illa sua fundamenta reuocare, adeoque aliis aliisque exemplis rem totam demonstratam dare, opportunum videbatur. Tandem autem, quod eo vsque sparsim & per ambages egeram, iustiore ordine, & magis concinno systemate, ob oculos ponere suscepi, tractatu, quem medicam Theoriam veram nuncupare iustum & æquum duxi. Sicut autem medicina scientia sola non absoluitur, sed ad experientiæ certam notitiam, & consultam administrationem, tendit; ad quam vera medica pathologia Artificem futurum instruere debet; propterea omnino animo semper sedit, Physiologiæ medicæ, & Pathologiæ, consentaneam Therapiam subiungere: quæ nempe solidis deductionibus monstret, quæ consilia & auxilia talibus læsionibus corporis salutariter adhiberi possint atque debeant. Postquam autem Diuinæ directioni humanarum rerum placuit, ab huiusmodi proposito, qualemcunque quietem & assiduitatem postulante, ad longe diuersos labores me auocare, nihil antiquius mihi omnino esse debet, quam huic humiliter acquiescere, & eo vsque promoti cursus, vix medio in stadio, pe-

pedem sistere. Sufficit non in vanum laborauisse, dum, simplex & sincerum testimonium veritati perhibendo, non in vna sola regione, aut gente, excitata sunt, scientiæ atque conscientiæ fatagentia ingenia, ad eandem viam gnauiter ineundam, & magis magisque complanandam. Quod mihi, Divina benignitate adspirante, & cum alacritate atque oblectatione, successit, laboriosum multis aliis visum est; & quæ ego prolixè deducere oblectamenti loco habui, vel audire, nedum legere, perpendere, & prudenter examinare, operosum apparuit. Interim plenus sum bonæ spei, & habeo eius rei non contemnenda indicia, viuere & vigere passim honestos & solertes viros, qui vel de integro hoc stadium decurrere & infinitis Mæandris inuolutum Labyrinthum doctrinæ & artis medicæ, Ariadneo veritatis filo expedire, non fastidiuerint. Si qui vero etiam illis vestigiis insistere non dedignentur, quæ, inter aspreta, sentes, atque salebras, adnitens, hinc inde impressi, spero fore, vt nec ipsos pœniteat, indicem secutos esse. Laboriosius, quam propemodum credere potuissem, hoc iter ingressus est nobilissimus scriptor præsentium Tabularum; quas maximam propemodum partem, e qualibuscunque meis scriptis adornare, non graue duxit. Laudare hanc eius industriam, qui sunt mores hominum, vitio mihi verti posset, & iam propemodum antiquato scommate mihi tribui, quod hoc ipso per obliquum, mearum animaduersionum laudem celebrare, cordi habeam. Sed frustra, profecto iam dudum, sunt tales ineptiæ; posteaquam pridem sincere testatus sum, me nihil horum, quatenus meum sit, sed vnice quatenus verum, vlli mortalium ratum aut commendatum esse velle. Conquisiuisse, quæ vera esse agnoui, in laudis materiam non arripio; officii certe mei duxi, cum Theoriæ medicæ docendæ sparta mihi mandata esset, cum fide & bona conscientia, hoc agere:

neque, nisi quæ pro veris comperta haberem, aliis commendare. Quicquid autem horum fit, de quo honestorum & prudentium virorum arbitrio semper liber erit locus, imo ius fasque; illud certe, de præsentē Tractatu ante ipsos oculos positum est, quod labori atque studio nihil pepercerit Dn. Autor, tam in reuoluendis meis, etiam extra puræ connexionis ordinem, Dissertationum forma, in medium propositis, quam aliorum, eodem tendentibus, scriptis. Eadem euidentia liquet, quod ordinem euoluendi atque deducendi perspicua cum peritia seruauerit; quo quidem cœpto non poterit non mereri laudem, & gratiam inire, apud omnes, qui evolutiones thematum, per causas ipso nomine expressas, intelligunt & amant. Quamobrem ego illam methodum, causas inquam nominibus suis exprimendi, non amplexus sim, sequentes fuerunt rationes. Quo tempore ad docendi officium admouebar, & in hac nostra inprimis Academia, non bene audiebant scholasticæ λεπτολογία; quod etiam, quando (vt fere fit) creperæ sunt, nulla iniuria ipsis euerit: imo vero derisui erant ipsæ voces, apud peritiores quidem, inanes scholarum tricas, apud imperitos autem, metaphysicam in genere, aut logicam redolentes. Imo vero, vt nihil dissimulem, in plerisque, ad medicum studium nomina suadantibus, minorem, triuialibus scholis allatam, peritiam deprehendebam, cognitionis, nedum veri vsus, primæ & instrumentalis philosophiæ, quam vt expeditum conceptum ipsius ordinis causalis, nedum per ipsa nomina, formare valerent. Quid? quod etiam tot annorum decursus, non sine iusto fastidio, docuit, quam molestas lites hic defectus inspirauerit, etiam illis in locis, a quibus minime omnium expectari debuissent; & quam tardis, (licet etiam aliæ causæ ad repugnandum instigarent animum,) successibus, tangem pleaque dogmata, a me inde ab initio, demonstrata,

in

in pristinorum opinionum locum substituerentur: elucente tamen perpetuo adhuc, ex insanabili hoc defectu, veri atque firmi nexus vario hiatu. Interim certe nunquam neglexi, quin secundum verum & realem ductum causandi ordinis, res ipsas, quas producere animo federat, euoluerem. Subiit autem reuera mirari, quomodo fieri possit, ut passim adhuc, circa ordinem contemplandi, eluceant offensiones, verum de talibus rebus conceptum hinc inde turbantes. Id quod imprimis in ita dictis febribus acutis euenisse video. Putaueram, Dissertatione de Morbis acutis veterum, sublatam esse omnis implicationis occasionem: tanto magis, cum etiam alio schemate, Dissert. de Febre per se nunquam mortifera, veram mentem meam, quin potius ipsius rei constitutionem, liquido monstrasse considerem. Imo aberrationem ipsius Hippocratis detexisse, ubi, dum recenset, quos Morbos Veteres Acutorum nomine notauerint, inauspicato subiicit: quorum Morborum Febres hominem plerumque occidunt. Cum tamen luce meridiana clarius sit, quod ipsi illi morbi, nempe veræ inflammatoriæ stases sanguinis in visceribus, per se, & sibi relictæ, sine vlllo interuentu Febris, hominem necessario occidant. Ab hoc effectu vero, solius Naturæ viribus, (largiatur autem Diuina clementia, ut Ars in solidum multo plus auxilii afferre possit!) nulla alia ratione impediri possint, quam tempestiua adhuc staseos discussione; quæ fieri non possit, nisi insigniter aucto & continuato motu locali, seu circuitu, sanguinis: qui tamen iterum aliter fieri nequeat, nisi per pulsum auctum: quem vero inseparabilis comes, calor auctior totius, stipat: qui (eo gradu & duratione,) Febris appellatur: & summa iniuria, non solum pro morbo, sed ipso solo morbo, & mortis autore, proclamatur, cum sit vnicum salutaris spei & euentus subsidium & instrumentum. Ita enim pestis, & ite-

rum febris miliaris, formalis causa indicatur ipsum principium vitale. Certe non e mea porticu; imo veræ constitutionis rei ipsius, suffragio destituyente. Cum Pestis coryphæus morborum acutorum quidem sit; nequaquam vero, proprie, & sua essentia, sit Febris. Ingens utique paradoxon, sed tamen genuinum; nempe rem ipsam aliter se habere, quam minus exquisito aspectu, & externa specie, videatur, demonstrans. Sane vero audeo sperare, quod genuinus conceptus de Variolis, experientiæ & rei veritati conformis, prudentes contemplatores, si quid vsquam aliud, de veritate harum rerum luculentissime instituturus sit. Recte itaque Pestis causa materialis arguitur miasma efficacissime putrefaciens: formalis vero causa nulla alia nominari potest, quam ipse actus huiusmodi corruptionis, iam incipiens: & nisi miasma illud tempestive, ipsa halituosa forma, iterum eiciatur, aut alicubi arctius, in ignobiliores partes externas, iterum dico, tempestive (minime vero præcipitibus turbidis motibus,) e latifundio massæ sanguineæ, condensatum seponatur, (causa, inquam illa, materialis,) incoercibili impetu longe lateque sanguinem destruens. Vnde Febris, huic morbo, salutari spe, (imo, per Dei gratiam, non parvi numeri effectu,) opponenda, non, uti vulgo creditur, vehementis & magna, sed lenis, æqualis, assidua, esse debet: quando vero, inter anxiam trepidationem Naturæ, alia methodo, aut inconditis consiliis & artificiis, turbulentius commouetur, aut excussionibus, materiæ expellendæ indoli non quadrantibus, instruitur, non potest non illa in genere salutari intentione excidere. Vnde recte quidem Hippocrates iam ipse observavit, quod morborum acutorum, (seu morbis acutis occurrentes,) febres, συνεχεῖς sint: quod vulgo interpretantur, continuæ: rei vero veritas magis probat, continentes intelligendas esse: nempe æquali tenore, sine exacerbationibus aut

aut remissionibus, assiduas; eo magis, quanto magis salutari spei locum relinquunt: dum omnis impetus, tanto magis vagus & inordinatus, trepidæ & fluctuantis administrationis soboles, ab optato scopo non potest non aberrare. Commendo iterum variolarum, veræ experientiæ conformem, observationem & contemplationem. Sicut autem adhuc prolixius hæc diducere neque locus fert, nec certe animus; ita propterea tamen attingere libuit, ne vel ipsa huius scopi contemplatio finistris iudiciis occasionem præberet, vel illi superstruenda inuentio iustæ methodi, vel in exæquanda proportionem causali, vel in ipso omnino effectu practico, aliqua deficiat. Quemadmodum autem Dn. Autor, in hoc opere, non tam simpliciter meas contemplationes & animaduersiones, sed aliorum etiam, quibus fidenti rationes suas sine dubio habuit, placita, præsertim in remedium penum, secutus est, ita tanto minus Lectorum quisquam simplicis præiudicii suspensionem concipiet: sed potius e sedula lectione, & prudente pensitatione, totum opus æstimabit. Illud certum est, quod in longe maxima parte operis omnino mecum sentiat; neque vero etiam usquam propemodum dissentiat: hic illic autem, supplendo, quæ a me non prolixius tractata sunt, alia quædam, quam mea, adferat: præsertim autem in numero remedium, qui mihi summo opere placet, quantum unquam fieri potest, succinctus: & effectus ratione, nisi plane peculiare circumstantiæ suadent, per individua, ab omni commotione, aut præmatura expulsionem abstinens. Vbi brevissimis, quod febrem miliarem attinet, (simpliciorum, non pessimam illam, petechiis aut morbillis accedentem,) illud moneo, quod alias benignior in deteriore statum adducatur, per præcipitem expulsionem; communissime ægrorum propriis inconsultis ausibus: sed & per totum decursum, medicamentis & regiminibus sanguinem calefacientibus. Vbi imprimis voluntariæ sudationes in lecto malæ sunt: spontaneæ modestissime tolerandæ, &
non

non nisi pari modestia, moderandæ potius, quam augendæ: alexipharmacis calidis nullum hic agnosco aut reperio locum; imo ne fixis quidem diaphoreticis, quorum in talibus affectibus maior, quam vulgo credatur, est sensus. Nitri, parcis, sed repetitis dosibus, quatuor ad sex horarum interualla, præcipuum hic cognoui vsum, præsertim in ipsis etiam puerperis: diarrhœam non inducent; cui tamen vndecunque incidenti, Cascarillæ pulvis, a 10. ad 12. grana, sine regimine affectato, commodius, quam quidquam aliud, consulet: in quavis ætate, præcipue tenera, vitentur de gemmis participantia, pretiosa, hic nullius pretii, & in omnibus exanthematibus noxia. Quamuis aliis forte parum ad rem pertinere videri possit, certe tamen non contemnenda est pectoris priuatim, imo ad umbilicum vsque, defensio ab omni sensu frigoris; etiam in orthostadia sub talibus efflorescentiis. In quali præterea omnibus modis præstat, a desidia abstinere, quam illi indulgere: imo motus corporis, citra lassitudinem aut æstum, ad lenes sudores vsque, minime formidare: a medicamentis autem, quantum licet, sibi temperare &c. Hæc sunt, quæ per occasionem tangere, non abs re visum est. In reliquis autem plerisque omnibus, nullum est dubium, quin Dni Autoris diligentia, illis, qui cum studio medicam scientiam & artem syntagmatico ordine comprehendere voluerint, certissimo emolumento inservire possit. Quo nomine, talibus hoc opus commendare, nullus dubito. Deus autem, fons & autor veritatis, largiatur omnibus, medicam scientiam & artem, quod profecto decet, vt Diuinorum institutorum, contemplationem, observationem, & subsidiariam administrationem intueri cordi habentibus, vt veræ, cognitionis compotes facti, sapientiam Eius venerabundi agnoscant, intellectus sui manuductionem ad prudentia consilia, & pro cœptis suis auxiliaribus omnipotentem Eius benedictionem exorent, & feliciter assequantur. Dabam Berolini VII. Cal. Oct. MDCCXVII.



PRAEFATIO AUCTORIS.

SEptennium iam est, BENEVOLE LECTOR, cum primum deliberarem, qua fieri posset ratione, ut egregiae illae observationes practicae, quae e collegiis STAHLIANIS ab Excellentissimi huius Viri auditoribus praeteritis annis passim collectae sunt, in commodiorem ordinem ac usum redigerentur. Manu enim scripta, quorum non pauca prostant, per tot descriptiones, a rei medicae imperitis plerumque peractas, tempore progrediente ita deprauata sunt, ut in quam plurimis illorum locis vix sensum aliquem peruestigare possent tirones. Post multas deliberationes laborem hunc, satis diffusum, bona fiducia adgrediebar, & iam diuinam veneror benignitatem, quae, illius finem attigisse, clementer concessit. Vrgent autem praegnant quaedam rationes, ut, quae circumstantiae speciales opusculum hocce ambient, paucis significantur. Cum enim humeros meos oneri huic ferendo solos sufficere dubitarem, quia praxi medica plurimum temporis insumere tenebar, aliorum auxilia quaerere in animo habebam.

Elaboratam itaque tabulam de variolis & morbillis speciminis loco trans mittebam præclaro cuidam Practico, Dommorum aliquot Illustrissimarum Archiatro: cui quidem maximam oneris partem imponi posse putabam, quia certum quemdam studiosorum numerum eo tempore in res medicas manu ducebat, qui sub ipsius cura atque moderamine negotium hoc facile perficere posse a me iudicabantur. Sed hic Vir, quem cum iucunditate animi sincerum amicum nominare licet, difficilis erat ad laborem hunc suscipiendum, & maxime contra germanicum idioma, quo prædictam de variolis tabulam conscripseram, ob abusum inde metuendum, dubia sua mouebat. Non diffiteor, quod, audito tali repudio, id, quod cœptum erat, frigide posthac persecutus sim. Quum vero breui post tempore audirem, laborem hunc, mutata sententia, vni e numero memoratorum medicinæ studiosorum, & quidem tali, qui aliquamdiu amice mecum vixerat, & iam munere Archiatri Illustrissimæ cuiusdam Domus dexterrime fungitur, esse commendatum, nouam spem de votis obtinendis concipiebam. Iuuenis hic eruditissimus, post annum circiter decursum triginta, & quot excedunt, tabulas, iudicio non infimo elaboratas, & ab Archiatro reuissas, mihi exhibebat. Transportans domicilium meum in hanc ciuitatem, has, vt & reliquas meas intentiones, cum amicis quibusdam communicabam, qui definitiones, causas, & plures obseruationes practicas in hisce tabulis desiderabant. Otium mihi datum erat ob loci, vti dictum, mutationem: hinc labori huic omne meum tempus destinare decernebam. Dissertationes STAHLIANAS omnes, theoriam eiusdem medicam, & manu scripta, tantum non omnia, perlegebam, tabulas octoginta, & quæ excedunt, non solum conscribebam, sed & omnes fere illas, quæ ab amico, superius laudato, exhibitæ mihi erant, de nouo prorsus elaborabam, reli-

reliquas paucissimas supplebam, donec tandem hoc, quod vides, **BENEVOLE LECTOR**, opusculum prodiret. Non dissimulo, sub ipso labore animum me sæpius abieciisse: tantas enim difficultates passim inueniebam, ut vel tres aut quatuor hebdomadas in tabulis quibusdam conscribendis infumere cogerer, neque tamen mihi ipsi ubique satis facerem. Sed Deo humillimæ sint laudes, cuius auspicio id, quod factum est, quantulumcumque sit, fieri potuit. Ceterum silentio præterire heic nolo, quod ab illo usque tempore, quo laborem hunc cœ suscipiendum decreueram, aliquot eiusdem fere conaminis specimina in lucem prodierint: videlicet compendia quædam medica, quorum alia plures, alia pauciores morbos, methodo **STAHLIANA** tractandos, exhibent. Atque in his non solum multæ res, sed & ipsæ subinde phraseologiæ, quæ in præsentibus hisce tabulis leguntur, occurrunt; cuius rei tamen, **BENEVOLE LECTOR**, nulla Te miratio capiet, si consideraueris, ex vno fonte eadem vtrimque esse deriuata. Opus sane non fuit, ab aliis desumere, quod & dulcius, & omnino perfectius ex primis fontibus petere licebat: & certe hospes esset in scriptis **STAHLIANIS**, qui cuiquam alii has res tribuendas esse cogitaret. Itaque si quis me plagii vellet accusare, solus Excellentissimus **STAHLIVS** facere hoc posset. Hic autem hanc mihi culpam non tantum liberaliter remisit, sed & publica, ut vides, præfatione testatus est, quam minime inuideat illis, qui e scriptis suis usum capere, & cum aliis communicare intendunt: quem paternum adfectum ut pia mente recondam, mearum omnino erit partium. Denique de paucis illis, quæ, præter res **STAHLIANAS**, in quibusdam locis inuenies, notare conuenit, quod illa non adiecissẽm, nisi peculiaribus plane effectibus probata mihi fuissent. De quibus notabilia exempla subiungere in animo habebam;

sed temporis angustia intentionis meæ effectum excludit. De noua autem hac editione dicendum adhuc est, quod incrementa satis notabilia, &, meo quidem iudicio, vtilia, immo certo respectu necessaria acceperit. Priores enim CXVI tabulæ non tantum passim auctæ, sed & XXI nouæ additæ sunt; vti ipse adspectus docet. Optarunt quidem amicorum nonnulli, vt hoc additamentum *adpendicis* loco subiungeretur, ne illi, qui primam editionem iam possident, geminis sumtibus onerati indignarentur. Quum vero scopus ille, quem tabulis synopticis respicimus, eius modi distractionem materialium non permittat, iusta hæc vota expleri non potuerunt. Confido autem quam certissime, quod nouum hoc huius opusculi augmentum exiguos illos sumtus sufficiente vtilitate sit compensaturum. Ceterum cautelas illas, quas Excell.

STAHLII *præfatio* ratione *purpuræ* tractandæ continet, alteri huic editioni adiecimus. Vale

& faue

AVCTORI.

TAB. I.



TABVLA I.
DE
MORBIS IN GENERE.

I. DEFINITIO.

Morbus est status præternaturalis corporis viui, in partibus tam fluidis, quam solidis, vtrarumque crasin & mobilitatem lædens: concurrentibus variis *symptomatibus*, quæ vel a *materiali* noxa, vel a *motibus* principii vitalis conseruatoriis, materiali noxæ oppositis, vltra gradum naturalem vt plurimum auctis, rarius remissis, dependent.

II. DIFFERENTIA.

1. *Symptomata* non solum ab ipso *morbo*, verum etiam a *se ipsis* sollicite distinguere, vniuersæ medicinæ, tam theoreticæ, quam practicæ, maximam lucem adfundit.
2. Est autem *symptoma* præternaturalis *actionum* constitutio, quæ vel tamquam vere *morbida* & *passiva læsio* actionum, vel tamquam *actiua*, *proportionata* & salutari intentione suscepta alteratio motuum secretoriorum & excretoriorum, considerari debet.
3. Præter ea morborum differentia petitur
 - a) vel a læsione *quantitatis*, vbi humores vel excedunt, vel deficiunt.
 - b) vel a læsione *qualitatis*, quando humores nimis spissi, vel rarefacti sunt.

A

c) vel

c) vel a vitio *motuum*, quando vel vltra consuetum gradum augmentur, vel deficiunt, vel peruerse instituuntur.

d) vel ab *accidentalibus circumstantiis*.

Harum respectu morbi sunt

- 1) Chronici, acuti, peracuti.
- 2) Continentes, continui, intermittentes.
- 3) Epidemici, endemii, sporadici.
- 4) Contagiosi, non contagiosi.
- 5) Benigni, maligni.
- 6) Legitimi, nothi, regulares, irregulares.
- 7) Habituales, nondum obfirmati.
- 8) Corrupti, non corrupti.
- 9) Idiopathici, sympathici.
- 10) Salutares, lethales.
- 11) Curabiles, incurabiles.
- 12) Simples, compositi.
- 13) Periodici, vagi.
- 14) Vernales, æstiuæ, autumnales, hyemales. *conf. Hippo-
crat. Sect. III. aphor. I. sequ.*
- 15) Certam ætatem occupantes, vbi
 - a) in iunioribus caput,
 - b) in iuuenibus pectus,
 - c) in senioribus abdomen magis adficitur.
- 16) Secundum initium, incrementum, statum & declinationem differentes.
- 17) Certis diebus & horis mutationes subeuntes, e.g. die indicatorio, critico, circa horas paroxysmorum.

III. SIGNA.

1. Motus, siue vltra gradum & ordinem naturæ aucti, siue a vigore, quem principium vitale ordinarie feruat, remittentes.
2. Actionum, non solum vitalium & animalium, sed & ipsarum rationalium perturbatio, exacerbatio, aliqualis neglectio, cessatio.
3. Variarum anxietatum & dolorum symptomata.

IV. SVBIECTA morborum

1. *in genere*: homo viuus, qui tamen a morbis raro infestatur
licet



licet secundum mixtionem & structuram suam ad eosdem summam habeat procliuatatem. Nam multi per totam vitam a morbis prorsus immunes viuunt. Vnde *Democriti* assertum, quod *Hippocr.* epist. 2. ad *Damaget.* refert, hominem totum e natiuitate esse morbum, de corpore quidem mixto satis verum, de *viuo* autem falsissimum est.

2. *In specie:* morbis præ aliis obnoxii

- 1) qui a motibus corporis laboriosis immunes sunt, pleno tamen & lautiore victu gaudent; inter quos litterati, lubricationibus dediti, & molliter educati, principatum tenent.
- 2) Adfectibus animi grauioribus expositi, e. g. iracundia, admodum sensibiles, meticulosi, suspicaces.
- 3) Intemperantes, qui cibis non solum variis, sed sæpius etiam aduersis, corpus suum nimium replent.
- 4) Qui diætam scrupulosam & electitiam ordinarie quidem obseruant, data autem occasione eandem negligere coguntur.
- 5) Feminae præ viris, ob maiorem inprimis animi sensibilitatem, molliorem corporis texturam, præcipue etiam ob negotium mensium, gestationis, partus & lactationis. Quæ considerationes haud dubie *Hippocratis* elogio, quod femina his patiatur morbum, ansam dederunt.
- 6) Homines præ brutis; licet enim eandem corporis habeant constitutionem, bruta tamen tales excessus in cibo, potu & adfectibus non committunt. Quo magis autem bruta cum corruptis hominum moribus commercium habent, eo magis etiam morborum subiecta euadunt e. g. canes delicatuli, die Schoos-Hündchen, so die leckere Speisen essen, und auf weichen Küssen schlafen.

V. CAUSSAE.

1. Causa morborum *remota* est dispositio illa corporis, ad morbos facile subeundos.
2. Causæ *proximæ* sunt
 - a) vel *generales*: nempe plethora & spissitudo humorum.
 - b) vel *speciales*: vitia scilicet lymphæ, feri, saliuæ, vrinæ, bilis, muci, fæcum aluinarum &c.

3. *Causse præcædentes*, quæ dispositionem ad morbos in actum perducunt, sunt præcipue vitia ex sex rebus, *non-naturalibus* dictis, prouenientia, nempe aëre, motu vel quiete, somno vel vigiliis, cibo & potu, excretis, retentis, maxime omnium animi pathematibus, quorum efficacia omnes *materiales* causas longo interuallo post se relinquit.
4. Causse etiam certorum morborum obseruantur periodi *ætatis*, diuersitas *sexus* & temperamentorum.
5. Præcipue autem *adsuetudo* ægrotandi & *sensibilitas* subiecti multum valent ad morbos fouendos & reuocandos.

VI. PROGNOISIS.

1. Quo delicatius est subiectum, eo difficilius curatur morbus, & contra.
2. Plenariam visceris cuiusdam aut partis organicæ destructionem reparare, nec arti, nec naturæ concessum est.
3. Morbi, a causis *immaterialibus* dependentes, longe sunt pertinaciores, quam qui a *materialibus* proueniunt.
4. Morbi hæreditarii raro perfecte & prorsus auferuntur, cum primis si per crebrum recursum in habitum & consuetudinem deducti sunt, qui proinde mitigari tantum possunt.
5. Morbi *epidemici*, nisi malignitas complicata sit, facilius tolluntur, quam *endemii*.
6. Item morbi *periodici*, quam vagi.
7. Porro morbi *simplices*, quam *compositi*.
8. Morbi a *motuum defectibus* prouenientes, maius periculum inuoluunt, quam qui a *motuum excessu* oriuntur.
9. Morbi certis *ætatibus*, *temporibus* & *tempestatibus* familiares, si hi ipsis circumstantiis respondeant, minus periculosi sunt, quam qui multum inde deflectunt.
10. *Motus* morborum *extraordinarios* si sensibiles non sequuntur excretiones, melioris notæ non existunt.
11. Morbi *vernales* benigniores ut plurimum sunt, quam reliquorum temporum.
12. Morbi sine omni medicatione *sibi relictæ*, longe manifestius indolem suam ostendunt, longe certius statas periodos & dies criticos obseruant, longe felicius & constantius conquiescunt, longe etiam tranquillius, si omnino superari neque-

nequeant, ad mortem deflectunt, quam qui variis medicationibus, præcipue manifeste operantibus, tractantur.

13. Morbi sub initium causam materialem pro fundamento habentes, in consuetudinem autem degenerati, ita plerumque insolescunt, ut, sublatis licet causis materialibus, pertinaciter tamen durent & recurrant.

14. Multi morbi curantur sine Medico & medicina per *αὐτοκράτειαν* naturæ.

VII. METHODUS MEDENDI ET REMEDIA.

1. Quoniam natura in plurimis morbis per secretorios & excretorios motus materiam noxiam e corpore eliminare al-
laborat, Medicus, qui illius minister esse debet, hosce motus secretorios & excretorios quouis modo imitari, & omni prudentia adiuuare studeat. Huic scopo inserviunt remedia

1) *Pharmacæutica* e. g. emetica, purgantia, diaphoretica, diuretica, emmenagoga, &c.

2) *Chirurgica*: venæsectio, scarificatio, hirudines, vesicatoria, fonticuli, setacea, incisiones, paracenteses.

3) *Dietetica*: prudens regimen circa cibum & potum, calorem moderatum & animi tranquillitatem.

2. Ante autem, quam moueat Medicus, materiam prius mobilis reddere & vias aperire debet, per præparantia, incipientia, resoluentia, digestiua.

3. Pauciores etiam morbi obueniunt, ubi non conuenit, materiam noxiam directe & immediate *euacuare*, sed *corrigeretur*. Quare & in his, licet rarioribus casibus, prudenter se gerat necesse est. Corrigunt autem remedia alterantia, præcipitantia, temperantia.

4. Et quoniam non raro *motus* siue excessu, siue etiam nonnumquam defectu in morbis peccant, Medicus firmiter sibi persuasum habeat, *medicinam motuum* præcipuam esse partem praxeos felicitis, & discat

1) motus *excedentes* placide ad *mediocritatem* reuocare.

2) motus *erroneos* corrigere.

3) motus *deficientes* excitare.

Remedia, quæ motus excedentes & erroneos corrigunt

gunt atque sedant, sunt: specifica, anodyna, parégorica.

Motus autem exstimulant: pleraque euacuantia superius nominata, item analeptica & confortantia.

VIII. CAUTELÆ ET OBSERVATIONES PRACTICÆ.

1. Si natura noxiam materiam eliminare intendit, vel actu iam euacuat, caueat sibi Medicus, ne addito stimulo fiat nimium.
2. Euacuationes *particulares* non adhibeat, nisi præmissis vniuersalibus; h. e. instituta prius, vbi opus est, venæ sectione, catharsi, sudatione &c. Non vero his omnibus simul in quouis indiuiduo, sed pro ratione circumstantiarum adhibendis.
3. *Quantitas* humorum pluribus morbis ansam dat, quam *qualitas*; quod eo magis considerandum, quia vulgata praxis circa *correctionem qualitatis* materiæ potissimum occupata est.
4. Moderata autem durant, & omnes *tumultuariae* euacuationes tantum nocent, quantum *moderate* profunt.
5. *Motuum* magis quam *materiæ* respectum in omnibus morbis habere conuenit: qui proinde, ad euitandum errorem factis communem, non temere sistendi sunt.
6. Ad tempora morborum semper etiam respiciendum est, num cursu anni legitimo inuadant, ætati patientis quadrent, debitasque periodos exhibeant.
7. Denique Medicus dictum sibi putet, quod facilius sit, motus in solidum suppressere, quam moderari. Cauendum igitur est a falso illo elogio, quod *opiata* ad moderamentum motuum, non autem ad plenariam suppressionem propinari possint & debeant.

TABVLA II. DE PLETHORA.

I. DEFINITIO.

Plethora est abundantia sanguinis, ordinariam & debitam proportionem excedens, atque multis morbis ansam præbens. Deriuatur a πλήτω, impleo.

II. DIFFERENTIA.

Plethora est vel

1. *Simplex*, vbi sanguis quantitate quidem excedit, sed nondum deprauatus est. Vel
2. *Complicata*, seu cum cacochymia coniuncta, id est, vbi vel notabilis spissitudo, vel alia dyscrasia humorum accedit.
3. Plethora porro diuiditur in eam, quæ est
 - a) ad *vasa*, quando sanguis simpliciter abundans vasa turgida reddit, sine vlla notabili molestia.
 - b) ad *vires*, in qua insignis lassitudo artuum, ac torpor membrorum accedit.
4. Plethora *sibi relicta* bene distinguenda est a *commota*, vbi ebullitio & orgasmus sanguinis concurrit.

III. SIGNA.

1. Constitutio corporis communiter sana.
2. Vfus rerum, non naturalium dictarum, satis tolerabilis.
3. In specie tolerantia optima ciborum & somnus bonus, profundus ac quietus.
4. Quando autem plethora commouetur, vel corpus calore extrinseco molestat, iectigatio inquieta somnum turbat.
5. Et tum insomnia, anxia ac præfigurationes effusionum sanguinis, pluuia, transitus per profundas aquas, vulnerationis per bombardas & gladios accedunt.
6. Adspectus faciei rubicundus in *sanguineis*, spongiosis; in *cholericis* autem & *melancholicis* notabilis vasorum turgescitio.
7. Artuum grauitas & obdormitio,

8. Vn-

8. Vnde segnities ad laborem, & repentina sub qualicunque motu inconfueto fatigatio, palpitatio cordis, atque respirationis difficultas oritur; præcipue, quando scalas vel alia loca accliuia scandunt. Quando autem post motum ad requiem veniunt, sensum contusionis persentiscunt.

9. Capitis vertiginosa aut temulenta afflictio, quando versus terram incuruatur, & repente iterum tollitur.

10. Sub leui incalescentia, quam cito plethorici incurrunt, obtingit sensus in cute leuissime punctorius, quasi seta compungeretur.

11. Facilis sensatio a frigore & æstu.

12. Oculi continuo humidi.

13. Sensatio illa in feminis hystericeis, ac si frustum glaciei capiti impositum esset, de plethora etiam testatur.

14. De reliquo plethorici ordinarie pulsum habent magnum & plenum.

IV. SVBIECTA.

Plethoræ familiariter expositi sunt homines.

1. Otiosi, & diæta plena atque lautiore gaudentes

2. Aetas iuuenilis præ senili.

3. Sexus femininus præ virili.

4. Qui euacuationibus sanguinis, siue naturalibus siue artificialibus, largiter antea adfueti fuerunt, iam autem illas, siue suppressas, siue omissas, negligunt.

5. Qui vitæ genus laboriosum in otiosum & sedentarium mutarunt, quoad nutrimentum autem corpori nihil detraxerunt.

V. CAVSSAE.

1. Causa *formalis* est ipsa prouida natura, quæ in iunioribus corporis incremento, in viris viribus ad labores perferendos, in feminis autem negotio generationis prospicere intendit, vbi omnino aliqualis penus adesse debet. Hinc erroris non accusanda est natura, dum abundantem sanguinem generat. Quando autem hi fines non obtinentur, quid miri? si morbosa confectaria introducuntur.

2. Causa *materialis* in subiectis iam indicata est, nempe

a) diæta largior cum otio & vita sedentaria coniuncta.

b) Suppressio hæmorrhagiarum consuetarum.

VI. PROGNOSIS.

1. Plethora *morbis* quidem adpellari nequit, est tamen multorum morborum *mater*. Impedit enim sanguinis circulum, & energię motus multum negotii facessit. Hinc debitę secretiones & excretiones impediuntur, & varia craseos vitia successiue introducuntur, donec tandem organa vitalia actualē labem contrahant.
2. Plethora per exagitationem corporis vel animi *commota* v. g. per celerem motum, regimen sudoriferum, potum spirituosum, partum difficilem, iracundiam &c. ineffabile damnum adferre solet.
3. Pręcipue facile oriuntur adfectus oppletorii, congestorii, infarctus, stases, inflammationes, febres acutę, spasmi, efferę hęmorrhagię.
4. Leuiiores morbi plethoricis obuientes magis refractarii sunt, quam in aliis subiectis; multo magis autem grauiiores & periculosę febres.
5. Quoniam plurimi plethoricorum motum corporis laboriosum, ceu remedium efficacissimum, renuunt, morbi etiam, pręcipue chronici, a plethora dependentes, funditus in illis non possunt extirpari.
6. Plethora, quę ab hęmorrhagiis siue naturalibus, siue artificialibus suppressis vel neglectis oritur, facilius morbos producit, quam reliqua.
7. Incommoda, quę a plethora dependent, certius & citius solvuntur per hęmorrhagias naturales, quam per artificiales.
8. Plethora cum *spissitudine* & *cacochymia* coniuncta, non solum plures morbos, quam *simplex* causatur, sed & varias morborum anomalias inuoluit.
9. *Nimia obesitas* seu *corpulentia*, quę pręcipue sanguineis ex plethora interdum prouenit, actiones animales & vitales offendit, atque multis incommodis & periculis sensim inferendis par est. Facile enim adfectus rheumatico - arthritici, catarrhales, angustię pręcordiorum, palpitationes cordis, asthmata, suffocationes, apoplexię succedunt.
10. Ipse *Hippocrates* passim adnotauit, quod in hoc *athletico* corporis habitu, tamquam summo sanitatis gradu, diu subsistere

re non possumus, & eiusmodi subiecta repente communi-
ter moriantur.

- II. *Feminas* ordinarie facit *steriles*; & si omnino conceperint,
abortum non raro experiuntur.

VII. METHODVS MEDENDI ET REMEDIA.

- I. Plethoram *simplicem* imminuunt duo remedia satis effica-
cia, nempe

1) *cibus* parcior, &

2) *motus corporis* sufficiens, placidus & continuus.

2. Hæc duo autem remedia efficacissima, imo fere vnica, quia
a multis plethoricis repudiantur, Medicus *duo alia*, sed
minus efficacia, substituere cogitur, nempe

a) *laxationes* leniores, singulis fere mensibus, exceptis
calidis & frigidis, repetendas. Noti sunt hoc no-
mine *noduli laxantes* cum *elleboro nigro* combinati.
Sed quam parum possint, experientia docet.

b) *Venæ sectiones æquinociales*, luna decrescente, apud
iuniores in brachio, prouectiore autem ætate in pe-
de instituendas. De plethora prægnantium, venæ
sectione subleuanda, *videatur tabula de affectibus*
gravidarum.

3. Plethora *commora* exposcit

a) *Orgasum sanguinis* temperantia, quo nomine egre-
gie conducunt nitr. depurat. ocul. cancr. acido citri
saturat. conch. præparat. &c.

b) *Hæmorrhagiarum naturalium suppressarum*, præci-
pue autem mensium & hæmorrhoidum ratio habeat-
ur. His enim reuocatis, artificiales sæpissime pos-
sunt omitti.

4. Plethora cum *spissitudine* sanguinis & *cacochymia* complica-
ta, quomodo tractanda sit, sequentes duæ tabulæ doce-
bunt.

5. De *obesitate nimia* tractanda sub *cautelis* pauca dicemus.

VIII. CAUTELAE ET OBSERVATIONES PRACTICAE.

- I. Quod plethora detur, atque corpori detrimento veniat,
ipse iam *Hippocrates* obseruauit, dicens libr. de sanitate
tuenda: *sanguis quum abundat, valetudinem vitiat*. Et sa-

ne tam rationes solidæ a priori, quam experientia præctica a posteriori faciunt, vt flaccescant flosculi illi rhetorici, quos *Helmontius* & ipsius affectu de *thesauro & balsamo vitæ*, cuius non possit dari excessus, in medium proferunt.

2. *Venæ sectiones & scarificationes*, quam salutariter plethoricis eueniunt, si legitimo tempore & iusta ratione instituuntur, tam notabilia damna iisdem succedunt, quando immature & peruerse administrantur. Hinc cauendum

a) ab insufficiente sanguinis emissionem, quia facile ad affectus spastico-arthritici, erysipelacei, febres acutæ & inflammatoriæ proueniunt.

b) ab immatura venæ sectionis institutione. Quando enim eo tempore suscipitur, quo variæ sanguinis commotiones a quibuscunque causis inductæ sunt, sæpissime morbi, inprimis acuti, siue inducuntur, siue augentur. Præstat igitur ebullitionem sanguinis per nitr. & temperantia prius placare, vel decursum præsentis morbi expectare. Sic etiam minus conducit venæ sectio circa solstitia.

3. *Venæ sectio* omnibus in genere hominibus, vtrique sexui, & cuius ætati conuenit, exceptis fere admodum iunioribus. *Plura videantur tabula chirurgica de Venæ sectione.*

4. *Scarificatio* minoris est efficaciz, & non nisi in subiectis spongiosis, in affectibus intercutaneis, item per paroxysmos repullulantibus laudatur, sub hac autem cautela, vt frequentius, ad minimum singulis anni quadrantibus, repetatur. *Conferatur tabula chirurgica de scarificatione.*

5. Quando incommoda plethoræ, per euacuationes sanguinis artificiales, sublata sunt, & patiens ad plenariam restitutionem peruenit, caueat sibi, ne temere easdem prætermittat, quia certius inde damnum subsequitur.

6. *Plethora commota* quia graua damna producere potest, vti sub *prognosi* indicauimus, quam maxime caueat sibi patiens ab omnibus remediis calidis & orgasmum sanguinis inducentibus; cuius census sunt alexipharmaca calida, cum primis sub regimine coacto propinata, olea destil-

lata, purgationes vehementes, emeses, diætā spirituosā & aromatica, balnea & pediluia nimium feruida, & motus corporis repentinus ac violentus.

7. Plethoræ euacuatio per interna medicamenta directe & immediate fieri non potest, sed vel agitando & mobilem reddendo sanguinem, vel naturam ad excretionem stimulando, efficaciam suam edunt; unde *Paracelsi* adsertum de *belleboro* & *chamaedri*, quod scilicet *tantum* sanguinis e corpore expurgent, *quanto pondere* propinata fuerint, cum grano salis accipiendum est.
8. Non imminuta prius sanguinis *quantitate*, nemo in animum inducat, *qualitatem* cacochymicam corrigere.
9. Incommoda plethoræ, quando infimas corporis partes infestant, venæ sectio in brachio instituatur, si vero superiores partes obsident, in pede administranda est. Non vrgentibus autem incommodis, ad ætatem respicitur. *Vid. tabul. chirurgica de venæ sectione.*
10. *Nimia obesitas* vti totam vitam satis molestam reddit, ita & in Medicis multas deliberationes excitauit, qua fieri posset ratione, vt eiusmodi subiecta ab hoc onere liberarentur.
11. Sed si dicendum quod res est & experientia docet, irrita & manca sunt consilia plurimorum. Secundum enim *veteres* *hepar calidum* temperare vel secundum *recentiores* illud *fermentum* aut *sal* subigere & corrigere, quod lympham pinguem coagulat, id vanis speculationibus superstructum est.
12. Immo, ne illa quidem methodus, quæ sanis rationibus innitur, hic sufficit. Licet enim blandæ laxationes & venæ sectiones æquinoctiales instituuntur, excretiones naturales promoueantur, & diætā tenuissima imponatur, hæc tamen omnia obesitati nihil detrahunt.
13. Multo minus operæ faciunt pretium illa remedia, quæ *specificā* passim celebrantur, e. g. piper, sal absinthii, succus citri, acetum squilliticum, decoctum ligni sancti, masticatio foliorum tabaci, & quæ alia auxilia vulgo laudantur.
14. Per *saluationem*, fortissima *purgantia*, frequentes *sudationes* &

& alia impetuoſa remedia corpulentiam nimiam remouere, temerarium & periculoſum eſt tentamen.

15. Exiguum etiam emolumentum adferunt *chirurgica præſidia*, videlicet veſicatoria, fonticuli, puncturæ cum acubus, vt pinguedo effluere debeat.
16. Moderatus vſus *thermarum* & *acidularum* ſalutaris quidem ſubinde obſeruatur, ita vt corpulentia quid detrahat & in ſpecie ſterilitatem in obeliſ feminis auferat, breui tamen poſt priſtinum pondus refarcitur.
17. Sic & *febres acutæ* atque *intermittentes* auferunt quidem ſæpius obeliſtatem ad ſummam vſque corporis extenuationem, non raro autem id, quod conſumtum eſt, mox recuperatur.
18. Hinc niſi vita otioſa & ſedentaria in laborioſam eamque *ſufficientem* per prudentes ſucceſſus & gradus mutetur, reliqua omnia erunt manca & inepta. In laborioſis enim, quamquam habitus corporis pinguis nonnumquam reperitur, ad exceſſiuam tamen corpulentiam non extenditur.

TABVLA III.

DE

SPISSITVDINE SANGVINIS.

I. DEFINITIO.

Spiffitudo ſanguinis eſt *conſiſtentia* humorum iuſto craſſior, a plethora & motuum defectu originem ducens, variis morbis occaſionem præbens.

II. DIFFERENTIA.

1. Spiffefcentia eſt

- 1) vel *ſimplex*, quæ a dyſcrasia humorum adhuc libera eſt.
- 2) vel *complicata*, quæ variis ſpecialibus inquinamentis & ſpiffitudinibus humorum coniuncta, & quaſi qualificata eſt.

est. Eiusmodi specificæ spissitudines occurrunt v. g. in scorbuto, lue venerea, item in febribus quibusdam malignis.

2. Hoc loco de *simplice* tantum spissescencia, aliis autem in locis de *complicata* dicemus.
3. Ceterum distinguunt etiam inter spissescenciam *generalem*, vniuersam sanguinis massam occupantem, & *specialem*, in certa corporis regione, vel in certis visceribus obleruandam.

III. SIGNA.

1. Lassitudo & grauitas totius corporis, præcipue autem artuum.
2. Animus torpidus & anxius. Schweres Blut, schwerer Muth.
3. Frequentes pulsus & motus tonici alterationes,
4. Vnde caloris & coloris vicissitudines dependent, & habitus corporis modo strictior, modo laxior adparet.
5. Respirationis difficultas cum angustia præcordiorum, & cordis palpitatione.
6. Excretionum naturalium omnium qualiscunque retardatio.
7. Somnus inquietus & anxius cum insomniis terrificis.
8. Sanguis per venæ sectionem, vel alio modo emissus, est nigricans, & nexu suo firmiter cohæret, ita vt serosa portio cito & facile non secedat.

IV. SVBIECTA.

Spissitudini sanguinis præcipue obnoxii sunt

1. Melancholici, vel sanguineo-melancholici.
2. Populi septentrionales præ meridionalibus.
3. Seniores præ iunioribus.
4. Feminæ præ viris.
5. Præcipue sedentarii, otiosi, litterati.

V. CAUSSÆ.

1. Origo spissitudinis humorum a *motus circulatorii segnitie* dependet: sanguis enim floridus & optimus segni quiete spissescit, & longa mora concrescit.
2. Motus autem circulatorii segnitie quam maxime & primario dependet

- 1) a *plethora*, quæ mole sua proportionem & vim motuum superat, & vasa nimium replet.
- 2) a *motus voluntarii neglectu*, præcipue quando natura simul per profundas meditationes & speculationes ab actionibus vitalibus auocatur.
3. Hæ causæ primariæ quando adsunt, reliquæ, quas iam indicabimus, iniuriam facile vltiorem inferre possunt. Absentibus autem illis, parum iuris habent
 - 1) Refrigerationes immodestæ.
 - 2) Diæta crassa, acida, potus parcior.
 - 3) Animi moerores.
4. *Venena & philtora* repentino & violento quasi modo sanguinem inspissant, eoque ipso periculosos imo lethales adfectus inducunt.

VI. PROGNOSIS.

1. Spissitudo sanguinis non tantum fonticos morbos producit, sed & alios aliis ex causis natos, pertinaciter sustentat.
2. Ordinarie morbos chronicos parturit, rarius acutos, rarissime repente funestos, nisi quidem ex veneno, philtoris & aliis repentinis causis inducta sit.
3. *Venam portæ* spissitudo præ aliis adficit, & vniuersum apparatus mali hypochondriaco-hysterici causatur. Quo maiora itaque incrementa sumit spissitudo, eo grauiora quoque per eandem pathemata producuntur.
4. Et quoniam talis inueterata spissitudo tam internas, quam externas corporis regiones occupat, paucis diebus non potest auferri; id quod contratumultuariam & impetuosam methodum in adfectibus melancholicis & aliis probe obseruandum est.
5. Spissitudo vti a motus segnitie primum dependet, ita liberum circulum reciproce magis magisque impedit. Vnde adfectus oppletorii, inflatorii, distensorii, stagnatorii inducuntur, atque debitæ secretiones & excretiones turbantur, ita vt spissitudo *simplex* in *complicatam*, id est, *cachymiam* tandem deoluatur.
6. Et quem ad modum plethora rarius per se, sed per spissitudinem demum in morbidum statum transmigrat, ita econtra spissitudo in serosos humores eminentius & quasi seorsim

orsim se extendit, & sine plethora peculiare morbos generat.

7. Et hæc sunt communissima pathemata, quæ a spissitudine tamquam causa *materiali* producuntur. Præter autem ea est simul causa *impulsiva propter quam* varii motus vitales *extraordinarii spastici* a natura suscipiuntur, ut ulteriores noxæ, nempe actuales stases & corruptiones, præscindantur.
8. Ab his spasticis resistentiis dependet, quod actuales *obstructiones*, quæ ex causis physicis in vasis exilissimis frequentes esse deberent, multo rariores sint, quam vulgo venditantur.

VII. METHODVS MEDENDI ET REMEDIA.

1. *Aluus* per moderatissima laxantia, diluentia, salina, aperiat, & aperta feruetur.
2. *Plethora* per venæ sectiones, vel etiam in succulentis per scarificationes imminuatur. Quantitatis enim remotione non præmissa, frustranea erunt omnia resoluentia & attenuantia.
3. *Euacuationes sanguinis* naturales suppressæ reuocentur, & in specie hæmorrhoides in viris per iustam hirudinum applicationem respiciantur.
4. Præmissis euacuantibus *corrigentia*, nempe diluentia & resoluentia temperata ex radicibus & herbis in forma infusi vel decocti subiungantur.
5. *Dieta* humectans, parum edendo & multum bibendo, coniungatur: calida aromata & spirituosæ excludantur, vinum, modice sumtum, in usum trahatur ab iis, quorum circumstantiæ sumtus tales tolerant.
6. Præcipue autem *motus corporis* placidus & sufficiens eligatur. Hoc enim neglecto, reliqua omnia vel nihil vel parum efficient.

VIII. CAVELAE ET OBSERVATIONES PRACTICAE.

1. Est quidem *motus corporis* præstantissimum & tantum non vnicum spissitudinis corrigendæ remedium, notandum autem quam maxime, quod subiecta, hoc adfectu laborantia, quia labori non adsueta sunt, plus sub initium incommodi, quam leua-

leuaminis de hoc remedio obseruent, atque eam ob causam illud mature omittant. Hinc quouis modo cauendum, ne motus corporis impetuose, fortiter & nimis diu primis temporibus suscipiatur, & damna illa, quæ a plethora commota proueniunt, inducantur: Moderate potius & constanter omnia sunt peragenda.

2. Sic & omnia remedia pharmaceutica, quæ *impetuose* agunt, plus damni, quam emolumenti adferunt, e.g. emetica, purgantia fortiora; diaphoretica calida cum regimine coacto, volatilia, spirituosæ, oleosæ & reliquæ, quæ sanguinem exagitant.
3. Euitetur error ille crassissimus & vulgatissimus, qui spasmos illos, quibus natura stases crassorum humorum impedire adlaborat, per *anodyna opiata* tractare solet.
4. Non minus euitentur *martialia*. Vis enim aperiens & resoluens, quæ vulgo illis tribuitur, cum multa discretione accipienda est.
5. *Thermarum & acidularum* circumspectus vsus hic non reii-citur, si modo reliqua paria sint, & præcipue sufficiens corporis motus coniungatur.
6. Minoris efficacix sunt *balnea*, tepide adhibita, quibus humores copiosius ad peripheriam inuitantur, & fluiditatem quamcunque ibidem nanciscuntur.
7. *Chirurgia infusoria*, quæ vniquam sanguini spisso caco-chymico emittendo, & nobiliori infundendo destinabatur, hodie exoleuit. Neque etiam facile locum inuenit, quia talia subiecta communiter valde sunt sensibilia. *Conf. Tabul. Chirurgica de transfusione sanguinis.*

TABVLA IV.

DE

CACOCHYMIA.

I. DEFINITIO.

Cacochymia est deprauatio *crasceos* in massa sanguinea, varias humorum inuolutiones inuoluens, atque a suppressione debitarum se- & excretionum communissimam originem ducens. Deriuatur a κακός, malus, & χυμός, succus.

II. DIFFERENTIA.

1. *Cacochymia*, strictiore quidem significatione, *mixtionem humorum* inuoluit, videlicet quando impuritates salinæ, biliosæ, acidæ, fæculentæ, mucosæ maiore quantitate cum humoribus mixtæ sunt.
2. Latiore autem sensu prauitatem etiam *consistentiæ* comprehendit, quando scilicet humores vel nimis spissi, vti in scorbuto incipiente, vel nimis tenues, vel nimis oleaginosi existunt.
3. Et quoniam partes *solidæ* successive simul infestantur, adparet inde arctum vinculum, quod *cacochymiam* & *cachexiam* connectit.
4. Distinguunt ordinarie *cacochymiam*
 - 1) in *benignam*, quæ iterum diuiditur
 - a) In *biliosam*, quæ e. g. in iëtero occurrit.
 - b) *Salsam*, quam v. g. in scabie obseruamus.
 - c) *Mucosam*, quæ in plurimis sic dictis catarrhis apud phlegmaticos obseruatur.
 - d) *Aquosam*, quam hydropici adfectus sistunt.
 - 2) In *malignam*, quæ in lepra, lue venerea obseruatur, & de qua suo loco dicemus.
5. Porro etiam distinguunt *cacochymiam*
 - 1) in *simplicem*, quæ nullo alio morbo iuncta est, raro autem occurrit.
 - 2) *Compositam*, quæ cum aliis morbis e. g. plethora, spasmis,

mis, adfectibus hypochondriaco-hysteris complicata est.
 6. Ceterum *impuritas* sanguinis, quæ in cacochymicis præsto est, differt ab actuali illius *corruptione*, vti *caussa* ab *effectu*. Eiusmodi enim deprauatio humorum sæpe excurrit in effectus vlcerosos; id quod in scorbuto, lue venerea &c. obseruamus; quorum morborum effectus corruptius ipsum malum pertinaciter postea sustentat.

III. SIGNA.

1. Quando *crasis* & *consistentia* humorum deprauata est, *organa colatoria* sensim læduntur.
2. Hinc impuritates debite neque secernuntur, neque excernuntur.
3. In specie excretionem *alui* & *sudoris* languescunt.
4. *Appetitus* est deprauatus.
5. *Somnus* turbatus.
6. *Habitus corporis* communiter est pallidus & tumidus, subinde etiam flauescens aut liuescens.
7. Quando *sanguis* quocunque modo emittitur, vitiosa illius *crasis* ipsis adeo oculis exhibetur.
8. *Vrina* est pallida, & interdum turbida.
9. *Animus* etiam est torpidus, & commotionibus facile expositus.

IV. SUBIECTA.

1. Hic eadem primum subiecta accusanda sunt, quæ *præcedente tabula* nominauimus.
2. Post hæc in specie cacochymia corripuntur, quæ cum scabiosis, leprosis, lue venerea correptis &c. intimius commercium habent.

V. CAUSSAE.

1. Cacochymiam deriuant vulgo ex intricata illa theoria *de generatione salium* in corpore nostro, & quem ad modum multas salium species supponunt, ita etiam ex quauis specie speciales morbos fingunt.
2. Ne vero in diffusum illud & confusum chaos dilabamur, in quod vulgaris pathologia tantum non omnes morbos, tamquam in suam originem resorbet, & *cacochymiam* suam *scorbuticam* vbique ebuccinat, bene hic repetenda & digne con-

consideranda sunt, quæ sub *causis præcedentis tabule* diximus.

3. Certissimum enim est, quod plurimi *qualitatum* morbi a *quantitate*, & hæc a *vita otiosa* dependeant. Atque hæc notanda sunt præcipue contra *Helmontium*, qui, negans *cacochymiam*, dicit: *si datur cacochymia, exoptat purgationem, non venæ sectionem.*
4. Confirmatur hæc res toto die. Notum enim est, quod laboriosi homines, licet diæta vtantur cruda, salina, sæculenta &c. meliorem tamen sanguinem habeant iis, qui sunt otiosi, licet cibos molles, euchylos optime nutriendos sumant, & omnia in diæta & vsu medicamentorum impendant, vt sanguinem purum accipiant.
5. Itaque dicimus, quod *lesæ proportionis motus ad humores, & humorum vice versa ad motus* palmarium fundamentum sit *cacochymia*. Sic enim impuritates sufficienter non possunt sequestrari & excerni. In specie ferum retentum inspissat lympham, atque humores salinos & biliosos in consortium suum trahit, vnde reliquani sanguinis massam, intrando hanc, conspurcat.

VI. PROGNOISIS.

1. *Cacochymia* tam frequenter quidem non occurrit, quam vulgo accusatur, vbi autem re vera adest, malum satis fonticum deprehenditur. Quem ad modum enim lentis successibus introducit, ita altas agit radices, humoribus laudabilibus intime inhæret, & ipsas partes organicas solidas successiue lædit.
2. Subitanea hinc & tumultuaria cura plus nocet, quam prodest. Hac enim ratione heterogeneitates salino-mucido-biliosæ ex vinculo massæ sanguineæ non eliminantur, quia massæ laudabili, vti dictum, tenaciter adhærent.
3. *Complicata* deterioris est conditionis, & multo longiorem exposcit curam.
4. Ceterum *Ettmullerus* dicit: *Cacochymia proles est cachexia.* Conf. quæ num. I. de partibus solidis dicta sunt,

VII. METHODVS MEDENDI ET REMEDIA.

Quid ars in abstruso hoc negotio valeat, sequentia docent.

1. Impuritates sunt *corrigen*dæ, & quidem

1) *Mucidæ* per diluentia, attenuantia, incidentia & resoluentia, vt eo melius per loca excretoria euacuari possint.

Faciunt hoc

a) *Radices* temperatæ sulphureo-resinosæ, e. g. ari, vince-tox. pimpin. alb. zingib. drac. esculent. squill.

b) *Herbæ* eiusdem commatis.

c) *Gummata* temperata: e. g. amm. galb. sagapen.

d) *Salia* media: tartarus vitriolatus, nitrum antimoniatum, arcan. duplicatum.

e) *Tincturæ* alcalinæ: e. g. antimonii, salis tartari.

2) *Salino-acres* & *biliosæ* per absorbentia, cum nitro miscenda, it. mucilaginosæ & gelatinosæ.

2. Facta correctione & præparatione *euacuatio* mox subiungenda: hac enim non subiuncta, correctio est frustranea. Nam *nullæ impuritates ita possunt corrigi, vt pro humoribus laudabilibus possint reputari.* Hinc

1) *Blandæ laxationes* corrigentibus subinde interponantur, vel *laxationes per epicrasin*, quæ vtrique scopo satisfaciunt, instituantur.

2) *Diaphoresis* & *diuresis* promoueat per superius indicatas radices, herbas &c. Efficacissime autem per placidum & sufficientem corporis motum.

3) *Hæmorrhagiæ* naturales suppressæ reuocentur e. g. menses, hæmorrhoides.

3. Denique *tonus reberetur*

1) per neruina temperata e. g. per mixturam tonico-neruinam *Stablii*.

2) - Martialis e. g. tincturam martis *Ludouici*.

3) - Dietam moderate aromaticam & vinosam.

VIII. CAUTELAE ET OBSERVATIONES PRACTICAE.

1. Communissimum & vulgatissimum desiderium est ægrotorum, vt Medicus sanguinem purum medicamentis suis reddere debeat. Sed hoc opus, hic labor, quoniam causa

principalis, nempe vita otiosa, in quam plurimis patientibus non potest remoueri. *Conf. num. 5. & 6.*

2. *Veteres* per cacochymiam subaudiebant *genericam sanguinis depravationem*, in varias speciales inquinaciones propendentem, atque hæc cacochymia tolerabili effectuum numero ab illis circumscribebatur; *recentiores* autem *cacochymiam* suam *scorbuticam* in *figuras* ac *potentias innumeras* extendunt, & *modos materiæ* ita multiplicant, vt in qualibet speciali parte certam materialem figuram quærant, cuius acumina obtundi debeant.
3. Conceptus *Hippocratis* de *mille saporibus* huic conceptui anam dedisse dicitur, sed *senex* ille magis, quam rimatores illius excusandi sunt: Monet enim prudentissime, nihil omnium horum saporum alterare corpus, nisi in suo genere plane *excellat* & *energia sua excedat*.
4. Ceterum negari non potest, quod natura satis compos sit, innumeras nouas mixtiones, quas nos ne mente quidem adsequi valeamus, formare.
5. Quoniam optimus & floridus sanguis sub motu suo circulatorio in dies & horas ita resoluitur, vt bonus esse desinat, corpori noxius euadat, & hinc impuritatem humorum augeat, necesse quoque est, vt singulis diebus & horis tale remedium ad manus sit, cuius ope hæc inquinaciones remoueantur.
6. Quis non videt, decantatas sanguinis mundificationes, quas vulgo circa æquinoclia præscribimus, hic non sufficere. Sic etiam transfusio boni sanguinis, quam olim in hunc finem laudabant, & ex vno corpore in aliud deriuabant, huic rei non satisfacit. Si enim omnino per subiectorum quorundam minorem sensibilitatem fieri posset operatio, sæpissime tamen repetenda esset, ob dictam inquinacionem, in massa sanguinea quotidie *exorientem*.
7. *Euacuatio* impuritatum plus valet, quam *correctio*, cuiusque etiam speculationi superstructa. Hæc enim, nisi euacuationem habeat subiunctam, magis auget, quam tollit cacochymiam, quia per remedia talia, quæ corrigentia audi-

audiunt, multæ terrestres, salinæ, & sulphureæ partes in corpus ingeruntur.

8. *Thermarum & acidularum* vsus, qua circumspeditione indigeat, *præcedente tabula* iam indicauimus.

9. Ceterum valent hic eædem cautelæ, quæ *præcedente tabula* indicatæ sunt.



TABVLA V.

DE

HAEMORRHAGIIS IN GENERE.

I. DEFINITIO.

Hæmorrhagia naturalis est vitale negotium naturæ, seu principii agentis in corpore humano, mediante quo sincerus sanguis, quantitate vtpurimum excedens, euacuatur, ad motum sanguinis progressuum facilitandum, & incommoda grauiæ, quæ plethora inducere valet, præcauenda. Deriuatur ab αἷμα, sanguis, & ῥήγνυμι, rumpo.

II. DIFFERENTIA.

Hæmorrhagiæ sunt vel


I. *Naturales*, quæ ab interna causâ, directione, & tacita quasi commotione, nempe ab ipsa natura, mediante congestione per motum tonicum excitantur. Hic excluduntur quidem causæ violentæ, non autem aliæ occasionales externæ. Species sunt

- 1) Hæmorrhagia narium.
- 2) Hæmoptysis.
- 3) Hæmorrhoides.
- 4) Fluxus mensium.
- 5) Fluxus lochiorum.
- 6) Vomitus cruentus.
- 7) Mictus cruentus.

2. Præ-

2. *Præternaturales*, quæ a causis externis & violentis originem sumunt, e. g. a lapsu, adlisione, vulneratione, corrosiuis. Huc etiam pertinent hæmorrhagiæ artificiales, per venæ sectionem, scarificationem, &c. inductæ.
3. Hæmorrhagiæ naturales possunt etiam dici *actiue*, & præternaturales *passiue*.
4. Naturales dicuntur, non, quod de natura & essentia hominis sint, nam multi sexus masculini per totam vitam ab hæmorrhagiis immunes viuunt, sed quod *natura* hoc remedio utatur, quando per corruptos hominum mores plethora inducta est.
5. Sunt adhuc aliæ sanguineæ excretiones, quæ extraordinariam & pertinacem agentis intentionem indicant, nempe
 - 1) Quando e. g. in *brachio* vel *pede* sanguis sponte erumpit, de qua re notabile exemplum reperitur in *dissert. Stahlî de motu tenico vitali*.
 - 2) Et notæ sunt abunde *varicum* in cruribus fluxiones.
 - 3) De mirabili quadam hæmorrhagia per *umbilicum* legi meretur *Hildanus cent. 3 obseruat. 37*.
 - 4) De *sudore sanguineo*, modo vniuersali, modo particuli, multa exempla passim leguntur, quæ singulæ ad *naturales* fluxus omni iure referendæ sunt.
6. Hæmorrhagiæ differunt ratione *ætatis* e. g.
 - a) Hæmorrhagia narium familiariter iunioribus euenit,
 - b) Hæmoptylis mediæ ætati,
 - c) Hæmorrhoides & miæctus cruentus ætati prouectiori.

Ab his per ætatem differentibus hæmorrhagiis dependent *morbi ætatum*. Vid. *Stahlî diff. de morbis ætatum*.
7. Differunt etiam ratione *indolis*, aliæ enim sunt *modicæ*, aliæ *nimix*, aliæ *boni*, aliæ *mali* moris.
8. Differunt denique ratione *temporis*.
 - a) Aliæ enim certa tempora obseruant, & hinc *periodicæ* dicuntur, ad quas etiam referri potest hæmorrhagia *critica*, in febribus continentibus contingens.
 - b) Aliæ statas periodos non obseruant, & hinc *vagæ* dicuntur,



III. SIGNA.

1. Hæmorrhagiæ *simplices*, a causis *mere internis* prouenientes, *tacite* quasi, & sine vlllo notabili sensu, impetu & incommodo ordinarie oriuntur.
2. Quando autem omnino sensus aliquis præcedit aut concurrat; est ille plerumque tantum tensius, grauatius & pressorius.
3. Quo *insignior* autem plethora adest, eo difficilius cedit negotium, & eo facilius dolores pungentes & lancinantes circa illam regionem sese exferunt, in qua excretio sanguinis intenditur.
4. Cessant autem hi dolores & reliqua incommoda, quam primum hæmorrhagiæ legitime succedunt.
5. Ceterum *moderate* hæmorrhagiæ sponte sua post sufficientem euacuationem subsistunt; quæ vero *turbantur*, multas anomalias & eruptione & progressionem & cessationem inuoluunt.

IV. SVBIECTA.

1. Hæmorrhagiæ omnibus fere ætatibus solemnes sunt, cuius tamen ætati per peculiaria loca, vti sub *differentia* indicatum est. *Conf. Hippocrates III. Sect. 27. & 29. aphor.*
2. Inprimis tamen hæmorrhagiis obnoxii sunt illi iuniores, qui sanam & floridam habent constitutionem.
3. Plethorici, indolis *agilis* & *sensibilis*, id est, temperamenti sanguineo-cholerici, sanguineo-melancholici, vel cholerico-sanguinei & melancholico-sanguinei.
4. Magis illi, qui sanguinem fluxilem, sanum & floridum habent, quam alii, qui eiusdem dyscrasia laborant.
5. Qui de aromatica & vinosâ diætâ gaudent.
6. Maxime omnium, qui vehementibus animi commotionibus, præcipue autem iracundiæ expositi sunt. Hinc
7. In brutis hæmorrhagiæ satis raro obseruantur.

V. CAUSSAE.

1. Hæmorrhagarum causa *materialis* est plethora, consentientibus plerisque antiquis.
2. *Simplex* autem plethora non exhaurit vniuersum negotium,

nam multi plethorici ab hæmorrhagiis & aliis *symbolicis* adfectibus prorsus immunes viuunt.

3. Sed *commotio* plethoræ plurimum valet ad hæmorrhagias concitandas.

4. Commouent autem plethoram, & sic ad hæmorrhagias suscipiendas naturam excitant

a) Calida, aromatica, spirituosa, fermentatiua, sanguinem rarefacientia.

b) Exagitatio corporis vehemens, & connisus fortior ad pondera tollenda.

c) Constitutio æris calida.

d) Repentina refrigeratio, corpore calente.

e) Commotiones animi insignes.

5. Causa *formalis* seu *efficiens* omnium hæmorrhagiarum naturalium est *principium agens*, quod per tales excretiones plethoram imminuere, & sic multa incommoda auertere intendit. Adfuescit etiam facile hisce excretionibus, & easdem, licet plethora absit, continuat. Huc pertinent hæmorrhagiæ ex vitio *hereditario* pullulantes.

6. Exulent itaque causæ stasium passiuarum, fermentationum, acrimoniæ, vasa arrodentis, item etiam spissitudinis, a cuius intercepto transitu venæ obstruantur & distendantur, ut dehiscere necesse habeant; quæ omnia simplicibus hæmorrhagiarum phænomenis & circumstantiis repugnant.

VI. PROGNOISIS.

1. Hæmorrhagiæ naturales secundum *intentionem agentis* consideratæ, omnes quidem salutarem finem respiciunt, ob varias autem circumstantias, præcipue ob loca periculosa, per quæ sanguis excernitur, optatum effectum non semper attingunt.

2. Hinc hæmoptysis, vomitus & mictus cruentus periculose sæpius exeunt. Interea tamen non considerandæ sunt hæmorrhagiæ ut accidens præternaturale, quod thesaurum vitæ perdat. Licet enim non nullæ hæmorrhagiæ excedant, ob hos tamen errores vniuersum negotium non possumus damnare.

3. Re-

3. Reliquæ autem hæmorrhagiæ, legitime & moderate succedentes, eximiam adferunt vtilitatem.
 - 1) Multos morbos, qui plethoram sequuntur, præcauent.
 - 2) Soluunt illos, qui ex eodem fonte originem sumserunt.
 - 3) Inprimis multa mala chronica, eaque pertinacia, auferunt, e. g. hæmorrhoides tollunt pathemata hypochondriaca, & plures alios abdominis adfectus.
 - 4) Non solum non debilitant, sed trahunt etiam post sese sensibilem corporis alacritatem.
4. Immo, licet hæmorrhagiæ copiose & impetuose succedant, non facile tamen insignis debilitatio sentitur, multo minus tam frequenter phthysici vel hydropici effectus sequuntur, vti communiter traditur.
5. Quando autem hæmorrhagiæ, vt vulgo moris est, per varia incongrua artificia, præcipue adstringentia, cohibentur, succedunt stagnationes, stases, inflammationes, febres pessimi moris, & alia fontica mala.
6. Hæmorrhagiæ, quo magis statas periodos formant, eo certius etiam moderate sese gerunt.
7. Omnes hæmorrhagiæ, quæ laborioso *naturæ* conamine & insigni *nisu* exprimuntur, illæ communiter ad *excessum* inclinant, principium enim vitale non facile a tali excretionem desistit, quæ multo labore fuit obtinenda.

VII. METHODVS MEDENDI ET REMEDIA.

1. Hæmorrhagiæ moderate, legitime & per loca conuenientia fluentes, nulla indigent medicatione.
2. Quando autem contrario modo se habent, prudenti ratione illis occurrendum est.
3. Ante omnia intentioni naturæ, quæ plethoram imminuere intendit, satis fiat
 - a) Per *venæ sectiones extra paroxysmum*, circa æquinoctia, conueniente loco instituendas.
 - b) Per *scarificationes* vel *hirudines*, pro diuersa circumstantiarum ratione administrandas.
 - c) Per *motum corporis* laboriosum, modestum, perennantem.

4. *Quantitate* sanguinis imminuta, eiusdem *qualitas* corrigatur, & quidem iterum extra paroxysmum.

a) Ad crasin sanguinis *sulphureo-acrem* corrigendam adhibeantur *nitrosa* & *absorbentia*; item etiam *emulsiva* & *lenia acida* e. g. nitr. depurat. lap. prunellæ, ocul. cancri. conchæ præparat. mater perlar. fucus citri; berberum, ribium.

b) Ad crasin sanguinis *spissam* attenuandam conducunt: *resoluentia*, *incidentia*, *attenuantia*, e. g. salia media digestiua, antiscorbutica temperata, & radices alexipharmaco - diureticiæ. Ex his & lenioribus laxantibus vinum medicatum parari, & per octo circiter dies vsurpari potest.

c) Commendetur sufficiens, dilutus potus & parcior victus.

d) Iniungantur simul cautelæ de causis occasionalibus & procatacticis euitandis, præcipue animi commotionibus.

5. *In paroxysmo* exhibeantur

a) Pulveres *orgasmi* sanguinis contemperantes e *nitrosis*, absorbentibus & cinnabarinis parati v. g.

Recip. Nitr. depurat.

Ocul. cancr. acido citri saturat. ana drachm. ij.

Cinnabar. opt. præparat. gran. XXX.

M. singulis vel binis horis exhibeatur scrupul. I.

b) His pulueribus interponatur subinde mixtura toniconeruina *Stahlii*, quæ simul effectum habet diuretico-discutientem.

Recip. Spirit. C. C.

Tinct. antimon. tartarif. ana vnc. semis.

M. dos. gtt. XXX.

c) Si his non cedit hæmorrhagia, tum vel cortex cascarillæ, vel cinnabaris larga dosi cum pulueribus temperantibus propinetur; vel *moderate sistentia*, & *sedatiuo anodyno* in vsum trahantur, dictisque pulueribus immisceantur e. g.

Recip.

Recip. Pulueris iam descripti drachm. I.

Specier. de hyacinth. gr. XVI.

MP. de Cynogloss. gr. IV.

M. D. in 4. partes, & versus noctem vna vel altera propinetur, non neglectis per diem pulueribus simpliciter temperantibus.

d) *Adstringentia* autem *fortiora* non exhibeantur, nisi summa urgente necessitate, de quibus sub *speciebus* hæmorrhagiarum plura dicentur.

e) Post paroxysmum, si ingens sanguinis quantitas euacuata est, analeptici, emulsiui & gelatinosis, non autem spirituosus, patiens reficiatur.

VIII. CAUTELÆ ET OBSERVATIONES PRACTICÆ.

1. Facilius est *hædicam* per *adstringentia* prouocare, quam hæmorrhagias per eadem sistere: nam in *parua* dosi exhibitâ, fluxum non sistunt, sed potius augment, quando autem *copiose* ingeruntur, succedunt obstructions viscerum & his confectaria, nempe stases, suppurationes &c.

2. Vt itaque error, satis communis, euitetur, sequentes regulæ, quæ errare non permittunt, de usu adstringentium obseruentur.

a) Non exhibeantur, nisi omnia prius adplicata sint, quæ superius commendauimus.

b) Quando autem casus necessitatis eorum usum efflagitare videtur, tum potissimum *externe*, raro autem, nec affatim *internæ* adhibeantur.

3. Nam absurdum & rationi contrarium est per talia remedia hæmorrhagiis occurrere velle, quæ sanguini, vasa & vias prementi, *exitum* saltem, sed non *aditum* prohibent.

4. *Adstringentia*, utpote paucis sæpius granis exhibitâ, non perueniunt ad locum *dissitum* e. g. pulmones, vterum; sed ipsi naturæ, sensu tali adstrictorio in ventriculo inducto, motum similem imprimunt, quæ deinde eundem non solum in locis periclitantibus, sed facile etiam in aliis visceribus administrat.

5. Ex *amuleticis puluis Sympatheticus Dyghæi* satis probatus est, & in *extremis* sacra ancora: Scrupulosa autem vitrioli ad

- eundem parandum electio, nullum habet vium: sufficit vitriolum bonum, leuiter contritum, diebus *canicularibus* sub solis radiis ad albedinem calcinare. Soluitur huius pulueris drachm. I. vel II. paucioribus aquæ cochlearibus, cui solutioni sanguis deinde instillatur, seu inspuitur, & sub exiguo calore, mediante spatula lignea, agitur.
6. Radix *pseudo-acori*, seu *irid. vulgaris, palustr.* in taleolos confissa, & frustulum sub lingua detentum, admodum sensibilem adstrictionem offert, & experientia satis probata est. Modo obseruetur, quod amuletica non *sub impetu* fluxus, sed statim *sub initium*, vel in *declinatione* adhibenda sint.
 7. Radix autem *nigellæ*, quam *Simon Pauli* admodum deprædicat, manu vel ore detinendam, est quidem *subadstringens*, sed sine successu ab aliis exhibita.
 8. *Bufonis exsiccati* adplicatio, quæ *Helmontii* temporibus admodum inclaruit, bene se commendat, inprimis in hæmorrhagia *uteri*, quadantenus *narium*, non æque adeo in *hæmoptysi*. Inuoluitur linteo, & ne aperiatur, sigillo munitur, atque sub axillis gestatur. Inuit aliquando, ubi adstringentia sine effectu adhibita fuerunt.
 9. *Borellus* quam maxime commendat vsum *iaspidis rubræ* amuleticum, sub axillis detinendo, de collo suspendendo, seu fronti adplicando.
 10. Vulgus in locum *iaspidis* laudat concretum illud minerale, *hæmatitem*, nec irritum semper.
 11. Sanguis patientis *testus*, contritus, & instar pulueris sternutatorii adplicatus, bonum etiam effectum edere dicitur.
 12. Hæmorrhagia, quæ per adstringentia, specifica, amuletica, sympathetica suppressa est, mox exposcit vsum *diluentium & temperantium*, ne stricturæ contumaciter continuant, atque alia damna inducant.
 13. Circa *ligaturas* partium sequentia sunt obseruanda
 - a) Fieri illæ debent in partibus *extremis* pedum & manuum.
 - b) Pars ligata non penitus opprimatur, sed maneat aliqualis sanguinis concursus.

c) Ne-

c) Neque nimis *cito* ligatura est soluenda, neque etiam nimis *diu* in illo gradu detinenda est, ne sphacelus inducatur.

14. Ex *euporistis topicis*, sed ingratis, *stercus suillum* seu *equinum* commendatur.

15. Mixturam tonico-neruinam, de sale volatili participantem, in hæmorrhagiis commendare, in quibus sanguis iam notabiliter fluxilis & exagitatus est, videtur rationi planissimæ repugnare; sed volatilia *sola* non commendantur, verum cum *alcalicis fixis* combinata, vtpote optimo effectû sæpissime confirmata.

16. *Salia* autem *volatilia*, quando *sola* & insuper largis dosibus adhibentur, in hæmorrhagiis æque ac in febribus tumores œdematosos facile relinquunt.

17. Multo segnior est efficacia remediorum in *paroxysmo*, si *extra eundem* venæ sectio non fuit administrata, & tamen sensibilis plethora concurrit.

18. Hæmorrhagiis nimis quando vires exhaustæ sunt, caueat sibi patiens a multis *lectionibus*, quia oculi quam maxime per eandem tum debilitantur.

19. Contingit, rarius tamen, vt hæmorrhagia ex *arteriolarum* cuiusdam extremitate proueniat, ac tum quidem ad excessum facilius inclinet. Et quem ad modum talis fluxus ordinariæ a causis paululum vehementibus excitatur, ita & celeriore quodam modo curam exposcit.

20. *Hæmorrhagiæ hæreditariæ* eadem quidem methodo tractantur, maiorem autem exposcunt patientiam, & regimen animi temperatissimum. Præterea recursus paroxysmi per temperantia & sedatiua mox præscindendus est, vt natura hunc euacuationis actum tandem obliuioni tradat.

21. Falsus est conceptus vulgaris, quod sanguis vel optimus vel pessimus per hæmorrhagias excernatur. Licet enim consistentia spissa & color nigricans interdum obseruetur, hæc tamen a diuturna illius mora in locis excretoriis dependent.

22. Hæmorrhagiæ *passivæ* quo modo tractandæ sint, *tabula chirurgica* LIX. docet.

TABVLA VI.

DE

HÆMORRHAGIA NARIVM.

I. DEFINITIO.

Hæmorrhagia narium est euacuatio sanguinis sinceri, modo per hoc, modo per alterum narium foramen, a natura ipsa, mediante motu tonico speciali, & eum quidem in finem suscitata, vt per illam plethora imminuatur & motus sanguinis progressius facilitetur. Deriuatur ab *ἅμα*, sanguis, & *ῥήγνμι*, rumpo.

II. DIFFERENTIA.

I. Differt hæmorrhagia narium ratione *indolis*,

a) Est enim vel *boni moris*, quæ *placide*, & proportionate adcedit, succedit, & sponte sua salutariter iterum cessat.

b) Vel est *mali moris*, quæ laborioso molimine, & impetu effero erumpit, quantitatem sanguinis vere nimiam emittit, & varia incommoda inducit.

2. Hæmorrhagia narium, quando in morbis *acutis* contingit,

1) vel est *critica*, quæ post commotiones sanguinis insignes in febribus *continentibus* exquisito temporis ambitu circa dies criticos, immo statas horas erumpit, & hoc quasi proprium habet, vt *copiose* profluat, vnde antiquum Medicorum dictærium enatum: *nullum criticum est paucum*.

2) vel est *symptomatica*, quæ extra dies criticos morbis adcedit, sed euentu non æque salutari e. g. febribus petechizantibus, variolis &c.

3. Quando autem hæmorrhagia hominibus *extra morbos* constitutis euenit, dicitur illa *chronica*, quæ vel statas periodos seruat, vel incerto tempore erumpit.

4. *Phlegmatoragia* narium, a *Salmutho* commemorata, ipso quidem nomine sub primo auditu se distinguit ab hæmorrhagia

gia narium, quoad causas tamen, nulla insignis intercedit *differentia*; sicut etiam ipsa *coryza*, quoad modum *fiendi* & *subcedendi* iisdem cum hæmorrhagia narium rationibus innitur, *Conf. tabula de coryza*.

III. SIGNA.

1. *Mitior* hæmorrhagia narium *sponte* & quasi *tacite* plerumque erumpit, & sine vlllo incommodo subcedit; idque frequentius æstiuo quam hyemali tempore.

2. *Minus* autem *talis* laboriosis vt plurimum moliminibus ante eruptionem conspicua est, nempe

1) adcedunt *congestion*es sanguinis modo versus vnum, modo alterum, modo vtrumque capitis latus, admodum *mo-
leste*.

2) *rubor* genarum.

3) *faciei inflatio*.

4) *turgescencia* vasorum in collo & temporibus.

5) *tinnitus* & sonitus aurium.

6) *Oculorum dolor* grauatiuus, cum prominentia quasi, sicci-
tate & scintillis.

7) *Capitis* vertiginosa afflictio, cum pruritu narium & sensu grauatiuo, præcipue circa nasi radicem.

8) *Insomnia* de sanguine, incendiis &c. in nonnullis præce-
dunt.

In partibus autem *oppositis* & *remotis*, a motu tonico ni-
mis aucto, proueniunt

1) *adstrictio alui*.

2) *urinae* non tantum imminutio, sed etiam tenuitas.

3) *tensiones* in hypochondrio, præcipue dextro.

4) *sudoris* suppressio.

5) *frigus* partium inferiorum.

IV. SVBIECTA.

1. Hæmorrhagia narium competit regulariter *iunioribus*, intra secundum & tertium septinarium adhuc constitutis.

2. Sexui magis *virili*, quam *feminino*.

3. Ordinarie non nisi manifestis *plethoricis*.

4. Vbi autem *hæreditaria* dispositio adest, vel *adsuetudo*, aut ex-
ternæ insolentes *commotiones*, ibi etiam extra plethoræ

insignem præsentiam euenire solet.


5. Quibus autem *post annum XXX.* & quidem sæpius contingit, illi etiam simul solent vexari *rheumaticis, arthriticis* aut *spasticis* aliis congestionibus.
6. Nonnumquam per *palindromen*, ætate iam adultiori adcidit illis subiectis, quæ iuniore ætate eidem hæmorrhagiæ obnoxia fuerunt, deinde alias vicarias euacuationes experta, ab his autem iam libera sunt.
7. Subiecta hæmorrhagiæ narium *criticæ* per se nota sunt.
8. Quod *scorbutici* hæmorrhagia narium subinde corripiantur, non est mirum, nam scorbutus natales suos plurimum debet plethoræ.

V. CAUSSAE.

1. Causa *antecedens remota* est *ætas puerilis*, huic sanguinis eruptioni præ aliis fauens.
2. Causa *proxima* est plethora & quidem commota.
3. Causæ *occasionales* sunt
 - 1) *corporis & animi* commotiones vehementes, præsertim exercitium memoriæ in pueris, it, eiulatus, lacrymæ, & sub hoc plorandi actu copiosa in nares derivata humiditas, vnde, stricto collo & pectore facies rubore perfunditur & venæ capitis inflantur.
 - 2) *adsuetudo*.
 - 3) *hereditaria dispositio*.
 - 4) *violentiæ* adlisiones, contusiones, ictus narium & corrosiua.
 - 5) *abusus vini* & aliorum spirituosorum ad inebrationem vsque, vel aromaticorum.
 - 6) *ingens feruor solis*, aut conclauium calefactorum.
 - 7) immo subinde leuissimæ causæ hic sufficiunt e. g. sternutatio, refrigeratio, capitis ad terram inclinatio, agitatio narium inter lauandum earumque levis pruritus, scalptio & fortior emunctio.

VI. PROGNOSIS.

1. Per vulgus notum est, quod hæmorrhagia narium moderate & proportionate succedens, sensibilem alacritatem adferat, & ab artuum grauitate, ante eruptionem in plethoricis communiter præsentem, liberet.



2. Quando autem hæmorrhagia narium *adsuefacta*, sub constitutione plethorica iterum cessat, vel adstringentibus peruerse tractatur, subcedunt grauitas corporis, congestiones circa caput, inflationes vasorum, oculorum rubores & dolores, ophthalmiæ, capitis tensorii, pulforii, æstuosi dolores, sensibilitas lucis liberioris impatiens. *conf. tabul. de hæmorrhagia narium suppressa.*
3. Metus ille vulgaris subsecuturæ phthiseos post largiorem in puerili ætate hæmorrhagiam narium, sæpius quidem frustraneus, interdum tamen non plane de nihilo censendus est. Si enim adcedente ætate motus hi congestorii a capite in pectus desultant, nec tempestiuus sanguinis euacuationibus natura ab hoc loco auocatur, molimina hæmoptica & tandem phthisis succedere possunt.
4. Hæmorrhagia narium *critica*, largiter profluens, febrem salutariter soluit cum vniuersali euphoria; *minore* autem quantitate succedens, criseos nomen non promeretur, & peius cedit totum negotium. Quando autem per adstringentia supprimitur, phrenitidem & vitæ periculum caussatur. *conf. tabul. de febre synocha.*
5. Hæmorrhagia narium *symptomática*, in febribus petechizantibus, variolis & aliis malignis, optimæ non est prognoseos; in variolis tamen & morbillis præcipue sub initium non æque ac in reliquis periculosa.
6. Ita adsuescunt facile hæmorrhagiæ, vt non solum a naribus per ætatum gradus ad quælibet alia sanguinis emunctoria tendant, sed etiam tanto promptius iterum ad nares recurrant, quando successus illarum in aliis viis impeditur.
7. *Habitualis* autem illa narium hæmorrhagia, quæ ætate minus congrua contingit, labem cuiusdam visceris abdominalis sæpe coniunctam habet.
8. Hypochondriacis tandem, cachecticis & hydropicis hæmorrhagia narium nihil boni præfagit, inprimis si e latere opposito stillat sanguis.
9. In *senibus* narium hæmorrhagiæ altioris sunt considerationis, quam quidem in iunioribus, præcipue quando hæ-

morrhoides suppressas excipiunt. Dum enim congestiones ad caput contingunt, fluxus autem secundum morem illius ætatis non legitime subcedit, vertigini & apoplexiæ porta aperitur.

10. *Nimia* hæmorrhagiæ narium vires admodum prosternunt, & cachexiam, hydropem, tabem, rarius autem mortem præsentaneam inferunt.

VII. METHODVS MEDENDI ET REMEDIA.

1. Quoniam spontanea hæc sanguinis eruptio sponte plerumque iterum cessare solet, absit in paroxysmo omnis medicatio, si fluxus legitime succedit, nempe

- a) Quando *moderate* fluit.
- b) sanguinem *floridum* sub satis conspicua plethora exhibet.
- c) ætati *congruæ* respondet.
- d) præcipue si iam in consuetudinem abiit, & alacritatem potius, quam virium iacturam inferre solet.

2. In *effera* autem narium hæmorrhagia, quæ nimis *copiose* profluit, ob leuissimas, non euitandas occasionales causas, *sæpius recurrit*, ætatem minus congruam occupat, & *vires* prosternit, sequente methodo incedendum est.

A. in paroxysmo.

1. Ad orgasmum sanguinis sulphureo-agilioris contemperandum, exhibeantur

- 1) Pulveres nitroso-absorbentes cinnaberati e. g. nitrum depurat. lap. prunell. mater perlar. ocul. cancr. conch. præparat.

- 2) Item acidula, emulsiva & gelatinosa v. g. tinct. flor. bellid. mixtura simplex, tinct. papau. erratic. decoct. C. C. decoct. rasur. ebur. serum lact.

2. Quod si vero in casu quodam *rebelli* temperantia non sufficerent, lenia anodyna iisdem immisceantur: vbi M. P. de cynogloss. ad gr. j. ij. pro dosi reliquis præfertur, & versus somnum cum pulvere temperante propinatur.

3. Aequalis *motus tonici* dispartitio promoueatur, inprimis sub declinatione paroxysmi.

- 1) *interne* conducunt: mixtur. tonico-neruina *Stahlîi* e sale volatili & alcali fixo parata. It. infusa ex herbis millesfol.

lefol. fanicul. plantag. pyrol. virg. aur. angust. fol. it. lenia laxantia.

2) *externe*: frictiones, signaturæ veterum, sinapismi, ligaturæ extremorum, adplicatio spirit. vini camphorati, pediluvia tepida, quæ reuellendi scopo bene se commendant.

4. *Dieta* conueniens iniungatur, nempe

1) abstinencia a cibis aromaticis & potu spirituofo.

2) euitatio æstus nimii solaris & hypocaustorum.

3) moderamen animi pathematum.

5. De *specificis & adstringentibus* in desperatis casibus, externe adhibendis, *vid. cautel. sub hæmorrhag. in genere*. Præ aliis autem in hac fluxus specie laudantur: iaspis rubra, bufo exsiccatus, puluis sympathet. dens hyppopot. rad. i-rid. vulgar. palustr. *vid. etiam subsequentes obseruat. practicæ.*

B. *Extra paroxysmum.*

Intentioni naturæ satisfaciendum

1. in *adultioribus*, per vicarias *venæ sectiones* in pede, verno & autumnali tempore instituendas, vel pro re nata, per *hirudines* ad hæmorrhoidalia loca adplicandas.

2. in *iunioribus* vero loco venæ sectionis, ad sanguinem a capite deriuandum, singulis mensibus exhibeantur *laxantia* blandiora ex rhabarb. fenna, manna, tamarind. parata; circa æquinoctia vero potest etiam infusum laxans per aliquot dies præscribi, vbi antiscorbutica temperatiora præcipue addenda sunt, quia plerumque dyscrasia sanguinis concurrit.

3. Conducunt etiam *pediluvia* alternis septimanis adhibenda.

4. Ad *æqualem distributionem* sanguinis conseruandam, mixtura tonica & essent. alexipharmaca *Stablii* subinde in vsum trahantur, & motus corporis placidus, ceu *optimum tonicum*, non negligatur.

VIII. CAUTELAE ET OBSERVATIONES PRACTICAE.

1. Quæ sub cautelis hæmorrhagiarum *in genere*, ratione adstringentium, specificorum, amuletorum, ligaturæ par-

- tium, monuimus, illa quam maxime hic in animum reuocanda & adplicanda sunt. Hinc
2. *Adstringentium internus vsus*, tanto magis abfit, quia in nulla hæmorrhagiarum specie minoris, quam in hac, est efficaciæ.
 3. *Externus* etiam vsus prius locum non habeat, quam post frustraneam præscriptæ methodi adplicationem. In tali desperato casu turunda ex alumine, vel solutio illius commendatur, subiunctis tamen discutientibus seu diaphoreticis temperatis. *Vitriolica* autem & *æru ginosa* nimis acria sunt, & ozænam caussari solent.
 4. Ligatura partium extremarum in casu tali necessitatis eadem circumspeditione suscipiatur, quæ dicto loco commendata est.
 5. *Specialis* in hac hæmorrhagiarum specie commendatur *succus millefol.* inprimis a *Borello* succus *urticæ minor.* fronti adplicandus; quem tamen alii in hæmoptysi magis laudant.
 6. *Lapis carpcionum* triangularis, sub lingua detentus, num efficaciam aliquam exhibeat, vltèrius obseruandum est.
 7. *Lintea madida* regioni *hepatis* suafu veterum imponenda, magis obsunt, quam profunt.
 8. Idem etiam sentiendum est de *ventosis* cum magna flamma eidem regioni adplicandis.
 9. Ab *opiat*is vbique abstinendum, præcipue, vbi vires iam multum exhaustæ sunt, quo in casu potius analepticis temperatis succurrendum est.
 10. Post *enormes* narium hæmorrhagias caput ab *æstu* & *frigore* nimio defendere, oculisque parcere, quam maxime commendatur.
 11. De hæmorrhagiis narium *criticis tabula de febre synocha* plura dicemus.
 12. Quando *arteriola* in summitate narium rupta & magna sanguinis quantitas iam effusa est, efficacia remedia, ob periculum, quod in mora est, mox sunt adhibenda.

TABVLA VII.

DE

SUPPRESSIONE HAEMORRHAGIAE NARIVM.

I. DIFFERENTIA.

1. Suppressio hæmorrhagiæ narium est vel *critica*, vel *non critica*.
2. *Non-critica* suppressio triplici modo considerata est
 - 1) velenim actualis narium hæmorrhagia numquam adfuit, & tamen *motus* adsunt molesti, qui eamdem respiciunt, & exprimere conantur;
 - 2) vel hæc excretio antea familiaris fuit, per datas autem occasionales causas suppressa est, & varia pathemata, infra adleganda, induxit;
 - 3) vel cessavit hic fluxus per *ætatis* rationem.
3. Hæ distinctiones vsum suum practicum in tractatione therapeutica exhibebunt.

II. SIGNA.

Hæc desumuntur a symptomatibus, quæ hanc suppressam hæmorrhagiam excipiunt. Sunt hæc

1. congestiones & restrictiones sanguinis versus *caput*, unde proueniunt
 - 1) Varii adfectus cephalalgici.
 - 2) Ophthalmia, immo cataracta.
 - 3) Otalgia & tinnitus aurium.
 - 4) Odontalgia.
 - 5) Erysipelas faciei.
 - 6) Tumores parotidum.
 - 7) Adfectus faucium inflammatorii.
 - 8) Tumores vuulæ & tonsillarum.
2. Translationes huius sanguinis ad *pectus*: hinc sequuntur
 - 1) Palpitatio cordis.

2) Asthma.

- 2) Asthmata, præcipue sicca,
- 3) Catarrhi suffocativi,
- 4) Hæmoptysis.
- 5) Phthisis.
- 6) Pleuritis & peripneumonia.
- 7) vel aliæ febres acutæ aut hæcticæ.
- 8) Diffunduntur etiam nonnumquam congestiones in *artus*, vnde adfectus rheumatico arthritici exoriuntur, præcipue in illis, in quibus hæreditaria dispositio subest.

III. SVBIECTA.

1. Hanc suppressionem facile incurrunt, quorum temperamentum antea sanguineum vel cholericum, iam in phlegmaticum aut melancholicum degeneravit.
2. Personæ, quæ diætam *vinosam* in cerevisiariam vel plane aquosam mutarunt. Dantur enim exempla, vbi hæmorrhagia narium, per aliquot annos suppressa, reuersa est, quam primum pristina diætâ vinosa iterum reassumta fuit.
3. Item quæ vitæ genus laboriosum in sedentarium permutarunt.
4. Quæ ad ætatem consistentem adcedunt, vbi partes, antea huic excretioni dicatæ, magis iam densatæ sunt, vnde natura motus hosce aliorsum dirigit.
5. In specie, quæ sequentibus causis obnoxia fiunt.

IV. CAUSSÆ.

1. Causa *interna* est
 - 1) vel *spissitudo* & *mucositas* sanguinis.
 - 2) vel non raro *orgasmus* seu expansio illius.
2. Causæ *occasionales*, quæ sanguinem reddunt *spissum* & *mucosum*, sunt
 - 1) *Tristitia* continua, quæ etiam simul naturam facit abiectam.
 - 2) *Adstringentia* & *styptica*, præmature sub ipso fluxu adhibita.
 - 3) item etiam *refrigerantia* externa, *opiatâ* &c.
 - 4) domicilia humida.

3. Caus-

3. Causæ autem, quæ *orgasum* sanguinis inducere, & hinc hæmorrhagiam impedire solent, sunt

- 1) Excandescencia animi.
- 2) vehementes corporis motiones. Huc etiam pertinet
- 3) motus sanguinis progressivus *auctior* in febribus.
- 4) abusus spirituosorum.

V. PROGNOSIS.

1. Suppressio hæmorrhagiæ narium *criticæ* facile causatur delirium, & funestos plerumque euentus, *conf. tab. de febr. synocha.*
2. Suppressio autem hæmorrhagiæ narium *non criticæ* nisi alius salutaris fluxus substituat, *turmam* pathematum, sub *signis* iam adlegatam, in conspectum producit.

VI. METHODVS MEDENDI ET REMEDIA.

1. Quæcunque subiecta hæmorrhagias narium numquam habuerunt, motus autem congestorios & dolorificos circa caput experiuntur, in illis *crasis* sanguinis respicienda est:

1) Quando sanguis nimis *serosus* est, tum blandæ *laxationes* vsui esse possunt, e.g. pilulæ *Beccheri*, per 6. circiter dies continuatæ, quibus coniungi potest essent. alexiph. *Stablii* bis per diem ad gtt. XX. XXX. propinanda.

2) Vbi autem sanguis iusto *spissior* est, ibi conducunt attenuantia, incidentia & resoluentia, cum laxantibus combinata e.g. infusum laxatiuum sequens

Recip. rad. ari.

vincetox.

pimpinell. alb. ana vnc. semis.

Herb. cent. minor.

card. benedict.

verben. ana manip. semis.

Fol. fenn. elect. vnc. semis.

Rhabarb. drachm. III.

Rad. helleb. nigr. drachm. II.

Tart. vitriolat. vnc. semis.

F


Incis.

Incis. contus. f. species, adfundatur vinum & aqua, sumatur mane, quantum sufficit ad lenem laxationem.

- 3) Si vero *orgasmus* sanguinis peccat, post lenes laxationes subiungi possunt pulveres nitroso-præcipitantes, & denique mixtura tonico-neruina *Stahl*i.
2. Quibus autem subiectis hæmorrhagiæ narium antea familiares fuerunt; in illis
 - 1) non tantum crasis sanguinis respicienda, & methodo iam indicata corrigenda est,
 - 2) sed conuenit etiam vitæ genus antecedens cum præsentem conferre, & commissos forsan in mutatione quadam errores emendare.
 - 3) Si vero fluxus hac medicatione reuocari nequit, conducit venæ sectionem substituere.
3. Vbi demum hæmorrhagia narium per *ætatis* rationes cessat, ibi venæ sectio tanto magis necessaria est, ne sanguinis restrictio versus *pectus* contingat, & periculosas ibi eruptiones moliatur.
4. *Alui obstructio*, ad quam talia subiecta inclinant, numquam toleretur, minime omnium, quando symptomata vrgent. Huic scopo dicta laxantia, & dilutiones sufficientes inferuiunt.

VII. CAUTELAE ET OBSERVATIONES PRACTICAE.

1. Altum apud plerosque pathologos est silentium de *incommodis*, e suppressione hæmorrhagiæ narium pullulantibus: hinc tanto magis in hoc negotium inquirendum est, vbi symptomata sub *signis* enarrata, in *iuniore* ætate occurrunt.
2. *Medicamenta*, quæ sanguinem euacuare in materia medica vulgo commendantur, agunt vel eundem exagitando, & mobilem reddendo, vel naturam ad excretionem stimulando; quæ vero in hæmorrhagia narium suppressa minime locum habent.
3. Annus vicesimus circiter quartus quando decessit, sollicite vigilandum est, quorsum natura motus, quos antea versus caput instituit, iam dirigere intendat, vt per tempestiuam venæ sectionem in pede periculosa congestio ad pectus possit præcaueri.



TABVLA VIII.

DE

HAEMOPTYSI.

I. DEFINITIO.

Hæmoptysis est euacuatio seu excretio sinceri sanguinis per vasa pulmonaria profundiora, a natura ipsa ope motus tonici ad plethoram imminuendam, & reliquorum humorum liberiores circulationem promouendam, suscitata. Deriuatur ab *αἷμα*, sanguis, & *πύω*, spuo.

II. DIFFERENTIA.

Hæmoptysis differt

1. a *sputo cruento*, nam in hæmoptysi *sanguis floridus* & purus e pulmonibus eiicitur, placido magis, quam violento conamine; in sputo autem cruento reiicitur *salua* cruore tincta, aut *mucus sanguineis* striis commixtus, cum multo laborioso screatu. Sputum insuper cruentum etiam aliunde ortum suum ducere potest, nempe ex infundibulo, e recessu narium ad vuulam terminante, e gingivis, aut ad summum, e summis faucibus, absque omni tamen vitio pectoris complicato. Est enim sputum cruentum communiter confectarium imperfecti moliminis, hæmorrhagiam narium respicientis.
2. a *sputo cruento peripneumonicorum* & phthysicorum, vbi successiue sanguis crassus, vel pus sanguine tinctum cum tussi eiicitur.
3. a *vomitu cruento*. Per hæmoptysin enim eiicitur sanguis *arteriosus*, rubicundus, & quidem, vti modo dictum est, conamine magis placido, quam laborioso; per vomitum vero cruentum excernitur sanguis *venosus*, plerumque crassus, nigricans, coagulatus, sub anxio vomendi conamine, & sine vlla tussi.
4. Diuidi de reliquo hæmoptysis potest
 - 1) in *periodicam* & *vagam*.
 - 2) in *spontaneam* & *violentam*.


III. SIGNA.


Hæmoptysis vti est motus naturæ *actiuus*, ita generalia duo signa, quæ hic attendi possunt, sunt *motus* & ipse *actus*.

1. Præcedunt ordinarie tonicæ extremitatum corporis stric-
turæ & occlusiones, quibus sanguis ad interiora copi-
osius restringitur. Hinc
2. Notabilis congestio & oppletio pectoris cum angustia ex-
oritur, coniuncto sensu spastico in thorace, scapulis, im-
mo & hypochondriis.
3. Præcurrit quoque interdum temulenta & grauatiua capi-
tis oppletio, primarum viarum distensio, & horripilati-
ones in extremitatibus & pectoris confiniis.
4. *Tussis* in aliis antecedit non aspera, sed *clangosa* & sonora,
parua magis, quam impetuosa, maxime omnium *sicca*.
In aliis autem *citra* vllam *tussim* sanguis erumpit.
5. Sanguis dum erumpere minatur, sensus profundioris re-
nisus in *pectore* plerumque sentitur.
6. In aliis vero, maxime qui hæmorrhagiis narium antea ad-
dicti fuerunt, *tacite* magis & tranquille cum sensu tan-
tum alicuius titillationis pruriginosæ per longitudinem
arteriæ asperæ erumpit, quasi calidum quid e pectore
in fauces scaturiret.
7. Sanguis, qui excernitur, *floridus* est & *spumofus*, cum *copia*
aliqua *notabili* conspicuus.
8. Ipsa autem *excretio* tam placide plerumque procedit, vt il-
li, qui ante eruptionem vehementi tussi corripuntur,
sub ipsa sanguinis excussione ne exiguam quidem mo-
lestiam ab illa perferant.
9. In *sputo cruento* exferit sese in *capite* sensus tensorius, op-
pressorius, grauatiuus, æstuans cum insolita siccitate, aut
molesta pressio in *fronte* & narium radice, idque præci-
pue horis matutinis, quo tempore cum secreta aliquo-
ties sanguinem sincerum, plerumque in grumis, eiiciunt,
quod tamen breui iterum cessat.

IV. SVBIECTA.

1. Hæmoptysis satis raro contingit, & quæ subiecta occupat,
sunt






sunt ordinarie *iuuenilis ætatis*, ab anno XVIII. ad XXV. rarius ad annum XXX, rarissime vsque ad annum XXXV. *confer. Hippocrat. aphorism. XXIX. sect. III.*

2. Obtingit maxime plethoricis, pleno victu, vino & liquoribus spirituosus vtentibus.
3. Qui sunt *temperamenti* cholericæ-sanguinei, magis adhuc cholericæ-melancholici, aut sanguineo-melancholici, habitus corporis gracilioris, & qui plus sanguinis in *venis* habent, quam in *poris*.
4. Sexus *femininus* num hæmoptysi magis quam virilis obnoxius sit, ambiguum est. Plura de hac re videantur *tabula de phthisi*.
5. Illi quoque, qui sub aëre denso ac crasso nati sunt & educati, postea autem in aëre subtili degunt, ac plethoram motu insolito commouent, hæmoptysi exponuntur.
6. Quam sæpe etiam iis euenit, qui clamando aut cantando pectus percellunt, vel perpetuo arctius compresso abdomine sedent, quo ipso restagnatio sanguinis ad pectus contingit.
7. Porro, qui ex agili vitæ genere in sedentarium & otiosum transierunt, hæmoptysi corripuntur.
8. Maxime omnium, quibus aliæ adfuetæ hæmorrhagiæ cessarunt, inprimis narium, tum mensium, rarius hæmorrhoidum: quo etiam pertinet venæ sectionis & scarificationis consuetæ neglectus, & ipsa denique dispositio hæreditaria.
9. Ad *sputum cruentum* quod attinet, occurrit illud tam iunioribus, quam paulo adultioribus subiectis, præsertim, quæ moliminibus & adfectibus narium hæmorrhagicis obnoxia fuerunt.

V. CAUSSAE.

1. Causa *antecedens remota* est ætas iuuenilis & temperamentum, sanguinis excretionibus præ reliquis expositum. *vid. subiecta.*
2. Causa *propior* est plethora; nam nemo alius (exceptis causis violentis) hæmoptysi corripitur, quam qui sanguine, inprimis non sufficienter diluto, ad sensum abundat.

3. *Causſa proxima* eſt vaſculi alicuius ſanguiferi diſruptio, modo in aſpera arteria, & præcipue ſuperiore eius parte, modo profundius intra bronchia contingens.
4. *Causſa efficiens* eſt principium vitale, ſanguinem mediante motu tonico copioſius ad pulmones colligens, & moliminibus qualibuſcunque ſpaſticis ibidem exprimens.
5. Ad cauſſam *formalem* etiam *conſuetudo* referri poteſt; nam natura huic eruptioni ſemel adſueta, hoſce motus congeſtorios & expreſſorios repetere ſolet, licet cauſſa materialis ſubtracta ſit.
6. *Cauſſæ externæ, occaſionales & procatareſicæ* ſunt
 - a) *Niſus enormis* in tollendis & geſtandis oneribus, præcipue in iis, qui talibus non adſueti ſunt, it. plagæ, caſus ab alto &c.
 - b) Reſpirationes vehementes in tubis, cornubus, item clamores, cantationes, cachinnus.
 - c) *Spiritus nimis contentus*, & repentino ſimul *impetu* eliuſus.
 - d) *Commotiones animi* vehementes, inprimis iracundæ.
 - e) *Corporis* exagitationes æſtuoſæ, currendo, ſaltando &c. contingentes, compotationes quoque, inebriationes & vomitiones, præcipue in minus adſuetis.
 - f) Admiſſio quoque *auræ* inquinatæ & corroſiuis fumis deprauatæ.
 - g) Vehemens *tuffis* hæmoptyſin quidem etiam cauſſari poteſt, ſed non tam frequenter, vti vulgo creditur, & vbi omnino coniuncta adparet, eſt potiffimum hæmoptyſeos effectus.
 - h) Quibus tandem nonnulli adnumerant piſcem illum venenatum, *leporem marinum*.
7. *Cauſſæ ſputi cruenti* ſunt
 - a) vel ſanguinis *ſpiſſitudo*, vel *motuum deſuetudo*, vel *erronea motuum exercitatio & adplicatio*. Huc etiam faciunt
 - b) *Varie animi* perturbationes, & errores, prægreſſas narium hæmorrhagias excipientes. Maxime vero
 - c) *Sanguinis commotiones* qualeſcunque, præſertim ex cereviſia ſaturata, vel potu ſpirituoso aut vinoſo.



VI. PROGNOSIS.

1. Hæmoptysis est adfectus maximæ considerationis, & ratione periculi, ob teneram pulmonum texturam, quæ sanguini copiosum adfluxum concedit, inter reliquas hæmorrhagias principatum tenet.
2. Hæmoptysis repente subsistens, adfectus pectoris suffocativos aut inflammatorios & febriles post se trahit, *impetuosius* vero & e profundo pectoris erumpens, aut sæpius recurrens, phthisin producit funestam. Et
3. Licet sanguis non semper tanta quantitate profundatur, ut *præsentanea mors* succedat, a remanente tamen cruore extrauafato facile *putrefactio*, pulmonum exulceratio, & phthisis oritur. Præcipue
4. Quando fortiora *adstringentia* aut *præmature repellentia* in paroxysmo adhibentur, tam *phthisis*, quam *hectica* abdominalis inducitur; phthisis quidem, a portione sanguinis per talem adstrictionem conclusa corrupta, & in ulcerationem deducta, hectica autem abdominalis ob effectum, quem adstringentia prius in *venam portæ*, quam in pulmones exferunt. Vel
5. Hæmoptysis iterum repullulat, eo ipso autem periculum non minuit.
6. Hæmoptysis *periodica*, quando tussim aut dyspnœam suspectam non relinquit, est quidem periculi minoris, eiusdem tamen, quod curam attinet, difficultatis.
7. A causis tandem *externis*, aut *vaporibus* corrosiuis orta hæmoptysis, omnium periculosissima. Item
8. Morbis *chronicis* superueniens, plerumque funesta.
9. *Sputum cruentum* actuali hac pectoris hæmorrhagia longe benignius est, & tantum periculum non inuoluit.

VII. METHODVS MEDENDI ET REMEDIA.

A. Methodus curatoria.

1. Quando eruptio sanguinis non ita magno impetu & quantitate, verum magis moderata succedit, sufficiunt plerumque medicamina *orgasmi* sanguinis temperantia; ex quibus *nitrum* cum *absorbente simplici*, interdum etiam *citrato* & *cinnabari* combinatum, omnibus palmam præripit.

2. Caus-

2. Causſa paulo magis vrgente, lene *anodynum* hiſce temperantibus addatur; vbi *M. P. de cynogloſſ.* reliquis præferatur, doſ. gr. j. vel ij. electuarius femin. hyoſc. alb. corall. rubr. & caſcarilla etiam bono cum effectu dictis temperantibus miſcentur.

3. In *effera* autem ſanguinis *profuſione*, & vbi temperantia non ſufficiunt, *aſtringentia*, vrgente ita ſumma neceſſitate, in auxilium vocanda ſunt, quibus tamen ſemper lene *anodynum* commixtum eſſe debet. Hic *crocus* ex minera martis ſolari paratus, tinctura corall. & de catechu, liquor mineræ martis, tinctura vitriol. martis, it. *crocus martis antimoniatuſ aſtringens*, qui e craſſioribus ſcoriarum partibus paratur, adhiberi poſſunt e. g.

Recip. *Croc. martis antimoniat. aſtringent* ſcrup. j.

M. P. de cynogloſſ. gr. V. M. diuid. in 5. part.

Item *pulvis ſympatheticuſ Dygbæi* præaliis hæmorrhagiis, in hæmoptyſi momentaneam efficaciam habet. *Confer. caut. tabul. de hæmorrhagiis in genere.*

Item *ſpecies de hyacintho* a gr. VI. ad VIII. cum *anodyno* conueniente & *cinnabar.* iunctæ placidiſſimam sæpe ſedationem inducunt.

Tandem e numero *ſpecificorum* paſſim laudatur ol. lini, vrtica, centinodium, & bufo exſiccatus.

4. *Reuulſio* & æqualis diſtributio ſanguinis per totum corporis habitum reſpiciatur:

a) Efficiunt hoc *diapnoica* temperata e. g. *potiuncula diapnoica*, vel, ſi nihil febrilis concurrit, doſis eſſent. *alexipharmac.*

b) *Mixtura tonica neruina* e ſalibus volat. & tinctur. alcalin. parata, effectum nonnumquam præſentaneum, cum primis paroxyſmo repullulante, exhibet. quæ proinde in caſu non adeo vrgente cum temperantibus pulueribus combinata, ſufficere ſolet.

c) *Reuellentia* etiam externa hic locum & uſum habent e. g. *ligaturæ, frictiones, ſinapiſmi* extremorum, *fotus calidi* manibus & in primis plantis pedum adplicandi.

d) *Venæ ſectio* in brachio aut pede optimum quidem reuel-
lendi

SPR

lendi effectum haberet, si confectionaria abessent, quæ sub *cautelis* indicabuntur.

5. *Alius* semper succedat, quod per præparata et tamarind. pas-
sul. minor. fenna, rhabarb. cum cremore tartar. vel per
clysteres lenientes obtinetur.

6. In *declinatione* adfectus, præcipue quando tussis vel dys-
pnœa remanet; propinentur *pectoralia abstergentia*, ad
resistantes forte grumosas in parte adfecta portiones re-
soluendas, & motum tonicum restaurandum.

a) Laudantur in hunc finem *flor. bellid. pratens. heder. ter-
restr. veronic. urtica min. scordium, salvia, chærefol. sa-
nicul. menth. faracen. &c.* in forma decocti vsurpanda.

b) Item *sanguis hirci* exsiccat, temperantibus pulueribus
admiscendus.

c) Item *lixivium* ex vnc. I. ocul. cancr. & libra vna vini para-
tum.

d) Pro scopo balsamico & consolidante vsus *myrrhæ, suc-
cini & turis* in forma electuar. non quidem reiicimus,
differentiam autem subiectorum & moderationem
summam commendamus. *vid. cautel. 10.*

7. Ad *vires* tandem refocillandas conducunt emulsiones, aut
potiones ex aquis analepticiis paratæ, maritatæ cum spe-
ciebus aut confectione de hyacintho, præsertim ex cin-
namomo; coniuncto corporis & animi regimine tran-
quillo.

8. In *sputo cruento* eadem cura locum habet, quæ *tabula de sup-
pressionē hæmorrhagiæ* narium indicata est.

B. *Methodus præservatoria.*

1. Suppressio *fluxus menstrui* vel hæmorrhoidalis, si ansam huic
malo dedit, reuocetur per prudentem methodum, suo lo-
co commendatam.

2. In specie applicatio *hirudinum* ad hæmorrhoidalia loca quam
maxime commendatur iis, qui huius fluxus *molimina* vel
ipsas excretiones vniquam habuerunt: hæmorrhoides e-
nim legitime fluentes, hæmoptysin, optime præoccu-
pant.

3. Sub his omnibus *venæ sectio in pede* circa æquinoctia non prætermittatur, nec in adfuetis *scarificatio*.
4. Ad æqualem distributionem sanguinis conseruandam *efficax est mixtura tonica polychresta Stahlii*, subinde propinata; efficacior autem *motus corporis* placidus & perennans.
5. *Laxationes* quoque moderatæ, & repetitæ nonnumquam instituantur, præcipue quamprimum congestorii motus *versus pectus* obseruantur.

VIII. CAUTELÆ ET OBSERVATIONES PRACTICÆ.

1. Quoniam natura in *hæmoptysi* ita pertinaciter plerumque se gerit, vt e leuissimis causis occasionalibus hæc sanguinis excretiones repetat, tanto magis methodum præseruatoriam Medicus sibi habeat commendatam.
2. *In tempore venire*, & fluxum repente suppressere, primum esse in hæmoptysi, testantur quidem omnes autores, *remedia* autem, quæ e penu sua in hunc finem profecerunt, maiorem communiter noxam, quam hæmoptysis ipsa, inferunt.
3. Alii enim repentinam fluxus suppressionem per *adstringentia* commendant, sed quam graua damna per illa inducant, sub *prognosi* iam indicauimus.
4. Alii *opiata* & vulgata *narcotica* promiscue adhibent, quo infelici autem effectu, experientia testatur.
5. Alii *venæ sectionem* in ipso paroxysmo, nec sine ratione, commendant, inuoluit autem hoc consilium aliquas non minimi ponderis considerationes:
 - a) In *vigore* paroxysmi, præsertim in iunioribus succulentis, sine effectu instituitur, nisi sanguis copiose educatur; quod tamen, ob multam illius iam perpeffam iacturam, difficultate minime caret.
 - b) Adfectus facile repullulat; nam natura venæ sectionem, ceu remedium ipsi exoptatum, denuo efflagitat, & *antecequentem* actum hæmoptyseos cum *subsequente* venæ sectionis sæpius connectit, id est, hæmoptysin suscitatur, sub spe secuturæ venæ sectionis.
6. Docent hæc manifestissime, quod magis sit necessarium *mo-*

tus naturæ præoccupare, quam ad *pondus & mensuram* *materiæ* corrosivæ, quæ vulgo supponitur, animum adplicare.

7. *Nitrum* in temperanda & coërcenda hæmoptysi incredibilem sæpissime efficaciam præstat, coniunctis *absorbentibus & cinnabarinis*; quoniam autem effectum non prius edit, quam post unius vel alterius horæ spatium, hinc in *effera* hæmoptysi, ubi periculum est in mora, satisfacere non potest: quare in tali casu statim *subadstringentia* cum *anodynis* e. g. *species de hyacinto & M. P. de cynogloss.* vel fortiora *adstringentia* in subsidium simul vocanda, & cum pulveribus nitroso-temperantibus coniungenda sunt.
8. Quando hæmoptysis *tussim* vel *dyspnœam* relinquit, tum iusta suspicio subest, quod portiones congruatæ remanserint. Hinc tanto magis necessarium erit, remedia illa *pectoralia abstergentia* adhibere, quæ sub *methodo in declinatione mali* commendata sunt.
9. Admodum notabile est, quod antiqui, quando hæmoptyseos mentionem faciunt, simul quoque *prognosin* phthiseos subsecuturæ adiiciant, quod *methodo* illorum adstringenti apprime quadrat.
10. Caueatur, ne sub prætextu balsamicorum, vulnus consolidantium, *myrrha* vel alia *calida & concentrata*, quæ sanguinem in maiorem orgasmum concitare possent, in hæmoptyseos paroxysmo adhibeantur.
11. Immo ne ipsæ quidem *pilulæ Stablianae*, licet lenissimæ, in usum trahendæ sunt, nisi plethora per VSnem prius immutata sit.
12. Absint tandem remedia valde *incrassantia*, communia *refrigerantia*, & tussiculosas commotiones excitantia.
13. In *dieta* absint cibi aromatici, eligantur autem molliores & analeptici, multa digestionem non indigentes. Potus quoque sit dilutus, vitanda spirituosæ.
14. Ante omnia *venus* exulet, parum patientes loquantur, & corporis atque animi tranquillitatem conferuent.
15. Conferantur *cautelæ*, quæ *tabul. de hæmorrhagiis in genere* traditæ sunt.

TABVLA IX.

DE

VOMITV CRVENTO.

I. DEFINITIO.

Vomitus cruentus est euacuatio sanguinis stricte dicti, ut plurimum grumosi, e vasis breuibus in ventriculum prius effusi, & deinde mediante vomitu, per motum ventriculi tonicum reiecti; qua via licet incongrua, principium vitale portionem sanguinis, circa venam portæ molesti, excernere, & reliquum illius cursum facilitare intendit.

II. DIFFERENTIA.

1. *Vomitus cruentus* quomodo ab *Hæmoptysi* discernendus sit, *tabula præcedente* iam indicatum est.
2. Differt vomitus cruentus *ratione caussarum*.
 - a) alius enim a caussis *internis* sponte provenit, & hic *stata tempora*, inprimis vero *menstrua* communiter seruat, vnde *periodicus* vocatur.
 - b) alius autem a caussis *externis* & *violentis* inducitur e. g. *vomitariis*, *purgantibus* fortibus, *corrosiuis*.

III. SIGNA.

1. Præcedunt *angustiae* & *anxietates* præcordiorum, cum tensionibus, & valde grauatiuis, suspiriosis pressionibus.
2. Præcipue spastica pathemata in *hypochondrio sinistro* per interualla insultant, quæ interdum cum vertigine, lipothymia & deliriis coniuncta sunt.
3. Succedit *nausea* & mox *conatus vomendi*, isque maior, quam qui simplicem vomitum respicit.
4. Tandem excutitur *verus sanguis*, ut plurimum copiosus atque congrumatus, quem nonnumquam vomibunda reiectio ciborum antecedit.
5. Tempore intercedentis quietis *sensim* in stomachum colligi sentitur sanguis, qui deinde nouis succedentibus conatibus euacuatur.

6. Quo citius sanguis ille, in ventriculum collectus, excernitur, eo clarior existit; quo diutius autem ibi moratur, eo spissior magisque nigricans, & cum frustis coagulatis euicitur: præcipue quando multæ aciditates in ventriculo contentæ sunt & sanguinem effusum per moram coagulant.

IV. SUBIECTA.

1. *Vomitus cruentus* omnium hæmorrhagiarum species est rarissima.
2. Familiarior est *sexui feminino*, quam *virili*, præcipue feminis plethoricis, quæ sunt animi actiui, temperamenti *sanguineo-cholericæ*.
3. *Puellis* iunioribus *rarius* euenit, quam illis *adultis*, quæ intra fluxus menstrui periodum adhuc constitutæ sunt.
4. Vt plurimum illis euenit, quæ fluxus mensium ataxia, aut plenaria suppressione laborant, aut quibus menses *mature* cessarunt: Præcipue
5. Quando *feminæ plethoricæ* post præmaturam mensium cessationem magnas *turbas* & impetus in *abdomine* experiuntur, vomitus cruentus non raro erumpere solet.
6. Cessantibus autem *iusto tempore* mensibus, vomitu cruento non facile mulieres corripuntur.
7. *Viri*, quando vomitu cruento corripuntur, sunt communiter *hypochondriaci*, aut illi, quibus *hæmorrhoides* emanferunt, vel suppressi fuerunt, & postea *congestionem* spasticosque adfectus, inprimis autem *dolores* prementes & pungentes in sinistro hypochondrio experti sunt.
8. Qui *venæ sectionem* in pede adfuetam intermiserunt, sæpe etiam vomitu cruento infestantur.
9. Quin & ipsæ *prægnantes* ex mensibus retentis interdum affliguntur tali vomitu, idque fere sine periculo. conf. *Et Müller*.
10. *Scorbutici* etiam vomitum cruentum nonnumquam incurere obseruantur, post multas catarrhales adfectiones iam cessantes.
11. Sic etiam, qui *febre quartana* diu laborarunt, vomitum cruentum subinde experiuntur,

12. Quibus *ulcera antiqua consolidata* fuerunt; vid. *Ettmüll.*
 13. Omnibus denique subiectis & cuius ætati, vomitus cruentus a causis violentis *externis* obtingere potest.

V. CAUSSAE.

1. Causa *materialis remota* est spissitudo sanguinis circa venam portæ, siue ab impeditis mensibus, siue hæmorrhoidibus, siue aliunde originem sumferit. Hinc vomitus cruentus a nonnullis fluxus menstruus aut hæmorrhoidalidis e ventriculo adpellatur.
2. Causa *propior* est sanguis hypochondriacus venæ portæ, speciali congestione *e ramo mesenterico* in ramum *splenicum* restrictus.
3. Causa *proxima* est disruptio aliqua in *vasis breuibus*.
4. Causa *formalis* s. *efficiens* est principium vitale, a quibuscunque causis turbatum, & in hos erroneos motus concitatum; & hic quidem iracundia, item abusus potuum spirituosorum multum contribuere solet. *conf. Forest. Libr. XVI. obser. 24. 25.* vbi notatu digna exempla occurrunt.
5. Quod causæ simpliciter *mechanicæ* non sufficiant ad hoc negotium explicandum, elucescit præcipue ex illa vomitus cruenti specie, quæ certis periodis recurrit.
6. Causæ *externæ* violentæ, procataccticæ, e. g. *vomitus vehemens* arte inductus &c. possunt quidem vomitui cruento ansam dare, præcipue in plethoricis, sed longe minorem in illum habent potentiam, quam *internæ*.
7. Ceterum quando angustia præcordiorum, vomitum cruentum comitantes, iam adsunt, facile per *motum, potum, & animi pathemata* adfectus exacerbat.

VI. PROGNOISIS.

1. Vomitus cruentus periculo non vacat, licet enim sanguis tam copiose rarius eiiciatur, vt *præsentanea mors* succedat, ab it tamen facile in *consuetudinem*, & tunc communiter *tabem* in viris, *Cachexiam* autem in *feminis* inducit.
2. Magis præsentaneum autem vitæ periculum minatur, si *ava*

καὶ κατὰ simul sanguis, & quidem floridus, reiiicitur. vid.
Forest. loc. cit.

3. Si per vomitum non omnis in ventriculum effusus sanguis
 eiaculatur, tum ibi stagnans facile abit in *putrefactionem*,
 unde talia symptomata proueniunt, quæ vix a *veneno ad-*
sumto expectanda essent.
4. In iunioribus puellis, via semel trita, facilius repullulat,
 quam in annosioribus, in quibus minor est intentio *san-*
guineæ excretionis.
5. In sexu feminino licet *breuius*, quam in virili duret vo-
 mitus cruentus; feminas tamen maiore plerumque im-
 petu, quam viros inuadit.
6. Apud feminas familiariter sponte iterum cessat, non idem
 apud viros; & in his circa *tempora æquinoctii* facile re-
 crudescit.
7. Feminis, inprimis iunioribus minus periculosus est,
 quam viris. *Ubique* tamen, quando insolescit, deterio-
 ris est consecutionis; præcipue si a causis violentis pri-
 mam originem duxerit & per malam medicationem aug-
 menta ceperit.
8. Sic enim vomitus cruentus, *copiosissima eruptione* conspicu-
 us, vel *adstringentium abusu* incongrue tractatus, cede-
 mata, hydropem, hæticam, pathemata hypochondria-
 co-hysterica, imo spastico-conuulsiva causatur.
9. Vomitus cruentus in *feminis* facilius *periodis* adsuescit,
 quam in *viris*.
10. *Periodicus* autem non ita grauiter quidem est periculo-
 sus, præcipue *mensium vicarius*, quam qui *vagus* est, vid.
Forest. l. c. libr. XVI. obl. 25. si tamen opprimitur, non
 vero simul iterum discutitur, sanguis in *liene* restagnat.
11. Hanc stagnationem sequitur *stasis*, quam excipit *inflam-*
matio lienis, corruptio denique illius sanguinis & tan-
 dem vomitus *niger*, instar *Rob sambuci*.
12. Sic in tali vomitu nigro euentus certissime est funestus, si
initium fuerit *acutum*, *lentiore progressu*, hydrops: *medio*
modo graues spasticorum moliminum exacerbationes sub-
 sequun-

sequuntur. *conf. D. D. Stahl's theor. med. de vomitu cruento.*

I. Quantum denique animi commotio iracunda ad reuocandum vomitum cruentum valeat, experientia docet.

VII. METHODVS MEDENDI ET REMEDIA.

Methodus in vomitu cruento eadem fere est, quæ in hæmoptysi, nempe

A. In paroxysmo.

Sanguis congestus & circa hypochondria stagnans, discutendus, motusque tonicus ad æqualem tenorem reducendus est.

Faciunt hoc

I. in malo leuiore

1) pulueres nitrosi, absorbentes, cinnabarini, singulis circiter hōris repetendi. Commendantur in hunc finem nitrum depuratum, conchæ præparatæ, mater perlarum, ocul. cancr. præparat. cinnabaris antimonii, quibus sal digestium addi potest, v.g. tart. vitriolat. nigrum antimoniatum.

2) His pulueribus accedat vsus *essent. millefol.* sed prouidus. *vid. cautel.*

3) Vel *essent. adianth. albi*, quæ herba euindem specificum effectum in pathematibus venæ portæ edere dicitur ac millefolium.

4) Adhibeatur etiam, vel cum dictis essentiis misceatur tinct. tonico neruina *Stahl.* e.g.

R. Spirit. C.C. rectificat.

Tinct. tart. ana drachm I.

Essent. millefol. drachm. II. M. dos. gutt. XXX.

bis per diem.

2. Quando autem necessitas yrget, & excretio sanguinis pertinaciter continuat, prædictis medicamentis sociari debent *subadstringentia* & leni *anodyna* e.g. *spec. de hyacinth.*

tinct. corall. imino corallia ipsa, & margaritæ præparatæ,

tinct. *terræ catechu*, tinct. martis aperit. *Ludovic. M. P. de cynogloss.* item puluis cort. cascarill. eiusque tinctura, croc.

antimon *Stahl's* lap. manati & dens Hippopotam. puluerifat.

3. *Renellentia* etiam externa hic in vsum trahi possunt, licet

mino.

minoris hic sint efficaciæ, e. g. ligaturæ, frictiones, sinapismi extremorum, cucurbitularum adplicationes cum multa flamma ad furas, foci calidi, plantis pedum & manibus adplicandi. Item ventosarum adplicatio, pediluvia.

4. *Alui adstrictio* impediatur per *clysteres* lenientes, salino stimulo imbutos, aut alia leniora laxantia e. g. pilul. *Stæhlii*, aut pilul. contr. obstruction.
5. *Tonus ventriculi* est roborandus, e. g. per tinct. vitriol. mart. aperit. *Ludouici*, aut tinct. martis cydoniat. vel pomat. per succum cydoniorum, aliaque acidula.
6. Ceterum in paroxysmo quiescentia mentis & corporis continentia maxime prodest.

B. Extra Paroxysmum.

1. Ante omnia lene aliquod *laxans rhabarbarinum* cessante paroxysmo statim adhibeatur, quo satis mature euacuetur, si quid sanguinis congrumati in ventriculo restiter, e. g.

Recip. rhabarb. subtiliss. pulueris. drachm. j.

Ocul. cancri præparat. drachm. ij.

M. dos. drachm. semis, post aliquot dies repetatur.

Si mauis, ordinentur vina laxantia ex rhabarbar. rad. helen. gent. rubr. rubiæ tinctior. absinth. centaur. m. card. ben. flor. bellid. &c. parata.


2. Ad recursum paroxysmi præoccupandum, *venæ sectio in pede* circa æquinoctia instituatur, nec non, ad plethoram imminuendam, *scarificationes* in subiectis iisdem adsuētis, spongiosis administrantur.
3. Mensium suppressio, si in causis fuerit, congrua methodo tollatur, nam mulieri, sanguinem vomenti menstruis erumpentibus, mali fit solutio, dicit *Hippocrates*.
4. Vel, si ab hæmorrhoidum obstructione malum originem sumserit, *hirudines* ad hæmorrhoidalia loca adplicentur: illæ enim, quando reuocantur, morbum soluunt, conf. *Ettmüller*.
5. Maxime autem attendatur, ne in reuocatione mensium aut

hæmorrhoidum *fortiora pellentia* adh ibeantur, quia tum facile cruentus ille vomitus recrudescit.

6. Denique pro *diuersitate* subiectorum & craseos humorum vitiatæ, sanguinem & lympham corrigentia adhibeantur: Prodest hic egregie *tinct. antimon. tartarifat.* item *essent. alexipharmaca Stahl.* præmissis & subiunctis conuenientibus laxantibus e. g. pilul. *Stahlii* aut *Beccheri* correct.

VIII. CAUTELAE ET OBSERVATIONES PRACTICAE.

1. *Millefolium* siue in essentia siue in infuso vsurpatum, vti in aliis adfectibus, cum vena portæ connexionem habentibus, sic etiam in vomitu cruento, specificam plane efficaciam exhibet. Est enim lenissimum adstringens. Cautus autem sit illius vsus, præcipue in viris, quia hic & alibi facile fit *nimum*.
2. Neque etiam vsus *millefolii* pariter atque *adianthi albi* locum habet, quando vomitus cruentus, consueta fluxus *menstrui periodo* contingit, aut a suppressione *hæmorrhoidum* dependet.
3. Ad *positiue* adstringentia extra *necessitatis* casum non progrediendum, præsertim quando frustra sanguinis coagulata adhuc notabiliter reiciuntur, nam sanguis in ventriculum restringitur, vt in putrefactionem abeat, & reliquus adfluens circa lienem abit in stasin, &c. & vtrunque grauissima symptomata producant. *conf. prognosis.*
4. Sunt quidem, qui e periculis, vsui adstringentium succedentibus, eluctantur, sed vix alii, quam *robusti*; quorum vegeta natura aduersus incongruum medicamen impetum facit; *sensibiles* autem spongiosi hydropem &c. macilenti hæcticam incurrunt. *conf. prognosis num. 7.*
5. *Topica* externa, quæ vomitum sistendo grumorum euacuationem impediunt, & sanguinis putredinem, imo vehementes cardialgias, aliaque incommoda inducunt, sunt fugienda.
6. *Martialia*, exceptis leniter tonicis, prorsus abesse debent, item etiam *opiata*.
7. Abstinentum quoque est a remediis sanguinem commouentibus, acerbis, vicissim etiam a refrigerantibus & crassius obuiscantibus.



8. Ante omnia caueatur a peruersa illa methodo, quæ hypochondriacis & hyftericis, de cardialgiis & aliis spasticis circa ventriculum incommotis conqueritantibus, *emetica* præscribit. Hac enim ratione vomitus cruentus non raro prouocatur.
9. Sic etiam in primo huius adfectus insultu, ad aluum expediendam *laxantia*, licet etiam sint lenissima, interne, & quidem in subiectis tenerioribus non habent locum, ob sensibilitatem enim ventriculi, vel mox reuomuntur, vel sinistras commotiones causantur, propterea *clysteres* potius vsu veniant.
10. Qui semel vomitu cruento correpti fuerunt, caueant sibi per totam vitam a vomitoriis & purgantibus drastice, præcipue *aloëticis*, quæ in omnibus sanguinis eruptionibus suspecta sunt.
11. Hæc cautela in specie obseruanda est, quando post paroxysmum menses vel hæmorrhoides reuocari debent, alias vomitus cruentus facile recrudescit: hinc placidissima saltem & lenissima sunt eligenda.
12. Quæ tabula de *hæmoptysi* sub cautelis ratione diætæ dicta sunt, etiam in vomitu cruento notari debent.
13. Sic etiam cautelæ & obseruationes, tabula de *hæmorrhagiis* in genere traditæ, hic sunt adplicanda.

TABVLA X.

DE

MICTV CRVENTO.

I. **D**EFINITIO.

Mictus cruentus est euacuatio sanguinis sinceri per vias urinarias a congestionem illius ad vasa emulgentia in renibus facta, originem sumens, & ad plethoram imminuendam,

motumque sanguinis progressuum facilitandum, ab ipsa natura, licet erronee, instituta.


II. DIFFERENTIA.

Mictus cruentus est vel

1. *simplex*, seu *spontaneus* ex renum *vasis emulgentibus* pro-
veniens, de quo valet definitio; vel est
2. *calculosus*, seu *violentus*, qui a *calculo renum* asperiore exci-
tatur. Sed longe rarior hic est, quam vulgo creditur, in-
numeri enim fuerunt *nephritici*, qui calculos grandiores
& asperos eliminarunt, sine vlllo tamen vestigio mictus
cruenti. Et si omnino ille contingit, iusta semper subest
suspicio, quod lithontripticorum vsus talem effectum
produxerit.
3. Ceterum aliæ adhuc mictus cruenti *species in histor. morbor.*
Vratislaviens. tom. I. pag. 283. indicantur quidem, e. g.
ex *hæmorrhoidibus vesicæ*, ex ipsa *vesica*, ex *varicibus*; sed
hæ specialissimæ circumstantiæ specialissimum usum pra-
cticum non suppeditant.

III. SIGNA.

1. Mictus cruentus, quo magis spontaneus est, eo certius sine
omnibus ferme incommodis, *tacite* quasi erumpere solet.
Hinc signa *imminentis* huius hæmorrhagiæ non adeo cer-
ta sunt.
2. Quando autem omnino aliqua incommoda præcedunt, sunt
illa sensationes *spasticæ* saltem *exiguæ*, quæ partim in lum-
bis, partim circa ilia & inguina, interdum circa pectinis
regionem persentiscuntur.
3. Concurrit *torpor* totius corporis.
4. *Alui* stricture.
5. Quo magis autem a *caussis*, vel a *calculo* aspero, renes læ-
dente, vel a *sanguine coagulato*, in ductu obliquo vrete-
rum iuxta vesicæ introitum distendente, vel ab aliis *vio-*
lents caussis mictus cruentus excitatur, eo certius dolo-
res sensibilissimi illum comitantur.
6. *Præsens* mictus cruentus dignoscitur, quando *sanguis flori-*
dus cum urina excernitur, & per temporis moram ad
fun-



fundum secedit, ipsa autem vrina breui post clara iterum supernatat.

7. Quando autem sanguis aliquamdiu iam iam versus hæc loca congestus fuit, tum in vreteribus ob eiusmodi temporis moram, ita coagulatus est, vt cum vrina sub forma quasi *vermiculari* excernatur.
8. Vbi autem insignis *vrinae salsedo* vel plane *exulceratio* siue in renibus, siue in vesica, siue in ipsa vrethra præsto est, ibi loco sinceræ sanguineæ admixtionis, turbulenta, ichorosa, subcruenta materia in vrina conspicitur, atque hic sanguis magis coagulatus sub *lumbricorum* forma, & calami scriptorii crassitie adparet, concurrente anxio & ardente dolore.
9. Sanguis ex *hæmorrhoidibus* nonnumquam proueniens suspicatur, si
 - a) *lapilli* antea non fuerunt excreti.
 - b) nec *vlla* vasorum *læsio* adparet.
 - c) patiens vero de hæmorrhoidum *suppressione* tempore præsentis conqueritur.
 - d) insuper mictus cruentus *certas* etiam *periodos* seruat.

IV. SVBIECTA.

1. Mictus cruentus *simplex* seu *spontaneus* est adfectus raro eueniens, & in primis familiaris est *senibus*, adhuc vegetis & plethoricis, specialissime iis, qui iuuenili ætate multis narium hæmorrhagiis laborare consueti fuerunt.
2. Quod si vero in *iuuenili* aut *virili* ætate adfectus hic obseruatur, in causis *violentis* fundamentum atque origo querenda est.
3. Quamquam vtrique sexui sine peculiari prærogatiua communis esse videatur, *virilem* tamen magis, quam femininum sexum occupare, experientia docet.

V. CAUSSAE.


1. Causa *antecedens* est plethora.
2. Causa *propior* est sanguinis hæmorrhoidalis translatio, per errorem naturæ ad renes facta. Quamprimum enim hæmorrhoides supprimuntur, sanguis ex *ischiadiciis venis* ad *emulgentes* vix duorum pollicum spatio ab illis distantes,


redundat. Sola hæc oppletio congestoria circa renes, vrinæ secretionem intercipientis, sufficiens causa mictus cruenti euadere potest.

3. Causa *proxima* est disruptio vasculi sanguinei in *renibus*, raro & non nisi a violentis causis in *vesica*.
4. Causa *formalis* est principium vitale, quibuscunque incitamentis & præfigurationibus ad hosce erroneos motus inductum.
5. Causæ *externæ, violentæ & procatarcticæ* sunt
 - 1) Abusus *diureticorum* calidorum e. g. balsam. sulphuris, olei succini, præcipue autem cantharidum.
 - 2) *Motus* corporis *succussatorius* & violentus e. g. equitatio diuturna & vehemens, lapsus vel ictus in regionem lumbarem.
 - 3) Non postremæ efficaciam est *abusus veneris* apud senes, nam conspiratio renum cum vasibus spermaticis est efficacissima.
 - 4) *Excandescencia* animi &
 - 5) *Dieta* spiritiuosa, quæ sanguinem nimis agilem reddunt.
 - 6) *Exulceratio* & *calculus* renum.
 - 7) Consuetarum sanguinis *euacuationum* siue naturalium, siue artificialium omissio.

VI. PROGNOSIS.

1. Effectus huius euacuationis nullus est utilis, quin præponderent incommoda, imo potius *pericula*.
2. Hoc enim malum, nisi maxime tempestiue iterum mitescat, & intentioni naturæ per ventilationem sanguinis satisfiat, admodum contumax est, & ad irregulares excessus inclinât; ad quam contumaciam senilis ætatis indoles, tenaciter actionibus suis insistens, multum contribuit, immo facile in consuetudinem abit.
3. Qui in mictum cruentum deuoluuntur *senes*, vix diu post ea viuunt, nisi admodum commode & libere hic fluxus ipsis succedat. Sin secus, intra paucos annos ad vitæ suæ exitum perueniunt.
4. Interdum etiam hic fluxus ingens vitæ periculum minatur, si *ex æntbematicis* morbis accedere solet.





5. In primis mictus cruentus iam iam *adsuetus*, repente tamen & *incongrue* plane cohibitus, *grauissima* inducit symptomata: sequuntur enim varii adfectus *spastici*, *tabidi*, *tumores œdematosi*, *hydropici*, *febres acutæ* inflammatoriæ viscerum.
6. Immo, sicut *hæmoptysis* immediate per adstringentia suppressa, vlcerationes in *pulmonibus* relinquit: ita a *mictu cruento*, repente cohibito, facile tales exulcerationes in *renibus* exoriuntur.
7. Et tum loco sinceri sanguinis turbulenta, subcruenta materia per urinam excernitur, quæ per temporis moram consistentia admodum tenaci ad fundum secedit.
8. Quando autem & hæc excretio *supprimitur*, præsto sunt grauiora, anxia, periculosa, lethalia pathemata.
9. Mictus cruentus, qui primum *violentus* fuit, tempore progrediente fieri potest *spontaneus*.
10. *Violentus*, a calculosa læsione dependens, in iunioribus longe securius, quam in annosis cohibetur.
11. *Hæmorrhoides vesicæ* tantum non inuoluunt periculi, quantum ab ipso mictu cruento, ex renibus aut vesica originem trahente, expectandum est.
12. Denique in hac hæmorrhagiæ specie maior sanguinis iactura citra vitæ periculum potest perferri, quam in aliis locis, in quibus vasa magis directe ad circulationem sanguinis contribuunt.

VII. METHODVS MEDENDI ET REMEDIA.

A. In paroxismo.

1. Ad *orgasum* sanguinis & nimiam illius agitationem contemperandam, propinentur: *nitrosa*, *absorbentia*, *cinnabarina*. Huc pertinet nitrum depur. mater perlar. ocul. cancr. conch. præparat. cinnabar. natua vel antimonii.
2. Hæc si non sufficiunt, *blanda adstringentia* vel interponantur, vel commisceantur pulueribus temperantibus, modo indicatis.
- 1) Hic omnibus aliis palmam præripit dulce illud adstringens nempe *vitriolum*, quod ex *minera martis Hassiaca*, mediante extractione cum aqua pluuiali & cry-

stalli-

stallificatione paratur. Soluitur in aqua, & in hac forma liquida circiter drachm. II. pro dosi propinantur.

2) Huc etiam pertinent alia mitiora adstringentia e.g. corallia, spec. de hyacintho, crocus martis aperitiuus *Zwælfperi*, croc. martis antimoniatus aperitiuus *Stahlii*.

3) Paullulum fortius subadstringunt tinct. martis aperitiv, *Ludovici*, tinct. martis solaris, tinct. terræ catechu, trochisc. de carabe, vt & tinct. opii *Langelotti*.

4) *Specifice* laudari solent: *succus urticæ*, item decoctum *equiseti*, inprimis autem *radix asparagi* in forma theæ vsurpanda.

5. *Aluus* semper aperta seruetur; cui scopo clysteres satisfaciunt, vel serum tamarindinatum, vel etiam laxans quoddam rhabarbarinum; immo etiam pilulæ *Stahlianæ*.

4. *Æstus* cum dolore ardente continuans exposcit *emulsiones* amygdalatas temperantes, vel oleum amygdalarum dulcium, cum spermate ceti remixtum.

5. *Decoctum nephriticum Foresti*, si a calculis malum dependet, locum quidem, sed effectum non adeo insignem habebit.

6. Remedia illa, quæ alias *exulcerationi pulmonum* destinata sunt, e. g. herb. heder. terrestr. alchimill. pentaphyll. fanicul. vincæperuincæ, hyperici, præ ceteris autem virga aurea *Gesneri*, item gummi mastich. iunip. & medicamenta mucilaginosæ ex lacte & cremore hordei parata, vsurpari possunt, si malum a causâ quadam *violenta* e. g. a cantharidibus originem suam traxit. *Conf. caut. 9.*

7. *Aequalis* tandem sanguinis distributio promoueat per interpositionem mixturæ tonico-neruinæ *Stahlii*.

B. *Extra paroxysmum.*

1. Post paroxysmum continentur *pulueres* temperantes, & *mixtura tonica*, ne malum recrudescat.

2. Et quam primum opportunum tempus accedit, *venæ sectio* præseruatorio-reuulsoria paullo largior in superioribus partibus, manu scilicet vel brachio, interdum etiam, quando alia non vrget necessitas, in pede instituatur, atque hæc in futurum sub prætextu senii non facile prætermittatur.

3. Præ-


3. Præter ea, quando hæmorrhoidum vel mensium obstructio huic malo ansam dedit, horum fluxuum ratio habeatur per methodum, suo loco commendatam; qua occasione applicatio *birudinum* ad hæmorrhoidalia loca in *viris* quam maxime commendatur.

VIII. CAUTELÆ ET OBSERVATIONES PRACTICÆ.

1. Si hæmorrhoides, secundum *Hippocratis* obseruationem, *nephriticis* sunt salutare, salutare etiam esse debent iis, qui *mictu cruento* laborant.
2. Tanta est conspiratio mictus cruenti & mali podagrici cum hæmorrhoidibus, præcipue *externis*, vt mictus cruentus hæmorrhoides suppressas in nonnullis mox excipere soleat; quæ obseruatio, ad adfectus hosce legitime tractandos, eximiam habet vtilitatem.
3. *Anodyna* in adfectibus *renum & lumborum* incomodum prorsus edunt effectum, nam *effluxum* supprimunt, *adfluxum* autem non intercipiunt, vnde patientes in grauia pathemata abdominis coniiciuntur, quæ prius non cessant, quam mictus cruentus cum nouo impetu erumpit.
4. In casu tamen *effero*, si omnino anodynum aliquod necessarium iudicatur, M. P. de cynoglossa reliquis præferenda, & cum pulueribus temperantibus commiscenda est.
5. In mictu cruento *pertinaci* herba *equiseti* aliquem effectum præstat, in casu autem *mitiore*, quia adstringens est, ab illa abstinendum est.
6. *Hedera* autem *terrestris* in lentiore tantum paroxýsmo locum habet, & quidem vsu successiuo.
7. *Chærefolium*, in copia adsumtum, aliquid præstat, alias iners. Pariter tamen vrgente paroxýsmo non exhibeatur, sed tantum *leniore*.
8. *Schenckius* commendat *millefolium flore albo*.
9. Porro commendantur quidem specificè *succus vrticæ minor*, recens, *virga aurea Gesneri*, *pentaphyll*. sed hæc omnia ad summam rei nihil faciunt, nisi intentioni naturæ satisfiat per sanguinis ventilationem.
10. Circumspectio opus est, ne hæmorrhagia hæc per ad-

stringentia repente supprimatur, alias *phthisis renalis* cum spasticis pathematibus inducitur, vti sub *prognosi* iam diximus.

11. *Ettmüllerus* & alii miſtum cruentum *criticum*, eumque ſalutare, obſeruarunt, quo quidem in caſu ipſa ratio diſſitat, quod talis hæmorrhagia minime omnium immediate ſiſtenda ſit.
12. Cauſſæ *occaſionales*, finita cura, admodum ſollicite euitentur, quia *leuiſſimæ* etiam hunc adfectum reuocare poſſunt, præcipue, caueatur ab iracundia, abuſu vini & veneris.
13. Præſtat *clyſteribus* aluum expeditam ſeruare, quam naturam leuiſſimis etiam ſtimulis laxantibus turbare. Hinc ipſis adeo pilulis polychreſtis poſſumus ſuperfedere.
14. *Topica*, quæ ordinarie commendantur e. g. *unguent. Comitiſſæ, infrig. Galeni* &c. formam magis, quam effectum exhibent.
15. *Balsama acriora*, e. g. Auguſtanum & alia, quæ vulgo ad conſolidandum vulnus præſcribuntur; plane reiicienda ſunt, quia orgaſmum ſanguinis iam præſentem augment, & malum exaſperant.
16. *Diæta* ſit moderata, non aromatica, nec ſpirituosa; *motus* autem corporis modeſtus.




TABVLA XI.

DE

HAEMORRHOIDIBVS INTERNIS ORDINATIS ET NIMIIS.

I. DEFINITIO.

Hæmorrhoides ſunt euacuationes ſanguinis e vasis hæmorrhoidalibus, ſiue *internis*, circa profunditatem inteſtini recti,
ſiue



siue *externis*, versus orificium illius, a natura ipsa, per motum tonico-spasticum, eum in finem instituta, vt plethora imminuatur, impeditus sanguinis circa totam venam portæ progressus ventiletur, & reliqua grauia incommoda, quæ circa illam ab huiusmodi contentionibus resultatura essent, præoccupentur. Deriuatur ab *αἷμα*, sanguis, & *ῥέω*, fluo.

II. DIFFERENTIA.

Quamquam mutua sit *conspiratio* externarum hæmorrhoidum cum ipsis internis, merito tamen a se inuicem distinguuntur: in ipso enim fluxu euidentis veritas huius conspirationis non æque se exferit, hinc hæmorrhoides sunt vel

1. *Internæ*; vbi sanguis e ramis *hæmorrhoidalibus* venæ portæ profundius in intestinum rectum effunditur; & deinde cum fæcibus aluinis eliminatur. Has iterum distinguimus in

1) *Ordinatas* seu legitime & moderate succedentes, corporis constitutioni & reliquis circumstantiis proportionatis respondentes, & sine insignibus molestiis fluentes, & in

2) *Nimias*, quæ vel nimis frequenter recurrunt, vel nimis copiose prodeunt, vel per plures hebdomades & menses, immo nonnumquam annos continuant. Vel

2. *Externæ*, quæ e ramis *iliacis* venæ cauæ originem sumunt, & circa orificium intestini recti, cum expressione scybalorum induratorum sese manifestant.

3. De internis, quæ *fluentes* etiam dicuntur, hoc loco, de externis autem *tabula sequente* agetur.

4. Distinguuntur porro hæmorrhoides in

1) *Periodicas*, quæ stata tempora, siue mēstrua, siue æquinoctialia, siue anniuersaria &c. obseruant. Sic notus est vir, qui per plures annos die cuiusuis mensis decimo octauo præcise hæmorrhoides experitur, non obstante, quod menses numero dierum impares sint. Et in

2) *Vagas*, quæ sine ordine vel rarius vel sæpius recurrunt.

5. Hæmorrhoides etiam distinguendæ sunt a copiosis illis euacuationibus sanguinis, quas Germani *Blut-Stürzun-*

gen vocant, & quæ post longos adfectus hypochondriacos sine præuia scybalorum excretionem cum impetu erumpunt, atque sine dubio e superioribus intestinis oriuntur.

III. SIGNA.

A. Imminentium.

1. Antecedunt in plurimis subiectis motus congestorii & dolores tensiui, vibratiui, magis vel minus spastici, circa loca venæ portæ connexa, nempe circa ventriculum, mesenterium, lienem, hepar & intestina, item circa hypochondria, os sacrum & lumbos.
2. Hi motus acerbiores obseruantur, quando hæmorrhoides difficilius erumpunt, & tunc patientes percipiunt sensum aliquem circa exitum intestini recti, ac si nucleus durus, vel pinea aut cornus ibi hæreat; & quo magis *introrsum* hic sensus percipitur, eo difficilius hæmorrhoides perueniunt ad eruptionem.
3. Interdum etiam admodum leniter & tacite procedunt, & cum moderato *tenesmo* exeunt. Sed talia exempla quibus hæmorrhoides sine vilo sensu molesto, aut cum mediocri saltem, perumpunt, sunt pauciora.

B. Præsentium & moderate fluentium.

1. Excretio sanguinis non obtingit spontaneo & perpetuo successu, sed expectat semper pressionem sub exoneratione alui contingentem; vbi primum *scybalata*, communiter *duriora*, eliminantur, quibus deinde *sanguis* ipse, durantibus adhuc vacuis illis conatibus egerendi, sine vilo sensu molesto, succedit.
2. In nonnullis subiectis excrementa *striis sanguineis* mixta deprehenduntur.
3. Sanguis, qui excernitur, est vt plurimum *floridus* & rubicundus, in illis nempe, quibus hæmorrhoides libere & frequenter fluunt.
4. *Spissus* autem & nigricans est sanguis, quando fluxus raro reuertitur, & impeditur succedit.
5. Quibus circumstantiis *facies* e flauo viridescens conspicua est, secundum *Foresti* obseruationem. Et

6. Cum

6. Cum *urina* crassa, sedimentum rosei coloris, nonnumquam etiam tartaream concrescientiam exhibens, excernitur.

C. *Nimiarum.*

1. Quando *tempore* peccant, & solito *maturius* in ætate minime conueniente se offerunt, intemperantis indolis deprehenduntur.

2. Quando *promte* reuertuntur, ita vt singulis fere octiduis patientes inuadant.

3. Quando *nimis diu* continuant, ita vt per aliquot hebdomades hic fluxus pertinaciter duret.

4. Quando *quantitatem* & *mensuram* tolerabilem egrediuntur, & singulis deiectionibus tam largiter prodeunt, vt patientis vires notabiliter exhauriantur.

IV. *SVBIECTA.*

1. Hæmorrhoides eueniunt quidem *sexui utrique*, cum euidente tamen masculini præ feminino, prærogatiua, quam paucis hic adlegare licet.

1) Tanta multitudo feminarum, quam virorum non obseruatur, quibus hæc excretio obtingit.

2) Neque adeo exquisitam temporis mensuram & statos atque ordinatos successus in feminis seruat, vti in viris.

3) Neque æque sæpe aut copiose in iis emicat.

4) Neque pari leuamine & certa *προφυλάξει*; dum in feminis promptior indoles est ad translationes & vaga molimina.

2. Omnibus fere sine discrimine *temperamentis*, præcipue autem sanguineo-cholerico, aut sanguineo-melancholico.

3. *Ætati* communiter *consistenti*, virili nempe & senili, immo & summæ senectuti proximæ.

4. Feminis, quæ præmaturam mensium cessationem aut partum difficilem experiuntur.

5. Qui ætate adolescentili narium hæmorrhagias, postea vero congestiones in pectore & adfectus hypochondriacos habuerunt, accedente virili ætate, si temperamentum simul conspiret, accipiunt hæmorrhoides fluentes.

6. Quando autem *iunioribus* hæmorrhoides fluunt, subest po-

tissimum hæreditaria dispositio, quæ plerumque ad excedentem fluxum in his subiectis anam præbet.

7. Hæmorrhoidum fluxum facile etiam experiuntur homines valde *plethorici*, qui per externas violentas causas plethoram suam commouerunt, vt sequentibus temporibus, data semel ad exitum porta, non solum intentior inclinatio ad hoc genus euacuationis, sed etiam continuatio & repetitio eiusdem sequatur.

V. CAUSSAE.

A. Internæ.

1. Causa *efficiens formalis* est naturæ ad exonerandum intentionem.
2. Causa *materialis* est *plethora*, & quidem insigniter commota, præcipue in temperamentis modo indicatis.
3. *Hæreditaria* dispositio, quæ non modo *certam*, sed etiam *auctam*, *præmaturam* & *abundantem* commotionem & excretionem adfert.
4. *Spissitudo* sanguinis sæpissime, rarius autem nimia *tenuitas*, contra communem sententiam, quæ tenuitatem & acrimoniam semper adcusat.
5. Causæ absolutæ non suppetunt, cur excretio sanguinis per hæc specialia loca excernatur, nisi forsan e connexionione *genitali* aliquid eliciendum sit.

B. Externæ, occasionales & procatartice.

1. Violentæ abdominis concussiones, e. g. equitatio diuturna præter consuetudinem, celerior cursitatio vsque ad sensum inflationis illius dolorificæ in sinistro hypochondrio, quæ a splene dependet.
2. Nisus fortior in partu, & incubitus vteri prægnantis in intestinum rectum.
3. Vita sedentaria, otiosa, vbi compresso sæpius abdomine motus sanguinis circa venam portæ impeditur.
4. Euacuationum sanguinis naturalium & artificialium consuetarum prætermissio.
5. Incondita remedia, per quæ ordinatus hæmorrhoidum fluxus impeditur & offenditur, vt nimius exinde oriatur.

6. Tem-

6. Tempestas calida.
7. Abusus potuum spirituosorum, aromatum, aloëticorum, helleborinorum & aliorum calidorum: vnde hæmorrhoides in Saxonia inferiore admodum familiares, ob vsum elixir. propriet. vti in Hungaria ob allii abusus.
8. Pertinaces alui obstructions a grauioribus torminibus colicis exortæ.
9. Refrigerationes diuturnæ & frequentes.
10. Animi insignes commotiones, in primis autem suppressa iracundia & terror.
11. Adfuetudo etiam in ætate his excretionibus conueniente, aut a præcedentibus ætatibus continuata, hic maioris est efficacix, quam in aliis hæmorrhagiis.
12. Infectio venerea magis ad hæmorrhoidum cœcarum causas referenda est.

VI. PROGNOSIS.

1. Hæmorrhoides in idoneis, peculiariter ad illas prædispositis, subiectis facile, ordinate & moderate fluentes, sunt beneficium naturæ, in comparatione damnorum, exinde metuendorum, si talis excretio non procedat, & *tamen interim dispositio ad eamdem maneat.*
2. Præcipue autem vniuersam scenam mali hypochondriaci claudunt.
3. *Hippocrates* iam obseruauit, quod hæmorrhoides infanti-entibus superuenientes, delirium soluant. *Aphor. 21, Sect. VI.*
4. Soluunt etiam non raro adfectus pertinaces arthriticos, nempe malum ischiadicum, gonagram, podagram.
5. *Excedentes* autem omnem illam salubritatem destruunt, quæ e iusto successu speranda esset.
6. Non facile enim illam excedendi in quantitate, prompta reuersione, & pertinaci continuatione ἀταξίαν amittunt, hinc interdum tam refractariæ sunt, vt omnem fere medicationem eludant.
7. Inter ea fluxus hæmorrhoidalis non facile tanta copia erumpit

pit, vt præsentanea vitæ iactura inde metuenda sit. Conferantur exempla notatu dignissima a *D. D. Stablio theoria medica pag. 754. seqq.* commemorata.

8. Hic ipse fluxus tamen, si nimis diu continuetur, nimis frequenter recurrat, vires prostermit, & successu temporis cachexiam inducere valet.

9. Quando autem hæmorrhoides, siue legitime siue ad excessum fluentes, supprimuntur, longe grauiora pathemata immo vitæ pericula succedunt.

10. Nempe: viscerum infarctus, scirrhi, inflammationes, colica, melancholia, mania, vomitus cruentus, catarrhi suffocatiui, apoplexia, hydrops, icterus flauus & niger, vniuersus mali hypochondriaci apparatus, asthmatica pectoris afflictio, tussis humida, & plura alia mala.

11. Transeunt etiam facile hæmorrhoides *internæ*, ita suppressæ, in motus hæmorrhoidum *externarum*.

12. Et quando etiam tales turbantur, succedit malum ischiadicum, gonagra, podagra, mictus cruentus, calculus, dysuria, tumor scroti. *Vid. tab. sequens.*

13. Motus hæmorrhoidales *transfugi & titubantes* non solum incommodi sunt, sed etiam successu temporis periculum minantur, nam nihil *constantis* per illos agitur, sed ab vno tentamine ad alterum fit transitus, inter ea vires consumuntur, & motus hosce colicos tandem *paralyses* excipiunt.

14. Quibus valde iunioribus hæmorrhoides eueniunt, iugiter etiam continuant, & vt communiter fit, minus moderate succedunt, illi raro insigne senium attingere solent. Apud tales enim communiter constantiam non seruant, sed cessant iterum, & tum trahunt post se coniuncta pathemata grauiora.

15. Contra vero, quibus iam annosioribus hæmorrhoides superueniant, moderatis etiam & ordinatis successibus progrediuntur, his familiariter longam vitam pollicentur.

16. Hæmorrhoides quando *re vera nimie* sunt, & continuo fere

fere fluunt, labes visceris alicuius in abdomine, siue scirrhusa, siue vlcerosa sit, est metuenda.

VII. METHODVS MEDENDI ET REMEDIA.

A. In motibus tantum hæmorrhoidalibus.

1. Quando hæmorrhoides numquam fluxerunt, & tamen molimina ad easdem vrgent, promotio illarum promiscue non commendatur, nam dubius semper est successus, & quando omnino fluxus obtinetur, in paucioribus tamen ad votum succedit, & tum vniuersa fontica confectaria inuoluit.
2. Vbi itaque ratione habitus corporis & temperamenti de felici hæmorrhoidum successu dubitandum est, ibi adfluxus reuellatur per venæ sectionem in brachio, & pressio circa has partes relaxetur per *tonico-discutientia*, & per infusum *millefolii* vel *adanthi albi*.
3. Vt autem intentioni naturæ omnino fatis fiat, venæ sectio circa æquinoctia repetatur, vel assiduus & continuus labor patienti imponatur.
4. Si vero hæmorrhoides aliquoties iam fluxerunt, molimina earum conueniente ratione promouenda sunt. Fit hoc commodissime
 - 1) *Interne*: per pilulas *Beccheri* polychrest per pilulas balsmicas *Stablii*, per modestum vsum elixir. propriet. per essent. hellebor. nigr. e resinoso extracto cum spiritu vini paratam.
 - 2) *Externe*: per *hirudinum* adplicationem, per tempestivam sectionem venæ *poplitis* aut *malleorum*, qua sane rebellibus & dolorificis istis pathematibus feliciter sæpe occurritur.

B. In ipso hæmorrhoidum fluxu.

1. Hæmorrhoides *legitime* fluentes non indigent medicatione, sed conueniente saltem regimine & diæta, abstrahendo a cibis flatulentis & obstruentibus, item a potu spirituoso. Alius bene succedat, exulent animi commotiones.
2. Si vero *impedite* fluunt, promoueantur eadem methodo, quæ *tab. de suppressione hæmorrhoidum* indicata est.

3. Vbi autem hæmorrhoides *re vera nimie* adfunt, & patientis vires per illas notabiliter exhauriuntur, sequente metho-
do illis commodissime succurritur:

a) *Sub ipso fluxu.*

- 1) Temperantia nitrosa & cinnabarina exhibeantur.
- 2) Quæ si non sufficere videntur, coniungatur mixtura tonico neruina *Stahlii* ad gutt. XXX. ter per diem propinanda.
- 3) Virgente autem necessitate lenia *anodyna* pulueribus temperantibus immisceantur, e. g. gr. I. M. P. de cynoglossa.
- 4) Clysteres salutariter adhibentur.
- 5) Pilulæ *Stahlianæ* & *Beccheri* genuinæ fluxum nimium, nondum adeo inueteratum, egregie moderantur.
- 6) Denique etiam hoc præstant *specificæ*, circumspccto vsu propinata, quorum facile princeps est *millefolium*, vel *adianthum album*, in decocti vel essentiæ forma adhibendum. *Vid. cautel.*

b) *Extra paroxysmum.*

- 1) Tempestiuæ venæ sectiones circa æquinoctia quam maxime commendantur, nam ab onere si natura leuata est, minore postea labore opus habet ad fluxum revocandum, hinc etiam eo citius ab hac excretionē defistit.
- 2) Exhibeantur nonnumquam *lenissima laxantia*, inprimis rhabarbarina, quæ biliosam acrimoniam abstergunt, quæque etiam, modeste adhibita, in ipso paroxysmo vsu habere possunt, tenesmus enim & nisus expressorium mitigant.

VIII. CAUTELÆ ET OBSERVATIONES PRACTICÆ.

1. Frequens est *fluxus* hæmorrhoidalis, frequentior *nisus* sine plenario successu, frequentissimus autem *motus longinquus*, seu molimina in partibus remotis, nempe splenico-colico-hypochondriaca pathemata.
2. Hinc summx considerationis negotium est, *motus* hæmorrhoidales in iis promouere, qui ad fluxum talem quoad habitum corporis minus dispositi sunt.

3. San;

3. Sanguis hæmorrhoidalis æque bonus, ac reliquus venarum, nisi quod mora quadam in vena portæ spissescat. Leges etiam circulationis talem sanguinis boni a malo selectum non concedunt, vt communiter speculationibus hoc negotium figuratur.
4. *Specifica* quando in nimio hæmorrhoidum fluxu adhibentur, cauendum est, ne quid fiat *nimis*.
5. Traditiones enim illæ, quasi temperare saltem, non vero penitus suppressere fluxum liceret, cum grano salis accipiendæ sunt, nam longe facilius plenaria & pertinax suppressio, quam moderamen eiusdem obtinetur.
6. Notum enim satis est, quid *millefolium* in sistendis hæmorrhoidibus possit; sic etiam reliqua *specifica*, e. g. dens hippopot. lap. manat. priapus ceti, citius sæpe fluxum cohibent, quam expedit.
7. Huc etiam pertinet *mus marinus*, & *Helmontii amuleticum* remedium, nempe *bufo* exsiccatus, eadem cautela adhibendus.
8. *Adstringentia* hic multo magis excludenda sunt, nam pauca quantitate proprinata, fluxum potius augent, si vero tanta copia ingeruntur, vt cohibitionem inducant, sequuntur omnia illa pathemata, quæ sub *prognosi* indicata sunt. Conf. etiam *tabula de suppressione hæmorrhoidum*.
9. *Martialium* decantatus vsus solidam vtilitatem non præstat, pleraque enim agunt *adstringendo*. Præmissis autem præmittendis, *tinct. martis Ludouici*, placide continuata, vsui esse potest.
10. Optandum sane, vt hæmorrhoides *suppressæ*, præsertim si iam *asciticum* aut *hecticum* quid successit, tam certo & cito reuocari, quam *fluentes* per talia specifica & adstringentia suppressi, possent.
11. *Acidularum* vsus numquam suadendus est, nisi spongiosis sanguineis. Insuper hoc habet incommodi, vt leuamen, si aliquod forte adferat, vix ad annum perduret, & si non repetatur, grauiora adhuc symptomata inducat.
12. *Mixtura tonico-neruina*, e sale volatili & tinctura alcalina parata, fluxum *nimium* intra paucissimum profecto tem-

poris spatium *imminuere*, immo *sedare* solet, si ter vel quater de die ad gutt. XXX - XL. exhibetur.

13. In hæmorrhoidibus longo intervallo reuertentibus, in primis si exitus sit impeditior, apud robustos & sanos *urina* crassum sedimentum rosei coloris exhibet, apud sensibiles autem, qui dolores grauatiuos & tensiuos circa lumbos & os sacrum habent, in *urinae* emissionem crassa in fundo deponuntur granula, sabuli instar, saturato tamen rufo colore conspicua, & quoniam in arthriticis adfectibus eadem granula in *urina* excernuntur, hæc observatio ad distinctionem non solum horum adfectuum inferuire, verum etiam illorum cognitionem indicare potest.
14. Quoniam intestinum *rectum* sub motibus hæmorrhoidalibus notabiliter adficitur, & intestinum *colon* de hisce motibus per consensum participat, oritur inde *colica hæmorrhoidalis*, Hippocrati *ileon hæmatides* dicta; quod adeo verum est, ut vix unquam tormina durabilia colica (præter causas externas) ulli homini eueniant, nisi quæ ad motus hæmorrhoidales tendant.
15. Idem sentiendum est de connexionione *rami splenici*, unde in motibus hæmorrhoidalibus non solum *splen* adnexum, verum etiam mediantibus vasis breuibus, ipse ventriculus simul adficitur.
16. Motibus hæmorrhoidalibus iungunt se communiter etiam *nephritici adfectus*, unde multi hæmorrhoidarii observantur simul calculosi. Et vice versa, qui nephriticis adfectibus, immo ipso calculo *renum* torquentur, ad hæmorrhoides proclives sunt.
17. Quibus hæmorrhoides *raro*, præcipue *extra* vernum & autumnale tempus accidunt, illis plerumque tumultuarie & minus ordinate succedunt.
18. *Motus* hæmorrhoidales, quo magis se exferunt in regione *hepatis, splenis, ventriculi* & superiorum intestinorum, eo pertinacius durant, finem autem excretionis sanguinis difficilius attingunt.

19. Si autem circa *mesenterium* & inferiora intestina motus obtingunt, doloribus nempe grauatiuis per longitudinem ossis sacri &c. tum maior spes est ad sanguinis eruptionem.
20. Motus hæmorrhoidales *interni* per calida diaphoretica & regimina facile in motus externos transeunt: Vnde facile adfectus *podagrici*, & in feminis *epileptici*, succedunt.
21. Pari ratione motus *externi* in *internos* transeunt: vnde palindromæ deducendæ sunt, quæ podagricis obtingunt, vt, stupefactis scilicet externis doloribus, præsentissime internas angustias, cardialgias, vomitus, phlogoses & inflammationes ventriculi incurrant.



TABVLA XII.

DE

HAEMORRHOIDIBVS EXTER-
NIS ET CAECIS,

I. DEFINITIO.

Hæmorrhoides externæ sunt motus ad fluxum hæmorrhoidalem quidem tendentes, & sanguinis abundantis depletionem respicientes, loco autem legitimæ eruptionis, quæ rariore est, cæcis solum conaminibus infarctus vasorum hæmorrhoidalium externorum circa orificium intestini recti caussantes, & modo turgescunt, modo tumorem inflammatorium inuoluentes. Deriuatur ab *αἷμα*, sanguis, & *ῥέω*, fluo.

II. DIFFERENTIA.

I. Hæmorrhoides externæ non tam pro *noua*, quam potius *anomalya* spe ie hæmorrhoidum agnoscendæ sunt, eoque ipso ab *internis* differunt

1) Ratione *vasorum*, ex quibus originem sumunt, nam in-

ternæ e vena *portæ*, externæ autem e vena *caua* pro-
veniunt. *vid. tab. de hæmorrhoid. internis.*

- 2) *Ratione mensuræ & modi excretionis*: *internæ* enim, præcipue statæ, communiter moderata sanguinis quantitate fluunt, & si turbantur, ad multam quoque profusionem excedunt; *externæ* vero, ob vasa minutiora, quantitate vix æstimanda, conspicuæ sunt, & sæpissime per vesicalem tantum protuberantiam, vel tumorem inflammatorium, rarissime autem per genuinum sanguinis stillicidium sese manifestant.
 - 3) *Ratione temporis & periodorum*: *internæ* statas magis periodos, & non raro menstruum cursum obseruant; *externæ* rariores habent periodos, & circa vernum vel autumnale tempus potissimum proueniunt, repullulant tamen promptius & plus sanguinis emittunt, quando vesicula aliquoties enata est.
2. Quamquam autem minime negari possit, hæmorrhoides cæcas interdum a motibus *internarum impeditarum* oriri, sæpissime tamen *externæ*, ob difficilem eruptionem in cæcas transeunt.
3. Sunt autem hæmorrhoides *cæcæ* aliæ *turgentes*, aliæ *tumentes*, hæ *dolentes*, illæ autem *indolentes* vocantur.
- 1) *Turgentes* referunt circa extremum ambitum orificii ani vesiculam mollem, transparentem, atro-rubente sanguine plenam, sine notabili dolore aut villo insigni sensu stipatam; nisi quod sub alui excretionem sensus quidam pressorius, quasi faba, aut pruni nucleus ibi hæreat, percipiatur, & ardor quidam per vices occurrat.
 - 2) *Tumentes* paullo profundius intra limbum delitescunt. Hinc quando sermo est de hæmorrhoidibus *cæcis*, hæ *tumentes* communiter putantur, & κατ' ἐξοχὴν *cæcæ* vel *clausæ*, *occlusæ* vocantur. Exhibent tumorem durum inflammatorium, atque hinc nihil aliud sunt, quam verus *furunculus* & propter sensibilitatem tunicæ neruæ & musculosæ intestini recti exquisitissimos dolo-

dolores ardentes, lancinantes, vellicantes & pulsationes inferunt.

4. Huc etiam a nonnullis referuntur reliquæ fungosæ protuberantiæ, & vlcerascentes excrescentiæ, quæ circa anum contingere solent. Vulgo dicuntur hæmorrhoides *nothæ* seu *spuriæ*, quæ plerumque quidem a contagio venereo oriuntur, interdum autem sine hoc, in corporibus vlcerosa serositate adfectis, vel a *turgentibus* diutius & pertinaciter continuantibus, atque in verrucosam consistentiam siccescentibus, proueniunt. Variè nominantur, nempe thymus, ficus ani, marisci, rhagades, condylomata, formicæ, verrucæ, clauī ani, sycofis, germ. Feig-Warzen, Mastförner, Zacken, Belg. Tacken.
5. Possunt tamen *venereæ* exulcerationes in hoc loco facile distinguī ab vlcerationibus *hæmorrhoidalibus*: illæ enim exhibent *crustam*, hæ autem *foramina*.
6. Referri etiam huc potest *serpigo hæmorrhoidalis*, quæ in genere *pruritus ani* dicitur. Ex hac serpiginosa efflorescentia exprimitur per interualla humiditas tenuis, limpida, mucilaginosa & flauescens, quæ sudor hæmorrhoidalis solet adpellari. *Vid. prognosis & tabula chirurgica de vlceribus serpiginosis.*
7. Variant excrescentiæ hæmorrhoidales secundum *magnitudinem*: quædam enim ad nucis auellaneæ, quædam ad iuglandis, quædam ad minoris oui molem accedunt.
8. Distinguuntur etiam ratione *figuræ*, quam sub varia protuberantiâ exhibent,
 - 1) In *morales*, quando fructus mori similitudinem *representant*.
 - 2) *Vuales*, si velut acini vuae liuidæ *supereminent*.
 - 3) *Vesicales*, quando venulæ, ambitum orificiī ani coronantes, inflatæ & insigniter *dilatatæ sunt*.
 - 4) *Verrucosas*, quando tubercula vesiculosa exsiccant, & in duriora rugosa *schemata transeunt*.

III, SIGNA.

Hæc ex illis, quæ sub *differentia* dicta sunt, desumuntur, nempe,

1. *Externæ simplices* quando omnino proueniunt, *stillicidio* magis, quam *fluxu* sese manifestant, & quidem continuo fere, extra tempus aluinæ excretionis, quam hæmorrhoides *internæ* semper expectant.
2. *Cæcæ turgentes* circa orificium ani *vesiculam* exhibent mollem, quæ per cuticulam tenuem colore sanguinis nigro-purpureo translucet & dolorem vix sensibilem infert.
3. Hæc vesicula vel sponte rumpit, vel scalpendo, propter pruritum familiarem, soluitur, vel sectione aperitur, & tum non solum sanguinem, quem continet, fundit, sed etiam plus eius suppeditare continuat, & hoc sub alui depositione, dum voluntaria pressio & connisus hanc mationem promouet.
4. *Tenesmodes* enim irritatio sæpissime cum hæmorrhoidibus externis concurrat.
5. *Cæcæ tumentes*, quæ etiam *clausæ* seu *occlusæ* vocantur, altius introrsum hærent, nec facile exitū obtinent, sed referunt tumorem *inflammatorium*, doloribus acutissimis, strictoribus, tensoriis, lancinatoriis, ardentibus, gangrænodeis constipatum, ita vt patientes non facile decumbere, sedere aut incedere queant, sed sub quolibet statu maximos cruciatus experiantur.
6. Molimina harum hæmorrhoidum *longinqua* obsident dorsum, coxendices, femora, crura, pedes, immo suas palindromas & recursus facile sumunt in organa cum vena portæ cohærentia, atque hic adparatū motuum hypochondriaco hæmorrhoidalium multis doloribus torminosis, spleneticis, hepaticis per mesenterium, & interdum per totum abdomen sæuiētibz, ostendunt.
7. *Aluus* sub his doloribus communiter est *clausa*, quæ si liberatur & exprimitur, præsentēs dolores eo magis excitat & exasperat, vt interdum patientes in lipothymiam incidunt.
8. Neque *vrinæ* excretio tam libera & prompta est, sed vel paullulum imminuitur, vel impeditæ ad modum fluit.
9. Animus sub his acutis doloribus valde angitur, vires imminun-

minuuntur, adpetitus & somnus deficiunt, & nonnumquam commotio febrilis vaga accedit.

IV. SVBIECTA.

1. Hæmorrhoides *cæcæ* vix aliud temperamentum, quam phlegmaticum, pituitosum, mucidum, aut de hoc multum participans infestant.
2. In genere quidem magis virili sexui familiares existunt, feminæ tamen ab iis non prorsus immunes sunt; *turgentes* enim non raro iis eueniunt sub vltimo gestationis tempore, præcipue si multum sedent. Item sub partus doloribus, vbi foetus in peluim grauius recumbit, aut paullo grandior est, & intestinum rectum comprimit. Vnde in puerperiis sensum ardoris circa orificium ani perferunt.
3. Obtingunt inprimis personis ætatis consistentis, nisi dispositio hæreditaria in causa sit, vt iuniores eisdem corripiantur.
4. Sæpius quoque hæmorrhoidalem fluxum parturientibus, quam iam diu eidem aduetis.

V. CAUSSAE.

1. Causa *antecedens remota* est plethora cum spissitudine sanguinis mucofo-pituitosi coniuncta.
2. Causa *propior* est restrictio sanguinis versus hæc loca, plethoræ imminutionem respiciens.
3. Causa *proxima* est infarctus & stasis sanguinis in vase aliquo hæmorrhoidali, vnde vel vesicula illa sanguine repleta, vel tumor inflammatorius inducitur.
4. Causæ *occasionales, procatarecticæ & aduentitiæ* sunt
 - 1) Immodicæ harum partium attritiones, siue ab equitatione insueta, & diu continuata, siue a pruritu, siue a nisu expressorio sub sæcum aluinarum eliminatione, siue a partu difficili proueniant.
 - 2) Infectio ab infectione in loco adhuc calido, cui insedit, qui hæmorrhoides habuit vlcerosas.
 - 3) Quod illi, qui venereis impuritatibus adfecti sunt, peculiæres interdum vlcerationes circa orificium intestini recti experiantur, id præcipue dependet a *venarum connectione*

xione. Ex vena enim *iliaco-hypogastrica* ramos accipiunt & partes genitales & intestinum rectum.

4) Abusus spirituosorum, aromatum, aloëticorum, helleborinorum & aliorum calidorum.

5) Neglectio consuetæ venæ sectionis & scarificationis in partibus corporis inferioribus.

VI. PROGNOSIS.

1. Hæmorrhoides *externæ* æque ac *cæcæ* ad finem quidem salutarem, nempe plethoræ imminutionem, respiciunt, sed ob vias minus commodas, & vasa exilia, vix vnumquam eundem impetrare valent.
2. Hinc quia nulla ex iis emergit vtilitas, licet eas longe maiores molestiæ comitentur quam fluentes, aurea illa qualitas (*die guldene Uder*) de illis non potest prædicari.
3. Præsertim *cæcæ*, quia in nudo furore, impetu & strepitu consistunt, & eam ob causam *furentes* dicuntur, multas periculosas consecutiones inuoluunt.
4. Siquidem eis superueniunt pathemata hypochondriaca, nephritis simplex & calculosa, dolores coxendicum & podagra, nonnumquam molimina ad miæctum cruentum & pathemata iliaca, præsertim si inconuenienter tractantur.
5. *Turgentium* vesicula vel sponte vel manu chirurgica aperta, copioso humorum versus hæc loca adfluxui, & non raro ipsis hæmorrhoidibus *internis*, legitime fluentibus ansam præbet.
6. Quando *vesicales* tales congestiones cum insigni cuticulæ dilatatione factæ sunt, immo actu denique etiam perumpunt, facile vlcerantur, quamquam sine insigni dolore.
7. Vesicula quando aperta est, flaccida atque rugosa restat, & papulas quasi format, quæ, neglecta consolidatione, interdum sub fæcum aluinarum fortiore expressione sanguinem de nouo fundunt, ita vt exempla prostant, vbi sanguis per plures annos sentim & perpetuo effluxerit.
8. Vel hæ papulæ in vlcuscula pruriginosa degenerant, quæ *serpigo hæmorrhoidalis*, seu *pruritus ani serpiginosus* dici meretur.

9. Serpigo hæc hæmorrhoidalis non raro occurrit, licet rara sit illius apud auctores mentio. Late non serpit, sed sæpe per plures menses in vno loco subsistit, & si ex illo loco propellitur in vicinia iterum erumpit, & neglecta, adfectus arthritico-dolorificos & decubitus acres inducit.
10. *Tumentes* æque ac *turgentes*, licet satis molestæ sint, vitæ tamen periculum non inferunt, nisi, *diu adsuetæ*, in con-
grue supprimantur.
11. *Tumentes*, nisi mature resoluantur & discutiantur, ad *suppu-
rationem* perueniunt, quæ satis familiariter in vlceratio-
nem *fistulosam*, a *turgentibus* non timendam, transit, præ-
cipue si ante maturationis tempus profundius incidun-
tur, aut iam suppuratæ nimis diu sine apertione hærent,
vel mundificatio negligitur aut protrahitur.
12. Hæc corruptio quando in tubulo vasculoso-fistuloso inua-
lescit, & in texturam intestini recti & adiacentium par-
tium musculosarum serpit, *hectica* tandem patientes suc-
cumbunt.
13. *Vlcerosi* adfectus hæmorrhoidales, maxime sunt conta-
giosi.

VII. METHODVS MEDENDI ET REMEDIA.

A. Methodus curatiua

1. *Turgentium*

1) Hæ multum difficultatis in cura non inuoluunt, rupta enim vesicula maturam tantum exposcit mundifica-
tionem & consolidationem per externa balsamica,
quæ sub *tumentium* tractatione indicantur.

2) Quando autem *siccessunt*, & verrucosam consistentiam exhibent, vel madent & ardent, atque falsa acrimonia his partibus non exiguam molestiam inferunt, tum maiore circumspectione tractandæ sunt, nempe secun-
dum methodum, qua alia vlcuscula tractantur. Ac-
tum quidem manus chirurgica in talibus fungosis, ver-
rucosis excrescentiis, & vlcerosis atque pruriginosis
pustulis requiritur.

3) Ante omnia autem *olus* tempestiue promoueatur, siue

per decocta prunorum, *lenientia*, mucilaginoso, pinguis, siue per vsum *rhabbarbari*, siue per *clysteres* lenientes.

4) Pro scopo *reuulsorio*, seu vt dicunt, *diuersorio*, conducunt *pedilunia*, pedum *frictiones*, & cucurbitularum cæcarum adplicationes ad suras & femora.

5) Ad dolores spasticos, qui statui vlceroso, de quo loquimur, accedunt, mitigandos exhibeantur pulueres nitroso digestiuo-cinnabarini.

2. *Tumentium*.

1) Discussio per tres vel quatuor priores dies tentetur, licet, ob loci præcipue incommodum situm, difficulter succedat. In hunc finem laudantur

a) Venæ sectio in pede, quando insignis plethora concurrat.

b) Radices & herbæ *resoluentes* & *moderate reprimentes*, e. g. rad. apii, vincetox. caryophyll. ireos. Flor. bryon. figill. Salom. bistort. lilior. alb. herb. hyssop. verben. chærefol. beton. agrimon. matricar. scord. salu. menth. flor. chamomill. melilot. anth. sambuc. verbasc. sem. fœnugræc. fœnicul. caru. bacc. laur. quæ lacte prius coquuntur, & addita pauca portione camphoræ sacculis includuntur.

c) *Specificè* infusum *millefolii* saturatum, nempe pugill. III. ad dimidiam mensuram aquæ.

d) *Suffimigia* ex ture, mastiche, benzoë, & speciebus superius nominatis parata.

e) *Specificæ externa* laudantur

a) Vnguentum de *linaria* flor. lut. vel decoctum illius pro infessu adhibendum.

β) Appensio rad. *scrophulariæ* & *fabariæ* secundum *Wedelium* in A. N. C. Quot tubercula in ano sunt, tot bulbarum radicem eligendam & de dorso adpendendam iubent.

γ) *Suffimigium* ex *muribus marinis*. Alii ex *cute anguille*.

δ) Rad. *plantag. aquat.* manu detenta, donec incalcescat, secundum *Præuotium* in medicina pau-

perum. Eodem modo rad. acori adulterini
vsurpandum commendant.

ε) De his & aliis plura sub *cautelis* dicentur.

2) Quando autem discussio non magis speranda est, tum *maturatio* promoueat; quod faciunt cataplasmata suppurationibus conuenientia, cepæ affatæ, oleum lini, medull. crur. vitulini; item decocta, siue cum linteolis, siue cum spongia adhibenda, ex rad. alth. lilior. alb. ireos Flor. tigill. Salomon. gent. rubr. aristol. rot. apii, herb. scord. absinth. card. ben. cent. min. agrimon. fanic. chærefol flor. chamom. rosar. rubr. sem. caru. bacc. laur. addendo aliquid mellis & myrrhæ.

3) Et quoniam *dolores* ante ruptionem valde vrgent, *interne* nitrosa, emulsiva, & in casu necessitatis anodyna, propinanda sunt; *externe* autem oleum verbasci, oleum calendulæ, præ omnibus etiam oleum ouorum conueniunt.

4) Quam primum maturatio diiudicata est, *apertio* sufficiens ope lanciolæ instituatur.

5) Denique *mundificatio* & *consolidatio* omni studio promoueat.

a) *interne*, per laxantia & sanguinem ac lympham depurantia, e. g. mannata, fennata, item mixturam e tinct. antimon. tartarifat. essent. succini, essent. alexipharm. *Stablii*, interpositis orgasmum sanguinis contemperantibus.

b) *externe*, per balsamica e. g.

R, Essent. myrrh.

Succin. ana drachm. II,

Balsam. Peruu. scrup. I.

ol. philosoph. scrup. II. M.

item per vnguentum ex melle, vitello oui, liquamine myrrhæ, ture, mastiche, terebinthina, aut per linimentum ex oleo ouor. liquam. myrrh. & exiguo olei hyperici paratum: non minus conuenit miscela ex melle despumato, vitello oui, ali-

quot guttulis balsami de copaiua & olei hyperici,
nec non olei mastichini & laurini.

- 6) Quando *fistula* subnata est, opportuna & dextra incisione fons & radix mali tempestiue detegatur, quæ breuissima via est, præoccupandi vltiorem fistulæ *cunicularem* progressionem

B. Præseruatoria.

Præseruationi fauent

1. Venæ sectiones æquinoctiales.
2. Scarificationum adfuetarum repetitio.
3. Adplicatio hirudinum ad hæmorrhoidalia loca. *vid. cautel.*
4. Promotio excretionis aluinæ.
5. Mobile vitæ genus, diæta congrua, animus tranquillus.
6. Moderatus vsus infelluum & pediluuiorum.

VIII. CAUTELAE ET OBSERVATIONES PRACTICAE.

1. Hæmorrhoides *externæ*, quamquam raro ita occurrant, vt vena aperta sanguinem simpliciter effundat, notus tamen est casus singularissimus, quo stillicidium per quinque dies fuit continuum, Quum vero die sexto post meridiem hora quarta sanguis subsisteret, eo momento mirificis phænomenis versus caput dirigebatur. Videlicet sentiebatur adscendere quasi de puncto ad punctum per vniuersum truncum sensu non ardoris sed notabilis caloris. Quum ad thoracem perueniret, angustabat, in collo stringebat, in oculis visum prorsus impediebat, fonte keinen Stich sehen. Atque hæc omnia intra quartam fere horæ partem obtingebant, donec tandem in vertice subsisteret, & dolores prementes paululum durantes caussaretur.

2. Quoniam hæmorrhoides cæcæ quam plurima incommoda adferunt, & tamen intentio naturæ vix vmquam per illas obtinetur, tanto magis prudentiæ Medici commendantur, quæ tab. de hæmorrhoidibus *internis sub method. num. 2.* dicta sunt, nempe quod tales motus prudente ratione ad alias vias reuellere magis conueniat, quam illos tolterare.

3. Quam

3. Quamdiu itaque spes est, ut intentioni agentis satisfieri possit per venæ sectiones repetitas & laboriosum vitæ genus, hæc subsidia numquam prætermittenda sunt; quo vero in casu ad adfluxum reuellendum, venæ sectio in brachio instituenda est.
4. Interea tamen de *cæcis* etiam obseruandum est, quod *tabula de internis* hæmorrhoidibus ratione imprudentis cohibitionis peradstringentia, & alia incongrua remedia, dictum est.
5. Absint itaque positiue *purgantia, stimulantia, calefacientia, aluëtica, & helleborina*, quæ hocce infarctus hæmorrhoidales magis augment, sanguinem exagitant, & veras inflammationes prouocant.
6. Absint quoque adstringentia *martialia*, tam adstringentia, quam sic dicta aperitiua.
7. Externe euitenter *repellentia, exsiccantia, refrigerantia, corrosiua, rubefacientia, septica*, e. g. terræ bolares, lythargyrium cum aceto &c.
8. Vfus quoque sulphuris & mercurialium sedulo euitetur.
9. *Vnguinosa* rancida malum euentum causantur.
10. *Hirudines* in paroxysmo ad *turgentes* quidem cum cucurbitula adplicari possunt, ad *tumentes* autem illas adhibere, neque satis securum est, neque officio suo satis faciunt, non enim sugunt in adfectibus inflammatis, & ubi aliquid vlcerosæ aut suppurascens corruptelæ subest. Ad recursum autem *cæcarum* impediendum, quater vel sexies per annum bono cum effectu possunt adhiberi.
11. *Millifolii* vsus in sedandis doloribus *cæcarum* omnibus aliis specificis palmam præripit, quando in forma thæe adhibetur.
12. *Rincrius & Villanouanus* illius vsum per integrum mensem continuandum suadent, & hæmorrhoides numquam reuersuras promittunt, sed quæstio est, num etiam bono cum successu in futurum? Cauendum potius a tali periculoso conamine, nisi venæ sectiones perite & feliciter simul in subsidium veniant,

13. Herba & vnguentum *linariæ* specifico quidem effectu hic commendantur, minime autem operæ pretium faciunt, nisi hæmorrhoidibus iam actu exulceratis, vel ad vlcerationem maxime pronis, & tum vnguentum cum oleo ouorum aut vitello oui temperari debet, addendo pauxillum mercurii currentis aut præcipitati albi. In *tumentibus* parum aut nihil efficiunt.
14. *Chelidonium minus*, ob signaturam radicis grumosæ, ad hæmorrhoides cæcas valere dicunt, sed neque in his, neque in scorbuto, licet *Ἐχάρβοκς-Κραυτ κατ' ἐξοχήν* vocetur, efficax est.
15. Radices *scrophulariæ*, *fabariæ* & *chondrillæ* in doloribus cæcarum sedandis faciunt, quod possunt, raro autem, quod de illis prædicatur: nam hæc & alia amuletica, vix vllam spem in hoc adfectu, præcipue vigente paroxysmo & præsentente inflammatione, adferunt. Notum tamen est exemplum, in quo efficaciam aliquoties præstitit *fabaria* amuletice gestata.
16. E contra *mures marini*, sub forma fumi ad sedem adhibiti, egregium sæpe effectum mitigantem præstant.
17. De *specificis* in genere adhuc notandum, quod effectus illorum variet.
 - 1) Ratione *subiectorum*: quod enim remedium in vno homine dolores mitigat, alteri sæpe sine effectu adhibetur.
 - 2) Ratione *temporum*: ita, vt vnum idemque medicamentum quod hoc tempore bonum effectum præstat, altero frustra vsurpetur.
18. *Weisbachius* tamen asseuerat, quod in dolentibus hæmorrhoidibus numquam sine effectu, adhibuerit *folia* recentia *sambuci* conquassata, quæ, quater circiter reperita, inflammationem discutere, & dolores tollere debent. Adhibuimus etiam ipsi hæc folia bono semper cum effectu; hyeme *sedum vermiculare minus* substituit.
19. *Annulus Helmontii*, e filo ferreo candente, per vngulam pedis posterioris *equæ* pro mare, *equi* pro femina, traie-

cto,

cto, paratus, a nonnullis, qui ad experientiam prouocant, laudatur.

20. *Essentia succini* in hisce & aliis adfectibus serosis, partim discutiendo, partim euacuando, commodissime se gerit, adeo, vt in adfectibus arthriticis efficaciam edat non contemnendam.

21. *Oleum ouorum* præcipue valet ad adfectus ardentes & rodentes demulcendos, aliosque cutaneos casus subleuandos; in vnguentum autem redigendum est cum liquore florum verbasci, sed sine multa frixatione, daß es nicht verbrate.

22. *Cauterisationes* & stimulant *injectiones* in fistula hæmorrhoidali nequaquam admittendæ sunt.

23. Ab aliquot annis inter Belgas innotuit concrementum illud tunicaceum de pisce *Raia*, quod externe in forma suffimigi tamquam specificum contra dolentes seu furentes hæmorrhoides laudant. Requirit autem circumspectionem, vt ab initio adhibeatur, alias effectus illius reprimens stasin sanguinis obfirmat.

24. Complicatur interdum declinante æstate *dysenteria* cum hæmorrhoidibus *cæcis*; quo in casu necesse est, vt Medicus circumspecte agat, & talia adhibeat medicamina, quæ vtrique adfectui salutaria sunt. Laudantur in hunc finem præcipue *millefolium* & *cascarilla*.



TABVLA XIII.

DE

HAEMORRHOIDIBVS SVPPRES- SIS, DECOLORATIS, ALBIS, MVCIDIS ET FLVXV HEPATICO.

I. DIFFERENTIA.

Quemadmodum præcedente tabula speciem alicuius suppressio-
nis

nis in hæmorrhoidibus cæcis exhibuimus; ita *hæc tabula* reliqua vitia, quæ in negotio hæmorrhoidali obueniunt, exhibebit.

1. *Suppressio* hæmorrhoidum quadruplici respectu est consideranda.

1) Velenim hæmorrhoides *numquam* fluxerunt, & tamen tam conspicua ad illarum perruptionem *molimina* a natura instituuntur, vt hinc omni iure fluxus expectari debeat. Hæ ab aliis hæmorrhoides *molientes* vocantur.

2) Vel hæmorrhoides iam quidem *adsuctæ* fuerunt, successus autem illarum admodum fuit impeditus, insufficiens, turbulentus, inordinatus, molestus: quod in hæmorrhoidibus *externis* seu *cæcis* admodum familiariter contingit.

3) Vel hæmorrhoides placide, moderate, ordinate & statim temporibus antea fluxerunt, iam vero citra eundem & impulsuam aliquam causam iterum deficient; quod in hæmorrhoidibus *internis* sæpius obseruatur. Has alii *emanentes* adpellant.

4) Vel denique hæmorrhoides in legitimo suo fluxu & progressu, siue a causa interna siue externa, per incongruam medicationem & regimen interceptæ & repressæ sunt. Quas hæmorrhoides *suppressas* in sensu *strictiori* nuncupare licet.

2. *Hæmorrhoides decoloratæ, albæ & mucidæ.*

Loco sanguinis sinceri in hæmorrhoidibus internis sæpius excernitur materia *albicans*, mucilaginosæ, instar *tragacanthæ* solutæ; Galli adpellant hæmorrhoides *albas*, alii *decoloratas*, *mucidas*. Hæc materia interdum etiam ipsum fluxum hæmorrhoidalem antecedit; interdum eundem sequitur. Discrepat autem hæc materia

1) ab *excrementis* ordinariis ratione consistentiæ & coloris; hæc enim communiter flauo colore conspicua sunt, illa autem materia est pallida, albumen oui aut spermaranarum referens.

2) a *diarrhææ* variis speciebus, respectu quantitatis materia,

riæ, quæ in his magna communiter copia euacuatur, hæc autem materia moderata quantitate effunditur, ita, vt qualibet depositione copia dimidii mediocris cochlearis, & vix semper tanta, excernatur.

3) a *dysenteria*, vti vocatur, *alba*, respectu ingentium torminum & tenesmi; quæ symptomata, licet in nostro adfectu etiam reperiantur, tam immania tamen non sunt, vti in *dysenteria alba*.

4) ab *apostemate* intestinorum, & purulento alui fluxu.

5) ab *ulcere* & *fistula ani*.

3. *Fluxus hepaticus* est species diarrhœæ sine alui fluxus, in quo excrementa liquida, & instar loturæ carnis rubentia excernuntur. Distingui vero etiam debet

1) a *dysenteria*; nam

a) in *dysenteria* excrementa *sanguine* magis vel *muco albo* tincta sunt, in fluxu autem hepatico humor loturæ carnis instar excernitur.

b) *Dysenteria* motibus febrilibus, modo lenioribus, modo acutis coniuncta est, fluxus autem hepaticus numquam.

c) *Dysenteria* mense Augusto & Septembri, hepaticus autem fluxus promiscue occurrit.

2) A *diarrhœa* striete dicta, in qua excrementa fluida quidem, colore tamen rubicundo minime tincta sunt, vti in fluxu hepatico.

3) Ab *hæmorrhoidibus albis*, in quibus materia non est tam diluta & aquosa, vti in hoc fluxu deprehenditur.

4) A *lienteria* & *diarrhœa cæliaca*; quam differentiam signa inter se collata dabunt.

5) *Fluxus hepaticus*, iuxta veteres est vel

a) *verus*, quando serum tinctum solummodo excernitur.
Vel

b) *Spurius*, quando partes acres biliosæ, aut aliæ fæculentæ ac corruptæ excrementis admiscuntur, adeo vt excretio propter mordacitatem eorum cum molestia & dolore contingat.

4. Reliquæ *anomalie* hæmorrhoidales consistunt in motibus

ad fluxum hæmorrhoidalem quidem tendentibus, sed a vero tramite & ordine deflectentibus, & ad *insolitas vias* sæpe excurrentibus. Sunt autem hæ anomalix vel

1) *Passivæ*, quando sanguis spissior difficultet erumpit, & post eruptionem ægrius fluit; aut quando viæ nimis strictæ & densæ sunt. Vel

2) *Activæ*, quando natura motus hæmorrhoidales siue in defectu, siue in excessu administrat; aut quando modo huc, modo illuc, modo sursum, modo deorsum, modo ad latera, aut ad insolitas vias euagatur. De qua re plura sub *prognosi* dicemus.

II. SIGNA.

A. *Hæmorrhoidum suppressarum.*

Hæc sumuntur a *symptomatibus*, quæ hæmorrhoidum suppressionem comitantur.

1. Suppressionem hæmorrhoidum *internarum* pressio pede insequitur vniuersus *mali hypochondriaci* adparatus. *Conf. tab. de malo hypochondriaco.*
2. Quæ pathemata primo quidem quasi *leuia* adparent, & præcipue circa *sinistrum* hypochondrium & regionem lumbarem sese manifestant, nempe tensionibus & pressionibus.
3. Successu autem temporis *graviore*s turbæ succedunt, præcipue in illis, quibus fluxus antea *impeditus* & cum maiore nisu procedere consuevit. Videlicet dolores spastici, colici grauissimi, lienis inflationes, vomitorii conatus, alui adstrictio pertinax, durities abdominis flatulenta & torminosa, viscerum infarctus, scirrhi, inflammationes, conuulsiones melancholia, mania, vomitus cruentus, cachexia, hydrops, œdemata, hectica & phthisis, apoplexia, hemiplexia, paralyse &c.
4. Suppressionem autem hæmorrhoidum *externarum* sequuntur magis adfectus arthritici, podagrici, ischiatici, nephritici, calculosi, mictus cruentus, varices, contracturæ, ariduræ, paralyse sphincteris ani & vesicæ &c.
5. Communissimum symptoma, suppressionem hæmorrhoidum quarumcunque succedens, est asthmatica respirati-

onis

onis difficultas, ut plurimum *hypochochondriaca*, nonnumquam etiam *pectoralis*, cum tussi humida coniuncta.

B. Hemorrhoidum albarum.

1. Antecedunt motus tensorii, strictorii in abdomine & hypochochondriis.
2. Intercurrunt borborygmi, flatus & ructus.
3. Superueniunt pressiones in lumbis & circa os sacrum, & tenesmus cum punctura ani, seu scindente & ardente sensu.
4. Sub his afflictionibus excernitur cum aliquali sibilo materia albuginea, paullulum flavescentes, interdum cum colore aliquali subruffo & quasi roseo, aliquando etiam cum striis cruentis.
5. Ob insolitam humectationem sæpius in partibus ani externis excoariatio & pruritus obseruantur.
6. Habitus corporis constrictus, & facies pallida est.
7. Vrina parciore & saturatiore effluit.

C. Fluxus hepatici.

1. Excernitur sub frequentibus deiectionibus humor per alvum, loturæ carniū similis.
2. Concurrunt dolores tendentes, murmurantes in abdomine, & spastici motus circa lumbos.
3. Qui motus spastici nonnumquam in latus dextrum versus hepar se extendunt.
4. Interdum titillationes & lenes morsicationes in intestino recto percipiuntur, interdum vero patientes vix vllum huius rei sensum habent, neque vllis doloribus adficiuntur.
5. In nonnullis tenesmus accedit.

III. SVBIECTA.

1. Subiecta, quæ ad excretionem hæmorrhoidalem in genere disposita sunt, *tabula de hæmorrhoidibus internis* indicaui-mus.
2. In specie *suppressioni* hæmorrhoidum facie obnoxia sunt temperamenta sanguineo-melancholica, aut melancholico-cholerica.

3. Homines *immorigeri*, & qui *commotionibus animi* terrificis & continuo moestis corripuntur.
4. Ad hæmorrhoides *albas* & *fluxum hepaticum* dispositi sunt homines phlegmatici, melancholici, & quidem mediæ ætatis, iuvenes scilicet & viri.
5. Feminæ mensium imminutione aut suppressione afflictæ, interdum etiam his molestiis corripuntur.
6. Omnibus his anomaliis etiam obnoxii sunt, qui vitæ genus laboriosum in *sedentarium* mutarunt.

IV. CAUSSAE.

A. *Hæmorrhoidum suppressarum.*

Variæ quidem sunt causæ, quæ ad suppressionem hæmorrhoidum contribuunt, nulla autem necessitas vrget, ut inimicam aliquam sanguinis dyscrasiam, acidam, atrabilariam, acrem, stimulantem, genus nervosum vellicantem, aut alias materiales qualitates excogitemus & accusemus. Præcipue ad eam contribuunt

1. *Interne*

- 1) Animi pathemata, maxime terror, timor & tristitia.
- 2) Spissitudo sanguinis abundantis, non minus autem
- 3) Orgastica illius commotio.

2. *Causæ externæ & occasionales* sunt

- 1) Mala artificia seu medicamina, e. g. *vomitória*, *refrigerantia* interna & externa, abusus *adstringentium*, nempe fluxus hæmorrhoidum legitimus, vel alii morbi, inprimis febres intermittentes, per talia incongrua remedia temere tractantur. Huc etiam possunt referri decocta théæ & coffée, quando *valde saturata* sunt.
- 2) Potus frigidus corpore exæstuante.
- 3) Diæta crassa, fermentescens.
- 4) Largior potus spirituosorum, ardentium.
- 5) Alui indurationes.
- 6) Aër frigidus - humidus.
- 7) Refrigeratio abdominis & partium inferiorum immodesta.

B. *Hæmorrhoidum albarum.*

Quod hæmorrhoides ita irregulariter exeant, in culpa esse observantur,

1. Ipsa


1. Ipsa *natura*, quæ motibus suis congestorio-ispasticis a vera methodo & scopo aberrat, & loco sanguinis sinceri lymphatico-seroso-ichorosam portionem eiicit.
2. Viæ & partes paullulum strictiores, vt sanguis non recte transprimi queat.
3. Humorū spissior consistentia.
4. Plethora cum impetu commota.
5. Sudores matutini autocratici neglecti, & vrina nimis diu retenta.
6. Venæ sectiones & sacrficationes consuetæ neglectæ.

C. *Fluxus hepatici.*

1. Antiqui accusabant debilitatem hepatis, sanguinem neque bene attrahentis, neque recte retinentis, vnde lapsus eiusmodi sanguinis ad intestina oriatur.
2. Magnam autem conspirationem habet cum hæmorrhoidibus: & sicut in vitio mensium tales decolorationes sanguinis sæpius contingunt, sic etiam verosimiliter in vitio hæmorrhoidum.
3. Ad talem anomalam contribuit
 - 1) Plethora.
 - 2) Qualiscumque orgasmica sanguinis commotio, quæ impedit, quo minus sanguis concentrari, & ad eruptionem directam peruenire queat.
 - 3) Impeditus & retardatus eiusdem progressus per venam portæ, vnde contingit, vt in vasis hæmorrhoidalibus restagnet, & in mucidam talem secessionem abeat.
4. Aliquando etiam ad talem fluxum disponit scirrhus aut infarctus hepatis, qui sanguinem, per venam portæ fluentem, intra hepar sese effundere non permittit, vnde regurgitationes ad regiones hæmorrhoidales, vt sanguis insufficienter & turbulenter ex iisdem erumpat, & hinc mixta talis excretio ortum trahat.
5. Nonnumquam etiam adest excoriatio intestinorum in hominibus a dysenteria male curatis, quæ ad hunc fluxum ansam præbet.

V. PROGNOSIS.

1. Quam graua symptomata suppressionem hæmorrhoidum excipiant, sub *signis* iam indicatum est.
2. Est adfectus satis quidem rebellis, facilius autem medicatio-
ni auscultat, quando a causis internis, nempe a spisso
sanguine originem sumsit, quam si per incongruum ad-
stringentium vsum inductus est.
3. *Molimina* hæmorrhoidalia licet numquam erumpant, mi-
noris tamen sunt periculi, quam si ipse fluxus antea ad-
fuit.
4. In feminis hæmorrhoides suppressæ minus periculum in-
ferunt, quam in viris, nisi periodum, qua menses fluere
adhuc possunt, transgressæ sint.
5. Quo diutius hæmorrhoidum suppressio durauit, eo certius
sanguinis inducit translationes, partim ad viscera hypo-
chondriaca, partim ad alia loca, excretioni sanguinis ad-
commodata.
6. Priore casu vniuersa mali hypochondriaci scena introdu-
citur; conf. *signa*; posteriore vero asthma conuulsium,
catarrhus suffocatiuus, vertigo, apoplexia, hæctica in
siccioribus, hydrops in succulentis.
7. Inter acerba pathemata, quæ suppressionem consequuntur,
eminet *colica hæmorrhoidalis*, de qua *vid. tab. de hæmor-
rhoid. internis & tab. de colica*.
8. Similiter hæmorrhoidum cohibitiones variis *ulcerationibus*
ansam præbent; inferunt quoque tumores pedum œde-
matosos, asciticos, tympaniticos, & alias humorum de-
prauationes.
9. Et quoniam *lien* in suppressis hæmorrhoidibus plerumque
in consensum trahitur, multi morbi splenici inde deri-
vantur.
10. Neque minus attendendus est *decubitus* ille humorum, qui
ex hæmorrhoidibus suppressis *pectus* occupat, vnde
asthmaticæ, oppletiuæ angustationes, palpitatio cor-
dis, molimina hæmoptica, veræ hæmoptyses, inflam-
mationes pectoris, phthisis &c. oriuntur.
11. Fiunt quoque translationes sanguinis ad *caput*, ex quibus
verti-



vertigines, aurium tinnitus, auditus grauitas, hæmorrhagiæ narium, oculorum & dentium dolores, angina, & multæ aliæ afflictiones ingruunt.

12. Ad insolitas quoque vias, ad quas hæmorrhoides euagari solent, pertinet etiam, quando in feminis mensium cessationem hæmorrhoides excipere solent.

B. Hæmorrhoidum albarum.

1. Quem ad modum in negotio menstruo *fluor albus* vices sinceræ hæmorrhagiæ supplet; ita in negotio hæmorrhoidali *albicans* hæc *excretio* vices fluxus hæmorrhoidalis tenet.
2. In quibusdam subiectis hæc excretio alba in talem consuetudinem abit, vt, quoties hæmorrhoides recurrunt, toties easdem comitentur.
3. Et quando hic albus fluxus cum sincero hæmorrhoidum successu alternat, plenaria fluxus hæmorrhoidalis suppressio extimescenda est.
4. Licet autem hæc euacuatio ad anomalias hæmorrhoidales pertineat, natura tamen eam ita adprehendit, ac si verus & sincerus sanguis exoneratus esset.
5. Nam materia hac excreta præcedentes immoderatiores motus spastici placantur & pathemata infimi ventris ita tolluntur, vnde hoc respectu hæc excretio salutaris dici potest.
6. Quando autem hæmorrhoides in iustam ordinem restitutæ sunt, tunc hæ albæ excretiones iterum euanescent, nec in posterum, rebus sic stantibus, facile comparent.
7. Si vero hæmorrhoides albæ per mala artificia repente opprimuntur, eadem grauia pathemata & morbida confectaria eueniunt, quæ turbatas hæmorrhoides excipiunt.
8. Quo magis hæmorrhoides albæ insistant, eo magis perturbant aluiinas euacuationes, & futuræ primarum regionum labis periculum minantur.
9. Immo sæpe in colicam hæmorrhoidalem, & vehementes spasmodicas afflictiones circa venam portæ sæuientes, transformantur.

C. *Fluxus hepatici.*

1. Fluxus hic ut plurimum chronicum est malum, & curationem difficulter admittit.
2. Si malum est recens, & subiecta adhuc sunt iuniora atque vegeta, curatur interdum, in senibus vero, ac morbo iam inueterato, nulla curationis spes est, præsertim si labes, quod ordinarie contingere solet, in viscere quodam infimi ventris hæret.
3. Ut plurimum si nimis diu durat, & vires admodum proster- nit, in cachexiam & hydropem, in aliis vero in tabem siue hecticam degenerat.

VII. *METHODVS MEDENDI ET REMEDIA.*A. *Hæmorrhoidum suppressarum.*

1. Fluxus hæmorrhoidalis si numquam adfuit, motus tamen ad eundem excitandum vrgent, admodum circumspicte agendum est: non enim promiscue molimina talia, præcipue *remota*, promouenda sunt. *Conf. tab. de hæmorrhoid. internis.*
2. Vbi itaque temperamentum & reliquæ patientis circumstantiæ legitimum & sufficientem fluxum non pollicentur, ibi præstat motus tales *desuescere*.
 - 1) Vel per vicarias venæ sectiones in *brachio*.
 - 2) Vel, quod melius & efficacius est, per sufficientem & laboriosam corporis motionem.
3. Suppressio autem *adsuetarum* hæmorrhoidum sequente methodo tractatur.
 - 1) *Quantitas* sanguinis est imminuenda, ut intentioni naturæ aliquo modo satis fiat, & symptomata mitigentur.
 - a) Venæ sectio itaque in *pedibus* instituatur. *Conf. cautel.*
 - b) Alius autem si non legitime succedit, prius aperiatur per clysterem emollientem & carminatiuum, e. g. per decoct. chamomill. cum lacte.
 - 2) *Qualitas* sanguinis post venæ sectionem est corrigenda.
 - a) Si *orgasmus* peccat, placandus ille per nitrosa, præcipitania & acidula.
 - b) Quando autem *spissitudo* humorum adest, resoluentia & atte-

attenuantia adhibeantur, quæ *tabula de suppressione mensium sub methodo* indicantur.

3) Facta correctione *motus* ad locum excretionis blande invitandus & leniter stimulandus est.

a) *Interne* per helleborata, myrrhata, aloëtica, elixir. proprietat. crocum, boracem, pilulas *Stablianas*, *Beccherianas*, laxantia per epicrasin.

b) *Externe* per adplicationem *hirudinum* ad hæmorrhoidalia loca, per clysteres stimulantés, suppositoria acriora, frictiones.

4) Tandem *tonica roboratio* suscipiatur per mixturam tonico-neruinam *Stablii*, & per usum martialium, optime præparatorum; quo tempore tamen alius semper aperta seruetur, siue per clysteres, siue per laxantia interna subinde adplicanda.

B. Hæmorrhoidum albarum.

I. Præservatoria.

1) Ante omnia videndum est, ne natura per spissitudinem sanguinis molestatam & serum mucidum ad hosce erroneos motus suscipiendos inuitetur. Hinc necesse est

a) Ut sanguis depleatur per *venæ sectiones æquinoctiales*, per *hirudinum* adplicationem & per *scarificationes*.

b) Ut serum copiosum imminuatur, & eius vberior ad hæmorrhoidales venas adfluxus intercipiatur per moderata *laxantia, diuretica & diaphoretica*. Faciunt hoc

a) Rhabarbarum, folia fennæ, fibræ hellebori nigr. aut vinum medicatum ex resoluentibus & abstergentibus paratum, cui exiguum de fibris hellebori nigri commisceri potest, vel quod securius, polypodium.

β) Salia neutra: sal tartar. genist. ononid. tartar. vitriolat. arcan. duplic. &c.

γ) Absorbentia: Conch. præparat. antimon. diaphoret. bezoardic. mineral.

δ) Essentiæ resoluentes : essent. alexiph. tinctur. antimon. tinctur, tartar. tinctur. resolu. mixtur. simpl.

c) Vt humores in iusta fluiditate conseruentur, & viæ in debitam flexilitatem redigantur per motum corporis sufficientem, & per diluentia, humectantia diætetica.

d) Vt intestina & primæ viæ abstergantur, ne transitus sanguinis vlllo modo offendatur & impediatur. In hunc finem laudantur

α) Salina digerentia & colliquantia, siue enixa, siue tartarifata.

β) Clysteres lenientes & roborantes.

2. Curatoria.

1) Ad motus hæmorrhoidales in ordinem redigendos præ aliis remediis conducunt pilulæ *Stahlianæ*, quæ maioris sunt efficacix, quam reliqua laxantia.

2) Irregulares commotiones mitigant antispasmodica-cinabarina cum absorbentibus & diaphoreticis fixis combinata.

3) Profunt etiam resoluentia, & æqualitatem motus sanguinis promouentia, additis temperatis dosibus roborantium. e. g. essent. vincetox. helen. pimpin. alb. gent. rubr. mixtur. tonico-neruina *Stahlîi*.

4) Alius semper aperta seruetur.

5) Et cum venæ hæmorrhoidales propter frequentem mucî effluxum admodum laxæ reddantur, adeoque talis fluxus facilius recurrat, ad roborandas hæc partes detur tinctur. mart. *Ludou.* mixtur. tonico-neruina *Stahlîi*.

6) In feminis purgationis menstruæ ratio habeatur, vt in iustum ordinem redigatur.

C. Fluxus hepatici.

1. Quoniam fluxus hepaticus pro adfectu hæmorrhoidali diiudicatur, eadem etiam methodo, quæ sub impedito hæmorrhoidum negotio commendata est, omni iure tractatur,

statum, nempe remediis mediocriter temperantibus & abstergentibus, cum lenibus laxantibus.

2. Per aliquot itaque dies rhabarbarum a scrupul. I. ad drachm. semis vel pilulæ *Stahlii* propinari possunt.
3. Deinde temperantia & abstergentia salina adhibeantur, e.g. nitrum, tartar. vitriolat. arcan. duplic. nitrum antimoniati. sal centaur. min. card. bened. absinth. mater perlar. conch. præparat. ocul. cancri.
4. Denique mixtura tonico neruina *Stahlii*, vel sola, vel cum essentia pimp. alb. vel adianth. alb. mixta propinetur.

VIII. CAUTELÆ ET OBSERVATIONES PRACTICÆ.

1. Multi opinantur, quod hæmorrhoides sint præternaturale i. e. noxium accidens, unde necesse esse iudicant, quo hæmorrhoides coerceantur. Omnibus itaque cogitationibus in id feruntur, ut per adstringentia, narcotica, vomitoria, purgantia hosce motus inordinatos temperent, & acrimoniam scorbuticam, ut volunt, corrigant. Cum tamen, si ministri naturæ esse vellent, id vnice agere deberent, ut naturæ omni modo succurrerent, & dexteritate atque peritia sua medica eandem subleuarent. Facilius enim est hæmorrhagias quascumque suppressimere, quam referare.
2. Ex hoc errore etiam fluit, quando multi Medici hæmorrhoides suppressas relinquendas censent. Aureus sane hic est fluxus, qui aureas suas qualitates non exserit, nisi legitime succedat.
3. Abstinentum itaque est a vomitoriis, quæ facile motus hæmorrhoidales tam ad ventriculum quam superiorem corporis regionem ducunt, & ad vomitum cruentum disponunt, aut in hepate & liene periculosos effectus prouocant.
4. Si vero certo exploratum sit, quod ab hæmorrhoidibus suppressis aliquid sanguinis in ventriculum secesserit, quod ad vomitum cruentum disponere posset, tunc lenè vomitorium, e. g. per radicem ipecacoanhæ, locum habere potest.
5. Purgationes fortiores & clysteres acres, item suppositoria stimulan-

mulantia, & reliqua impellentia, calefacientia, motus & humores eo magis exagitant, nec suppressas hæmorrhoides referant.

6. Aloëtica, helleborina, colocynthiaca stimuli quidem loco adhiberi, ad præcauendam tamen ebullitionem sanguinis, nitrosa & absorbentia interponi possunt, alias facile graues exacerbationes; nempe colica, splenetica, anxia pathemata oriuntur.

7. Absint *narcotica* opiata, quæ præsentis motus, vno impetu obruunt, & ad futuros infarctus & stases, immo ad affectus tympaniticos, œdematosos, hæcticos & hydropicos disponunt.

8. Nocent adstringentia, incrassantia, præcipitantia, quæ in viis suspectam stricturem & in humoribus maiorem spissitudinem inducunt.

9. Nil iuuant antiscorbutica acriora, edulcorantia.

10. *Venæ sectio*, licet in grauioribus, spasticis moliminibus a natura non facile attendatur, cum primis, quia venæ, quæ secari possunt, nullum immediatum cum vena portæ commercium habent, præstat tamen, eandem medicationi præmittere, quam prorsus prætermittere.


11. Præmissis generalioribus, applicatio *hirudinum* quam maxime commendatur, tamquam remedium omnium tutissimum & efficacissimum. Licet enim hirudines venam hæmorrhoidalem *internam* immediate non attingant, per conspirationem tamen venarum *externarum*, non raro *internæ* hæmorrhoides prouocantur.


12. Ad roborationem viscerum hypochondriacorum *tonica* præcipue *martialia* non præmature, sed in progressu medicationis, & obtento semel fluxu, adhibeantur, ne infarctus & obstructio augeatur.

13. Molimina hæmorrhoidalia, si sponte natura cessant, caveat sibi Medicus, cum *impetu* illa resuscitare.

14. Immo si motus tales *incongrua arte* suppressi essent, e.g. opiatibus, lapid. manat. dent. hippopot. vnicorn. ver. priap. cet. a medicatione impetuosa pariter abstinendum est.

15. *Acidularum* vsus, ad quem patientes post varias & sæpe peruersas





versas medicationes ordinarie relegantur, cachexiam, tumores œdematosos & denique hydropem inducit.

16. *Salia volatilia* caute hic vsurpanda sunt, non vt moris est, ad *humores* præparandos, sed ad *viscera* roboranda.

17. Adfectus œdematosi si hæmorrhoidum suppressionem sequuntur, res fere conclamata est; fluxus enim difficulter reuocatur, & si omnino reuocetur, œdemata tamen pertinaciter sæpius solent durare. Occurrendum in tali casu per methodum *tabula de œdemate* indicatam.

18. Diæta crassior euitetur: abusus vini & aliorum spirituosorum valde nocet. Curru, non adeo commodo, sed concussionem modicam excitante vehi, aut equitare, vel alio modo abdomen placide concutere, quam maxime conducit.

19. *Fluxus hepaticus* rarius quidem in frigidis regionibus obseruatus, veteribus tamen non ignotus fuit, qui sibi religioni ducebant, per adstringentia eum tractare, & hoc quidem omni iure, nam a directa illius cohibitione eadem damna expectanda sunt, quæ ab aliis fluxionibus per adstringentia & alia incongrua artificia suppressis, inducuntur.

20. Humores serosi, corrupti per amara optime corriguntur, & per laxantia mucoso-aquosæ partes eliminantur. Hinc rhabarbaro, supra commendato, herbæ amaræ & radices resoluentes addi possunt, e. g. herb. fumar, centaur. min. rad. ari, ostrutii, leuistici &c.

TABVLA XIV.

DE

FLVXV MENSIVM ORDINATO,
NIMIO ET HAEMORRHAGIA
VTERINA.

I. DEFINITIO.

Fluxus mensium est euacuatio sanguinis stricte dicti, feminino sexui propria, qua singulis ordinarie mensibus notabilis illius portio, foetui nutriendo specialiter destinata, per genitalia excernitur, omnibus illis annis, quibus ad gestandum idoneæ quidem existunt, actu autem ipso a negotio generationis immunes reperiantur.

II. DIFFERENTIA.

1. Fluxus mensium est vel *suppressus*, vel *ordinatus*, vel *nimius*.
2. De fluxu *suppresso* tabula de suppressione mensium agetur; de *ordinato* autem & *nimio* hac tabula dicemus.
3. *Nimius* fluxus non debet confundi cum *ordinato largiore*, quo quidem copiosa sanguinis excretio contingit, & incommoda quædam grauatiua atque tensiua, præcipue ante eruptionem, sentiuntur, quæ tamen sub ipso adhuc fluxu notabiliter mitescunt, & patiens deinde ad spectu sano ac constitutione satis bona fruitur. In *nimio* autem fluxu grauiora phænomena occurrunt, vti ex *signis* illucescet.
4. Contingit non raro, vt cessante menstrui fluxus periodo, sanguis vt plurimum grumosus & viscidus, modo vehementer impetu, modo successibus placidis, sed fere continuus, per vias vterinas extrudatur; quæ quidem euacuatio non amplius mensium fluxus nomine venit, sed *hæmorrhagia vterina* Medicis audit.
5. *Hæmorrhagia abortiua*, tabula de *lochiis* explicabitur.

III. SIGNA

A. *Fluxus ordinati.*

1. Exferit sese hic fluxus cum pubertate feminina, anno circiter decimo quarto.
2. In *otiosis*, & diæta plena atque calida gaudentibus paulo *prius*, in *laboriosis* autem notabiliter *serius* exoritur.
3. Præ omnibus aliis hæmorrhagiis hic fluxus *stata* seruat tempora: recurrit enim ordinarie singulis mensibus, computando a die illo, quo erupit, vsque ad diem novæ eruptionis.
4. Quando fluxus *legitime* succedit, excernitur sanguis *strictè dictus*, & quidem ita tranquille & moderate, vt vix aliqua incommoda adferat.
5. Exceptis illis, quod a restrictione sanguinis ad interiora angustias, & difficilem aliquo modo respirationem persentiscant, præcipue quando corpus fortius commovent, vel scalas aut colles adscendunt.
6. Præterea in peripheria corporis adparet subsidentia partium & exinanitio vasorum cum adpectu pallido & constricto.
7. Quo magis vero in subiectis, quæ sanguine spisso & viis arctis prædita sunt, menses *impedite* fluunt, eo maiora incommoda patientes præcipue ante eruptionem persentiscunt, nempe pressiones & tensiones spasticas, torminosas, colicas, cardialgicas, distensorias &c. in abdomine, præcipue circa vteri atque sinus regionem; quibus fastidium animi communiter accedit.
8. Durat hic fluxus pro differentia subiectorum & reliquarum circumstantiarum, per tres, sex, immo nouem dies, quo tempore sanguis prioribus diebus paullo *largiter* e genitalibus excernitur, posterioribus autem notabiliter remittit, donec sensim penitus subsistat.
9. Extendit sese hic fluxus ordinarie ad quinquagesimum vsque annum; quo tempore intentio naturæ ad concipiendum & gestandum cessare obseruatur.
10. In multis, præcipue laboriosis, prius cessat, in paucioribus vero quinquagesimum annum transcendit.

B. *Fluxus nimii.*1. Antecedunt fluxum *nimum*

- 1) Insignes circa præcordia anxietates.
- 2) vagæ horripilationes & phlogosæ.
- 3) ebullitio sanguinis.
- 4) siccitas oris.
- 5) respiratio difficilis.
- 6) grauitas artuum, & lassitudo totius corporis.
- 7) in specie autem variæ pressiones & torsiones in abdomine, præcipue circa os sacrum.

2. Hæc incommoda excipit fluxus ipse, isque *impetuosus*, seu ad minimum *copiosus*, interdum etiam cum frustorum coagulatorum excussione coniunctus.

3. Durans iusto diutius, ad duas vel tres hebdomades.

4. Vel nimis cito, & vtplurimum inordinate recurrens, e.g. singulis duabus aut tribus hebdomadibus.

5. Relinquens veram debilitatem, cum malo colore, magis magisque increbescente, coniunctam.

C. *Hæmorrhagiæ uterinae.*

1. Præcedunt & comitantur eadem symptomata, quæ sub mensium fluxu *nimio* indicata sunt, sed longe maiori vtplurimum vehementia patientes excruciant, ita vt syncopicis deliquiis non raro adfligantur.

2. Excernitur sanguis ordinarie spissus, viscidus & valde grumosus, ita vt frustra sanguinis coagulata nigricantia & aliæ id genus impuritates cum atrocissimis nonnumquam doloribus atque anxietatibus expellantur.

IV. *SUBIECTA.*

1. Quod fluxus mensium omnibus feminis competat, quæ intra annos supra notatos viuunt, & extra tempus gestationis, aut lactationis sunt constitutæ, adeo certe verum est, vt pauciores illæ, quæ eodem destitutæ sunt, tantum non omnes graua incommoda & damna certissime incurrant.

2. Fluxus autem *nimius* in pauciora subiecta cadit, nempe in feminas plethoricas, imprimis

- 1) Cholericæ-melancholicas, & quæ insignibus animi com-

motionibus obnoxia sunt, aut speculationibus venereis indulgent.

- 2) Quæ ad tempus plenariæ mensium cessationis accedunt, quo notabilis plerumque excessus observatur.
- 3) Quibus post abortus vel molæ exclusionem insignis erosio vasorum vteri inducta est.
- 4) Quibus fortiora *emmenagoga*, vel ad suppressi mensium fluxus reuocationem, vel ad nefarie pellendum foetum adhibita sunt.

3. *Hæmorrhagia uterina*, quæ post cessationem menstrui fluxus contingit, eadem subiecta agnoscit, nempe feminas plethora & spissitudine sanguinis laborantes: præcipue autem eiusmodi impetuosa & copiosa sanguinis eliminatio illis accidere solet, quæ peculiari quadam vteri vel impuritate vel læsione vera adfectæ sunt.

V. CAUSSÆ.

A. *Fluxus mensium ordinarii*

1. Causa *antecedens* est intentio specialis ad foetum nutriendum.
2. Quando autem hic finis ob varia impedimenta & circumstantiales rationes obtineri non potest, natura hanc sanguinis abundantiam per eadem loca excernit, quibus illa destinata erat.
3. Quod autem *præcise* singulis ordinarie mensibus hæc excretio contingat, videtur rationem *criticæ periodi* fouere. Conf. *programma D. D. Stahlii de fluxus menstrui, quatenus menstrui causa.*
4. Grumositas itaque sanguinis, vias obstruens, & sic fluxum mere passuum constituens, illis relinquitur, qui tali speculatione satis sibi facere, & vniuersum huius fluxus negotium talibus causis exhaurire putant.

B. *Fluxus mensium nimii, &*


C. *Hæmorrhagiæ uterinæ.*


1. Causa *antecedens* est plethora, præcipue in temperamentis cholericis-melancholicis, cum vasis capacioribus, & habitu corporis constricto præditis.
2. Causa *proxima* est *orgasmus* sanguinis, quacunque ratione inductus.

3. His internis caussis adnumerari possunt, *hereditaria* dispositio & *consuetudo*.
4. *Caussæ externæ & aduentitiæ*.
 - 1) Euacuationum artificialium adfuetarum neglectio.
 - 2) Frequens *exclusio abortus*.
 - 3) *Specialissime* concrementae reliquiis *secundinarum* repullulantia.
 - 4) Vel, quod tamen rarius, *mola* aliunde subnata.
 - 5) *Erosio* insignis vasorum vteri.
 - 6) *Animi* vehementes commotiones, vbi iracundia facile princeps est.
 - 7) Item impetuosæ corporis exæstuationes, quando nimirum saltationibus, aut aliis grauioribus corporis motibus plethoram commouent.
 - 8) *Diæta* aromatica & spirituosæ.
5. Quod *hæmorrhagia uterina*, quæ in nonnullis retrolapso post mensium periodum contingere solet, impuritatem vteri vel læsionem pro causa specialissima habet, in *subiectis* iam indicauimus.

VI. PROGNOSIS.

1. Mensium fluxus, quo magis cum *phasibus lunæ* notabilioribus conspirat, eo melius, tranquillius & impeditius succedit: propterea etiam hic fluxus a nonnullis *purgatio lunatica* vocatur.
2. Quando menses, qui *largiter* & copiose fluunt, statim pro fluxu *nimio* reputantur & variis artificiis cohibentur, plurima inde mala proueniunt. Conf. tab. de *suppressione mensium*.
3. Immo ipse *nimius* fluxus quando per adstringentia &c. incongrue supprimitur, longe maiora damna inducit, quam si relictus sibi soli fuisset.
4. Succedunt enim immediate quasi, suffocationes hysterico-epilepticæ, & vniuersus adparatus, qui mensium ambit suppressionem.
5. Incommoda a fluxu nimio manifestant sese potissimum circa negotium generationis: siue enim maiores molestias tempore gestationis & partus feminæ persentiscunt; siue





siue facile abortiunt, siue plane steriles reperiuntur. Si autem vitium illud vteri, quod nimium mensium fluxum excitauit & feminas abortui, vel plenariæ sterilitati obnoxias reddidit, remouetur, tunc ad conceptionem interdum denuo aptæ euadunt. *vid. Stahl. patholog. pag. 525. & seqq.*

6. Quod si vero immodicum illud vteri profluuium, quod facile abit in consuetudinem, diu perennat; disponit tandem corpora ad cachexiam, febrem lentam, œdemata pedum, hydropem, tabem, magnamque animo & corpori adfert debilitatem.
7. Si etiam feminæ *hæmorrhagia vterina* laborantes, tandem hæctica consumuntur, nisi natura congestionibus suis absterforio-elisoriiis labem vteri discutit, resoluit, abluit, atque eliminat. Curatio autem huius adfectus est longe difficillima.

VII. METHODVS MEDENDI ET REMEDIA.

1. Quod *ordinarius & moderatus* mensium fluxus nulla medicatione indigeat, sed quouis potius modo fouendus sit, per vulgus satis notum est.
2. Ipse etiam *largior* fluxus consultius toleratur, quam inhibetur. Præstat tamen nitrosa & temperantia cum pilulis *Stahlîi* vel *Beccheri* ante & sub ipsum fluxum in subsidium vocare.
3. Fluxus autem *nimius* sequente modo tractatur.

In paroxysmo.

- 1) Paucis diebus ante eruptionem, & sub ipso fluxu, ter per diem propinentur pulueres, orgasmum sanguinis contemperantes. Huc pertinent nitrosa, absorbentia, acido citri vel tartari saturata, & cinnabarina.
- 2) Eodem tempore, versus somnum, quotidie exhibeantur *Pilule Beccheri* genuinæ, vel, quod melius, *Stahlianæ*, quæ specifica quadam energia nimium fluxum placide moderantur.
- 3) Hæc methodus aliquoties repetatur, ita vt dicti pulueres & pilulæ singulis mensibus, per sex circiter dies, tempore videlicet instantis & præsentis fluxus propi-

nentur: quibus decenter obseruatis, adfectus hic, alias pertinax, non raro ad iustum moderamen redu-
citur.

- 4) Quodsi vero casus quidam rebellis occurreret, cui hæc methodus sine effectu opposita esset, subadstringen-
tia, seu potius *tonica* cum lenibus *anodynis* addi pos-
sent. Huc pertinent species de hyacinth. corall. præ-
parat. tinct. corallior. tinct. tart. tinct. martis *Ludou.*
essent. millefol. & adianth. alb. crocus mart. antimo-
niat. aperitiu. *Stablii*, M. P. de cynoglossa, semen hy-
osc. alb. item vitellus oui ex gallina mactata exfecti cum
nuci moschata a *Rosino Lentilio* commendatus in *mi-
scell præct.* pag. 440. Commendamus sequentem for-
mulam

Rc. nitri depurati

conch. præparat. & acido tart. saturat. ana
drachm. II.

specier. de hyacinth. scrup. I.

corall. præparat. gr. XXV.

cinnabar. opt. drachm. semis


M. P. de cynogloss. gr. XV.

M. f. puluis, singulis ternis horis ad scrup. I, ex-
hibendus.

- 5) *Reuulsiones externæ*, quando omnino necessariæ viden-
tur, *ligatura extremorum* reliquis præferenda est.

Extra paroxysmum

- 1) Venæ sectio plurimum hic prodest, siue in brachio, si-
ue, sine omni trepidatione, in pede instituta, modo
tempus intermedium obseruetur, vt nempe 14 circi-
ter dies ante nouum insultum suscipiatur.
- 2) Octo dies ante, quam menses de nouo erumpunt, mix-
tura tonico-neruina *Stablii* ter per diem salutariter ex-
hibetur.
4. *Hæmorrhagia uterina* eadem fere methodo tractatur. Ex-
hibentur nempe:
- 1) temperantia, ex nitrosis, absorbentibus & cinnabarinis
para-



parata. Si autem hæc malum non soluunt, ordinantur:

- 2) subadstringentia, tonica & anodyna superius recensita.
- 3) Interponuntur, ad vterum mundificandum, pilulæ quædam balsamicæ e.g. *Stæbliane*.
- 4) præservatoria denique venæ sectio instituitur.

VIII. CAVTELAE ET OBSERVATIONES PRACTICAE.

1. Quod luna absolutum imperium in hunc fluxum non habeat, experientia toto die testatur, multæ enim extra lunæ *phases* eundem experiuntur.
2. Exspirarunt propemodum *antiquæ nenia* de venenositatē & impuritate sanguinis menstrui: quæ enim de corruptione *musti*, *cerevisiæ*, exarescentia *plantarum*, obfuscatione *speculorum*, ob tactum, vel solum obtutum *menstruatæ*, vulgo circumferuntur, multa experientia satis refutantur.
3. Licet etiam hic sanguis, per vterum & partes spermaticas oberrans, *orgastica* aliqua inquinamenta concipere possit, tanti tamen hæc non sunt momenti, vt effectus ita notabiles præstare queant.
4. Et quando leges *Mosaicæ* hunc sanguinem impuritatis accusant, innititur hoc non crassis physicis, sed sublimioribus fundamentis.
5. Excernitur hic sanguis non tantum per vasa, in ipsa vteri cavitare, quæ minus capacia sunt, sed potissimum etiam per *hæmorrhoidalia*, quæ ad ceruicem & collum vteri porriguntur; vnde tam præsens est consensus hypochondriorum cum vtero, vt varia pathemata circa venam portæ excitentur, quam primum fluxus hic non recte procedit. Hinc
6. Feminæ quædam lactantes & grauidæ experiuntur aliquando singulis mensibus, emanationem veri sanguinis e genitalibus, quæ per aliquot dies *placide* continuat, & loco fluxus menstrui fluit.
7. Quam maxime etiam notandus est *consensus primarum viarum* cum vtero, nam exinde dilucescit ratio, cur cibus *dyspeptus* tempore mensium comestus, e.g. panis calidus,

- dus, varia frixata &c. præsentaneam fluxus inhibitionem adferant.
8. De fluxu mensium *nimio* idem verissimum est, quod *tab. de hæmorrhoidibus nimis sub cautelis* diximus; nempe longe facilius plenariam suppressionem, quam iustum illius moderamen obtineri, si *adstringentibus*, immo etiam *specificis promiscue* tractetur.
 9. *Venæ sectio* sub methodo præservatiue commendata, tanto magis necessaria est illis, quarum menses antea *largiter* vel *nimum* fluxerunt, iam vero per ætatis rationem ad finem properant: alias *finis* mensium fit *initium* multorum malorum. *conf. dissertat. D. D. Stahlii de fine mensium, initio malorum.*
 10. *Venæ sectio* quando in *brachio* instituitur, non debet esse larga, ne nimia ad partes superiores fiat reuulsio, & plenaria fluxus suppressio sequatur.
 11. Quæ *tabula de hæmorrhoidibus* ratione *specificorum* monuimus, hic etiam obseruanda sunt. Licet enim tam positive non adstringant, sed *specificæ* magis effectum suum præstent, non promiscue tamen, nec nimis confestim exhibenda sunt.
 12. *Hippocrates Sect. V. aphor. 50. Mulieri*, inquit, *si menstrua velis cohibere, cucurbitam quam maximam ad mammas adpone.* Sed hoc consilium cautius, & non nisi præmissa venæ sectione, adsumendum est.
 13. Quæ damna *opium*, in hæmorrhagiis friuole vsurpatum, inferat, præcedentibus tabulis iam indicatum est.
 14. Sic etiam *purgantia acria & aloëtica* malum magis exasperant.
 15. In *hæmorrhagia uterina*, adstringentia non nisi vrgente maxima necessitate exhibeantur, ne plenaria huius fluxus suppressio & sanguinis incarcerationio, febris acuta inflammatoria, putrida, &c. sequantur.
 16. Quando feminæ, *nondum maritatæ*, de nimio mensium fluxu, eoque cum impetu, violentia insigni & frustis coagulatis coniuncto, conqueruntur, res plerumque est suspecta. Excipimus autem illos casus, quando ad referandos

randos menses *fortia pellentia diu* vsurpata sunt, vel specialissima animi sensibilitas cum vita sedentaria concurrat.

17. Quem ad modum mensium fluxus ordinarie circa finem septenarii secundi incipit, & sub finem septimi iterum cessat, sic dantur exempla, licet rariora, in quibus sub finem primi septenarii menses iam erumpunt, & satis mature cessant; quæ festinatio autem, seu potius præcipitatio naturæ, raro summam senectutem pollicetur.

18. Tempore menstruo, præcipue quando fluxus *nimius* est, caueant sibi patientes ab omni refrigeratione, in primis pedum, a terrore, ab iracundia, a violentis corporis motionibus, a diæta crassa, aromatica & spirituosâ,



TABVLA XV.

DE

SUPPRESSIONE MENSIVM.

I. DEFINITIO.

Suppressio mensium est symptoma excretionis, debitam euacuationem, feminino sexui propriam, siue penitus interuertens, siue plurimam partem suspendens, cum effectibus variis fonticis expectandis.

II. DIFFERENTIA.

Suppressio mensium triplici ratione consideranda est.

1. *Emanatio* dicitur, quando menses in iunioribus debito tempore non proueniunt, sed ad annum vsque 16 - 18 - 20 vel per totum vitæ curriculum emanent. Talis emanatio est vel

1) *Tolerabilis*: sunt enim laboriosæ, quæ sub illa satis commode viuunt, nec vllum indicium vergentis ad vterum sanguinis obseruant; vel

2) *Minus tolerabilis*, ubi ordinaria symptomata huius suppressionis

pressionis vrgent. *conf. Progn.* Huc etiam referri possunt rariora illa exempla, quando feminae quaedam per totam vitam menses non experiuntur, quarum aliae, docente experientia, nulla inde incommoda persentiscunt; aliae autem satis misere viuunt.

2. *Retentio* seu *obstructio* vocatur, quando menses, qui antea fluxerunt, ex quacunque causa, siue *plenarie* suppressi sunt, siue tamen *non sufficienter* succedunt, insuper etiam ante consuetam periodum subsistunt. Hæc autem suppressio vel *languide* & sensim, vel *simul & semel* contingit.

Ad hanc retentionem referri etiam potest *decoloratio mensium*, vbi vix sanguinis vestigia adparent, sed humor tantum pallidus, flauescens, subcruentus excernitur, cum variis spasticis incommodis coniunctus.

3. *Cessatio* nominatur, quando menses præmature & ante annum 49 cessant, eosque varia pathemata excipiunt.

III. SIGNA.

1. Varii motus spastici & congestorii: primum circa loca *confinia* nempe mesenterium, hepar, lienem, ventriculum & intestina; successu temporis autem in locis etiam *remotis*, circa pectus & caput.
2. Grauitas artuum, angustia pectoris, difficultas respirationis, sub motibus corporis, præcipue adscensoriis.
3. Appetitus prostratus, vagus, aut maior frigidorum & acidorum, quam calidorum, adpetentia.
4. Excretionες male procedentes, sudores vel nulli vel multi; alius modo præter naturam sicca, modo lubrica.
5. Vrina in aliis pallida, turbida, crassa; in aliis flammea excernitur.
6. Somnus vel multus, sed insomniis terrificis sæpius interruptus, vel nullus obseruatur.
7. Tristitia insignis, amor solitudinis, ad lacrymarum profusionem, ob leuiorem etiam causam, propensio.
8. Facies pallida, labia liuida, habitus vniuersi corporis respectu coloris & turgescentiæ diuersus, pallidus scilicet, & in aliis

aliis turgidus, in aliis constrictus, cum maiori vel minori vasorum intumescencia.

9. Adspectus oculorum tristis, absentia fulgoris eorumdem, circulus interdum liuidus eos ambiens, intumescencia palpebrarum.
10. *Signorum* loco etiam esse possunt omnia reliqua p^othemata, quæ ab hac suppressione proueniunt, & sub *prognosi* indicabuntur.

IV. SVBIECTA

1. *Emanationis* sunt *puellæ*, temperamenti ut plurimum phlegmatici & melancholici, vitæ sedentariæ deditæ, morosæ, vbi sanguis non tantum in quantitate, sed etiam in qualitate peccat.
2. *Retentionis* seu obstructionis sunt familiarius plethoricæ, otiosæ, mœroribus & aliis anxiis mentis afflictionibus expositæ, vnde *sanguis* spissescit & *serum* mucido viscosum contrahit lentorem. Item etiam illæ, quarum antea fluxus qualiscunque cum phasibus lunæ minus conspirauit.
3. *Cessationis* sunt feminae intra annos circiter 35 & 45. constitutæ, quibus menses ob modo dictas, vel corporis, vel animi adfectiones, præmature cessant.


V. CAUSSAE.

1. Causa *interna* quærenda est, vel in
 - 1) *Quantitate* sanguinis *simplice*, nam præsentè insigni plethora, natura non facile suscipit hæmorrhagias, extimore, ne nimium fiat; vel in
 - 2) *Qualitate* seu spissitudine humorum, a qua etiam vitium viarum prouenit; vel in
 - 3) *motu*, qui vel *segnior* est, vti in valetudinariis, extenuatis, phlegmaticis; vel *erroneus*, vbi humores in alia loca, e. g. versus caput, pectus, ventriculum, diriguntur.
2. Causæ *externæ & occasionales* sunt
 - 1) *Mentis alterationes* e. g. subitaneus & ingens *terror*, vel vehemens *iracundia*, eaque suppressa, præsentè mensium fluxu contingens.

- 2) *Dieta* cruda & crassa, vel alia incongrua e. g.
 - a) *Panis* ficcus vel adhuc calidus, modo ex clibano extractus.
 - b) *Massæ frixæ*, minus fermentatæ.
 - c) *Placentæ* pinguiore.
 - d) *Oua* dura nimium ingesta.
 - e) *Potus* frigidus, corpore calente ingurgitatus; vel potus ordinarii neglectio.
 - f) Quævis *acida & austera* &c. quæ omnia ob conspirationem primarum viarum cum vtero, menses obstruere vel impedire possunt.
- 3) *Habitatio* in locis humido-frigidis.
- 4) *Ociosum*, & sedentarium vitæ genus.
- 5) *Refrigerium* immodestum, præcipue quando pedes & partes inferiores aquæ frigidæ immerguntur, & quidem tempore, quo menses fluunt, e. g. lotricum.
- 6) *Sudores* nimii, qui multum liquaminis subtrahendo, sanguinem magis spissum reddunt.
- 7) Abusus *adstringentium & opiatorum* non tantum sub nimio forsan fluxu, sed etiam in aliis morbis adhibitorum.
- 8) *Friolæ venæ sectiones*, eæque largiores in partibus superioribus eo tempore institutæ, quo fluxus proxime instat, aut iam iam erupit.
- 9) Emetica fortiora drastica.

VI. PROGNOSIS.

1. Innumera fere sunt mala, quæ mensium suppressionem sequuntur, plurimi enim huius sexus morbi ab hac dependent.
2. In *abdomine* succedunt
 - 1) Pathemata hypochondriaco-hysterica;
 - 2) Grauitas circa regionem vteri.
 - 3) Tormina abdominis.
 - 4) Punctura circa vmbilicum;
 - 5) Grauiissimæ intestinorum stricture, a quibus aliquod levamen accipiunt, si abdomine introrsum complicato sedent.



- 6) Nausea & conatus vomendi, immo vomitus cruentus.
 - 7) Dolores lumbares, tensiui & grauatiui.
 - 8) Nephritis.
 - 9) Suffocationes cardialgicæ, als wenn man ihnen mit zwey Händen etwas zusammen drückte, daß ihnen der Othem ausbleiben mögte.
3. In *thorace* exoriuntur
- 1) Angustia præcordiorum & respiratio difficilis.
 - 2) Palpitatio cordis.
 - 3) Pleuritis spuria.
 - 4) Hæmoptysis, aut aliæ sanguinis consueto mensium tempore per loca insolita excretiones.
 - 5) Pulsus inordinatus, modo æqualis modo inæqualis, celer, tardus &c.
 - 6) Asthmata sicca & conuulsiua.
4. Circa *caput* manifestant sese
- 1) Capitis dolores, in aliis grauatiui & tensorii, in aliis vero lancinantes, spastici aut rheumatici.
 - 2) Vertigines.
 - 3) Cephalalgia pertinales.
 - 4) Hemicrania.
 - 5) Angina.
 - 6) Hæmorrhagia narium effrenes.
5. In *artibus* eueniunt
- 1) Lassitudo grauatiua post motus etiam leniores magis increbescences.
 - 2) Spasmi & dolores varii artuum rheumatici.
 - 3) Inflationes pedum cedematosa.
6. Per *uniuersum corpus* proueniunt:
- 1) Crebriores motus tonici in corpore mutationes, siue caloris & frigoris alternationes.
 - 2) Cachexia.
 - 3) Hydrops.
 - 4) Scabies, eaque modo sicca modo humida, vtraque vero curatu difficillima.
 - 5) Apostemata & vlcera mali moris.

- 6) Affectus conuulsiui, in primis circa nouilunium aut con-
fuetum menstrui fluxus terminum adfligentes.
- 7) Paralyfes spuriae &c. &c.
7. Mensium defectus longe familiarior est, praesentiora quo-
que & grauiora damna infert, quam eorum excessus.
8. Mensium suppressio licet frequentius occurrat, facilius ta-
men congrua methodo fluxus reuocari potest, quam in
aliis haemorrhagiarum speciebus.
9. Quando autem in paullo annosioribus *martialia* ad men-
ses reuocandos frequentius adhibita sunt, vix vmquam
deinde fluxus restituitur, licet genuina methodus & o-
ptima etiam remedia adhibeantur.
10. Suppressio vel cessatio mensium male tractata, fluori albo
benigno facile ansam praebent: vel tabida in aliis corpo-
ris consumptio cum variis hecticis symptomatibus tan-
dem succedit.
11. Quibus fluxus mensium admodum praecox emicat, iis quo-
que maturius cessat, & vice versa: quibus tardius erum-
pit, iis minus cito desinit.
12. Quae fluxum menstruum plane non experiuntur, illae vt-
plurimum aut sunt steriles aut valetudinariae, interim
tamen prostrant exempla, vbi tales, & nonnullae quidem
frequentius pepererunt.
13. Mensium emanatio aut suppressio lente succedens, tanto
periculo non exponit mulieres, ac subitanea mensium
fluentium obstructio.
14. Fluxus menstruus in annosioribus per aliquot septimanas
immo menses suppressus, larga saepissime compensatur
iterum euacuatione per 14 dies, immo quandoque tres
hebdomades durante, non absque incommodis eius mo-
di personarum.

VII. METHODVS MEDENDI ET REMEDIA.

Methodus secundum tres primarias causas, supra allegatas,
tria etiam inuoluit momenta.

1. *Quantitas* sanguinis, si notabiliter vrget, ante omnia immi-
nuenda est; alias reliqua medicatio minus commode &
ad vota succedit.

Huic

Huic scopo inferuit venæ sectio, de qua tamen probe notentur, quæ infra sub *cautelis* allegata sunt.

2. *Qualitas sanguinis corrigenda est.*

1) Ad *spissitudinem* sanguinis & mucositatem feri corrigendam commendantur resoluentia, incidentia & digestiuo-aperitiua, c. g.

1. *Radices*: arr. pimpinell. alb. rub. tinctor. imperator. vincetox. helen. angelic. petasitid. leuistic. cichor. taraxæ, cureum. gramin.

2. *Herbæ*: abro. an. absinth. cent. min. fumar. capill. ven. marub. alb. cuscut. chainædr. rorismar. mar. ver. ferpill.

3. *Semina*: anisi, fœniculi.

4. *Gummata*: ammoniac. sagapen. galban.

5. *Salia digestiua*: tartar. vitriolat. nitrum antimoniât. arcan. duplicat. sal. absinth. centaur. min. card. ben.

6. *Composita*: pilulæ *Stahlianæ*, *Beccheri*, tinct. antimon. tinct. succin. essent. alexipharm. *Stahlii*.

7. Item *infusum* ex herb. veronic. chærefol. heder. terrestr. bellid. hyssop. rubii tinctor. & laxantibus paratum.

2) *Orgasmus* sanguinis, qui interdum concurrit, & fluxus successum turbat, contemperatur per nitrosa, præcipitantia & cinnabarina.

3. *Motus* denique facta sufficienter correctione, ad locum excretorium blande inuitandus, & leniter stimulandus est.

Faciunt hoc

1) Venæ sectiones in pede *conf. cautel.*

2) Pediluvia & infessus. Item frictiones pedum.

3) Adplicatio cucurbitularum cœcarum ad femora & coxendicum regiones: item clysteres lenientes, sed modeste etiam stimulantes & roborantes.

4) Laxationes per epicrasin; ubi radices, herbæ &c. modo commendatæ, cum fol. fennæ fibr. hellebor. nigr. & rhubarb. in forma *infusi* possunt adhiberi.

5) Em-

5) Emmenagoga, quæ specifica virtute prædita esse dicuntur. Eminent inter hæc

1. *Radix bryoniæ.*

2. *Herbæ: meliss. sabin. puleg.*

3. *Flores: calendul. cheiri.*

4. *Composita: myrrhata, succinata, crocata.*

6) *Externe* laudatur, sed raro adhibetur, *sal volatile*, per instrumentum *Glauberianum* immediate adplicatum.

4. Ne in motibus instruendis & stimulandis error committatur, ipsius *agentis interni* motus probe observandi & imitandi sunt. Vbi itaque variæ spasticæ commotiones in abdomine & circa vterum sentiuntur, ibi conuenit illos motus imitari.

5. Laboriosa conamina si excedere videntur, *essentia millefol.* stimulantibus adfocari potest. e. g.

Recip. Essent. myrrh. drachm. III,

succin. drachm. II,

pimpin. alb.

millefol. ana drach. I.

M. f. Mixtura.

dos. XXX. gutt. legitimo tempore propinanda.

VIII. CAUTELAE ET OBSERVATIONES PRACTICAE.

1. Circa venæ sectionem sequentia sunt notanda.

1) In iunioribus, infra annum vicesimum adhuc constitutis, non tam facile ad venæ sectionem festinandum est. Licet enim satis efficax sit, natura tamen facile ei adsuescere & in posterum idem remedium pertinaciter extorquere, alia autem, vtut optima, auxilia & medicamenta respuere solet.

2) Quando itaque vena non secatur, methodus debet esse *temperatissima*, primum *attenuando*, deinde *inuitando* & denique *leniter stimulando*.

3) Quando autem præsentiora incommoda virgent, & quæ iam dicta sunt, non sufficiunt, tum sine trepidatione etiam in iunioribus venæ sectio instituat, modo in posterum non temere repetatur, nisi natura, tenaciter eandem efflagitet.

4) Si

- 4) Si vero venæ sectio necessaria videatur, non adeo absolute opus est, vt cum illa curæ *initium* fiat, sed nonnumquam reliquæ methodo interferi, & sic post principia locari potest. Obseruandum autem est, quod extra phases nouilunii & plenilunii instituenda sit. *Conf. tabul. chirurg. de venæ sectione.*
- 5) In tali casu medicatio æque *blanda* esse debet, ac in isto, in quo vena plane non secatur.
- 6) Quando autem cum venæ sectione curæ fit *initium*, tum leniter stimulantia statim cum generalioribus combinari possunt. Hæc methodus est efficacior & breuioris temporis; molestior autem ob facilem venæ sectionis repetitionem.
2. Facta venæ sectione, solæ *pilulæ Stahlianæ* vel *Beccherianæ* sufficere possunt, nam *qualitatem* sanguinis corrigunt, motus ad locum excretorium dirigunt & leniter stimulant. Modo secundum hanc methodum propinentur, vt versus tempus, superius indicatum, per sex circiter dies singulis mensibus exhibeantur, donec menses erumpant.
3. Eadem methodo exhibentur etiam hæc pilulæ in fluxu *imminuto*, vbi paucis diebus ante sanguinis eruptionem propinantur, & *sub ipso fluxu* continuantur: Nullo habito respectu ad vulgatam illam opinionem, quasi tum temporis medicamenta non conueniant. De incongruis hoc verum, de placidis autem & genuinis falsissimum, nam hæc tali tempore longe efficacius operantur: hinc etiam *imminutio* mensium ob hanc temporis commoditatem multo citius, quam plenaria obstructio, in ordinem potest reuocari.
4. *Cessatio* mensium eandem exposcit medicationem; quo diutius autem cessarunt, eo magis venæ sectio necessaria erit, nam refractarius est adfectus.
5. *Decoloratio* mensium, loturæ carnis instar, nihil aliud est, quam fluxus imminutus, & hinc eiusdem tractationis.
6. Quando autem menses per ætatis rationem cessant, præcipue, qui antea largiter fluxerunt, tum quam maxime opus est,

- est, verno & autumnali tempore venæ sectionem in pede substituere, & ad senium vsque eamdem continuare, motusque per nitrosa & temperantia mitigare.
7. De *otiosis* loquimur: nam quæ feminæ vitæ genere laborioso fruuntur, illæ his omnibus facile superfedere possunt.
 8. Modestus *corporis motus* ante omnia medicationi substituitur: illo enim absente sanguis non facile attenuatur, licet diluentia ad nauseam quasi propinentur; si vero *diluens* cum *diluendo* bene subagitatur, salutaris sequitur effectus.
 9. *Stimulantia* & *pellentia* si improuide adhibentur, e. g. in statu insigniter plethorico, & quando primæ viæ nondum expurgatæ sunt, nec sanguis attenuatus est, familiariter inducunt
 - 1) Maiores obstructions.
 - 2) Summas angustias præcordiorum.
 - 3) Non raro heteroclitas per aliena loca sanguinis eruptiones.
 - 4) Febres lentas, hecticas, phthificas.
 - 5) Adfectus cephalalgicos, spasticos, immo conuulsivos.
 - 6) In spongiosis cachexiam, & tandem œdemata.
 10. Idem quoque tenendum est *de salibus volatilibus*, quæ pariter tum quidem non quadrant, si quantitas sanguinis non imminuta, nec qualitas correctæ est.
 11. Prostant quidem obseruationes, quod *martialia* fluxum menstruum produxerint; plura autem habemus exempla, in quibus ab illorum vsu suppressio huius fluxus subsecuta est. Vnde haud dubie practitorum obseruatio pullulauit, quod *martialia* modo *obstruant*, modo *aperiant*.
 12. Sed *tempora* sunt distinguenda: Quando enim exhibentur, dum sanguis circa vterum congestus est, blandam venæ portæ vasorumque vicinorum inducunt strictionem, & sic *stringendo aperiunt*, seu expressionem sanguinis per vterum promouent.
 13. Extra has peculiare circumstantias *martialia* tam certo hic

nocent, quam ipsa *adstringentia*; & licet *laxantia* illis *interponantur*, illa tamen vix sufficiunt, strictionem talem, semel inductam, relaxare.


14. Symptomata grauiora e. g. anxietates, dolores & phlogoses intercurrentes, quæ omnibus fere hoc adfectu laborantibus, familiares sunt, optime per nitrosa cum cinna-
barinis sociata mitigantur.
15. Aliquando menses, per aliquot periodos suppressi, solo
nitro regenerato reuerati sunt.
16. Tempore *intermedio* ab *emmenagogis* abstinendum est, &
diluentia tantum cum aperientibus vsque ad nouam pe-
riodum exhibenda sunt.
17. Inter remedia, *sanguinem* successiue attenuantia, & *seri*
mucositatem resoluentia, optime se gerit *succinum* & eius
essentia.
18. Non minus etiam *essentia* alexipharmaco-diuretica *Stah-*
lii.
19. In serosioribus inprimis conducunt *radices ari, petasid,*
leuistic.
20. *Specifici* aliquid habet *sabina*, indeque parata *essentia*;
oleum autem destillatum nimium efficax ad stimulos
conatus, & proinde cautius adhibendum est *Vid.*
num. 24.
21. *Artemisia* autem longe effectior est, nec, nisi in magna co-
pia, aliquid præstat.
22. Herba *persicariæ*, sub calcaneis gestata, alicuius efficaciam
deprehenditur.
23. *Myrrha* ad *dilutionem* & *attenuationem* non commen-
datur: sanguinem enim non solum resoluit & attenu-
at, sed etiam in *fundendo* illo valde efficax est, & maiore
præcipue dosi adhibita, eundem insigniter commouet.
Cauendum ergo, ne sanguis prius, quam dilutus est,
commoueatur.
24. *Olea destillata* sanguinem vehementissime commouent:
absit igitur illorum usus, ubi sanguis adhuc spissus est &
viæ nondum satis præparatae sunt; immo vix vnquam
necessarium est, vehementia talia in usum trahere: nam

methodus *lenior*, supra commendata, communiter sufficit; nisi insignis cachecticus status, aut diætæ vitium concurrat.

25. Fluxui *mensium*, præ omnibus aliis hæmorrhagiis, proprium quasi est, consueta loca relinquere, & alia eligere: hinc præsentē illo ab omnibus *reuellentibus*, siue internis, siue externis abstinendum est, e. g. a venæ sectione in brachio. Ex hisce considerationibus reiicitur etiam *cuturbitula* mammis adponenda, quam *Hippocrates* sect. V. aphor. 50. menstruis cohibendis destinat.

26. Fluxus quando semel reuocatus est, sollicitè noua illius suppressio præcaueatur, multo enim pertinacius in ordinem post ea redigitur.

27. *Dieta* sit euchyia, abstinendo a cibis crassis & acidis: potus sit sufficiens, corpus bene moueatur, & aluus semper succedat.



TABVLA XVI.

DE

FLVXV LOCHIORVM ORDINATO ET NIMIO.

I. DEFINITIO.

Fluxus lochiorum est euacuatio solis puerperis propria, qua post exclusionem foetus siue *legitimi*, siue abortiui, siue *mole*, sincerus sanguis prioribus diebus, in tertiam subinde hebdomadem mediante peculiari motu tonico per genitalia excernitur. Deriuatur a λέχομαι, cubo, vel quod melius, a λοχεύω, parturio.

II. DIFFERENTIA.

I. Fluxus lochiorum differt ab illa *speciali hæmorrhagia uteri*, quæ feminis quibusdam plethoricis, vel in matrimonio ad

adhuc, vel extra illud constitutis, post mensium cessatio-
nem obtingit. *Conf. tab. de mensium fluxu.*

1. Fluxus lochialis est vel

1) *legitimus*, qui post partum, legitime exclusum, contin-
git, & siue *ordinate* & *moderate*, siue *nimum* succedit;
vel

2) *abortiuus*, qui abortum non tam sequitur, quam potius
illum antecedit, aut sub actu exclusionis enormiter
perrumpit.

3. Suppressionem lochiorum tabula sequens exhibebit.

III. SIGNA.

A. *Legitimi.*

1. Excretio *sanguinis* e genitalibus per 8. 10. 12. 14. immo plures
dies, statim post foetus & secundinarum exclusionem ini-
tium sumens.

2. Prioribus quidem diebus sanguis magis sincerus, grumo-
sus, coagulatus, aut ad minimum humor cruentus, larga
prorsus quantitate excernitur.

3. Post quartum vel quintum diem hæc excretio cum odore
gravi, nonnumquam plane foetido, coniuncta est.

4. Posterioribus autem diebus humor loturam carniū refert,
& magis magisque flauescit, tandem prorsus pallescit, &
ultima excretio lymphatica existit, quæ neque *coloribus*
insolitis, neque *odoribus* foetidis inquinata deprehendi-
tur.

5. Hæc omnia *ordinarie* successibus *moderatis*, & *proportionatis*
succedunt, vt fluxus sub initium *largiter*, successiue au-
tem sensim *moderatus* sequatur, donec tandem prorsus
subsistat.

6. Quando autem *secundinae* diutius retinentur, vel portio il-
larum auulsa in vtero restitat, vel aliæ accidentales caus-
sæ accedunt, e. g. quando puerpera diu quieta cubat, &
effusus in vterum sanguis in frustra coagulatur, tum fluxus
lochiorum facile *excedit*, & varia spastica incommoda in
abdomine, & in primis circa vterum oriuntur.

B. *Abortiui.*

1. Conspicua *graviditatis* indicia, quæ antecedunt, videantur *tabul. de adfectibus grauidarum.*
2. Ante, quam *abortus* excluditur, sanguis ordinariè leniter & modeste profluit, deinde autem contumaci motu & enormi copia effunditur.
3. Vel *statim* sub initium cum tali violentia erumpit, præcipue quando feminæ sunt vel plethoricæ & largis menstruis purgationibus adfuetæ, vel sensibiles, vel corporis & animi insignes commotiones præcesserunt.
4. Hanc sanguinis profusionem largam sequitur ipsius abortus eliminatio, siue prorsus immaturi, siue maturioris, siue alius concrementi seu molæ. Coniunctis ut plurimum anxietatibus, lipothymiis & syncopiticis deliquiis, nec non spasticis in abdomine doloribus.
5. Vbi autem abortum aliquoties perpeffæ sunt, ibi negotium minore difficultate, & paucioribus incommodis succedit.

IV. *SVBIECTA.*

1. Fluxui lochiorum *ordinato* obnoxia sunt omnes puerperæ, quæ partum legitimum excluferunt.
2. *Nimum* autem fluxum facile incurrunt
 - 1) plethoricæ.
 - 2) temperamenti præcipue cholerico-melancholici.
 - 3) quæ insignibus animi pathematibus obnoxia sunt, inprimis iræ.
 - 4) Porro quæ de vinosa & aromatica diæta gaudent.
 - 5) Quæ fluxum mensium antea *nimum*, vel tamen notabiliter *largum* habuerunt.
 - 6) nec venam secandam tempore gestationis medio curant.
 - 7) Quæ a laboribus libera viuant.
3. *Abortiuo* fluxui obnoxia sunt, quæ aliquoties abortum iam excluferunt, vel in puerperio, proxime prægresso, minus rectè expurgatæ sunt.

V. *CAVS.*

V. CAVSSAE.

A. *Fluxus legitimi & moderati.*

1. Huius caussa est omnino *plethora*, quam prouida natura hac occasione opportuna imminuere intendit.

2. Licet enim *abruptio secundinarum* a tenerrimis ramulis capillaribus vterinis caussa occasionalis vtique habenda sit, docent tamen vniuersæ circumstantiæ, quod hic fluxus magis *actiue*, quam *passiue* considerari debeat. Nam

1) Fluxus sanguinis minorum vasorum *passiuus* in vulnere tantum *crudo*, & nihil *alterato* contingit; nemo autem hanc vulnerationis vteri similitudinem tam diu crudam & nihil vsquam mutatam sibi persuadebit. Immo

2) reliqua *vteri* substantia, ne per superficiem quidem totam, nedum profundius hac vulneratione adfecta est, sed solum modo in subtilissimorum vasorum extremitatibus. Hinc

3) horum vasorum subtilium libertas, facta foetus exclusione, vterique subsidentia, & strictura satis promte accedente, potius opprimitur, prout hoc in aliis vulnerebus profundioribus tenuiorum ramificationum euenit.

4) Inprimis autem *actiuam* huius fluxus indolem hoc illustrat proportionata illa, & moderata, per plures dies continuans, sensim sensimque deficiens *excretio*, quale quid in nulla hæmorrhagia *passiua*, a solutione continui orta, obseruatur. Tandem

5) hic ipse fluxus facile per diætam, terrorem, refrigerationem tam internam, quam externam &c. imminui potest vel supprimi. Quæ sane cuncta satis confirmant, caussam non simpliciter a *passiuo* sanguinis lapsu, sed potius ab *actiua* excussione dependere; id quod clarius & magis confirmat fluxus *abortiuus*.

B. *Legitimi nimii.*

1. Quoad caussam generalem cum ordinario fluxu conuenit.

2. Causse *occasionales* præcedente membro, in *subiectis*, plurimum indicatæ sunt.

3. His

3. His adhuc adiciamus

- 1) *secundinarum* insufficientem excretionem.
- 2) *Vsum pellentium* & sanguinem fortiter commouentium, sub partus difficili exclusione.

C. *Abortiui.*

1. Sanguis superfluus, valdeque molestus, siue per animi pathemata, siue per alias occasiones vehementer commotus ad abortum disponit.
2. Si vero aliquoties abortus iam contigit, causa magis in *moralitate*, quam materialitate quærenda est.

VI. PROGNOSIS.

1. Fluxus lochiorum, *legitime* succedens, insignis est *utilitatis*; deficiente autem illo, plura incommoda, ac graua pericula inferuntur. *Vid. tabul. sequens de suppressione lochiorum.*
2. Præ omnibus aliis hæmorrhagiis hic fluxus *excessui* expositus est, præcipue quando secundinæ, vel portiones tantum illarum remanserunt. In hoc enim casu non prius, quam excreta sunt retenta, obtineri potest mitigatio.
3. Lochia quando *mediocriter* saltem excedunt, minus quidem periculum minantur, quando autem *prodigiose* & cum impetu sanguis effunditur, patientis vires intra paucas horas insigniter exhauriuntur, immo penitus consumuntur. Denique
4. *Ingentes* huiusmodi profusiones lochiales, quæ sibi relinquuntur, longe minora incommoda post se trahunt, quam illæ, quæ incongrua arte cito supprimuntur.
5. In *abortu*, quo immaturior ille a tertio mense existit, eo grauior hæmorrhagia exclusionem illius ordinarie comitatur. Et hoc phænomenon clarius docet, causam non simpliciter a passiuo sanguinis lapsu sed ab actiua excussione dependere.
6. Licet sanguis multo impetu non procedat, non exiguæ tamen est considerationis, quando diu continuat vel per breuia interualla recurrit. Nam vterus non sufficienter expurgatur, vnde postmodum grauis mensium perturbatio,

batio, & nouus facile abortus, vel sterilitas, aut certe infelicioꝝ gestatio succedit; ante omnia vero febres acutas, inflammatorias, tum etiam torminosos, spasticos vteri & mesenterii adfectus inducit.

7. Vbi sanguis *copiose* iam profluxit, ibi abortus nulla ratione impediri potest; licet optima *cohibentia* & *confortantia* adhibeantur.


VII. METHODVS MEDENDI ET REMEDIA.

1. Fluxus lochiorum *moderatus* nulla indiget medicatione, ad præcauendos tamen siue excessus, siue defectus, aliaque symptomata præoccupanda, pilulæ *Stabliane*, per novem priores dies quotidie ad gr. XV. propinari possunt. Quando autem vsitatissimo more *crocum* in cibis vel *essentiam* illius adhibere placet, necesse est, vt moderatissimis dosibus & paucis guttulis vtamur.
2. Fluxus autem *nimius* eadem fere methodo, qua nimius fluxus *mensium* tractatur, nempe
 - 1) exhibentur ter per diem remedia, quæ *orgasimum* sanguinis temperant, videlicet *absorbentia*, & *nitrosa* cum pauca *cinnabari* combinata.
 - 2) Versus noctem autem dosis pilularum *Stablii* porrigitur, & hac ratione quotidie continuatur.
 - 3) His non sufficientibus, ab aliis remediis operæ pretium vix exspectandum erit; probari tamen adhuc possunt *mitiora cohibentia*, & *lenia anodyna* e.g. spec. de hyacinth. coralliata, crocus mart. antimoniat. tenerior, tinctur. vitriol. mart. *Ludouici*, item M. P. de cynoglossa, trochisc. de carabe, *millefol.* siue in forma infusi, siue extracti ad gr. I - II. pro dosi. Porro *cascarilla*, gestatio *bufonis* exsiccati. Quod diætam attinet, potus bene defæcatus cum tantillo citri vel nuc. moschatae mixtus, utilis est.
 - 4) Quando constat, quod *secundinae* vel in totum, vel ex parte resistent, vsus pilul. *Stablii* tanto magis commendatur. Potest etiam illarum exclusio promoueri per *hepar anguillæ*, ad scrup. I. cum portione *analeptica* propinatum.

3. *Fluxus abortiuus* eandem exposcit medicationem, quam *nimius*: vbi enim profusio sanguinis præsentissimum lethalem exitum minatur, & lipothymici adfectus superueniunt, ibi spectatorem otiosum agere non conuenit, sed exclusio foetus vel molæ quantocyus promouenda est per dosin pilularum *Stahlii*, quæ prius solui & post 12. horas, si necessarium erit, repeti potest. uando autem pilulæ hæ ad manus non sunt, *hepar anguillæ*, vsurpari debet.
4. *Abortu* cum *secundinis* rite excluso, mitigatio fluxus tentetur per remedia *temperantia*, orgasmum sanguinis sistentia, & lenia adstringentia; coniuncto vlu pilularum *Stahlii*.
5. Hæmorrhagia tandem sedata, propinentur discutientia interna v. g. *mixtura* tonico-neruina *Stahlii*, vel *essent. alexipharmaca* cum essent, *millefol.*
6. Ad fluxum lochiorum *nimum* præoccupandum commendantur
 - 1) *Venæ sectio* in brachio aut pede circa medium gestationis tempus administranda, immo si reliquæ circumstantiæ exigere videntur, etiam circa *instantem* partum repetenda.
 - 2) *Ligatura* abdominis post legitimam foetus & secundinarum exclusionem.
 - 3) *Quieta & tranquilla animi & corporis continentia*, in primis abstinencia ab adfectata illa orthostadia, & multis fermocinationibus.
7. Ad nouum abortum præcauendum commendatur
 - 1) Sufficiens *uteri expurgatio*, mediantibus pilulis *Stahlii* statim post illius exclusionem per plures dies propinandis.
 - 2) *Venæ sectio* congrua circa illud tempus, quo antea abortus exclusus est.

VIII. CAUTELAE ET OBSERVATIONES PRACTICAE.

1. Puerperæ tamquam *vulneratæ* merito considerantur, quibus ex *leuissimis* causis febres inflammatoriæ accedere possunt. Hinc a remediis, sanguinem fortiter commo-





ventibus, quouis modo abstinendum, & quidem in ipsis adeo phlegmaticis, nedum sanguineo-plethoricis.

2. *Adstringentia*, quæ motus salutare exclusorios opprimunt, quantum vniquam fieri potest, euitentur. Quando autem urgente casu necessaria iudicantur, parcius adhibenda sunt, interpositis temperantibus & diapnoicis, ne febres inflammatoriæ accedant, vel hydrops aut hæctica subsequatur.
3. In omnibus hæmorrhagiis, in quibus *nimum* factum esse videtur, *alexipharmaca* moderata locum habent.
4. *Aluum* prouocare per communia laxantia non decet. Quibus itaque *pilulæ Stahlianæ* defunt, *clysteres* emollientes commodissime adhibentur.
5. Sæpe obseruatum est, quod *pilulæ Stahlianæ* puerperis per nouem dies exhibitæ, prioribus ne vnicam quidem sedem produxerint, patientes autem fluxum lochiorum ad vota & cum optima euphoria habuerint. Quod sane negotium, recte pensitatum, satis demonstrat, pilulas hæc nullam naturæ vim inferre, sed illius *intentioni* apprimere respondere.
6. Idem etiam obseruare licet, quando *pilulæ Beccheri*, sed genuinæ, puerperis, modo non adeo sensibilibus, offeruntur.
7. Pro restaurandis viribus *analeptica* locum habent; pro quo scopo in adluetis *potus vinosus* non reformidandus est. Conducit etiam *usus vini medicus*, id est, cochlear vnum vel alterum vini Canariensis, Maluatici, Hispanici, subinde exhibendum, vt & lacticia, emulsiua, pul-
tacea, amygdalata.
8. *Species de hyacintho* in omni nimio fluxu merentur laudari, nam præter virtutem tonicam, quam habent, & subadstringentem, *analepticum* quid simul fouent.
9. Exulent remedia valde *incrassantia*, *narcotica* vulgaria, & acria externa *repellentia*.
10. Iactura sanguinis quando contigit insignis, caueant sibi patientes, non tantum ab *animi* & *corporis*, verum etiam *sen-*

suum commotionibus e. g. a limpida & splendida luce, oculis nocente.

11. *Potus* magna circumspectione puerperis porrigendus est: *calidus* enim, multo magis autem *frigidus*, facile tormina & flatus potest excitare. Hinc *tepidus* tantum offeratur, refracta, sed sufficiente, portione.
12. Magis profunt: decocta *hordei* excorticati, *avenæ* excortictæ, *iusscula tenuia*, cum sufficiente conditura aromatica, addito non nisi momento *macis* seu nuc. moschat. *iusscula vinosæ*, postquam partes spirituosæ in vase aperto per ebullitionem, quodam modo auolarunt; addendo dimid. part. aquæ fontanæ, modicum sacchari, vitellum oui, paucum boni butyri, & tantum *croci*, quantum iussculum moderate tingendum requirit. Et hæc quidem omnia in statu lochiorum ordinato & moderato.
13. *Potus cerevisiæ* fermentescentis puerperis minus conducit.
14. *Abortus* quando contigit, soli naturæ negotium non relinquendum est, quia facile non sufficit, vterum recte expurgare. Vnde non raro postea novus abortus exoritur; ad quem autem præcauendum tanto magis sollicitè obseruentur, quæ sub *methodo* commendata sunt, in primis motus corporis *moderatus* ad æqualem sanguinis distributionem multum confert; e contra onerum gestationes grauiores nocent.
15. Ceterum, dum non leges tantum diuinæ, sed & multæ considerationes physicæ thori usum præmaturum puerperis interdiciunt, optandum esset, vt, qui Christiani audiunt, intra illos ad minimum limites, quos modesti ethnici transcendere erubuerunt, se continerent.
16. Conferatur *tabula de adfectibus puerperarum*.





TABVL A XVII.

DE

SVPPRESSIONE LOCHIORVM.

I. DIFFERENTIA.

Suppressio lochiorum est vel

1. *Plenaria*, quando nullus sanguis excernitur.
2. *Imminuta*, vbi fluxus in aliis quidem periodum suam per 8. 10. 12. dies feruare solet, sed tam impeditur, & tam parca quantitate sanguis prouenit, vt pro tali fluxu vix possit reputari, in aliis autem subito ante terminum consuetum plane supprimitur.

II. SIGNA.

1. *Plenaria* suppressio per se constat.
2. *Imminuta* autem illa habenda est excretio, quæ a norma quam *tabula de fluxu lochiorum* sub signis indicauimus, deflectit.
3. In diiudicanda autem *imminuta* excretionem, distinguenda sunt temperamenta, & reliquæ puerperarum constitutiones, secundum quas fluxus lochiorum variare solet, e. g.
 - 1) Quæcunque feminæ *largiorem* fluxum *mensium* extra in prægnationis tempus habuerunt, illæ etiam *lochiorum* largiora experiri solent.
 - 2) Quibus autem menses *parcius* fluxerunt, in illis etiam fluxus *lochiorum* non ita copiosus est expectandus.
 - 3) Respicienda etiam sunt *lochiorum prægressa*, nam ad horum indolem succedentia plerumque accedunt.
4. Manifesta tandem huius fluxus imminuti, aut subito suppressi signa sunt
 - 1) *abdomen* tensum, durum & tumidum cum variis spasmis, torminibus & anxietatibus.
 - 2) *Sensus* doloris grauatiui, tensiui & lancinantis, con-

iuncto ardore ac pulsatione, infimum ventrem, lumbos & inguina infestans.

III. SVBIECTA.

Suppressioni lochiorum *plenariæ*, vel saltem *imminutæ* præ aliis obnoxia sunt

1. *plethoricæ*.
2. Quæ sunt *temperamenti sanguinei*, laxo corporis habitu, exiguisque *venis* instructæ.
3. Quæ *mærori*, *timori* & *terrori* valde obnoxia sunt.
4. Item quæ turbatam aut plane suppressam purgationem menstruam antea expertæ sunt.
5. Denique quibus causæ aduentitiæ subsequentes accedunt.

IV. CAUSSAE.

A. Internæ.

1. *Motus tonicus* alteratus, quo vel ipsa uteri textura, vel exitus eiusdem rigide occluditur.
2. *Orgasmus* abundantis sanguinis, qui ad suppressionem multum contribuit; neque obstat, quod & *nimii* fluxus causâ esse possit.
3. Licet enim *plethora simplex*, nedum cum *spissitudine* quadam coniuncta, hæmorrhagias quaslibet impedire soleat, minor tamen illius est efficacia, quam si *plethoræ turgescitio* concurrat.

B. Externæ & aduentitiæ.

1. *Refrigeratio* corporis, & *potus frigidus*.
2. Remedia *pellentia*, quæ ad partum excludendum adhibita fuerunt.
3. Abusus *calidiorum* remediorum: quando enim talia pro lochiis *imminutis* adhibentur, plenaria facillime suppressio inducitur. Huc pertinent *myrrhata*, *crocata*, *salia volatilia*.
4. *Animi pathemata*, præcipue *terror* & *iracundia*, a qua sanguis ad orgasmum insigniter concitatur.
5. *Immodici* & *præmaturi* puerparum *labores ad partum*, ab his enim expansio sanguinis etiam notabiliter inducitur.

V. PROGNOSIS.

1. Nulla datur hæmorrhagia, cuius defectus tam *præsentia*, &

& preſſo pede *ſuccedentia* pericula & damna certo inferit, quam ſuppreſſio fluxus lochiorum, maxime vero quando ſubito & repente facta eſt.

2. Illa quidem ſuppreſſio ſeu imminutio, quæ ex *abundantia* ſanguinis, cum *ſpiſſitudine* qualicunque coniuncta, originem ſumit, *mitiores* adhuc conſecutiones inferit, nempe

- 1) anguſtias præcordiorum.
- 2) inquietudinem & iectigationem.
- 3) capitis dolores.
- 4) adpetitus proſtrationem.

3. Quando autem ſuppreſſio lochiorum ab *orgaſtica* ſeu turgeſcente ſanguinis commotione dependet, tum *graviora* pathemata inducuntur, nempe

- 1) *febres* acutæ, inflammatoriæ; præcipue exoritur in quibusdam regionibus *purpura miliaris* cum manifèſta ſæpius malignitate.
- 2) *Congeſtiones* & *ſtaſes* circa caput, vnde diliria, anginæ, apthæ, it.
- 3) Adſtictiones *ſuffocatiuæ*, *ſynopticæ*, ſumme *cardialgicæ*, vomibundæ aut hæmato-emeticæ ſequuntur, quæ vel præcipitem fortiuntur exitum, vel chronicum morbum conſtituunt e.g. hecticam, cachexiam, colicam conuulſiuam, tympanitem, aſcitem.

4. Sed hæc pathemata, quæ *præſenti* tempore inducuntur, non ſufficiunt, ſæpe enim contingit, ante omnia poſt *abortum*, vt lochia, cito ſuppreſſa, in *futurum* etiam damna ſua extendant, nempe

- 1) in *utero* facile coagula, concrementa, ulceratio relinquantur.
- 2) quæ *nouam* in poſterum *conceptionem* vel impediunt, vel
- 3) factam conceptionem non parum turbant, dum foetui nutrimentum ſubripiunt, & nouum facile abortum cauſſantur.
- 4) His incommodis communiter accedunt *menſium ataxiæ*, *ſtabiles inflationes* abdominis, & varii ſpaſtici hypochondriaco-hyſterici adfectus.

5) Qui

5) Qui tandem transeunt in convulsiones epileptico-hystericas, vel motuum syncopicas omissiones.

VI. METHODVS MEDENDI ET REMEDIA.

I. Vbi lochiorum tantum *imminutio* præsto est, ibi

1) *interne*, leniter *stimulantia*, moderatissimis tamen dosibus, adhiberi possunt. e. g.

Recip. essent. myrrh.

fuccin.

scord. ana drachm. I.

croc. scrup. I. M. dosis 20 25. gutt. bis

per diem exhibenda.

Coniungi hic possunt diluentia, infusa, iuscula vinosa parcius crocata: in *robustis* quoque *elixir. proprietat.* item essent. alexipharm. cum pauca portione essent. melissæ, cinnamomi, pulegii remixta.

2) *Externe*, cataplasmata aut *sacculi* ex temperatis vegetabilibus resoluentibus, neruinis & roborantibus adhiberi possunt, additis oleis lenientibus & paullulum camphoræ, croci orientalis & castorei.

Item *pediluvia* & *fomenta* moderate vaporosa ex herbis neruinis temperatis.

2. Quando autem lochia *plenarie* suppressa sunt, circumspectio experimentalis vix vniquam concedit, fluxum *directe* & per stimulantia reuocare. *vid. cautel.* minime omnium, si suppressio iam per aliquot dies durauit.

3. Conuenit potius ad causas huius suppressionis, præcipue vero ad *orgasum* sanguinis respicere, & exæstuationes *febriles* præoccupare. Huic scopo inseruiunt *pulueres antifebriles* nitroso-temperantes, & *portiones* diapnoicæ ex aquis destillat. e. g. plantag. card. benedict. flor. sambuc. scabios. vlmar. paratæ. it. iuscula pingua, decocta gelatinosa & emulsua.

4. *Aluus* semper sit libera, & *urgens* quando adest plethora, moderata *venæ sectio* statim in pede instituat.

5. *Febris* ipsa si accedit, iidem pulueres & eadem portiones diapnoicæ conducunt, neglecta illa, circa *nitri* vsum, for-

formidine vulgari. *Confer. cautel. & tabul. de adfectibus puerperarum.*

6. Post puerperium menses in illis, quæ vel lactare non possunt, vel peruerse nolunt, promouendi sunt, per remedia suo loco indicata.

VII. CAUTELÆ ET OBSERVATIONES PRACTICÆ.

1. *Pilulas Stahlianas*, vel etiam *Beccheri* genuinas, qui dextre poterit adhibere, omnibus aliis stimulantibus & pellen-
tibus, vtpote minus fidis ac tutis, commode supersede-
bit.
2. Quando lochia *plane* supprimuntur, numquam Medicus in
animum inducat, per *pellentia* & alia *calida* remedia flu-
xum reuocare, quia negotium hoc non solum difficilli-
me succedit, sed & variis periculis expositum est.
3. Quæ cautela tanto magis est obseruanda, quando frequen-
tius contra eandem insignes committuntur errores
dum antifebrilia *calida*, aloëtica, myrrhata, & sic dicta
vterina, promiscue exhibentur.
4. Damna, quæ inde redundant, communia sunt illis, quæ
tabula de suppressione mensium, per eadem pellentia tra-
ctata, indicauimus: nempe obstructio vel augetur cum
grauioribus abdominis pathematibus; vel, si omnino
fluxus iterum erumpit, facile tamen febres inflamma-
toriæ vterinæ succedunt.
5. *Opiata*, quæ ad sedanda tormina colica, & spasmos ab-
dominis compescendos, quibusdam in vsu sunt, lochia
prorsus supprimunt, & afflictionem adaugent.
6. Per *venæ sectionem* lochia reuocare velle, secundum con-
siliū per vulgus notum, nullo modo potest commen-
dari.
7. Licet enim in quibusdam indiuiduis plethoricis, quæ
tempore intermedio gestationis venæ sectionem non
admiserunt, excretio talis artificialis nonnumquam vti-
liter possit adhiberi, hoc tamen consiliū circumspe-
ctioni Medici est relinquendum; qui vero, quo magis
sanguis *qualitate* peccat, eo minus per eandem opta-
tum successum obtinebit.

8. Metus ille communis, quod *nitrum*, ob expectandas diarrhæas, puerperis periculosas, tuto non possit adhiberi, sufficiente in contrarium experientia, fatis iam est sublatus. In *modico* hic consistit virtus, ad *sex* enim circiter *grana* nitrum exhibitum tantum abest, ut diarrhæas prouocet, ut potius illas præoccupare & sedare soleat.
9. *Essentia succini non alcalisata, sed alcoholisata*, id est, per solum spiritum vini rectificatissimum sine salibus parata, & cum paucissima portione *essentiæ croci* combinata, parci-
us & repetitis dosibus adhibita, extra commotiones febriles, vfu suo non caret.
10. In *orgastico* sanguinis statu absorbentia egregie se gerunt, temperant autem nimiam hanc sanguinis exagitationem non tam *absorbendo*, quam potius *interponendo*: quilibet enim motus intestinus subtilisationem inducit; quando autem crassiuscula absorbentium corpora interponuntur, effectus ille resolutorius & turgefactorius impeditur.
11. *Dietam*, puerperis conuenientem *tabul. de fluxu lochiorum* iam indicauimus. *conf.* etiam *tabul. de adfectibus puerperarum*.
12. In specie hic adhuc notandum, quod in fluxu lochiorum *tantum imminuto*, paucissimus *croci* vsus, ad leuem iusculorum tincturam adhibitus, extra commotiones febriles, cum vfu adhiberi possit, vti sub *methodo* paucis iam dictum est.
13. Sic etiam modicus *generosi vini* vsus, præcipue in adsuetis, siue iusculis, siue potionibus sumtus, non solum a periculo hic alienus est, verum etiam aliquem adhuc effectum ad fluxus impediti promotionem præstare solet.
14. Regimen tandem non sit anxium & æstuosum, omnesque irritationes ad euacuationem aluinam hic euitentur.

TABVLA XVIII.

DE

CONGESTIONIBVS COMPLETIS
IN GENERE.

I. DEFINITIO.

Congestio est specialis directio sanguinis, a natura mediante motu tonico versus loca peculiariora copiosius & hunc quidem in finem ordinarie collecti, vt per hæmorrhagiam ibidem euacuari, & illius abundantia hac ratione imminui debeat.

II. DIFFERENTIA.

- I. Indoles horum adfectuum optime exprimitur per vocem *congestionum*, hac enim aliquid actiui designatur. Econtra vocabula *regurgitationum*, *stagnationum*, *stasium*, *obstructionum*, quæ his in morbis vulgo adhibentur, & passivam significationem habent, neruum rei non attingunt.
2. Congestiones enim *actiuam* sanguinis compulsionem ad certa loca hæmorrhagica designant. Hinc differunt
 - 1) A *stagnationibus*, in quibus progressio sanguinis in partibus porosis vel vasculosis ita impeditur, vt licet simpliciter nondum subsistat, tam copiose tamen refluere non possit, quam quidem adfluit.
 - 2) A *stasibus* & *obstructionibus*. Nam in his non tantum motus progressiuus, sed & qualitas humorum insigniter alteratur, in congestionibus autem, quæ talibus, horum neutrum contingit.
3. Congestiones sunt
 - 1) Vel *simplices*, *completæ* & *directe hæmorrhagicæ*, in quibus sanguis versus talia loca restringitur, quæ ad illius perruptionem & effluxum apta sunt, e. g. versus nares, pulmones, ventriculum, vterum, intestinum rectum.

- 2) *Vel incompletæ, latius se extendentes & diuagantes, quæ rheumatismi nomine veniunt, & in quibus sanguis versus easdem quidem regiones & in eundem finem hæmorrhagicum congeritur; quoniam autem eminus tantum & in loca, quæ a viis hæmorrhagicis longinque distant, congeritur, perruptio illius non potest expectari. Contingunt autem incompletæ tales con-
gestioniones in rheumatismis stricte dictis, in affectibus ar-
thriticis & in omnibus sic dictis frigidis catarrhis.*
4. Congestiones differunt porro ratione loci.
- 1) *In iunioribus enim caput.*
 - 2) *Media ætate pectus.*
 - 3) *Consistente autem ætate abdomen, videlicet renes, ventriculus & hæmorrhoidalia loca, ordinarie ab iisdem infestantur.*
5. Tandem congestiones differunt ratione effectus & euentus,
- 1) *Vel enim veri sanguinis euacuatio succedit.*
 - 2) *Vel si ob materiæ qualitatem aut colatoriorum constrictionem toti massæ sanguineæ altior aditus non conceditur, tenuiores tantum illius portiones euacuantur. Vnde effectus seroso-mucidos, catarrhalis dictus, vel seroso salsus & corruptioni ulcerosæ propinquus emergit. Germani vocant: scharffe salzige Glasse. Huc pertinent coryza, tussis humida, asthma humidum. Has congestionum species becchicas vocare solemus.*
 - 3) *Quando autem plane nulla euacuatio succedit, humores congesti vel sensim iterum discutiuntur, vel in stagnationem & stasim deducuntur. Vnde varii effectus inflammatorii & suppuratorii, vel pro materiæ & locorum diuersitate œdematosi, glandulosi & scirrholi sequuntur.*

II. SIGNA.

Hæc desumuntur ab effectibus congestionum.

1. In partibus enim affectis observantur

- 1) *Infarctus, inflationes & distensiones vasorum, ita quidem, vt & exilissima vascula, quæ visum alias effugiant, turgida sæpius adpareant.*

2) Do-

- 2) *Dolores* oppletorii, tensiui, grauatiui,
- 3) Quando autem altius & acrius sese exserunt congestiones, accedit *rubor* & *calor* præternaturam, & dolores obseruantur acuti, lancinatorii, fremebundi, punctorii, pulsui respondentes.

4) Quam primum autem euacuatio sanguinis sequitur, plurima hæc incommoda cito sæpius euanescunt; id quod nonnulli patientes ipsi præfagiunt, dicendo: Wenn nur das Bluten käme, so sollte der Kopf bald leichter werden.

- 5) *Hæmorrhagia* autem non succedente, complicantur facile tumores, acuti dolores, inflammationes, immo ulcerationes manantes.

2. In partibus remotis occurrit

- 1) costrictio spastica, ita, vt vasa penitus detumescant.
- 2) Sensus frigoris, immo interdum actualis refrigerationis.
- 3) Reliqua signa e *congestionibus* specialibus, quæ *tabulis* subsequentibus exhibentur, elucescent.

IV. SVBIECTA.

Congestiones, quamquam frequenter occurrere videantur, non omnibus tamen hominibus eadem facilitate eueniunt, sed illis familiariter

1. Qui insigniter plethorici existunt.
2. Qui vitæ otiosæ, sedentariæ & diætæ lautæ dediti sunt.
3. Qui euacuationibus sanguinis, siue naturalibus, siue artificialibus adfueti fuerunt, & iam immunes ab illis vivunt.
4. Huc etiam pertinent, qui euacuationes *serosas*, quas habuerunt, neglexerunt, i. e. g. fonticulos, setacea, vesicatoria.
5. Ceterum non quælibet ætas ad quamlibet, sed ad illam tantum congestionem habet procliuatatem, quæ cum hæmorrhagia, cuius ætati competente, habet connexionem.

V. CAVSSAE.

1. Fictiones *Veterum* de *electiua missione*, quasi anima vel spiritus certas quisquilias ad idonea loca exportent & proiciant, negotio congestionis sufficientem lucem non accendunt.

2. Interea tamen plus rationis habent, quam *Recentiorum causæ passivæ* fermentationis spumescentis, stasium & obstructionum; Actualis enim obstructio est accidens satis periculosum, quod tam frequenter in corpore humano contingere, vti quidem congestiones, numquam vero simillimum est.
3. Quamquam etiam negari non possit, quod congestiones dentur, quæ hæmorrhagiam non respiciunt, & quod Recentiorum materia acris, nervos vellicans, modo biliosa, modo salina, in certa quadam regione hærens, stimulo suo congestiones interdum prouocare soleat, tanto magis, quando iam veræ stases & corruptiones adfunt, hæ tamen congestiones non passivæ sed activæ censendæ sunt. Natura enim per adfusionem humorum acrimoniæ temperare, abstergere vel quamcunque aliam molestiam auertere intendit.
4. Præter ea acris illa materia non per se in tali loco passivè colligitur, sed per prægressam qualemcunque aliam congestionem ordinariè co ducitur; id quod in rheumatismis præcipue est familiare. Et sic sinister euentus *primæ* congestionis prouocat *secundam*, quæ primam exacerbat.
5. Interea tales congestiones, quæ materiæ acris temperationem vel alia molesta auertenda respiciunt, longe rariores sunt, quam congestiones simpliciter *hæmorrhagicæ*.
6. Et sic pro primaria causa *materiali* congestionum accusamus *plethoram*, præcipue insigniter *commotam*.
7. Pro causa *specialiore* habemus difficultatem successus hæmorrhagiæ. Quando enim vel ob humorum spissitudinem vel ob viarum strictionem sanguis stricte dictus non potest euacuari, tum vel portio tenuis serosa tantum excernitur, vel plane nulla euacuatio contingit.
8. Causa *efficiens* est intentio naturæ ad sanguinem abundantem exonerandum.
9. Causæ *occasionales externæ* sunt
 - 1) Exagitatio impetuosa.
 - 2) Insolitus vini potus.
 - 3) Aer humido-frigidus, non raro etiam humido calidus.
 - 4) In

- 4) In specie quando solis æstus capiti, parum tecto, diu admittitur.
 - 5) Item hypocausta humilia cum priinis proxime terram sita, vbi pedes & crura frigore, caput autem calore adficitur.
10. Restat vt de *causis dolorum*, nonnulla adiiciamus, qui vel ab *actibus* vel ab *effectibus* congestionum dependent, id est, vel ab ipsa congestione, vel *per* & *propter* illam excitantur.
- 1) Ab ipsa congestione oriuntur
 - a) Vel *materialiter*: Quando enim materia congesta *stagnans* est, sub mora sua format *calores*, *ardores*, *pruritus*; & quando in actualem *stasim* deducta, eoque ipso corruptionibus obnoxia est, tum *rosiones* & intolerabiles *ardores* ad actualem vsque ylcerationem causatur.
 - b) Vel *formaliter*, id est ab ipso actu congestionis. Ab hoc dependent sensus *infarctuum*, *tensionis*, *grauitatis*, immo *frigoris* & *stuporis* cum subsequente sensu illo fremebundo *obdormitionis*.
 - 2) *Per* & *propter* congestiones veniunt dolores, dum peculiaris connixus seu actus reciprocus expulforius, disculforius & repulforius a natura per actiuam strictionem in parte adfecta distensa suscipitur, vt vel effectus congestionis promoueri, vel metuenda stasis præoccupari & molesta partium solidarum distensio auerti debeat. Oriuntur hinc motus *spastici contentiosi* præcipue per fibras singulares, & ab his dependent *puncturæ*, *lancinationes*, *vell catinæ*, *tractiones*, torsiones, vibrationes palpitatoriæ & fremebundæ.
 - 3) Paucis: omnes dolores dependent vel ab acuta actiua *tensione*, vel a *calore* insigniter aucto, vel a vera & sine tropo dicta *acredine salina rodente*. Acerrima autem dolorum species est illa, quæ a tensione originem ducit; cuius rei verum documentum est *tortura*, quæ secundum *Hildanum* podagricos dolores superat & profligat.

VI. PROGNOSIS.

1. Apparatus congestionum non raro maior est, quam destinatus illarum finis requirit. Hinc varii sinistri effectus *stagnationum*, *stasum* inflammatoriarum & *corruptionum* oriuntur, de quibus sub *signis* iam diximus & tabulis sequentibus per species fufius dicetur.
2. Interdum etiam *stupores* & *paralytodeæ* debilitates partem adfectam occupant, quæ tamen mitioris sunt prognoseos, quam veræ paralyfes.
3. Quo minus euacuatio *hæmorrhagica*, quam natura respicit, obtinetur, eo pertinacior est congestio, & eo maiora incommoda spastica & dolorifica inde sunt expectanda. Hinc congestio *incompleta rheumatica* difficilior curatur, quam *completa*.
4. Congestiones, quæ in *pectore* fiunt, grauioribus & acutioribus morbis portam pandunt, quam quæ in capite & abdomine oriuntur. Sanguinis enim euacuatio, quam natura intendit, felicem in pectore exitum obtinere non potest.
5. Quæ congestiones in *consuetudinem* iam abierunt, illæ, licet causa materialis subtracta sit, non facile cedunt medicationi, sed leuissimis potius occasionibus nouam scenam ludunt.
6. Congestiones quæ *incongrua ætate* contingunt, illæ periculo non carent.
7. Peruersæ congestionum tractationes, præcipue quæ fiunt per *narcotica* incongrua, per remedia *calida* & *regimen sudoriferum coactum*, inducunt vel crebriores paroxysmorum recursus, vel morbos maxime irregulares; de qua re sub tabulis specialibus plura dicemus.

VII. METHODVS MEDENDI ET REMEDIA.

A In paroxysmo.

1. *Aluus* quæ in congestionibus ordinarie stricta est, solvatur & soluta seruetur

1) Vel

1) Vel per blandum *laxans* e. g. rhabarbarinum, pilul. *Beccheri* cum extracto ellebori nigri combinatas, magnesianam albam &c.

2) Vel per *clysterem* emollientem & demulcentem. Hac ratione *reuulsio* quoque humorum a superioribus partibus obtinetur.

2. Nimia *sanguinis expansio* & *spastica fibrarum strictura*, quæ sub motibus congestoriis, iisque immoderatis, oriuntur, demulceantur per absorbentia, nitrosa, cinnabarina, cum diaphoreticis fixis combinata, e. g. conch. præp. ocul. cancr. præparat. nitr. depurat. antimon. diaphoret. cinnab. antimon. vel nativ. Hi pulveres sæpius per diem repetantur.

3. Quando autem *dolorum atrocitas* nimis vrget, tum ad agentis exacerbationem placandam lene *anodynum* dictis pulveribus addatur & ante somnum exhibeatur. Laudamus in hunc finem M. P. de cynoglossa cum cortice cascarillæ.

4. Hisce pulveribus interponantur & subiungantur illa remedia, quæ *æqualem sanguinis distributionem* promouent. In hunc scopum commendantur

1) *Alexipharmaca temperata*, moderatis dosibus & opportuna horarum discretionem propinanda. e. g. Essent. alexiph. *Stablii*.

2) *Diaphoretica blanda*, diluentia largiter & calide hausta, e. g. infusa thée, coffee, veronic. teucris veri, salv. flor. laeundul. &c.

5. Ad sanguinis congesti & restagnantis discussionem adhibeantur simul *topica*; sed cum cautelis inferius notatis v. g. spiritus vini camphoratus, liquamen lumbricorum terrestrium cum spiritu vini camphorato mixtum; item epithema illud, quod per vulgus notum est, & ex semine carvi, baccis iuniperi, sale communi & mica panis fermentati paratur. Subordinentur eodem tempore *lenia repellentia* ex nitro, saccharo saturni & aceto rosaceo præparata.

6) Denique tonus partium adfectarum *roboretur*

- 1) *interne* e. g. per tinct. tonico-neruinam *Stahlii*, essentiam succin. cum essent. lign. & sarsaparillæ combinatam.
- 2) *externe* per sacculos neruinos cum spiritu vini camphorato & crocato madefactos.


B. Extra paroxysmum.


1. *Ventilationes sanguinis præseruatoriæ* circa æquinoctia instituantur & constanter repetantur.
2. His sanguinis euacuationibus præmittantur & subiungantur *laxationes per epicrasin*, quæ spissitudinem sanguinis & cacochymiam corrigunt. *Conferantur tabulæ de spissitudine & cacochymia.*
3. Rerum non-naturalium conueniens vsus obseruetur, in primis quod ad motum corporis placidum & perennantem attinet. Hunc enim qui negligit, illum optima quoque remedia a congestionibus non defendent.


VIII. CAUTELAE ET OBSERVATIONES PRACTICAE.


1. Ex causis allatis manifestè concludere licet, quod in congestionibus legitime tractandis *quantitatem* imminuendam magis, quam *qualitatem* corrigendam respicere debeamus.
2. Et quoniam in ipsis etiam *becchicis congestionibus* e. g. coryza, tussis humida, tumore oedematoso & reliquis, imminutio sanguinis a natura intenditur, hoc autem *indicatum* a paucissimis obseruatur, necessarium est, vt Medicus communem viam hic deferat, & negotium sanguinis abundantis in his adfectibus primario consideret.
3. Quem ad modum egregium momentum prudentiæ practicæ est, quamlibet congestionem cum relatione & respectu ad hæmorrhagiam illam specialem, cui respondet, tractare, ita non minoris dexteritatis nota est, noxios congestorios motus cum noxiis hæmorrhagiarum speciebus conciliare & eadem ratione æstimare. Qui hac cautela incedit, ille e. g. in congestiones *pectoris* non facile *expectorantia*, sed potius *reuellentia* & *discutientia* adhibebit.
4. In omnibus congestionibus ab *immodestis euacuantibus*.

5. Non










5. Non minus ab *alexipharmaco* *diaphoreticis calidis* & *regimine coacta*. Temperata autem ante, quam adhibentur, alvi legitimum successum exposcunt.
6. In *incremento* & *statu* congestionum a *discutientibus* & *repellentibus topicis* prorsus abstinendum est. Alias adfectus non mitigatur sed exacerbatur.
7. *Anodyna* eadem cautela exhibeantur. Quando enim sub doloribus, vti plerumque fieri solet, & ante debitam euacuationem adhibentur, graua & pertinacia mala inde expectanda sunt.
8. Quæ de *venæ sectionibus*, in paroxysmis institutis, sub hæmorrhagiis passim indicauimus, quod scilicet in *præsens* tantum, non autem in *futurum*, auxilium adferant, & præter ea inconuenientes consecutiones inducant, illa in congestionibus omnibus probe etiam sunt obseruanda.
9. Quid de *pediluniis*, *vesicatoriis* & *fonticulis* obseruandum sit, & in quibus congestionum speciebus locum habeant, sequentibus tabulis indicabitur.
10. In pertinacibus illis congestionibus hypochondriaco-ischiadico-podagrigo hæmorrhoidalibus talis efficacix sunt *hirudines*, orificio intestini recti adplicatæ, qualis a nulla alia medicatione expectanda est.
11. *Essentia succini* in omnibus congestionibus, dolores post se trahentibus, officium suum optime facit, quando cum essentia alexipharmaca *Stahlîi* iungitur & repetito propinatur.
12. In congestione, quæ *copiose*, & præcipue in corpore *spongioso* exoritur, abstinendum est sub *initium*, & in ipso *statu* a salibus volatilibus vrinosis, in primis largius propinatis; in notabili vero *declinatione* bene se gerunt. Notandum autem, quod paruis dosibus sit incipiendum.
13. Quæ vero congestio *pauca* materia contingit, e. g. hemierania minus plethoricorum, illa in ipso etiam *statu* admittit *salia volatilia*, sed remixta cum *tinctura salis tartari* vel *antimonii*. Nam alcalica hæc fixa per acrimoniam suam promouent diureticam euacuationem, ferosam etiam tenacitatem potenter incidunt, & sic ad æqualem humo-


rum distributionem atque congestionum discussionem multum contribuunt.

14. *Liquamen lumbricorum terrestrium* per spiritum vini præcipue camphoratum & pauca nitri portione a corruptione præseruatum, est antispasmodicum non contemnendum.
15. *Analeptica*, quæ in forma emulsionis gratæ & quodam modo dilutæ exhibentur, pertinaciam rigidæ & spasticæ constrictionis egregie demulcent.
16. *Embrochæ* seu stillicidia balnearia, præsertim paullo fortius allabentia sæpissime effectus sunt non poenitendi, & illis quidem in casibus, quorum congestionibus dolores fixi, in partibus præcipue carnosis, accedunt.
17. *Blandus calor* tum in ipsa parte adfecta, tum in reliquo corporis habitu, tam efficaciter prodest, quam refrigeratio nocet. Notandum autem est contra communem morem, quod calor in parte adfecta blandior esse debeat, quam in aliis partibus, ad quas humores derivandi & reuellendi sunt.
18. *Ligaturæ partium* oppositarum suam habent vtilitatem, præcipue quando circa initia, quo tempore humores in motu adhuc constituti sunt, suscipiuntur.
19. Quando autem humores quiete quasi iam restagnant, plus possunt *frictiones*. Hæ enim sensum fremebundum latius diffundunt & eo ipso spasticum toni rigorem demulcent.
20. *Amuletica & specifica* interdum satis efficacia sunt, in subiectis præcipue sensibilibus: In vsum autem non trahenda sunt prius, quam vel plane sub initium, vel vniuersalibus præmissis.
21. Ex amuleticis *bufo exsiccatus* in plerisque congestionibus efficaciter solet adhiberi; cuius rei in congestionibus *angine* experimentum habemus, quod per ipsum vulgus satis notum est.
22. *Cautelæ*, quæ de vsum *rerum non-naturalium*, præcipue autem de scrupuloso victus & aëris selectu, passim inculcantur, illae fontem, ex quo congestiones primario oriun-



oriuntur, non attingunt. Notum enim est, quod illi homines a congestionibus satis liberi sint, qui omnes aëris iniurias perferre & victum dyspeptum adsumere tenentur.

23. *Animi autem commotiones* turbulentæ sollicitè evitentur, ad congestionum enim repullulationem multum conferunt.



TABVLA XIX.

DE

CONGESTIONIBVS INCOMPLETIS

SEV

RHEVMATISMO.

I. DEFINITIO.

Rheumatismus est contentiosum & diffusum molimen hæmorrhagicum, quo principium vitale humores per congestionem incompletam ad varia corporis loca, & præcipue in *viciniam* illorum, quæ sanguini euacuationem concedunt, copiose quidem adpellit, quoniam autem hisce motuum adparatibus ad ipsum exitum directe non tendit, sed *latiore* ambitu partem obsidet & tergiversando *eminus* tantum hæmorrhagiam respicit, loco sanguinis euacuationis stagnatio illius & varia incommoda tensionis, grauitatis, pressionis atque acris ardoris, & tandem vltiores noxii effectus & euentus introducuntur. Deriuatur a *ῥέω*, fluo.

II. DIFFERENTIA.

1. Rheumatismus vi vocis rem maxime generalem denotat, & potius vt *caussa* variorum adfectuum instrumentalis, quam *morbus* considerandus est. Motus enim suos tam

non simpliciter non feruat, neque tam *uniformes* conatus diu prosequitur, ut quidem *hæmorrhagiæ*, sed in varia schemata ad modum pronus, & vltioribus nouorum morborum genesibus generalem, ut dicunt, influxum supeditat.

2. Hæc generalis rheumatismi acceptio *Hippocratis* iam temporibus nota fuit. Quando enim *libro de prisca medicina* prolixam mentionem facit non tantum *rheumatismum* in genere, sed *acrium* humorum, qui *fluxu* in partes deferantur, in specie, rheumatata talia non ut ipsum morbum, sed ut causam aliquot morborum, ibidem nominatorum, arguit.

3. Differunt autem rheumatici decubitus

1) Ratione *loci*. Modo enim

a) *exteriora*, modo

b) *interiora* corporis loca occupant.

2) Ratione *extensionis*. Modo enim

a) *arctioris* & *particularis* sunt ambitus, modo


b) *latius* sese extendunt, & non tantum *circa* illum locum, qui exitui sanguinis patet, adfligunt, sed integram aliquam corporis regionem occupant, modo


c) *latissime* & per vniuersum corporis ambitum eiusmodi contentiosa diffusiones exoriuntur. Et hic vniuersalis quasi rheumatismus egregiam habet convenientiam cum molesto illo *fatigationis* & *contusionis* sensu, quem plethorici post insolitam & vehementem corporis exagitationem a simplice sanguinea tensione, in partes porosas insolentius redundante, sequente die experiuntur.


3) Ratione *causæ*.

a) Qui enim rheumatismi *latioris* sunt ambitus, illi a simplice sanguineo-ferosa materia & a sinceris sanguineo-hæmorrhagicis moliminibus dependent, atque de his *simplicibus* & *sinceris* præcipue valet *definitio*.

b) Qui







b) Qui vero *arctioris* & *particularis* sunt ambitus, illi, præcipue in membris *interioribus*, sumunt quidem etiam aliquando occasionem a negotio sanguinis impedito, in *exterioribus* autem locis familiarius a causis, quæ sunt præter naturam, producuntur.

4. Rheumatismus differt ratione *ætatis*. In iunioribus enim præcipue caput, in *adultioribus* pectus, diaphragma & præcordia, in *senibus* autem modo hypochondria, unde *lumbago rheumatica*, modo totam venam portæ cum visceribus adnexis, modo inferiores corporis partes infestit.

5. Differt etiam ratione *indolis*, quo respectu alius est

1) *Mitior*, nempe ille, qui latioris est ambitus, & exteriora loca occupat, nisi quidem in adfectum phlegmonodeum degeneret.

2) *vehementior*, qui angustioris est tractus & interiora loca occupat. Hic enim acrioris est sensus & ardoris.

3) *Pertinacissimæ indolis*, qui ex adfueti humorum decubitu vel dyscrasia sanguinis individuali contumaciter sustentatur. Præcipue autem maxime importunus, & statibus mali moris formandis idoneus est rheumatismus, quando tenuiores sanguinis particulae sero viscoso intertextæ intra penitissimas porosarum partium angustias coarctantur.

6. *Rheumatismus* seu congestio *incompleta* quo modo a congestione *simplice* & *completa* differat, præcedente tabula indicatum est.

7. Discernendus etiam est *rheumatismus* ab *inflammatione*. In hac enim vera humorum *stasis* & *fervus* æstus, in illo autem, quam diu adhuc genuinus est, simplex tantum *stagnatio* cum *acri* ardore occurrit. Quando autem insultus rheumatici sunt fortiores, ipsa inflammatio accedit, quæ *internæ* fit phlegmonodes, *externæ* ordinarie erysipelatodes, numquam autem apostematodes.


8. Porro differt rheumatismus ab *arthritide*. Licet enim hi duo adfectus non sint res maximæ diuersæ, sed subordinatæ & sæpius complicatæ, leuior etiam arthritidis rheumatis

matris nomine non raro soleat laruari, differunt tamen sequentibus circumstantiis.

- 1) Rheumatismus veram *humorum restagnationem* format, arthritis autem *spasticam contentionem* per partes solidas exercet.
- 2) Rheumatismus sedem habet in partibus *musculosis*, arthritis vero *iuncturas* partium potissimum occupat.
- 3) Rheumatismus arthritidem ordine antecedit.
- 4) Differt denique *rheumatismus* a *catarrho*. Hunc enim constituit materia *pituitosa* & sic dicta *frigida*, illum autem materia *acris*, & quoniam hæc partem illam, quam infestat, præter reliquos dolores, etiam *ardore* adficit, *calida* solet vocari. Vnde Germanorum differentia *Salte* und *hitige* *Glüsse* nata est. Et sic rheumatismus catarrhum *sensibilitate* longe superat.

III. SIGNA.

1. Restrigitur sanguis in certam corporis regionem, qui ibidem *restagnans* varias molestias caussatur.
2. Videlicet sensum *tensionis*, pressionis, grauitatis, fatigationis.
3. Conspicitur *inflatio* & levis *distensio* partis affectæ.
4. Coniuncta est *ineptitudo* illius membri ad *motum*, præcipue propter sensum, quem infert acutum & contusorium, quam primum sensui huic *pressorio* qualiscunque *repressio* seu *renisus* per attactum, motum voluntarium, vel situs mutationem accedit.
5. *Calor*, qui in suffarctu hoc adhuc mobili sentitur, & a *materiali distensione* multum dependet, est magis *acris* & *inquietans*, quam *feruidus* & *æstuans*. Atque hæc signa sunt rheumatismi *simplicioris*.
6. In illis autem rheumatismi speciebus, quæ *accidentali* constitutione fiunt *indolis deterioris*, omnia symptomata obseruantur *acerbiora*. Fortior est impetus, impetuosior adfluxus, maior humorum restagnatio & partis distensio, exquisitior sensus tensius, vibratius & ardor ad dolorem inflammatorium fere accedit.
7. Præter ea comitatur interdum *fortiores* hosce insultus rheu-



rheumaticos sensibilis *motuum tonicorum alternatio*, & quæ inseparabili nexu cohæret, *frigoris & caloris volatica variatio*; quæ vero, licet generali sensu pro actu febrili haberi possit, cum specialibus tamen febris circumstantiis non conuenit; nisi omnia maxime sint exacerbata.

8. Atque hæc incommoda semper sunt *mitiora* in rheumatismis *externis*, adhuc sinceris; *acriora* in sinceris quidem, fortioribus tamen *internis*; non minus in *externis phlegmonodeis*; *acerrima* in *phlegmonodeis internis*.


IV. SVBIECTA.


1. Rheumatismus occupat communiter homines *vegetæ ætatis* & quidem vtriusque sexus.
2. In quantum cum negotio hæmorrhagico simpliciter conspirat, in tantum proprius & familiaris est *plethoricis otiosis*, præcipue quando præter consuetudinem fortiolem corporis motum interdum admittunt.
3. Quod ad *temperamentum* attinet, primum locum occupat *sanguineum*, quod laxo & spongioso corporis habitu iunctum est.
4. Præter ea infestat *teneros & animi pathematibus* obnoxios.
5. Quando autem *robusti & laboriosi* rheumatismo corripuntur, non plethoricæ sed externæ causæ subesse deprehenduntur. *Vide causas externas.*

V. CAUSSAE.

1. Causa *materialis* rheumatismi *simplicis* est *plethora*, præcipue *commota*. Non opus autem est, vt rheumatismus *crasi determinata* circumscribatur, quia ex sincera tota massa decubitus fieri solet; quamquam negandum non est, quod acris & tenuis humorum dyscrasia altius penetrare & acrius adfligere possit.
2. Causa *formalis* est quidem molimen principii vitalis hæmorrhagicum, quod autem, quia incompletum est, & non directe sed *eminus* tantum respicitur, finem suum non attingit. Cur vero *eminus* solum exitum tentet natura, id vel in abiecta spe liberalis hæmorrhagiæ successus, vel in aliis impotentiis atque difficultatibus querendum videtur.

3. *Causſa iſtrumentalis* eſt motus tonicus alteratus & auctus, quo humores in partes muſculosas deferuntur & pro- pelluntur. Quoniam autem craſſiores ſanguinis parti- culæ altius penetrare non poſſunt, ſolæ tenuiores ſalino- ſulphureæ & orgaſtico-ſeroſæ ad partes ſenſibiles mem- branaceo neruoſo-tendinoſas ſecedunt, moleſtum illis ſenſum inprimunt, & hinc vltiorem humorum adflu- xum facile accelerant.
4. Hæc valent de rheumatismo qui *latioris* eſt ambitus & a *ſanguineo-ſeroſa* materia atque a moliminibus ſinceris hæmorrhagicis initia ſua ſumit. Qui vero *exigui* ſeu *arctioris* ambitus eſt rheumatismus, ille quidem præci- pue, quando in partibus *interioribus* exoritur, etiam ab *hæmorrhagicis* moliminibus interdum dependet, famili- arius autem in *exterioribus* corporis regionibus a caus- ſis, quæ *præter naturam* ſunt, originem ſuam ducit. *Vid. num. 5 & ſigna.*
5. Cauſſas *externas, violentas & procatacticas* ſequenti or- dine collocamus.
 - 1) Tempeſtatum mutationes, aut aliæ frigoris & caloris repentinæ commutationes & viciffitudines.
 - 2) Venæ ſectionis & ſcarificationis conſuetæ omiſſio.
 - 3) Veſicatoriorum & fonticulorum, diu geſtatorum, ne- glectio.
 - 4) Hæmorrhoidum adſuetarum impeditus ſucceſſus.
 - 5) Menſium qualiscunque ſuppreſſio.
 - 6) Læſiones partium ſolidarum, vel diuturnæ illarum irri- tationes, e. g. contuſiones, diſlocationes, luxationes, fracturæ, vlcerationes diu manantes, vulnera cum gra- vibus inflammationibus ſtipata, ambuſtiones, pernio- nes. Hiſce enim indiuiduis mutationes tempeſta- tum, commotiones animi, vel aliæ irritantes cauſſæ inſultum rheumaticum, & quidem in loco vique- læſo, facillime prouocant.
 - 7) His accidentalibus cauſſis merito ſubiungimus *febres*, quæ interdum ſymptomatice eius modi rheumati- ſmos





smos seu particulares decubitus & metastases humorum efformant, quando legitime non decurrunt.

- 8) Tandem *consuetudo* horum motuum & dispositio *hereditaria* rheumatismos pertinaciter sustentat.

VI. PROGNOSIS.

1. Rheumatismorum effectus numquam est utilis.

2. Quum enim *simplices* & *sinceri* a moliminibus hæmorrhagicis incompletis dependeant, sanguinis autem euacuationem non adsequantur, neque etiam alio modo imminutioni humorum satis faciant, facile concludendum est, quod nihil aliud, quam congeriem incommodorum, sub *signis* nominatorum, introducant.

3. Euentus *benigniores*, qui rheumatismos *moderatos*, & *sincera* materia præditos, sequuntur, hi sunt, ut omnia incommoda post aliquot dies sponte & successiue remittant, & quidem vel sine vel cum quacunque euacuatione; & hæc quidem cum lenibus successibus, extra statuta tempora, quasi indifferente modo.

4. Euentus autem *peiores* sunt copiosæ stagnationes, quæ nonnumquam per plures hebdomades perseuerant, & inflammatoriæ stases, non suppuratoriæ, sed erysipelacæ vel phlegmonodæ, quarum hæc posteriores rariores quidem, sed & periculosiores sunt, præcipue in partibus internis.

5. Et quando remediis exagitantibus, atque calido regimine tractantur, hoc periculum augetur.

6. Quando autem per repentinam & impetuosam horum adfectuum oppressionem velox *translatio ad interiora* contingit, periculosior adhuc est euentus. Hac enim ratione materiæ quantitas in angustiore locum cogitur.

7. *Expulsio* autem ab *interioribus* ad *exteriora* pari effectui minime succedit. Non enim ut erysipelas aut phlegmone, sed ut rheuma ad exteriora erumpere possunt, quia hic non sunt simplex & directus *adfectus* vel perpetuus *effectus*, sed potius rheumatismorum male cedentium solus *euentus*. Et quando discussio staseos obtenta, nouam eius concentrationem in exterioribus partibus expectare, absurdum est.

8. Multo minus rheumatismus, qui dictarum inflammationum fomes est, *translationem sinceram* ab vno loco in alterum admittit, sed contentus est vera *discussione*.
9. Non est familiare *simplici* rheumatismo, vt repentina, copiosa & stabili congestione in artum quemdam incumbat, & contumaciter illum obsideat, solemnius autem est illis rheumatismis seu *apostasibus*, quæ a *febris*, incommodè cedentibus, proueniunt, & crus, inprimis *alterum*, impetu quodam inflare solent.
10. Hic infarctus & inflatio, quando mature non dissoluitur sed stabilis subsistit, *arx* & *sedes* fit, ad quam commotiones rheumaticæ, vndecunque cooriantur, iuratum quasi *receptum* habent; promptius etiâ ob leuiiores causas paroxysmi recurrunt, & maiora incommoda adfectæ parti conciliant.
11. Videlicet augefcit ardor, rubor, vibratilis & fremebundus dolor cum febrili languore, inquietudine, prostratione adpetitus, agrypnia, angustis præcordiorum.
12. Hæc constitutio quouis modo periculofior est, quam *simplex* rheumatismus, quia facile *inflammatoria febres* accedunt, vel *relapsus ad interiora* periculofus contingit.
13. Ceterum recursus rheumatismorum sunt benigniores, præcipue in ferofioribus, quando excretiones placidæ & successiuæ accedant; id quod Medico lucem genuinæ translationis accendere potest.

VII. METHODVS MEDENDI ET REMEDIA.

A. Curatiua.

1. Resolutio & discussio humorum restagnantium respiciatur.
 - 1) *Interne* per antimon. diaphoret. arcan. duplic. bezoard. min. lumbric. terrestr. præparat. coniunctis temperatis alexipharmacis v. g. essent. alexipharmac. *Stablii*, mixtur. simpl. essent. scord. essent. pimpin. alb. vince-tox. &, in mitiore adfectu, succini, absque regimine coacto sudorifero.
 - 2) *Externe* per spirit. vini rectificatiss. camphorat. per facculos ex speciebus resoluentibus & discutientibus paratos, v. g. ex herb. chamom. rorism. mentæ, maioran. puleg. ma-

matricar. hyssop. epithymi, betonic. thymi, flor. chamom. sambuc. melilot. stoechad. lauendul. cum camphora.

- 3) Quando autem pertinacius inhæret adfectus, spirit. vini camphorat. cum modica quantitate spiritus formicar. vel spiritus abstractit. serpilli maritatus conducit. Ipsæ denique embrôcationes cum decoctis temperate neruinis, & pediluua vsus haud contemnendi sunt.
2. Motus congestorio - spastici modeste cohibeantur, organus sanguinis temperetur & partium stricturæ leniantur, per nitrum cum absorbentibus, it. decocta gelatinosa, mucilaginosæ & emulsivæ cum modica quantitate papaveris, per ipsum denique serum lactis ac potum dilutum & sufficientem.
3. Quando autem necessitas vrget, & adfectus pertinacia continuat, dictis temperantibus misceatur cinnabaris, corall. rubr. præparat. M. P. de cynogloss. semen papaver. & syrup. eiusdem.
4. Ante omnia vero alvus semper aperta seruetur per lenia laxantia, aut mitiora euacuantia, cui scopo inserviunt rhabarbarina, fennata, tamarindinata, magnesia alba, extract. panchymag. *Crollii*, massa pilul. de succino *Cratonis*, & instar omnium, pilulæ *Stabliane*.
5. Tandem in declinatione adfectus circa finem mixtura tonico - neruina *Stablii* obferatur.

B. Præservatiua.

1. Ratio maxime habeatur euacuationum sanguinearum tam spontanearum, quam artificialium. Hinc circa æquinoctia venæ sectio in pede instituatur, & in adfuetis scarificatio interdum interponatur.
2. Præcipue autem hoc necessarium est, quando hæmorrhoides vel menses impeditæ fluunt; quo casu applicatio hirudinum ad loca hæmorrhoidalia subiungenda & turbatæ vel suppressæ hæmorrhagiæ modeste reuocandæ sunt.
3. His ob primarium viarum saburram, & sanguinis abundantiam ferofam subinde interponatur laxatio per epicrasin.

4. Thermarum vsus præsertim in spongiosis subiectis, hic non reiicitur.
5. Optimum autem & præstantissimum remedium, nempe *motus corporis* sufficiens & perennans, vbique coniungatur. *Vid. Cautel.*
6. Tandem *causæ occasionales*, quæ paroxysmos rheumaticos reuocare solent, quouis modo euitentur.

VIII. CAUTELÆ ET OBSERVATIONES PRACTICÆ.

1. In rheumatismo exulent omnia remedia *exagitantia* calidiora, aut *refrigerantia*, lympham & serum densantia, grauiora enim & vehementiora incommoda post se ducunt.
2. Non minus euitentur *humida*, quia tonum admodum relaxant & eneruant.
3. *Opiata* adfectum rheumaticum præsentem non tantum reddunt contumacem, sed & quacunque leui occasione eundem reuocant.
4. *Salia volatilia* partes subtiliores facile repellunt, & crassioribus relictis, tumores ac stupores inducunt.
5. Maxime omnium sibi caueat Medicus ab *oleis destillatis*, item ab *unguinosis*, *emplasticis* tenacibus, & omnibus maturantibus & abscessum facientibus. Non enim est indoles rheumatismorum, abscessionem stricte dictam formare.
6. Minus quoque & sibi & patientibus consulit Medicus, quando fortiora *purgantia* & *emetica*, vel calidiora diaphoretica cum regimine coacto propinat, facillime enim cum aliis grauissimis pathematibus *arthritidis* inducitur.
7. Ipsa *venæ sectio* curatoria locum non habet, nisi summa vrgeat necessitas, nam & præsentia incommoda, nisi quidem repetatur, parum minuit, & futura causatur admodum fontica, nempe nulli, nisi huic medelæ amplius cedit adfectus.
8. De *spiritu vini* notandum, quod sit rectificatissimus. Sinsecus, plus detrimenti quam emolumenti adfert. Quando autem *talis* non est ad manus, topica in forma sicca tutius adhibentur.

9. *Essentia succini* hoc in adfectu præseruando, præmissis quæ sanguinis quantitatem imminuunt, egregiæ est efficacix. Immo in ipso paroxysmo, non adeo exacerbato, laudatur.
10. De *motu corporis* in paroxysmo negandum quidem non est, illum sub initium maiores dolores, immo eiulatus, excitare; adseueramus autem & multis testibus confirmamus, quod hoc remedio, placide primum adhibito & deinde moderato tenore per tres vel quatuor horas continuato contumacissimi rheumatismi, qui alias optimis remediis per plures hebdomades resistunt, vno die felicissime profliguntur.



TABVLA XX.

DE

INFLAMMATIONE IN GE-
NERE.

I. DEFINITIO.

Inflammatiō est principii agentis negotium vitale, quod illud mediante humorum motu congestorio & adpulsorio in aliqua corporis parte, vltra gradum naturalem aucto, sanguinem, in veram stasim deductum, discutere, vel, sin hoc non amplius obtineri possit, sulphureas, fermentatiuas & summe agiles particulas, in hac stasi contentas, subtrahere, & reliquam languidam, minus noxiam, materiam in pus laudabile conuertere conatur; vt hac ratione corruptio putrida, seu sphacelosa, a stasi tali expectanda, præoccupetur, & præceps fermentatiua diffusio intercipiatur.


II. DIFFERENTIA.


1. Inflammationis tres sunt species.

1) *Erysipelas* dicitur, quando inflammatio in superficialibus

bus, & membranaceis partibus in *latitudinem* diffunditur, & tumorem æqualem, mediocriter ardentem, & dilute roseum format. Germanice vocatur die No-
se, der Nothlauf.

- 2) *Phlegmone* adpellatur, quando inflammatio in *latum* & *profundum* æqualiter & satis amplo spatio extenditur. Differentias speciales mox subiungemus.
 - 3) *Apostematodes* inflammatio vocatur, quæ vel in superficie, vel subtus, arctiori spatio circumscripta est, & *profunditatem* illius partis, quam obsidet, magis penetrat. Huic inflammationum speciei partes carnosæ vel glandulosæ in primis sunt expositæ.
 - 4) *Gangræna* non est peculiaris species inflammationis, sed potius infelix illius, præcipue apostematicæ, euentus.
2. *Erysipelas* differt a *phlegmone* gradu,
- 1) nam in *latum* tantum est diffusum, & ita solum *cutis* inflammationem exhibet. *Phlegmone* autem tam in *latum*, quam in *profundum* tendit.
 - 2) In *erysipelate* color magis ad flavedinem, in *phlegmone* autem ad ruborem excedit.
 - 3) *Erysipelas* mutat subinde sedem suam, & ex vno in alium locum cedit, augmenta etiam celeriter sumit; *phlegmone* autem in vno loco subsistit, & tardius augetur.
 - 4) *Erysipelas* maiorem quidem feruorem inducere observatur; *phlegmone* autem, ut non raro a *mestasi febrili* exoritur, ita plerumque motus febriles habet coniunctos. Nam motus inflammatorius *partialis* quando in vniuersam humorum massam diffunditur, *febris* inflammatoria adpellatur.
 - 5) *Erysipelas*, quando premitur, color disparet, & mox redit; *phlegmone* autem propter duritiem suam hanc coloris mutationem non subit.
 - 6) Inter ea hoc habent commune, ut ad *suppurationem* non inclinent. Quando autem incongrua arte maturatio promouetur, corruptio *seroso-salsa*, loco laudabilis suppurationis, facile emergit.





7) De *pblegmone* notare adhuc conuenit, quod ab auctori-
bus non æque exacte describatur. Communiter enim
generico sensu ab illis sumitur. Est autem *species* in-
flammationis, quæ stasin sanguinis intra poros & te-
nuissima vascula in *latum* & *profundum* inuoluit.

2. Inflammationes differunt ratione *materie*, stasin forman-
tis, & hinc dicuntur vel

1) *simplices*, quæ a stasi pure *sanguinea* in partibus carno-
sis & sanguifluis oriuntur, & ad corruptionem siue
suppuratoriam, siue putredinosam proclives sunt, vel
2) *compositæ*, quæ multum ferofo-lymphaticæ substantiæ
comprehendunt, & in falso-*ulcerosas* corruptelas
magis abeunt.

4. Differunt etiam *ratione locorum* adfectuorum, & secundum
hanc diuisionem sunt vel

1) *externæ*.

a) Huc pertinent omnes erysipelacei adfectus faciei, ma-
nuum, brachiorum, genuum, tibiæ, pedum.

b) Apostemata externa.

c) Furunculi in peripheria corporis prouenientes.

d) Tumores inflammatorii v.g. parotidum, tonsillarum,
vulvæ, mammarum, testium.

e) Ophthalmia, odontalgia, otalgia &c. vel

2) *Internæ*.

Huc non solum pertinent phrenitis, angina, pleuritis,
peripneumonia, paraphrenitis, hepatitis, nephri-
tis, sed etiam omnes febres inflammatoriæ, in qui-
bus motus auctior, ante particularis, per vniuersam
sanguinis massam diffusus est. De his speciales ta-
bularum infra exhibebimus.

3. Ardor *inflammatorius* non confundendus est cum æstu san-
guinis *congestorio*, ille enim semper veram stasin, hic au-
tem stagnationem tantum sequitur.

III. SIGNA.

A. Inflammationum *externarum*.

I. Generalia.

1) Facta sanguinis stasi mox accedit *tumor*, qui non solum


partem immediate adfectam, verum etiam viciniam occupat.


- 2) Huic tumori tempestive succedit *rubor* & *æstus*, seu potius *ardor*, ad tactum sensibilis, & patienti ita molestus, ut inquietudinem, impatientiam, immo internum angorem sæpius incurrat.
- 3) *Dolor* concurrit lancinans, pungens, arteriarum pulsui respondens, sensibilior in partibus sanguineis, obtusior in exsanguibus & glandulosis.
- 4) Hæc symptomata, quando per aliquot horas duraerunt, contingit *interdum*, ut sensim mitescant, & tandem prorsus auferantur.
- 5) Et sic patiens pristinae integritati restituitur in stasi quidem *profundiore* intra *quatuor* circiter dies, quando autem magis in *latum* diffusa fuit, *septem* dierum spatium negotium demum absoluitur.
- 6) Quando autem *discussio* obtineri nequit, staseos succedit *corruptio*, eaque vel laudabilis, *purulenta*, substantia nempe alba, aut ad summum leuiter flauescens, in odora; vel *putredinosa*, de qua sub *prognosi* plura dicemus.
- 7) Toto illo tempore, quo stasis ad corruptionem purulentam properat, æstus & ardor petissimum in circuitu adfligit, & rubor circulum quasi in peripheria partis adfectæ format, in centro autem tumoris hæc omnia mitiora, tepidiora, & magis pallida adparent.
- 8) Quo grauior est inflammatio, eo magis reliquum totum corpus spasmodica constrictione adficitur, & adspectus est macilentus, concurrente sensu horripilationis.
- 9) Reliqua signa sub *differentia* iam indicata legantur.

2. *Specialia*

1) *Erysipelatis*.

- a) Præcedit *rigor* quidam in parte illa cutanea.
- b) Hunc excipit *dolor* congestorius in eadem adfecta parte.
- c) Succedit *tumor æqualis*, qui intra exiguum tempus tale sumit augmentum, ut *cuticula* niteat.
- d) Non-





- d) Nonnumquam *mador* quidam, vesiculas quasi formans, in hoc tumore obseruatur.
- e) Continuat hic tumor per *dies* circiter *quatuar*, quo tempore sensim iterum decrescit.
- f) *Colorem* exhibet non tam insigniter rubicandum, quam flauescentem. Quando autem magis pallidus est tumor, quod rarius obseruatur, a *Germanis* adpellatur: *Die weisse Rose*.
- g) Aliquando de loco in locum migrat, immo per vniuersam corporis peripheriam se diffundit.

2) *Phlegmones*.

- a) Tumor adest non solum in *latum*, verum etiam in *profundum* diffusus, durus, rubicundus, præter naturam calidus, in *altitudinem* non adeo eleuatus.
- b) In *peripheria* accedunt *dolores* spastici, lancinantes.
- c) *Duratione* hæc species inflammationis longe superat *erysipelaceam*.
- d) Sponte sua vti ad suppurationem non est idonea, ita, si peruersa arte eo deducitur, legitimum & bene coctum *pus* non exhibet, sed materiam *ulcerascentem*. Vnde & facile in vlcus manans, serpiginosum, vel plane fistulosum transmigrat.
- e) Commotiones *febriles* communiter præcedunt & coniunctæ sunt.
- f) Quando a *metastasi febrili* exoritur, inuadit cum *horrore*, per vnâ & alteram horam durante.
- g) Huic succedit *æstus*, quem sensus *ardoris* excipit.
- h) Contingunt eiusmodi stales phlegmonodes in *carnosis* communiter & *spongiosis* locis.
- i) Insuper, quod notatu dignum, in *extremis* vti plurimum partibus, nempe in brachio, cubitu, crure, rarius femore. Confer. *caussæ*.
- k) Aliquando etiam in facie occurrunt, e. g. duræ illæ, rubræ & æstuosæ inflammationes, quæ interdum dentium dolores excipiunt; *phlegmones* indolem sistunt; præcipue si minus dextre tractentur.

3) *Apostematis.*

- a) Collectio sanguinis extrauasi in vnum quasi nodum, & hinc arctiore spatio circumscripta.
- b) In partibus præcipue carnosiss & glandulosiss.
- c) Reliqua videantur *tabul. de abscessis.*

B. Inflammationum *internarum.*

Harum signa diagnostica *specialia* tabulis febrium inflammatoriarum specialius indicabuntur; *generalia* sunt sequentia.


- 1. Quo sensibilius est viscus, eo magis acerbus & ardens est *dolor*. Hinc in pulmonibus, pleura, renibus & ventriculo est exquisitissimus, in hepate autem, liene & pancreate obtusior sentitur.
- 2. Ingens adest *æstus*, horror admodum notabilis, & inferiores corporis partes magis affligens, *sitis* fere inextinguibilis, ita vt magna faucium siccitas post potum mox redeat.
- 3. *Vrina* flammea, interdum post temporis cuiusdam spatium sedimentum rosei coloris, circa incrementum vero & statum inflammationis, multo tenerius, tempore vero declinationis tenacius & submucidum deponens.


IV. *SVBIECTA.*

- 1. Vix vmquam alii homines, quam *plethorici* inflammationibus obnoxii sunt.
- 2. Præcipue sanguinei, qui habitus corporis succulenti, laxioris & porosioris existunt, in quem sanguis altius & copiosius penetrare potest. Hinc inflammationes communiter in partibus carnosiss, deinde in sic dictis parenchymaticiss, rarissime in exsanguibuss occurrunt.
- 3. Maxime omnium illi, qui corpore quidem otiosi, animo autem multis commotionibus expositi sunt.

V. *CAVSSAE.*

- 1. Causa materialis *antecedens* est plethora. Inflammationes enim satis frequenter ab intra ortum suum habent, & per modum *decubitus*, vti vulgo loquuntur, siue expulsionis ad exteriora corporis, nempe ad artus materia






expellitur: præcipue in phlegmone post febres acutas rheumatico - inflammatorias.

2. Causa materialis *proxima* est stasis sanguinis in aliqua corporis parte.
3. Causa *formalis* est laboriosa principii agentis intentio & conamen, ad corruptionem sphacelolam, in quam sanguis, sibi relictus, facile transit, præoccupandam.
4. Locum hinc omnino habet *adsertio antiquorum*, quod eiusmodi expulsionem inflammatoriæ a natura soleant institui vtili quadam intentione, dum illa materias noxias a partibus nobilioribus vitalibus deponat ad partes ignobiliores.
5. Et sane dignam meretur considerationem, quod tam *phlegmone*, quam *erysipelas* in *extremis artuum* communiter proveniant e. g. in brachio, manu, cruribus, pedibus, non vero facile in reliquo corporis trunco, rarius etiam in femore, & ibi quidem non sine ingenti periculo & malo successu, in primis, si error in cura committatur. Hoc etiam valet, quando in capite, in primis in facie se sistit; id quod frequentius feminis, quam viris, ob inordinatos menses evenit.
6. Causæ *instrumentales* sunt
 - 1) directio & restrictio copiosioris sanguinis, bene adhuc fluidi, ad portionem illam, motu suo iam priuatam.
 - 2) Motus auctior & fortior transpulsus huius fluidi & viuidi sanguinis per coagulatas & concretas illas portunculæ. Unde non solum tumor, rubor & calor oriuntur, sed etiam corpusculorum concretorum aliqua abrasio, diuulsio & discussio obtinetur.
 - 3) Quando autem hæ coagulatae moleculæ tam crassæ & densæ sunt, ut illarum discussio non amplius obtineri queat, tum intimiorem mixtionis suæ dissolutionem fubeunt.
 - 4) Qua ratione tenuissimæ tantum sulphureæ particulæ *sensim*, & hinc *innoxie* in reliquam sanguinis massam reforbentur, & per diaphoresin euacuantur; reliquæ autem minus agiles particulæ in pus conuertuntur.

7. *Causse occasionales & procatartice*, quæ stasin sanguinis inducere valent, sunt vel
- 1) *externæ*, e. g. violentæ relaxationes a contusionibus, vul-
nerationibus, vel pruriginosæ scalptiones & punctio-
nes, item frictiones cum panno aspero, vnde sanguis
exardescit, vel in tenerioribus ardor solis, aut æstus
ignis in foco culinario, tandem plenariæ meatuum in-
terceptiones & ligaturæ; vel
 - 2) *Internæ*, vbi rarissime simplex spissitudo sanguinis, sed
potissimum præceps & impetuosa actiua congestio ad-
cusanda. Hinc etiam omnis violenta sanguinis ex-
pansio eius modi causse internæ occasionem suppedi-
tat; quo spectant
 - a) vehementes corporis motiones, saltationes, iracun-
dia, diæta vinosa, ponderum grauiorum tractatio.
 - b) Partus difficilis, lochiorum & fluxus mensium simul-
que omnium hæmorrhagiarum siue naturaliter, si-
ue artificialiter adfuetarum, imminutio, immatura
emanatio & obstructio; immo etiam cessatio, earum-
demque omnium incongrua prouocatio, vel impru-
dens nimiarum adstrictio.
 - c) Omnes refrigerationes, præceteris autem potius fri-
gidus corpore calente intemperanter adsumtus.
 - d) Incongruæ febrium per adstringentia vel expellen-
tia tractationes.
 - e) Porro omnes dolorum spastico - arthriticorum in-
flammationumque erysipelacearum, immatura pro-
fligatio & retropulsio.
 - f) His tandem adnumerandæ qualescunque excretio-
nes subcutanæ, quæ non nullis plethoricis, venæ
sectionibus æquinoctialibus adfuetis, admodum fre-
quentes sunt.
8. De causis *dolorum*, qui sub actu inflammatorio occurrunt,
legi potest *tabula medica de congestionibus completis &*
tabul. chirurg. de abscessu.



VI. PROGNOSIS.

A. Generalis.

1. Sanguis extra motum suum alicubi stagnans, vel *discuti*, vel *exsiccari*, vel *suppurari* debet: si nihil horum contingat, simpliciter *putescit*.
2. Optima ex his est *discussio*, proxima est *suppuratio*: mala & sæpe periculosa est *exsiccatio*; nisi plane superficialis sit congestio. Pessima, immo funesta est *putredinosa* corruptio, ad minimum parti adfectæ, subinde etiam vicinīs.
3. Stasis *inflammatoria* eademque externa, ultra quartum diem absque cessatione tumoris, duritiei, ardoris & doloris punctorii perennans, magisque inolescens, felicem sui *discussionem* non solum respuit, sed certissime etiam transit in corruptionem siue *purulentam* laudabilem, siue *putredinosam* parti adfectæ *lethalem*.
4. Licet in scirrhum quoque interdum desiccetur, hic tamen semper ad alterutram ex his duabus corruptionibus habet proclivitatem, magis autem ad putredinosam, quam suppuratoriam.
5. Quando dolores tensiui & pressorii *late* circa partem adfectam sese extendunt, cum ardore grauissimo & rubor intensissime rubicundus, fuscus, liuescentibus & nigricantibus striis intertextus, fibræ vero flaccidæ, eneruatæ vel plane dilaceratæ vel contusæ adparent, tum inflammatio male cedit. Hæc enim phænomena designant præsentem gangrænam, quæ summus gradus est inflammationis, mox in putredinem abituræ.
6. Quando autem sub his circumstantiis, vniuersus dolor repente cessat, ardor & calor tepescit, immo refrigescit, tum paucis horis flacciditas in parte adfecta, deinde mollities, tandem diffuentia in tabem cum foetore graueolento succedit, qui adfectus *sphaceli* nomine insignitur, & nihil aliud est, quam simplex sanguinis coagulati putrefactio.
7. Quo plus sanguinis sinceri in stasi aliqua concurrat, eo magis ad suppurationem procliuus est, hinc in erysipelaceis

laceis inflammationibus nulla ordinarie suppuratio contingit.

8. Quo magis *lymphatico-saliualis & seroso-salsæ materie* stasis quædam continet, eo peioris moris *ulcerosa, colliquativa & corrosiva* corruptio inde emergit, quam *cancrum* nominare solemus.
9. Abscessus suppurati profundiores in *glandulosis* externis partibus, sine artis auxilio vix unquam consolidantur, &, nisi perita prorsus medicatio adhibeatur, etiam artis conatus pertinaciter eludunt, nam manatio *ulcerosa* semper impedit consolidationem.
10. Quæ autem suppurationes in *carnosis* partibus obtingunt, illæ sponte sæpius natura, nedum accedente insuper congruo artis subsidio, restituantur.
11. Inflammationes partium *internarum* omnes quidem sunt periculosæ, gradu tamen pernicie differunt, e. g. inflammatio *hepatis* omnium est periculosissima, hanc excipit inflammatio *stomachi, intestinorum, pancreatis, vteri, lienis*, quam sequitur *vesicæ, renum & vreterum* a calculo exorta.
12. Inflammatio partis alicuius internæ, numquam sine prorsus ancipiti euentu & vitæ periculo ad *suppurationem* peruenit: perpetuus enim sanguinis per partes internas motus, harum laceratione sufflaminatur, & restauratio ob continuum sanguinis adfluxum impeditur.
13. Quæ inflammationes *internæ* mox non sunt perniciosæ, illæ lentas immo hecticodeas consumptiones & labe viscerum post se relinquere solent.
14. Pleuritica & peripneumoniaca inflammationes profectiori ætati magis, iuniori autem minus periculosæ euadunt. De singulis infra seorsim.
15. Quando inflammatio febris *acutæ* vel adsociatur, vel eidem succedit, tunc *retropulsio* cum vitæ periculo contingit.

B. *Specialis.*

1. *Erysipelatis.*

- 1) Erysipelas sibi relictum, præcipue in partibus ignobilioribus, non facile est periculosum. Quando autem,

vt moris est, ad interiora *retropellitur*, frequentissime mortem infert. Conf. *Hippocratis aphorism. 25. Sect. VI.*

- 2) In partibus nobilioribus maioris est momenti e.g. in capite, facie, faucibus, pectore, immo in femore.
- 3) Periculosum est, si incongrua arte ad *suppurati mem* perducitur.
- 4) Non minus fonticum est malum, quando vlceribus, vuneribus, fracturis aut luxationibus superuenit.
- 5) Quo magis febris complicata est, eo maioris est momenti.
- 6) In partibus *internis*, de quibus hoc quidem loco proprie non agimus, plerumque est perniciosum.
- 7) Soluitur hæc inflammationis species quando vel pruritus, vel formicarum sensus, vel squamulæ in parte adfecta obseruantur.
- 8) Quo magis in consuetudinem degenerauit, eo facilius e leuissima causa repullulat, ad morem aliarum translationum humorum, proprio naturæ motu contingentium.
- 9) Erysipelatis corruptio peior est, quam quæ in aliis inflammationibus contingit.
- 10) *Sphacelositas erysipelacea* per aliquot dies in cute delitescere solet.

Phlegmones.

- 1) In *phlegmonodeis* inflammationibus, late diffusis, & in vnum notabilem locum & tumorem non collectis, *discussio* maxime locum habet.
- 2) *Phlegmone* senibus & infans periculosior est, quam iunioribus, robustis & bene constitutis.
- 3) Citius succedit negotium discussionis in iis, qui sanguinem habent tenuem & floridum, quam in quibus spissitudo & viscositas illius peccat.
- 4) Quo magis *temperata* est *aura*, eo facilius superantur, in regionibus autem calidis & diebus canicularibus grauiore sunt inflammationes.

3. *Apostematis.*

- 1) Quando inflammatio in vnum veluti tuber coaceruata, & tam in profundum, quam in latum collecta est, tunc *maturatio* requiritur.
- 2) Præcipue *copiosiores* stases inflammatoriæ, ab externis causis inductæ, & in vnum quasi nodum collectæ, si non cito medicationi obferantur, ad discussionem rarissime perueniunt, sed vel ad *suppurationem*, vel ad *gangrænam* tendunt. Nonnumquam imprudente tractatione indurescunt, & tunc proxima occasione præcipites sunt in *ulcerationem cancrösam*.
- 3) Repente autem congestæ tales stases mollescentes rubro-liuidæ extumescentiæ (grosse Beulen) a lapsu, ictu, verberibus exortæ, si mox in primo principio ipsis occurrunt, commode discutiuntur.
- 4) Quando autem grandiores eius modi congestiones mollescentes iam per plures horas detentæ sunt, neque inflammatio æqualis, neque debita suppuratio, (ob insufficientem transitum motus sanguinis inflammatorii) contingit. Vnde *gangræna* & *sphacelus* immediate succedunt.

VII. *METHODVS MEDENDI ET REMEDIA.*A. *Methodus generalis.*I. *Inflammationum externarum.*

- 1) In his ante omnia prioribus diebus tentanda est *discussio* per *subtilia* resoluentia, quæ odore magis, quam resinosa acrimonia, agunt. Huc pertinent:
 - a) *Radices*: irid. Florent. figill. Salomonis, bryon. vince-tox. bardanæ, pimpin. alb. rub. tinct. angelic. caryophyll. galang. quibus moderata quantitas radicis bistort. ad stricturam inferendam adiiciatur.
 - b) *Herbæ*: apii, chærefol. hyssop. abrotan. sabinæ, rutæ, saluiæ, meliss. menth. crisp. & Saracen. laudatur etiam cortex medius sambuci.
 - c) *Flores*: chamomill. melilot. sambuc. bellidis, summitat. organ. rofar. violar.

d) Sc-

- d) *Semina*: anisi, foeniculi, carui, dauci, foenugræc. &c.
- e) *Camphora*, quæ hic principatum tenet, præcipue spiritus illius recte præparatus, & legitime adplicatus. *Conf. cautel.*
- f) Ex his possunt fieri species, quæ sacculis, vino *calido* imbutis, & sufficienter iterum expressis, regioni adfectæ calide adplicentur. Nam ipsum *vinum* præstans est remedium pro inflammatione discutienda.
- g) *Emplastrum diaphoreticum Mynsichti*, item de *spermate ceti* &c.

2) *Fiente* adhuc inflammatione & vrgente statu plethorico, utilis est *venæ sectio reuulsoria*, ne adfluxus sanguinis ad partem adfectam nimis copiose contingat, præmisso laxante, & subiunctis remediis *internis*, nempe in cholericis, pulueribus temperantibus nitrosis cum sale digestiuo, antimoniato fixo & momento cinnabaris mixtis. Item essentia alexipharm. *Stablii*.

In *leuiore* autem inflammatione neque *venæ sectio* neque *interna* remedia necessaria sunt.

3) Quando autem *discussio* non amplius potest obtineri, quod a stasi ultra quartum diem subsistente, & dolore in horas augescente diiudicatur, tum *suppuratio* & *maturationis* promouenda est. Maturant autem, quæ poros aliquo modo obstruunt, & sic portionum humidarum exhalationem impediunt, simul tamen fibras partis subtili neruina acrimonia roborant. Laudantur ad has indicationes obtinendas

- a) *Radices*: lil. alb. althææ.
- b) *Herbæ*: parietar. malu. branc. vrsin.
- c) *Flores*: verbasci, linariæ,
- d) *Semina*: psyllii, lini, cydonii.
- e) *Pinguedines*: anseris, gallinæ.
- f) *Olea* per infusionem parata, e.g. chamomill. verbasci, lil. albor.
- g) *Gummi-resinæ*: ammoniac, galban. &c.

h) Hæc in forma cataplasmatibus adhibenda, ubique obferuando, vt roborantia emollientibus admifceantur.

4) Quam primum *maturatio* facta eft, ftatim de *apertione* cogitandum. Hanc promouent

a) Ipfa fæpiffime natura, fine artis auxilio.

b) Cepæ affatæ.

c) Mel cum farina fecalina mixtum.

d) Fermentum recens.

e) Pinguedo leporis.

f) Incifio chirurgica in apoftematibus profundis.

g) *Cauteria potentialia*, e.g. magnes arfenicalis, præfer-
tim caufticum *Sutorianum*, quod efficaciam fuam fi-
ne infigni fenfu & humorum adfluxu egregie exfe-
rit. Indolens etiam & efficax dicitur caufticum
Zwingeri, quod ex calce viua, minio & fapone nigro
paratur.

5) Tandem ad *mundificationem* apoftematis & *consolidatio-
nem* adhibeantur balsamica & neruina, e.g. effent. fe-
quens balsamica *Stabliana* paffim commendata.

Recip. effent. myrrh. drachm. III.

fuccin. drachm. II.

olei trebint. gutt. X.


Misce, installando gutt. X. XX. XXX. pro con-
ditione fubiekti & apoftematis.

6) *Anodyna* externe quidem locum habent in inflamma-
tionibus ad modum dolorificis; fenfationem tamen
in integrum non tollunt, fed tantum mitigant; in
incremento autem potius, quam circa ftatum adhi-
benda funt.

7) Blanda per *aluuum* euacuatio, fi reliquæ circumftantiæ
concedunt, ante omnia inftituatur.

2. Inflammationum internarum

In his placida tantum *diffuffio* locum habet, fuppuratio
enim ubique periculofiffimum inuoluit euentum.
Conf. omnes *tabule*, quæ de febribus inflammatoriis a-
gunt & infra fequuntur.



B. *Methodus specialis.*I. *Erysipelatis.*

1) In *leuiore* casu negotium discussionis vel soli naturæ relinquitur, vel topicis conuenientibus promoueatur. Talia sunt

a) *Camphorata*, quæ vel in sicca forma, vel soluta, nempe spiritu vini rectificatissimo adplicentur. *Vid. cautel.*

b) *Farinacea & furfuracea*, e. g. farina fecalina, triticea, lupinorum, fabarum, hordei; quibus camphora commisceatur.

c) *Saturnina*, superius iam nominata, sed cum discutibus maritata.

2) In *grauiore* inflammatione erysipelacea præstat remedia *interna*, quæ superius indicata sunt, cum *externis* coniungere.

3) Quæ *specificæ* ab auctoribus laudantur illa sub *cautelis* recensebimus.

2. *Phlegmones.*

1) In hac inflammationis specie quadrat potissimum methodus generalis, superius tradita.

2) Discutientia vegetabilia superius adlegauimus.

3) Præcipue in maiori stasi hic non adquiescendum in solis topicis, sed interna debent coniungi.

4) Quo maior & profundior hæc stasis est, eo magis conueniunt *emplastra*, cum larga quantitate camphoræ remixta, e. g. præ aliis diaphoretic. *Mynsichii*, de spermate ceti eiusdem, de melitoto, diachylon cum gummatibus, de ammoniaco *Foresti*, saponat. *Barbette*, præcipue etiam de spermate ranarum, quod simul impetuosum ad inflammata partem adfluxum modeste cohibet, alia vero acriora & vnguinea admittere minus conuenit. Coniungantur autem ubique interna resoluentia & discutientia.

3. *Apostematodes.*

1) Hanc inflammationis speciem primis diebus discutientibus

tibus æque vt alias tractamus, quando autem ad maturationem tendit, tractatur, vt abscessus, Conf. *tabul. chirurg. de abscessu*.

2) Stasibus autem repente congestis, nempe rubro-liuidis illis extumefcentiis, a contusione, lapsu, verberibus inductis, mature occurratur:

a) Compressione cum frigido ferro.

b) Præcipue autem cum medicamentis, sanguinem mature *resoluentibus*, nempe rad. irid. Florentin. sigill. Salomonis, bryon. herb. hyssop. chærefol. bellid. min. semin. anisi, cuius oleum *Forestus* eximie laudat ad eiusmodi contusiones impuras.

c) Coniunctis leniter *repellentibus*, inter quæ hoc loco fere præcellit radix symphyti maioris.

d) Hæc puluerisita cum *vino* vel *urina*, quæ nonnullis arcanum hic est remedium, cocta, atque in forma cataplasomatis adplicata discutiunt satis potenter, es muß aber nicht zu naß seyn.


e) In *ambitu* spiritus vini camphoratus, vel his ipsis admisceri, vel camphora adspergi debet.

3) Quando autem grandior talis congestio per plures iam horas hæsit, ita vt neque *discussio*, neque etiam debita *maturatio* expectanda sit, præstat corruptionem putredinosam per *sectionem* anteuertere, & quidem ante, quam vel insignis inflammatio, vel plane corruptio accesserit. *Apertio* satis sit magna, vt ita sanguis grumofus, in corruptionem tendens, vno actu euacuetur. De hoc negotio legi meretur *Seuerinus de recondita abscessuum natura libr. VII. & de efficaci medicina* § 37. Confer etiam *tabula chirurgic. de contusionibus*.

VIII. CAUTELAE ET OBSERVATIONES PRACTICAE.

I. Solemnis est quæstio, num *vena sectiones*, quam veteres & multi recentiorum stasibus inflammatoriis dissoluendis dicarunt, tam necessariae sint, vt, secundum *Schelhammerum*, bona conscientia non possint prætermitti? de qua re sequentia sunt notanda.

2. *Vti*



2. *Vtilis* est venæ sectio in *fiente* adhuc inflammatione, ne adfluxus sanguinis copiosior fiat ad partem adfectam.
3. *Vtilis* etiam est, quando vulnerum hæmorrhagiis cito per adstringentia suppressis, grauior inflammatio superuenit, subiungendum tamen regimen magis diapnoicum *Conf. num. 40.*
4. *Noxia* magis est, quam *vtilis*, si non statim circa initia administretur.
5. Hinc in inflammationibus *internis*, vbi signa diagnostica, præter peripneumoniam, satis intricata sunt, consultius illa omittitur, quam temere aliquid tentatur.
6. Ancipitis autem in primis euentus est, quando febris talis inflammatoria *typum* qualemcunque exhibet.
7. Dantur tamen aliquando casus & circumstantiæ, vbi etiam in inflammationibus *internis* venæ sectio quodam modo necessaria videtur, e. g. in statu summe plethorico, in grauioribus sanguinis commotionibus, a qualibuscunque causis inductis &c. de quibus suo loco dicemus.
8. Medicus, si vena incongrue secta, aduocetur, *transpirationem* placidam tanto magis commendatam sibi habeat; ferro autem vocatus, deterius iam habente patiente, non dubitet prognosticon funesti euentus formare.
9. In omni inflammatione a *forti refrigerio* abstinendum est, sanguinem enim coagulat, malum grauissime auget, & opem, in perniciem permutat; ad *præoccupandam* autem stasin inflammatoriam post contusionem & collectionem sanguinis adhuc fluidi, compressio per ferrum *frigidum*, diu continuata, vsum præstat.
10. Cauendum a nimia *humectatione*, & *emollientibus*, quæ fibras relaxant, & copiosiori humorum irruptioni locum præbent & stasin notabiliter augent. Exulent itaque aquæ illæ destillatæ e. g. flor. sambuc. chærefol. flor. omnium, vel calcis viuæ &c. quæ passim a chirurgis adhibentur. Item sentiendum de *oleosis*, præcipue de famosis illis e terebinthina paratis; it. ol. templinum, iuniperi. Emplastra mucida etiam nocent.
11. *Pingua, unguinosa* quam maxime nocent, & per talia vulgi

remedia amicus amicum trucidat, e. g. dum hanc tabulam conscribimus, vir quidam vxoris suæ inflammata faciem butyro inungit, & intra duos dies ad mortem illam comitatur.

12. Ab emollientibus hisce tanto magis in *erysipelate* & *phlegmone* abstinendum est, quoniam tales inflammationes ad maturationem per se non tendunt, & quando peruersa tractatione impetratur, parsque inflammata insuper intemp. stive secatur, non est laudabilis maturatio, sed potius vlceratio cancrofa, ob concursum feri cum sanguine, vel plane sphacelosa corruptio. Proueniunt hinc talia vlcera, quæ olim Dehl-Schenckel vocata fuerunt, in quibus nulla consolidatio speranda, vel si omnino in vno loco consolidatio facta sit, in altero loco duo, tria vel plura foramina eueniunt. Vnde quouis modo discussioni opera est nauanda.
13. Abstinendum ab intempestiua & nimia *adstrictione*, quæ sufficientem aditum & transitum sanguinis fluidi, stasin resolutori, præcludit, & sic salutarem naturæ intentionem turbat.
14. Abstinendum a nimis *calefacientibus*, quia sensum ardoris molestum frustra augment, & exsiccando in scirrhosam constitutionem stasin promouent.
15. Abstinendum ab immatura sub medio suppurationis actu *incisione*, quia, tensionem fibrarum relaxando, transpulforium & abstersium motum impedit, & suppurationem reddit difficiliorem.
16. Differentia ἀποστήσεως & ἀποστήματος, secundum Hippocratem, bene obseruanda est, ne confusio in praxi oriatur: apostases enim phlegmonodes & erysipelatodes, utpote ab omni maturatione & abscessione alienæ, quando medicationibus, ad hunc effectum acrius pellentibus, tractantur, in grauiam mala coniiciuntur patientes. *Conf. tab. chirurg. de abscessu.*
17. In abscessu *grauiore*, multum puris continente, materia non *simultance*, sed *succeffiue* euacuanda est, alias fibræ nimis

nimis flaccescunt, & lipothymici facile adfectus super-
veniunt.

18. *Dolores dentium* post se trahere solent tumores phlegmo-
nodes, qui tamen, si modo non nimis negligenter ha-
bentur, sponte & mature iterum solent dissolui. E con-
trario illi tumores, qui hoc in loco sine prægresso dolo-
re dentium oriuntur, & æstum, ardorem, dolorem pru-
riginosum, pungentem & lancinantem secum ducunt,
non carent periculo, in primis, si improuide repellun-
tur.

19. De inflammationibus *erysipelaceis* turgidioribus illud no-
tatu dignum est, quod *sanguinea* illarum portio non sola,
sed *tota* stasis simul discutienda sit, alias euanescit qui-
dem omnis calor & dolor, tumor autem valde contu-
max & discussioni refractarius remanet.

20. Hinc in stasi *erysipelacea* copiosiore, vbi cutis notabiliter
inflammata adparet, cauendum est, ne *sanguis seorsim*
discutiatur, portio autem *lymphatico-serosa* relinquatur,
& tumorem *œdematosum* constituat. Huic incommo-
do occurritur, si spiritus *modice* camphoratus, & ad
notabilem flauedinem *crocatus* est. Crocus enim sub
initium talis discussionis non modo serosam substanti-
am ad dissipationem aptiorem reddit, sed & fibras robo-
rat, vt repressio eo melius procedat. Vel quando *cam-
phora* in forma sicca adplicatur, remedia serum funden-
tia & tonum partis restituentia coniungenda sunt,
e g.

Recip. farin. fabar. vel fecalin.

Flor. sambuc. ana manip. I.

Rad. irid. Florent. drachm. II.

Ceruss. drahm. III.

Camphor. drachm. I. fiant species, facculo im-
mittendæ & adplicandæ.

21. *Camphora* scopo discussorio, tam in phlegmonodeis, quam
erysipelaceis inflammationibus, egregie satis facit, in
primis si adhuc recens est malum.

22. *Spiritus camphoratus* hac cautela adhibeatur, vt per initia

eminus tantum, nempe ad circumferentiam partis inflammatae adplicetur, & deinde in horas, quoties nempe spiritus in auras abiit, ad centrum propius admittatur. Modo sit *rectificatissimus* spiritus, alias damnum potius, quam auxilium adfert.

23. *Optima methodus* est, vt *spiritus* breui temporis spatio sub aura exhalet, & sola camphora linteis adhærescat. Quando autem linteum spiritu adhuc madidum adplicatur, diuturna illius mora ardorem infert, eumque in *erysipellate* vehementem; quo casu ad spiritum profligandum aura, sed non sensibiliter frigida, dolenti parti admoveatur, man bläst dem Patienten, am besten mit dem Munde, an dem schmerkhasten Ort.

24. *Camphora* etiam maturantibus non inutiliter miscetur, ne adfluxus humorum nimis copiose contingat, & dolorem exasperet.

25. *Interno* autem usu exulent hic camphorata, effectum enim resoluentem & discutientem, quem *externe* præstant, nullo modo *interne* producant, sed potius sanguinem concitant, & calorem augent; quod etiam de aliis calidis & acrioribus sentiendum est e. g. de gummi-resinis, galban. myrrh. &c.

26. Abstinendum quoque a *retrotrouocantibus* medicamentis, qualia sunt *purgantia*, quæ in talibus casibus maxime nocent. *Laxantia* leniora tolerantur, sed in principio principii. Commendantur hoc nomine pilulæ *Beccherianæ*, & in primis *Stæbliæ*. Multo minus conueniunt *emetica*, quæ multis ansam mortis præbent.


27. *Saturnina* ad inflammationes ipsas, præsertim insigniores, minus commendantur; quia illorum abusus vlcera inducit maligna, quæ vulgo erstickte Schâden, Todten-Brüche, vocantur, vid. *Stæbii theoria* pag. 1286. *eminus* autem circa ambitum adplicata, pro *defensione* valent, sed camphorata semper addenda sunt.

28. *Erysipelas* quando per *saturnina* vel alia incongrua topica retropellitur, *hydropem* inducit. Vid. *tabul. de œdemate* sub *prognosi*.

29. *Alc-*

29. *Alexipharmaca temperata* post tertium vel quartum diem commode adhibentur. Securissime procedimus, si leniora diapnoica, absorbentia & nitrosa exhibentur, & iisdem semel vel bis per diem lene alexipharmacum interponitur, quo nomine essentia alexipharmaca *Stablii*, cum larga portione essentiae pimpinell. albæ combinata, egregie se gerit, hæc enim radix leniter resoluit & abstergit.
30. *Essentia petasitidis* commendationem meretur, si stasis diu iam durauit, non autem sub initium.
31. *Specifica* passim laudantur, sed optandum vt effectui semper responderent, e. g.
- 1) *Fel carpi*onium, iners remedium.
 - 2) *sanguis menstruus*, prima vice erumpens.
 - 3) item *sanguis leporis*, a canibus agitati. Hunc exsiccatum ad dimidiam drachmam in vino propinant, simul linteo excipiunt, exsiccatum aqueo rore madefaciunt, erysipelati imponunt, atque intra 24 horas bonum effectum spondent.
32. *Lapis medicamentosus Crollii* quid præstet, experimentandum est; modo prætermittenda non prætermittantur.
33. Sunt, qui ad inflammationes, præcipue internas, commendant *dentem apri* præparatum, *maxillas lucii piscis*, immo vniuersa capitis illius præparata; sed optandus potius est, quam expectandus ab illis specialis effectus.
34. Semen autem *cardui marie* ad pectoris inflammationes specifica efficacia præditum esse, si non sola medullaris sed *integra* seu *tota* substantia exhibetur, experientia satis est confirmatum. Confer. *tabula de pleuritide & peripneumonia*.
35. In *sphacelo metuendo*, actu autem non præsentē, ad discussionem & roborationem partis immediate adfectæ, *oleum cinnamomi* a recentioribus peritis magni æstimatur.
36. Quando erysipelas in consuetudinem degenerauit, ita vt a quauis exigua causa repullulet, conducit circa æquinoctia *venæ sectio*, & blanda per aluum *euacuatio*, respec-

- ciendo simul *crasin* sanguinis sulphureo-acrem, ad vias vrinarias inuitandam & per easdem eliminandam.
37. *Calore* leni pars adfecta, præcipue tempore suppurationis, semper fouenda est, vt particulæ sulphuræ, agiliores per transpirationem possint eliminari, & coagulata substantia in maiore laxitate conseruetur: vnde & formulæ tepide adplicari debent.
38. *Frigus* autem & siccum & humidum discussione præiudicium adfert, & corruptioni tempus atque materiam supeditat.
39. Quando post contusionem aut aliam violentam causam, magna sanguinis collectio, cum tumore tactu *molli*, contingit, tum absente adhuc inflammatione, proximum est, vt incisio & sanguinis collecti euacuatio instituatur, quia tales collectiones neque discussionem, neque laudabilem suppurationem admittunt. *Conf. tab. chirurg. de contusionibus.*
40. Inflammationes partium *vulneratarum* communiter exposcunt venæ sectionem prudenter instituendam, non reformidando prægressam hæmorrhagiam. *Confer caut. 3.*
41. *Diureses* in omnibus profunt inflammationibus, per absorbentia cum teneris acidis saturata obtinendæ, e. g. per ocul. cancri aceto vel vino imbutos; corallia præparata cum crySTALLIS tartari remixta, quæ remedia acrimoniam sanguinis irretiunt.
42. Quando inflammatio a causis *internis* producta est, externa remedia paullulum differenda sunt, donec orgasmus sanguinis deferbuerit.
43. Post *retropulsionem* inflammationis non vtile tantum, sed & necessarium est *internis* alex. pharmacis temperatis leniter expellentibus & discutientibus cum regimine succurrere. *Extrinsècus* vero melius tunc est nihil adplicare, donec excretio illa ab intra extrorsum plurimum peracta sit, præcipue abstinendum si spiritus vini camphoratus non sit *rectificatissimus*.



TABVLA XXI.

DE

CEPHALALGIA.

I. DEFINITIO.

Cephalalgia est species dolorum capitis ab humoribus, mediante motu tonico copiosius ad caput congestis, nullum autem exitum ibidem inuenientibus, ordinarie originem ducens. Deriuatur a κεφαλή, caput, & ἀλγέω, doleo.

II. DIFFERENTIA.


Cephalalgia est vel

1. *Idiopathica*, quæ a plethora & hinc immediata sanguinis ad caput congestione exoritur; vel
2. *Symptomatica*, quæ vel ex vitio primarum viarum, mediante consensu *paris vagi* neruorum, vel in aliis morbis, e.g. febribus acutis, a translatione humorum ad caput originem sumit.
3. Diuisio cephalalgiae in *sanguineam* & *serosam*, *catarrhalem*, *phlegmaticam*, *biliosam*, *melancholicam*, non quidem diuersitatem caussarum, sed subiectorum tantum & temperamentorum differentiam inuoluit; in praxi tamen non prorsus prætermittenda est. Ita enim cephalalgia *serosa* differt a *sanguinea* sequentibus circumstantiis.
 - 1) Familiariter occupat phlegmaticos aut sanguineo-phlegmaticos.
 - 2) Frequentius definit in *coryzam*, *raucedinem* & reliquos adfectus serosos.
 - 3) Dolores minus sunt pulsatiles & astuantes, magis vero grauatiui.
4. Differt etiam *sanguinea* ab ista cephalalgia, quæ præcurrit *apoplexiam*.
 - 1) Hæc enim magis *occiput* quam *synciput* inuadit, & a *nucha* quasi incipiens pergit ad interiora cerebri, doloribus maxime *tensoriis*.

- 2) *adultiores*, in primis summe plethoricos post insignem sanguinis commotionem *ex improviso* quasi corripit.
- 3) *vertiginosi* fiunt, & sensuum vigorem *breui* amittunt.
5. Cephalalgia differt a *cephalæa*
 - 1) *Gradu*: nam in cephalæa omnia sunt acerbiora & pertinaciora.
 - 2) *Tempore*: cephalalgia ordinarie breuiiores habet periodos; Cephalæa autem chronicus magis & habitualis est adfectus.
 - 3) Dantur tamen etiam pertinaces & fere *continuae* cephalalgiae, a cephalæa parum differentes, quæ per frequentem causarum repetitionem & consuetudinem in habitum deductæ sunt; & hæ in feminis quidem præcipue observantur.
 - 4) Reliquas differentias cephalalgiae & cephalææ, *signorum* huius & sequentis tabulæ comparatio manifestabit.
6. Differt porro cephalalgia ab *hemicrania*, quæ arthritico-spasticæ indolis est: certa enim intercedit differentia inter dolores, qui magis a congestione simplice dependent, & inter illos, qui vnice a contentionibus spasticis proveniunt. Specialiorem differentiam *signa* huius tabulæ, & illius, quæ *hemicraniam* exhibet, docebunt.
7. Differt denique cephalalgia ab *ulceroso-icherosi congestio-nibus*, quæ vel a violentis externis causis, vel a qualicunque humorum corruptione, maxime omnium a *lue venerea*, originem ducunt; hi enim dolores a cephalalgicis sequentibus se distinguunt:
 - 1) Salso ardore rodunt, acriter morsicant & terebrant.
 - 2) Continuo durant, nec umquam *in solidum* desinunt.
 - 3) *Nocturno* tempore notabiliter exacerbantur, cum primis incalcescente per quietem corpore; vnde Germani dicunt: Diese Schmerzen können keine Sedern vertragen.
 - 4) Plura de his doloribus *tabula de lue venerea* exhibebit.

III. SIGNA.

1. Exferit se hic dolor aliquando per *totum caput*;
2. Communiter in *fronte* & per tempora sursum ad *bregmata*.
3. Ma:



3. Magis familiariter circa *radicem nasi*, vnde patientes ibidem *ardorem*, & circa *os cribrosum* eximiae pressio-
nis sensum accusant.
4. Simul in intimis fere *oculorum bulbis* de grauitate premente
& compungente dolore conqueruntur.
5. Infert etiam sensum vel *lancinantem*, *pungentem* pressorium,
vel pulsatilem, cum pulsibus *synchronum*, qui tamen post
aliquas horas *remittit*, & non ita raro *sub somno* in totum
desinit.
6. Circa frontem etiam obseruatur calor *tactui* manifestus.
7. Dolor concurrit *odontalgicus*, fluctuans & reciprocus, ita vt,
dolore dentium urgente, reliquus capitis dolor aliquo
modo cesset, & vice versa.
8. Vnde *dentes* saepe corrumpuntur, & corrupti eo facilius
de nouo inuitant dolores.
9. Tinnitus *aurium* & susurrus saepe etiam adcedunt.
10. *Oculi* siue exquisite rubent, siue tamen vascula aliqua infla-
tione distenduntur, ad minimum *visui* non sufficiunt,
nec lumen liberius possunt tolerare.
11. Color faciei communiter satis rubet, nisi iam spasticum
quid concurrat, in quo casu *pallor* potius, vel tamen ru-
bor *male distributus* conspicitur.
12. Comitatur hunc ruborem *turgescencia* & *inflatio* faciei aut
certe *vasorum temporum*, & simul fere *iugularium*. Hinc
vulgus mediante filo capitis incrementum & decremen-
tum solet percontari.
13. In *feminis* occupat hic dolor tempora *menstrua*, & proue-
nit modo *ante* mensium eruptionem, modo *sub* fluxu il-
lorum *imminuto*, modo *post* eundem *præmature* subsi-
stentem, & ita singulis mensibus scenam suam ludit.
14. Interdum, sed rarius, adcedunt affectus vertiginosi, qui de
insigni congestionis gradu testantur.
15. In partibus remotis, ob motum strictiorem tonicum, sese ma-
nifestat
 - 1) adstrictio *alui*.
 - 2) pauca & tenuis *urina*.


IV. SVBIECTA.

Cephalalgia familiariter corripuntur

1. *Sanguinei*, habitu corporis florido, & facie rubicunda præditi, item sanguineo-melancholici.
2. *Iuniores* præ senescentibus.
3. *Feminae* præ viris.
4. Senes arthritide vexati.
5. Personæ, quæ vita otiosa & sedentaria gaudent, cum diætâ lautiore, aromatica, spirituosâ.

V. CAVSSAE.

1. *Causa materialis interna* est plethora, quæ simul *qualitate* præcipue apud hypochondricos solet peccare.
2. *Causa formalis* est intentio animæ, ad exonerandum sanguinem abundantem, per hæmorrhagiam narium: vnde humores mediante motu tonico copiosius versus caput ab illa restringuntur.
3. Ex hac restrictione oritur æstus capitis insignis, & quia libere non refluit sanguis, vasa hac ratione inflantur, & membranæ multum distenduntur.
4. *Causæ externæ & occasionales*, quæ talem congestionem possunt prouocare, multæ obseruantur, e. g.
 - 1) Euacuationes sanguinis naturales, in primis narium, suppressæ.
 - 2) Euacuationum sanguinis *artificialium* consuetarum neglectio.
 - 3) Consuetæ *aliæ* euocationes neglectæ, e. g. purgationes, sudationes &c. certis temporibus celebrari solitæ: huc etiam pertinent sudores retropulsi.
 - 4) insignes corporis & animi commotiones, in primis iracundia.
 - 5) Potus spirituosus, præcipue ad ebrietatem sumtus.
 - 6) Somnus & vigiliæ quando extra consuetum tempus eliguntur.
 - 7) Deprauatio primarum viarum, tamquam causa *consensualis* considerandi quidem est, quia neruorum *paris octauis* consensum non negabimus, ad seueram autem, quod



quod *consuetudo* humores versus caput dirigendi plus efficaciam habeat, quam prædictus consensus. Conf. num. 13)

- 8) Vapores acres per nares attracti.
- 2) Pedum & crurum refrigeratio præcipue humida.
- 10) Capitis *olim* concussio & vulneratio.
- 11) Translatio humorum versus caput in febribus acutis.
- 12) Dispositio hæreditaria.
- 13) Consuetudo citra congestionis rationem.
- 14) *Sensibilitas*: unde odor grauis, & suaueolentus, præcipue in feminis, satis familiariter cephalalgiam provocat, e.g. odor moschi, zibethi, rosarum, fumantis ellychnii; ubi mechanicæ rationes, quæ vulgo allegantur, non sufficiunt, possunt enim alia foedida perferre, v. g. castoreum, asam foetidam &c.

VI. PROGNOSIS.

1. Cephalalgia tantum *periculi* non inducit, quantum *incommodi* causatur.
2. Adfectus tamen vili non pendendus est: facile enim in pravam consuetudinem ita degenerat, vt deinde non solum frequentius reuertatur, verum etiam pertinaciter duret & *cephalææ* indolem exhibeat:
3. Præfagit cephalalgia
 - 1) Læsiones *visus*: ophthalmiam, suffusionem oculorum, guttam serenam &c.
 - 2) Læsiones *auditus*.
 - 3) Adfectus arthriticos.
 - 4) Ætate prouectiore lethargum, apoplexiam & paralyfin, præcipue, quando vertiginosi adfectus accedunt.
4. Ceterum hæc congestio, cum effectibus suis dolorificis duobus modis soluitur,
 - 1) vel enim contingunt *euacuationes*
 - a) Siue *sanguinis* per nares, & tum dolores familiariter præsentissime soluuntur,

A a

b) Siue

- b) Siue *seri*, e. g. e naribus per eruptionem coryzæ, item ex oculis, per illorum lippitudinem.
- c) Siue *puris* modo e naribus, modo ex auribus: in gravissimis nempe & fere inflammatoriis casibus.
- 2) vel congestio *successive discutitur*, & dolores *sensim* solvuntur, contingit hoc
 - a) *Promptius* in iunioribus.
 - b) *Tardius* in annosioribus, præcipue feminis.
 - c) *Tardissime* in *adsuetis*, in quibus insultus cum impetu erumpunt, certum tempus insistent & absoluta periodo demum decedunt.
- 5. Cephalalgia, quando in *consuetudinem* iam degeneravit, & vitæ genus sedentarium non mutatur in laboriosum, optima methodus, & remedia efficacissima constans auxilium non possunt adferre.

VII. METHODVS MEDENDI ET REMEDIA.

A. In Paroxismo.

- 1. Motus humorum *specialis* a partibus superioribus ad inferiores reuocandus est: hinc ante omnia *aluus*, quæ ordinarie adstricta, solvatur
 - 1) vel per *clysteres* emollientes, carminatiuos.
 - 2) vel, in casu minus urgente, per *lenia laxantia*, e. g. pilulas *Stablii*, *Beccheri*, extracto hellebori nigri paullulum acuatas, rhabarbar. sale Anglicano &c.
- 2. Deinde exhibeantur remedia, quæ *orgasum* sanguinis temperant, & spasticam fibrarum strictionem demulcent.
 - 1) Faciunt hoc nitrosa, absorbentia, cinnabarina, cum diaphoreticis fixis combinata, e. g. nitrum depurat. ocul. canceri, cinnabaris antimon. bezoardic. mineral. antimon. diaphoret.
 - 2) Quando crasis sanguinis *spissior* est, addatur sal digestivum e. g. arcan. duplicat. tartar. vitriolat. de quibus pulueribus ter vel quater per diem scrup. i. potest propinari.
- 3. His subiungantur, quæ æqualem sanguinis distributionem promouent, & sic congestionem circa caput dissipant.

Faci-

Faciunt hoc alexipharmaca temperata, & blanda diaphoretica horis ante meridiem, & quidem exiguis dosibus propinanda, e. g.

a) Ess. alexipharm. *Stablii*.

b) Decoctum e radic. farsaparil. cichor. chin. scorzoner.

c) Diluentia aquosa largiter & calide hausta, nempe infusa thée, coffée, veronicæ, lauendulæ, teucris veri.

4. *Dolores* autem quando hisce cedere recusant, lenis & circumspecta *sedatio* locum habet: in quem finem gran. i - ij. M. P. de cynogloss. vel gr. ij - iij. theriac. cœlest. pulueribus temperantibus versus somnum immisceri possunt, obseruando hoc præcipue tempore vt excretiones alui legitime succedant.

5. *Externa remedia*, quæ subinde effectum aliquem præstant, cum internis coniungantur. Huc pertinent

1) *Spiritus vini camphoratus*, leniter crocatus, qui in sensibilibus dolores præsentaneæ sæpius abigit.

2) *Vnguentum alabastrinum*.

3) *Radix rhodia*, quæ puluerisata, & epithematis forma fronti adligata, egregium præstat effectum.

4) *Remedium domesticum*, e pane secalino cum pauco sale, baccis iuniperi, semine carui, fronti adplicatum, etiam vsum suum suppeditat.

5) *Pediluua, ligaturæ, frictiones*.

6. Denique in declinatione dolorum exhibeantur tonum partium roborantia M. R. polychresta *Stablii*. essent. succini.

7. In cephalalgia *symptomatica* primarius morbus respiciendus est e. g.

a) *Saburra* primarum viarum eliminanda secundum methodum, suo loco commendatam.

b) *Febres acutæ tractandæ*, vt sub iisdem indicatum est. *vid. tab. de febre synocha.*


B. *Extra paroxysmum.*

1. *Quantitas sanguinis* imminuatur per venæ sectionem, circa æquinoctia institutam; cui ad meliorem deriuationem *pediluua* præmittantur.

2. *Qualitas* illius corrigatur, & quidem
 - 1) *Spissior*: per resoluentia, attenuantia & digestiua. e. g. fiat vinum medicatum e radicibus alexipharmacis, herbis antiscorbuticis, cum laxantibus sociatis.
 - 2) *Tenuior*: per temperantia, præcipitantia, acidula.
3. *Æqualis humorum distributio* promoueat per M. R. tonico-neruinam *Stablii*.
4. Sub his omnibus hæmorrhagiarum suppressarum specialis ratio habeatur, e. g. mensium, hæmorrhoidum.
5. *Diæta* conueniens probe obseruetur, in primis circa motum corporis laboriosum & potum sufficientem.

VIII. CAUTELÆ ET OBSERVATIONES PRACTICÆ.

1. Cautelæ & obseruationes, quæ tabula *de congestionibus in genere* traditæ sunt, ante omnia hic notandæ & adplicandæ commendantur.
2. *Bonum consilium, optimum remedium*: exerceatur corpus laboribus continuis & placidis, diæta autem largior paululum ei subtrahatur, sic totum negotium felicius succedet, quam si ingens medicamentorum farrago propinabitur.
3. Quando cephalalgia iam per plures dies inualuit, & dolores tam contumaces sunt, vt spiritui vini camphorato cedere recusent; tum *unguentum alabastrinum* adhuc tentandum est, quod, ex commendatione *Foresti*, insigniter subinde lenit.
4. Modo optima, e tot monstrosis, eligatur compositio, nempe illa, quæ plus *alabastrum* & aliquid *albuminis ouorum* continet. Vile remedium, pretiosus effectus. Conseruetur vitro, non capsula, quia facile siccescit.
5. *Vnguenta pingua*, quibus veteres caput inungebant, plane non conducunt, poros enim obstruunt, & sic transpirationem, in hoc adfectu salutarem, præpediunt.
6. Recentiorum aliqui *nucleos persicorum* contundunt, & camphoram cum aqua rosarum admiscunt, ad externum vsum, sæpe non contemnendum.
7. *Odoramenta duplicis generis*, nempe *urinosæ & spirituofo-bal-*
samica,





samica, parum auxilii adferunt, plus tamen ab vrinosis, moderate adhibitis, adhuc sperandum; qualia sunt: spiritus C. C. salis ammoniaci &c.

8. *Spirituoso-balsamica* autem, immoderate adhibita, cephalalgiam exacerbant, præcipue in feminis; maiorem etiam humorum adpulsum, & hinc vasorum turgescientiam causantur. Caute itaque cum aqua Hungarica & similibus procedendum est.
9. *Cucupha*, quæ ad roborandum caput & memoriam communiter commendantur, nuda opinione fundatæ sunt, & in dispositis ad commotionem sanguinis occasionem supeditant. Absint in primis species earum calidæ apud feminas, quæ in *bregmate* sensum illum frigidum perferunt, ac si frustum glaciei capiti impositum esset.
10. Senescente & tepescente doloris impetu, immo etiam sub insultu leuiter emicante, usus *essentiæ succini* egregie conuenit. Habet enim succinum aliquid tonici, unde tam in *fluxionibus* sanguinis, quam in eiusdem *commotionibus* exitum non inuenientibus, bonum edit effectum. Est etiam diuretico - discutiens.
11. *Oleum* autem *succini* vt & alia destillata, vsum cephalicum non habent, humores enim ad modum exagitant, ardorem & æstum inferunt, & non nisi forsan phlegmaticis, aliquem vsum præstant.
12. *Herbæ verbenæ* recentis *specificæ* efficacia, a *Foresto* recensita, raro se commendat. *Stablius* tamen virginem hemicrania & odontalgia ad insaniam vsque correptam, hac herba restituit.
13. Si quis narium hæmorrhagiam feliciter posset prouocare, haberet ille in cephalalgia, & multis aliis capitis congestionibus remedium exoptatum. Multa quidem in hunc finem commendantur, sed quo effectû; docet experientia. *Michaël* laudat radicem *crocodilii*; alii commendant adplicationem *hirudinum* ad apicem nasi, alii *comos virides millefolii*, alii *flores graminis* naribus intrusos, & in iisdem agitados, alii ruditer & moleste ad *setas suillas*

confugiunt. De *scarificatione narium Ægyptiaca* legatur *programma Stablii*.

14. *Conspiratio capitis cum ventriculo*, mediante *pare octauo neruorum* bene attendenda est: in sensibilibus enim dolores cephalalgici statim exoriuntur, quam primum digestionis vitia occurrunt, vel ventriculus flatibus distenditur, aut refrigeratur. Quamquam negandum non est, quod hæc *consensualis* causa vniuersum negotium non exhauriat, sed congectionem his ad caput, vti aliis ad alias partes, per meram *consuetudinem* contingant, quam primum cibus e. g. ingratus, licet mollis, adsumtus est.
15. Causæ horum dolorum, quando in acrimonia vellicante, irritante, pungente, vel in acido inspissato, vel in crassitie humorum, vel in specifica scorbutica intemperie, quærantur, atque hinc per nuda *corrigentia*, & incongrua *discutientia*, item per *narcotica* & sopientia hic adfectus tractatur, omnia grauius peruertuntur: dolores enim non cedunt, sed contumacius durant, & frequentius recurrunt.
16. In specie ab *opiatis* & *narcoticis* frequentius adhibitis eius modi peruersus & plane contrarius effectus sæpissime expectandus est. Loco enim mitigationis dolorum, in contumaciam paroxysmorum, vix credibilem, patientes coniiciunt; vnde non raro audire contingit: Das gewöhnliche Medicament will nun nicht mehr helfen.
17. Insuper *opiata* sensum capitis obtusum & vertiginosum facile relinquunt, immo catarrhi suffocatiui, adfectus paralytici, cachectici, non raro inuitantur.
18. *Cinnabaris*, maiore dosi exhibita, & cum aliis conuenientibus combinata, effectum edit antispasmodicum satis notabilem, tam in *fluxionibus*, quam *commotionibus* sanguinis, & hinc opiatorum vices sæpius supplere potest.
19. Falsissimum itaque quorundam Practicorum est adsertum, quasi vsus cinnabaris in fluxibus sanguinis & aliarum excretionum, minus tutus existat, reuera enim cuius ætati & sexui maxime est adcommodatus.






20. *Specificum cephalicum Michaelis* satis quidem decantatum, sed effectū felici non æque confirmatum est: in maiori dosi adhibitum, ventriculo molestias inducit.
21. *Helleborina* cum *aliis* remixta, blande operantur; *sola* autem propinata, tormina excitant.
22. Semper in hoc adfectu fugienda sunt *fortiora emetica & cathartica* nec non *calida alexipharmaca*.
23. Inter *laxantia* exulent *aloëtica*, sanguinem enim magis turges faciunt, & sic cephalalgiam augent. Hinc pilulæ cephalico effectū vulgo decantatæ, quoad ingredientia prius bene examinandæ sunt, quam in vsum trahantur.
24. *Embrocationes* veterum, præmissis vniuersalioribus, non plane reiiciendæ sunt; nam motum tonicum fremebundum & horridulum suscitant, & hac ratione sanguinis congesti depressionem promouent.
25. *Pediluua* in omnibus congestionibus, quæ versus caput & pectus contingunt, multum leuaminis exhibent, sanguinis enim versus illa loca restrictionem relaxant, & ad pedes deducunt: cauendo autem est, ne nimis *calida* adhibeantur, quia sanguis facile turgescit, & natura, ad impetuosam commotionem excitatur, vnde febres nascuntur; præcipue si pedes altius immerguntur, nimis diu immergi detinentur, & alius insuper est adstricta. Ceterum
26. *Pediluua* quando *nimis frequenter* adhibentur, speratum effectum minime præstant, & quando febrilis commotio concurrat, ab illis prorsus abstinendum est.
27. *Martialia* omnem bonum effectum hic eludunt, & heteroclititas varias aberrandi species inuitant.
28. *Feminæ* quidem nonnullæ effectum illorum *adstringentem* (alius enim martialibus vtut optime paratis non conceditur) tranquillius adhuc tolerant; successu tamen temporis in *tabem* vel *hydropem* recta via deducuntur.
29. Quæ autem subiecta *sensibilia* sunt, his in parte adfecta varia molimina spastica, immo conuulsiva oriuntur, quæ tandem ad violentas eruptiones impetum faciunt in
par-

- partibus autem remotis strictione impetuosæ, tensiones, imprimis alui pertinaces obstipationes inducuntur.
30. Quando autem motus illi spastici ad eruptiones non per-
tingunt, grauiora adhuc pathemata, febres nempe, in-
flammationes, œdemata pertinacia, patientes incurrunt.
31. *Salia volatilia*, exigua dosi propinata, loco speratæ attenu-
ationis, tonicam & neruinam efficaciam edunt; vnde
fit, vt moderate adhibita hæmorrhagias sistant, & sub ini-
tium congestionum, præcipue vero in declinatione,
bonum effectum præstent, in *ἀκμῇ* autem dolorum pro-
pinata, sensibilem illorum exasperationem caussantur.
32. In *maiore* dosi propinata, effectum edunt prorsus adstrin-
gentem, vnde natura ad impetum excernendi commo-
vetur, & violento motu percurrere intendit.
33. Vnicum & certissimum *artificiale* remedium est *venæ se-
ctio* in pede, magna incisione & sufficiente quantitate ad-
ministrata, vt eo maior alteratio obtineatur; sed nimis
frequenter non repetenda est, alias sperata alteratio non
succedit. In grauidis, cephalalgia correptis, in brachio
quidem communiter instituitur, hodie autem in ipsis pe-
dibus sine formidine grauidis venam secamus.
34. Sanguis quando minore quantitate emittitur, quam na-
tura desiderat, insolentius luxuriare incipit; quod docet,
motus hic magis considerandos esse, quam *qualitates* san-
guinis irritantes.
35. *Venæ sectio*, vti semper fere in aliis adfectibus, sic etiam
in cephalalgia magis *præseruatiue* quam *curatiue* laudatur;
hinc in paroxysmo ab hoc remedio abstinendum; nisi
quidem summa necessitas, quæ tamen hic raro contingit,
illud efflagitet: alias enim facilius adfectus recurrit, & ve-
næ sectio sensim minore, immo tandem nullo effectum in-
stituitur.
36. *Scarificationes* in primis *adsuctæ*, in *paroxysmo* facilius pos-
sunt tolerari, minoris autem in genere sunt efficacis,
quàm venæ sectiones. In iuniore ætate, infra annum
vicesimum quintum adhuc constituta, *artificiales* eua-
cationes per venæ sectionem & scarificationem, quan-
tum

tum fieri potest, omittantur: vix vñquam enim tale
 damnum huic ætate a cephalalgia obtingit, quale in an-
 nosioribus timendum est, nempe: vertigo, apoplexia,
 lethargus, paralyfis; sed natura, vt plurimum sponte sua
 hunc adfectum feliciter profligat.



TABVLA XXII.

DE

CEPHALALGIA ILIACO-HÆ-
MATITICA,

SEV

CLAVO HYSTERICO.

I. DEFINITIO.

Cephalalgia iliaco-hæmatitica est specialis capitis dolor,
 iexui feminino proprius, a restrictione sanguinis men-
 strui versus caput originem ducens.

II. DIFFERENTIA.


1. *Clavus hystericus*, a Sydenhamo ita nominatus, licet cum cephalalgia sanguinea plurimum conueniat, ob peculia- res tamen circumstantias, peculiari indiget evolutione.
2. Ab *ileo hæmatite Hippocratis* proprie non differt *clavus hy- stericus*, sed vnus idemque est adfectus; nisi quod ile- on hæmatites sensu potius generaliore sumatur, & o- mnes turbas spasticas, a vitio sanguinis menstrui exor- tas, comprehendat, nempe cephalalgiam iliaco-hæ- matiticam, seu *colicam anotericam*, die Ober-Colic vul- go *Ueberkolck*, & *colicam abdominis*.
3. *Clavus hic hystericus* differt gradu.
 - 1) In aliis enim *mitiores* sunt dolores, & circa tempus

menstruum per 3 - 4 dies plus minus patientes exercent; qui gradus cephalalgiam, præcedente tabula exhibitam, non transcendit.

- 2) In aliis autem dolores sunt pertinaces & ita fere continui, vt ad cephalæam magis referendus sit adfectus; & quando inquinamentum venereum dictis causis in massa sanguinea superuenit, quod hodie non ita rarum est, cephalæa atrocissima inducitur.

III. SIGNA.

1. Præcedunt pathemata, quæ in malo hysterico obseruantur: *vid. tabul. de malo hypochondriaco-hysterico.*
2. Dolor grauius, distensius, vellicans, lancinans, modo totum caput occupans, modo & præcipue circa tempora ita sensibiliter pungens, ac si *clauus* ibidem esset infixus; a quo doloris sensu nomen hic adfectus accepit.
3. Cum his doloribus sæpe numero concurrit pertinax *sensus frigoris* plane *gelidi* circa *suturam sagittalem*, als wenn ein Stück Eiß oben auf dem Kopf lege, vel *aquæ* circa *verticem* fluctuantis.
4. Inflatio capitis peripheriæ, quasi erysipelacea, cum rubore faciei plerumque coniuncta.
5. In dorso sentitur dolor ad nucham quasi adscendens, in qua nonnumquam nodi producuntur.
6. Tinnitus aurium, grauitas auditus.
7. Comitantur hunc adfectum non raro
 - 1) febricula aliqua,
 - 2) horripilatio quasi perpetua extremorum artuum,
 - 3) Lassitudo insignis,
 - 4) Adpetitus deiectus,
 - 5) nauseabundus vomendi conatus, & ructus,
 - 6) pertinax adstrictio alui.
8. Recurrit ordinarie circa menstruas periodos.
9. Quo tempore, si adhuc *leuioris gradus* existit, per aliquot tantum dies scenam suam ludit.
10. Quo magis autem in *consuetudinem* adactus est hic adfectus, vel



vel causſæ *veneræi inquinamenti* accedunt, eo magis continuus, chronicus & perennans obſervatur.

IV. SVBIECTA.

1. Eſt quidem hic adfectus *feminino* ſexui, vitio menſium laboranti proprius, occurrit tamen etiam nonnumquam ſimile ſchema in *viris* qui arthritico-hæmorrhoidalibus fluctuationibus & turbis obnoxii ſunt.

2. *Illæ* autem *femine*, & vix vñquam aliæ, hiſce doloribus & incommodis ſubiacent, quæ

1) Otioſæ, & vitæ ſedentariæ addictæ ſunt,

2) Diætâ plena & lauta gaudent.

3) Animi commotionibus expoſitæ ſunt.

V. CAUſſAE.

1. Cauſſa *generalior* huius adfectus convenit cum cauſſa cephalalgiae, præcedente tabula exhibitæ: nimirum motus ſanguinis excretorius, verſus caput directus, vtrorumque eſt fundamentum.

2. Cauſſa *ſpecialior* eſt menſium vitium qualecunque, rarius obſtructio hæmorrhoidum, per incongrua artificia inducta.

Hæ cauſſæ *materiales* naturæ anſam præbent, per varios motus ſpaſticos retenti ſanguinis expreſſionem tentare

1) Locis ſub initium proximis: vnde motus hypochondriaco-hyſterici oriuntur.

2) Deinde circa pectus, per varias tenſiones & compreſſiones.

3) Denique in capite intentionem ſuam manifeſtat per incommoda ſub *ſignis* indicata.

4. Cauſſæ *externæ & occaſionales*, quæ præcedente tabula nominatæ ſunt, clauum etiam hyſtericum inuitare poſſunt, præcipue refrigeratio pedum, diætâ calidâ, & animi commotiones.

5. Conferatur tabula de hypochondriaco-hyſterico malo.

VI. PROGNOſIS.

1. Quoniam hic adfectus ex congeſtionibus, & vehementi-

bus spasmis in abdomine, pectore & capite complicatus est, præ aliis cephalalgicis dolorificus & contumax obseruatur.

2. Et sane nihil magis vexat Medicos & opprobrio illos exponit, quam dolores capitis in sexu feminino.
3. Causa infelicitis huius successus non quærenda est in ipso adfectu, nec etiam semper in præpostera medicatione, sed potissimum in conditione subiectorum.
4. Quem ad modum enim illæ fere solæ huic incommodo subiacent, quæ commodam, otiosam & victu abundantem vitam degunt, hoc vitæ genus autem ab omnibus personis, quarum fors illud tolerat, cum desiderio apprehenditur; ita etiam nulla alia, quam mitigatio, & denuo repetenda cura in illis potest obtineri.
5. Ipse enim morbus *in se* consideratus, licet inueteratus, & per multas reiterationes in consuetudinem perductus sit, admittet omnino, teste experientia, plenariam sui eradicationem, si peruersum vitæ genus mutatur, & congrua methodus adhibetur.
6. Ceterum quoniam hic adfectus in hypochondriaco hysterice turbis radices suas habet fundatas, prius non tollitur, quam his eradicatis.

VII. METHODVS MEDENDI ET REMEDIA.

Methodus hic fere eadem est, quam in cephalalgia, præcedente tabula commendata, nimirum

A. In paroxysmo.

1. *Aluus* ante omnia est expedienda,
 - 1) vel per clysteres lenientes & emollientes, non autem stimulantés,
 - 2) vel per lenissima laxantia interna; ubi impetus dolorum non ita vrget.
2. Deinde *orgasmus* sanguinis temperandus, & spastica fibrarum strictura demulcenda est per nitrosa, absorbentia, cinabarina, cum diaphoreticis fixis combinata, e. g. nitrum depurat. conch. præparat. ocul. canceri, cinnab. nativ. præparat. bezoard. mineral. antimon. diaphoret.

Quan-

Quando crasis sanguinis *spissior* est, addatur sal digestivum, quod etiam ad mucositatem in primis viis resolvendam, & diuresin obtinendam necessarium est.

3. His interponantur æqualem sanguinis distributionem promouentia, e. g.

Rec. essent. alexipharm. *Stablii* drachm. II.
mille fol. drachm. I.

spirit. salis ammoniac. drachm. semis

M. dosis gutt. XXX.

4. His præmissis utili sæpius effectui usurpatur herb. millefol. in forma vel decocti vel essentix; item essent. cortic. cascarill. cum essent. pimpinell. alb. coniuncta.

5. Hæc autem quando non sufficiunt, *lene anodynum* pulveribus temperantibus misceri & versus somnum propinari potest, e. g. M. P. de cynogloss. gr. I. pro dosi; quo tempore successus alui observetur.

6. *Externa* remedia simul adhibeantur, quæ *præcedente tabula* commendata sunt; in primis *spiritus vini camphoratus*, temporibus illitus, & vertici instillatus, egregie conducit, item *unguentum alabastrinum*, quod sanguinem notabiliter ad interiora restringit.

7. Denique sub *declinatione* dolorum propinentur *tonica*, e. g. mixtura tonico-neruina *Stablii*; item essent. succin.

B. *Extra paroxysmum.*

1. Circa æquinoctia instituuntur venæ sectiones.

2. Mensium præ omnibus habeatur ratio, & versus illud tempus, quo expectantur, vel expectari debent, pilulæ *Stablii* vel *Beecheri* per sex circiter dies exhibeantur, & sequentibus mensium periodis tam diu repetantur, donec in iustum ordinem redacti sunt.

3. Optimum autem & unicum fundamentale remedium, nempe sufficiens corporis motus, tanto magis patientibus commendetur & inculcetur, quando difficilius ad id eligendum & continuandum perducere possunt. Sunt enim communissime teneræ & delicatulæ, quæ hoc morbo adficiuntur.

VIII. CAUTELAE ET OBSERVATIONES PRACTICAE.

1. Quæ præcedente tabula sub *cautelis* annotata sunt, hoc loco maiorem partem possunt adplicari.
2. Cauendum in hoc adfectu congestorio-spastico, ne cura *motuum* postponatur mitigationi *dolorum*. Hac enim ratione dolores maiore ferocia recurrunt, & breuem requiem male compensant.
3. Multæ sunt feminæ, quæ *camphoræ* odorem non possunt perferre; ne autem efficaci hoc remedio priuentur, nares illarum obturandæ sunt, donec natura, sentiens ab hac inuersione leuamen, remedium illud amore amplectatur. Hac ratione multarum auersatio a camphora feliciter sublata est.
4. *Calida* illa remedia neruina, castorina carminatiua, elixiria vterina, male hic adplicantur.
5. Quouis etiam modo cauendum est, ne per calida, externe adplicata, sensum illum *frigidum* in vertice remouere animo sedeat. Es ist kein kalter Fluß, obgleich das Gefühl kalt ist.
6. *Opiata*, præpostere adhibita exacerbant symptomata, & inducunt adfectus soporosos, stupores paralytodeos, excretionum debitarum suppressiones, & interdum mentis plane alienationes.
7. Odor *salium volatiliū* prius non admittatur, quam temperantibus præmissis tonus spasticus in abdomine relaxatus est; alias in capite motum tonicum inducunt, & per hanc congestionem humores, in illo loco hætenus diffusos, in angustum locum comprimunt, vnde acutissimi dolores exoriuntur.
8. Exulent omina *pinguia* externe adplicata, poris enim intimius sese insinuant, transpirationem perutilem impediunt, & æstum augment.
9. Si *venæ sectio* ob patientis auersionem locum non habet, *pediluvia* alternis diebus versus recursum mensium vesperti vsurpentur, quo tempore alius legitime succedat.

TABVLA XXIII.

DE

CEPHALAEA.

I. DEFINITIO.

Cephalæa est pertinacissimus & fere continuus capitis dolor a rheumatica congestione humorum versus caput originem ducens. Deriuatur a κεφαλή, caput.

II. DIFFERENTIA.

1. *Cephalæa* quo modo differat a *Cephalalgia* tabula XXI. indicatum est.

2. *Cephalæa* differt etiam aliquo modo a *cephalalgia continua*, nam hæc *simplicioribus* sanguinis congestionibus innititur & per consuetudinem tantum ita fit perennis, illa autem motibus congestoriis *rheumaticis* stipata obseruatur. Conf. tabula XXI. de *cephalalgia*.

3. Differentia cephalææ ab *hæmicrania* e signis inter se collatis elucescit.

4. Ratione autem *causarum* quo modo cephalæa differat, infra sub causis indicabitur.

5. Ceterum cephalæa commode diuiditur in

1) *continua* chronicam, valde pertinacem.

2) *periodicam*, quæ certis temporibus paullulum remittit.

3) *vagam*, quæ nullius exactæ periodi existit.

III. SIGNA.

Hæc secundum causas differunt.

1. Quæ cephalæa cum cephalalgia eandem causam *generalior* fouet, illa etiam eadem habet signa, sed gradu vehementiora. Nam dolores non solum continuo fere durant, sed etiam pertinacissime adfligunt.

2. In feminis, quando cephalæa contingit, omnia illa signa conspirant, quæ tabula præcedente de *clauo hysterico* adlegata sunt.

3. Vbi *ulceroso-ichorosa* congestio, & in specie *lues venerea*, in causis est, ibi dolor adest *uni loco* quasi infixus, falso ardore rodens, acriter morficans, terebrans, vix unquam

in

in solidum desinens, qui & nocturno tempore incal-
scente sub lecto corpore exacerbatur, & sine manifestis
congestionis signis obuenit.

4. Quando a *coagulatione* sanguinis, & *inflammatione menin-
gum*, cephalæa exoriatur, dolores satis acuti sunt, & ca-
lor insignis cum siti intolerabili accedit.
5. *Vertiginosa* capitis perturbatio per interualla, & præcipue
sub doloris declinatione occurrit.
6. Nullum corporis motum patientes possunt tolerare : a le-
vi enim motu dolor capitis augescit, fit pulsatilis & *ar-
teriarum* pulsus æmulans.
7. In loco adfecto interdum adparet tumor duriusculus, qui
sensim capit incrementum.
8. Quandiu decumbunt, dolores obseruantur *mitiores*, dum
autem caput attollere volunt, repentino insultu corri-
piuntur, vt sui immemores recumbere cogantur.
9. *Hæmorrhagianarium* effrenis non ita raro in *scorbuticis* caus-
sis accedit. *Vid. tab. de scorbuto.*
10. Ceterum patientes, cephalæa adfecti, sunt *sensibilissimi* a quo-
vis enim clamore, strepitu, tumultu, gallicinio, tamquam
rebus intole abilibus perturbantur.
11. *Lucem* etiam non possunt perferre, hinc cameras amant
obscuras, in quibus tranquilla quies, & altum agitur si-
lentium.
12. A quouis *potu* paullulum *fortiore* statim male se habent,
nec nisi admodum *dilutum* tolerant.

IV. SVBIECTA.

1. Cephalææ familiariter obnoxie sunt *femine*.
2. Rarius *viri*, nisi a turbulentis hæmorrhoidibus aut vlceroso
sa constitutione, in specie a *lue venerea*, originem sumse-
rit.
3. Illæ autem femine præcipue huic malo subiacent, quæ ob
vitæ genus sedentarium, diætam plenam, & animi pa-
themata, mensium perturbationem incurrunt.
4. Temperamentum melancholicum huic adfectui præ aliis
est expositum, & sane in talibus subiectis pertinax *animi*
indoles efficacæ non est postremæ.

V. CAUSSAE.

Caussas Cephalææ ex illis, quæ sub *signis & subiectis* dicta sunt, in hunc ordinem colligimus.

1. *Causa generalior in cephalæa* eadem est, quæ in *cephalalgia*, nam sanguinis ad hæc loca congestiones primum fundamentum præbent omnibus specialioribus effectibus & productis in cephalæa obuenientibus; id quod & de ipsius luis venereæ capitis doloribus non potest negari. Ab impetuosa enim congestione contingit distensio partium, quæ relaxatæ repulsui humorum non sufficiunt. Vnde stagnationes, stases, corruptiones exoriuntur.

2. *Causæ specialiores*, quibus cephalæa innititur, sunt constitutiones siue ulcerosæ, siue actu iam exulceratæ, quæ a sequentibus circumstantiis & causis originem sumere possunt:

1) a scorbuto.

2) a luis venereæ inquinamentis.

3) ab aliis subcutaneis scabioso-impetiginosis corruptionibus.

4) A contusionibus, vulnerationibus & ulcerationibus præpostere tractatis.

3. *Veteres* materiam tenacem, cerebro impactam, vel plane *apostema* aliquod, adcusabant, & hinc pro diuerso respectu, modo *apophlegmatismos*, *setacea* & *vesicatoria*, modo *cauteria*, modo ipsam capitis *terebrationem* commendabant.

VI. PROGNOSIS.

Diuersitas *caussarum* diuersam etiam prognosin inuoluit.

1. Vbi causæ cephalææ cum cephalalgia conueniunt, ibi eadem valet prognosis, quæ *tabula XXI. de cephalalgia* indicata est; modo attendatur, quod a *minori* ad *maius* hic præcipue valeat consequens.

2. *Ulcerosa* constitutio quando *simplicior* subest, difficultate quidem cura omnino laborat, non omnem tamen dirimit spem restitutionis.

3. *Venerea* autem *ulcerosa* constitutio, vel quæcunque *alia*
C c cum

cum ossium *carie* coniuncta est, multo maiores inuoluit difficultates: licet enim causa per dextram medicationem sublata sit (quod negotium etiam non exigui est momenti) dolores tamen vix vniquam ita cedunt, vt futuro tempore non magis recrudescent.

4. Cephalæa illa, quæ per serosas excretiones facilem & frequentem exitum adepta est, multo pertinacior, quam alia minus talis, obseruatur.

5. Cephalæa habitualis interdum degenerat in melancholicam.

6. Cephalæa cum insigni plethora coniuncta, apoplexiam futuram præfagit. *vid. Forestus.*

VII. METHODVS MEDENDI ET REMEDIA.

1. Cephalæa quæ adhuc *simplicior* est, non abludit a methodo, quam tabula XXI. de cephalalgia exhibuimus, nisi quod hic *mucoſe stases* fortius resolui debeant, per anticathartica & alexipharmaco diuretica, e. g.

1) *Radices*: ari, pimp. alb. helen, angelic. vincetox. imperator. gentian. rubr.

2) *Herbas amaras & capillares*: scord. centaur. min. card. bened. capill. vener. cuscut.

3) *Cortices & ligna odorata*: chacarill. sassaf.

4) *Gummi-resinas*: ammoniac. galban. sagapen.

5) *Tincturas alcalinas*: salis tartar. antimon.

6) *Salia enixa*: tart. vitriolat. nitr. antimoniat. arcan. duplicat. item salia centaur. min. absinth. genift.

2. Facta resolutione & præparatione materiæ, *purgans* aliquod ad illam euacuandam præscribendum est. Laudatur in hunc finem ialapp. extract. panchymagog. *Crollii*, M. P. de succino *Cratonis*, essent. hellebor. nigr. secundum methodum *Stæblii*, nempe ex extracto resinoso mediante spiritu vini parata.

3. *Hirudines* temporibus vel auribus adplicatæ vsum etiam præstant.

4. Quo magis autem cephalæa ab inquinamentis *venereis* vel *scorbuticis*, aut ab aliis tam internis quam externis ulcerationibus fogetur, eo magis, secundum diuersitatem

tem

tem caussarum, diuersæ etiam medicationes necessariae sunt, nempe

1) *Cephalæa venerea* tractanda est, vti lues venerea, vid. *tabul. de lue venerea*.

2) *Scorbutica* vti scorbutus. vid. *tab. de scorbuto*.

3) Quando incongrua *suppressio ulcerum* manantium, vel aliarum *serosarum* excretionum præcessit, manet quidem methodus num. 1. & 2. commendata; quoniam autem in illo casu adfectus ad modum rebellis est, externa nonnumquam in subsidium vocanda sunt, nempe vel apophlegmatismi, vel fonticuli, vel setacea pro circumstantiarum ratione.

6. In statu *inaeterato* colliquatio & euacuatio per *mercurium* æque ac in caussa venerea tentanda est.

VIII. CAUTELAE ET OBSERVATIONES PRACTICAE.

1. Omnes observationes & cautelæ, tabula XXI. de cephalalgia commendatæ, quam maxime & præcipue in cephalæa etiam commendantur.

2. *Topica* eo magis hic sunt necessaria, quo magis continui & contumaces sunt dolores. In hunc finem præter spiritum vini camphorat. præcipue adhuc laudatur *radix Rhodia* puluerisata & epithematis forma capiti adplicata.

3. *Nephritica* doloribus circa lumbos, qui cephalææ prodromi sunt, opponere, adfectum potius exacerbare quam eundem mitigare possunt.


4. Absint tamen acriora in primis balsamica, quæ facile commotiones febriles prouocant: immo ipse spiritus vini camphoratus, quem modo commendauimus non nisi post debitas euacuationes satis tuto potest vsurpari.

5. Medici iudicio relinquitur, num initium curæ cum *purgante* quodam faciendum, vel prius ad *correctionem* humorum accedendum sit.

6. Ad crasin humorum corrigendam *formule humidae* aliis in hoc adfectu præferendæ sunt, e.g. *medicatum vinum* e rad. ari, cichor. caryophyllat. helen. angel. herb. meliss. betonic. verben. comis absinth. cort. citr. aurant. & si

tempus ferat, cochlear. recent. Ex laxantibus fol. fennæ. rad. rhabarb. & præcipue fibr. hellebor. nigr.

7. In *serosa* sanguinis dyscrasia conducit egregie *essentia succini* cum spiritu volatili C. C. & tinctura tartari maritata,
8. *Pediluua* & *frictiones* pedum per pannos asperos etiam egregie conducunt.
9. Notum est, quod in cephalæa pertinaci sæpe ad *trepantionem* properetur, sed illa locum non habet, nisi in talibus circumstantiis, in quibus de extrauafatione humorum sub *caluaria* certa indicia prostant. *Conf. tab. chirurg. de trepanatione.*
10. Continentia & corporis & animi sit tranquilla; diæta aromatica & spiritiuosa euitetur & continua alui successio promoueatur.
- III *Venæ sectio* æquinoctialis seu præseruatoria in hoc adfectu maiorem habet vsum, quam curatoria & quoniam cephalæa rariora habet interualla, sedulo cauendum est, ne vena tempore exacerbationis secetur.



TABVLA XXIV.

DE

OPHTHALMIA.

I. DEFINITIO.

Ophthalmia est inflammatio *tunicæ adnatæ* oculorum, a congestione humorum versus caput originem ducens, & hæmorrhagiam narium e *longinquo* quasi respiciens. Deriuatur ab ὀφθαλμός, oculus.

II. DIFFERENTIA.

I. Ophthalmia est vel

- 1) *Vera*, quæ stasin *sanguineam* pro causâ habet, vnde etiam *sanguinea* dicitur; vel
- 2) *Notha* quæ stasin magis *serosam* inuoluit: vnde *serosa* etiam vocatur.

2. *Notha* iterum duplex est:

- 1) *Leuioris* gradus, quæ *ταράξις* dici solet, a *ταράσσω*, turbo.
- 2) *Intensioris* gradus, vbi palpebræ simul adficiuntur & prurigo oculorum concurrit. Dicitur *Chemosis* a *χαίω*, dehisco, quia tumor ita conspicuus adest, vt oculi nigrum concauum videatur.

3. Ophthalmia etiam diuiditur in

- 1) *simplicem* &
- 2) *habitualement*, seu pertinaciter adfuefactam.

4. Porro diuiditur in

- 1) *Statam*, quæ pertinaciter durare solet, &
- 2) *Periodicam*, quæ per paroxysmos quasi adfligit.

5. Alia est *profundior*, alia *superficialis*, & tandem

6. Alia *unicum* tantum, alia *utrumque* adfligit oculum.

III. SIGNA.

1. Rubedo oculorum cum inflatione circa vasa *albuginis*.
2. Sensus modo ardoris, modo pruritus.
3. Dolor inflammatorius, vrens, compungens, lancinans, non solum oculos, sed per consensum etiam totum caput adficiens.
4. Intolerantia lucis & obiectorum lucidorum.
5. Effusio lacrimarum, quæ magis in ophthalmia *notha* seu *serosa* occurrit, *sanguinea* autem ficiior esse solet.

IV. SVBIECTA.

1. *Infantes*, a retrocessione crustæ lactææ, aliarumque capitis exulcerationum atque tumorum.
2. *Pueri*, ab hæmorrhagia narium emanente.
3. *Adulti*, a suppressione euacuationum naturalium & neglectione artificialium e. g. scarificationum adfuectarum.
4. Qui baccho & veneri indulgent & diæta aromatica abutuntur.
5. Qui oculos nimium fatigant & acriora atque coacta videndi intensione irritant, vel aëri frigido, aut etiam nimio calori illos exponunt.
6. Speciatim qui crebris lectionibus & lucubrationibus indulgent.

V. CAUSSAE.

1. *Internæ*

- 1) Causa antecedens *remota* est plethora, cum caeochymia, præcipue in adfectu ferofo, ut plurimum coniuncta.
 - 2) Causa *propior* est decubitus sanguinis ad oculos, cuius transudans tenuior portio partes hasce sensibiles rodit; quæ rosio vltiorem deinde humorum adfluxum inuitat.
 - 3) Causa *proxima & immediata* est stasis inflammatoria in tunica adnata oculorum.
2. Causæ *externæ, occasionales, & procatartice*. Præter illas, quæ in *subiectis* iam nominatæ sunt, sequentes adhuc notamus.
- 1) Consuetudo & frequens congestionum talium recursus.
 - 2) Frictiones & ploratus.
 - 3) Exhalationes acres, rodentes, salinæ.
 - 4) Aër humidus, vel alia humectatio immodesta.
 - 5) Inuolatus insectorum.
 - 6) Percussiones oculi.

VI. PROGNOSIS.

1. Læsiones oculorum & visus, difficilis sunt restorationis.
2. Quo diutius oculorum adfectus tolerantur, eo grauius damnum in hisce teneris partibus inferunt: rubor enim facile in inflammationem, & hæc in suppurationem, vlcerationem & erosionem transit.
3. Nisi *stasis* tempestiue discutiatur, ex ophthalmia *sanguinea hypopyum*, & ex hypopyo *pterygium* seu *unguis* enasci potest. de quibus peculiaribus oculorum adfectibus *tabula chirurgica de operationibus in oculis* euoluatur.
4. Ex ophthalmia autem *notha* seu *serosa* contumax *lippitudo*, & inde emollitio & *exesio tunicæ corneæ*; ab hac autem *procidentia vucæ*, immo demum continuante inflammatione, plenaria *visus amissio* prouenire obseruatur.
5. Quando *cornea* læsa iterum cicatrifatur, *clauus* oculi emergit.

6. A *serosis* quoque ophthalmiis *fistulae lacrimales* ut plurimum initium habent.
7. Ophthalmia *diuturna* vel sæpius recurrens ut plurimum post se trahit visus hebetudinem vel cæcitatem.
8. Immo si in ophthalmia neque discussio, neque suppuratio locum inuenit, sæpius perit oculus.
9. Alui profluvium aut hæmorrhoidum suppressarum spontanea apertio, sæpius ophthalmiam tollit aut imminuit.
10. Grauiorem *suppurationem* vel cæcitas, vel totius oculi corruptio sequitur.
11. Ophthalmia, quæ grauiiores capitis contusiones excipit, periculosa est.
12. Ophthalmia quo magis hæreditariam labem, aut hæmorrhagiarum suppressionem pro causa agnoscit, eo sæpius solet recrudesce, & in adfuetudinem abire contumacior, nisi quidem causa suppressæ hæmorrhagiæ sublata, prognosin reddat mitiorem.

VII. METHODVS MEDENDI ET REMEDIA.

A. In paroxysmo.

1. Cruditates primarum viarum expurgentur.
 - 1) In *serosa* ophthalmia magis conducunt phlegmagoga, e.g. fennata, ialappina & mercurius dulcis.
 - 2) In *sanguinea* ophthalmia commendantur rhabarbarina & scamnoneata.
 - 3) In *adultis* exhibeatur M. P. de succino *Cratonis* cum mercurio dulci, vel cum extract. hellebor. nigr. resinof. aut cum resina ialap. combinata.
2. Stasis a congestione orta discutiatur.
 - 1) *Interne*,
 - a) in *sanguinea* ophthalmia per nitrosa, præcipitantia, grata acidula & diluentia.
 - β) in *serosa* autem, præter modo dicta, exhibeantur insuper lympham corrigentia, & sic dicta anticatarhalia, e. g. essent. succin. ligni assafr. *lignorum*, tinct. antimon. tartarifat. essent, alexipharmaca *Stablii*.

2) *Ex-*

- 2) *Externe* optime hoc impetratur per,
- a) *Camphorata* legitime adhibita, nempe vel linteis multiplicatis instillata, & post spiritus vini exhalationem palpebris adplicata. Vel subigatur camphora cum amygdalis excorticatis, & tum cum modica portione aquæ rosarum redigatur in emulsionem, intra oculum adplicandam; modo absit inflammatio.
 - b) *Epihemata sicca*, e. g. ex rad. irid. Florentin. valerian. flor. sambuc. herb. hyssop. sem. cumin. fœnicul. croc. cum camphora.
 - c) Per *adflatum balituosum* ex sem. anis. fœnicul. præcipue in infantibus.
 - d) Per *nitrum* pauca quantitate in aqua rosarum, cyani, calcatripp. solutum & adplicatum, id quod insignem effectum edit.
 - e) Per *lac croco* largius tinctum & tepide adplicatum.
3. *Adfluxus* & vltior *congestio* ad has partes reuellatur.
- 1) *Interne* huic indicationi satis faciunt laxantia repetita, quæ humores ad inferiores partes reuocant. Eadem hic conducunt, cum quibus curæ initium factum est.
 - 2) *Externe* conueniunt discutientia, & tonica, quæ simul siccant & adstringunt:
 - a) *Vitriolum album*, in ovo cocto per deliquium resolutum, & cum aqua rosarum temperatum.
 - b) *Nitrum*, supra iam laudatum, maiore cum fructu adhibetur, quando *saccharum saturni* cum illo in crystallos redactum est.
 - c) In *sanguinea* ophthalmia scarificatio, vel illius loco *Sennerti sinapisinus*, nempe farina *crucæ* sacculo inclusa, in vino cocta, & *nuchæ* adplicata.
 - d) In *serosa* locum etiam habent exsiccantia & lenia adstringentia, in forma *pulueris* adplicata. e. g. tutia, pomphol. nihilum alb. spodium, mater perl. lapis admirabilis *Crollii*, alumine & bolaribus ingredientibus imbutus.
 - e) Conducunt etiam *externe*, quæ acrimoniam temperant,

rant, & sic adfluxum vltiorem præcauent, e. g. mucilagines semin. psyllii, cydoniorum cum aqua rosarum, vel aliis aquis ophthalmicis mixtæ.

f) Reliqua sub *cautelis* quærantur.

B. *Extra paroxysmum.*

1. *Abundantia* sanguinis imminuatur.

1) Vel per venæ sectionem & scarificationem.

2) vel per hæmorrhagiarum suppressarum reuocationem.

2. *Craasis* humorum corrigatur per succinata & alexipharmaco-diuretica, e. g. per essentiam succini cum tinct. antimon. maritatum, item per liquorem C. C. succinatum, essent. alexipharmacam *Stahl*i.

3. *Motus* congestorii præoccupentur per lenes purgationes, singulis mensibus, aut ad minimum vere & autumno repetendas.

VIII. *CAVELAE ET OBSERVATIONES PRACTICAE.*

1. Nihil familiarius est, quam vt in adfectibus oculorum ad *specialia* remedia statim confugiatur, licet hæc ad summam rerum nihil constantis efficiant.

2. Hinc *uniuersaliora* tanto magis commendantur, nempe ea, quæ abundantiam sanguinis imminuunt, illius dyscrasiam corrigunt, aut certos humorum motus, & decubitus præoccupant.

3. *Venæ sectiones* enim statæ, & scarificationes, vsum suum plurimorum exemplis in dies confirmant, auguriumque illorum, qui hinc debilitatem visus, immo cæcitatem harriolantur, oppido incerta & falsa opinione inniti, satis ostendunt.

4. Non minoris efficaciam sunt congruæ laxationes & pediluvia.

5. *Fonticuli & setacea* diuturno ac rebelli malo opem quidem ferre solent, sed facile constantem sui vsum exigunt, alias malum pertinacius recurrit. Ceterum non sunt adplicanda, nisi supra memorata ordinaria remedia frustra fuerint adhibita.

6. *Vesicatoria*, crebrius exhibita, eodem incommodo stipantur. In dolore impetuoso, & quidem magis in

inferioribus partibus, illa adplicare conuenit; sed non in adeo tenera ætate. Si vero pone aures vt vulgo mortis est, adplicantur, malum sæpius augent. *Reuulsio* enim princeps punctum in hoc negotio absoluit; cuius rei *casum notabilissimum* hic exhibemus. Puer quidam ophthalmia tam contumaci laborabat, vt medicamentis ordinariis, per aliquot menses adhibitis, cedere recusaret. Quum vero improuidus in pede ambustionem insignem acciperet, eodem die ab ophthalmia liberabatur, & inflammatio loco oculorum pedem ambustum occupabat.

7. Specificam adscribunt virtutem auctores *radici valerianæ* cum interne, tum externe adhibitæ. Verum specifica certæ fidei vix nota sunt: complurium sane & inter hæc *euphrasie* laudibus non parum detrahit experientia.
8. De *amuleticis* idem sentiendum est.
9. *Crocus metallorum*, crude vsurpatus, irritat oculos; infusum autem illius, nisi menstrua acria fumantur, admodum debile est.
10. Quod ad *formulas* attinet, sequentia adhuc notanda sunt.
 - 1) *Puluerulentæ* formulæ, quantumcunque demum alcoholifatis, seu summe extenuatis materiis, sæpe irritationem in oculis caussantur, præcipue si in illis submucidus quidam mador versetur, qui puluerulentam substantiam inæqualiter imbibat, & successu noui mucus, in vnum veluti angulum compingat, vnde pressio & irritatio exoritur.
 - 2) *Fluide* formulæ, assiduo vsu, etiam damnum oculis inferre possunt, nempe emolliendo, relaxando, & sic nouo adfluxui viam sternendo.
 - 3) Hinc omnium consultissimum est & efficacissimum, adstringentia cum formulis humidis moderate miscere, vbi *vitriolum album* omnium facile coriphæus est; modo obseruetur, vt ante illius adplicationem æstus prius temperetur, & saccharum saturni, aqua rosarum solutum, mox subiungatur.

- 4) *Collyria* varia quidem, & subinde satis efficacia, descripta habemus, præ omnibus tamen illud experientia optime se commendat, quod *Weisbachius* ex ore *Stablii* in omnibus oculorum adfectibus, & ipsa adeo incipiente cataracta, commendat. In cæcitate cuiusdam puellæ, mensium emansione laborantis, visum restituit; præmissis quidem generalioribus & ipsa etiam venæ sectione, sine *conspicuo* tamen effectû, donec hoc collyrium adplicaretur. Est autem sequens:

Recip. butyr. maial. illot. vnc. IV.

tut. præparat. vnc. I.

corall. rubr.

camphor.

facchar. saturn. ana drachm. semis.

nihil. alb. drachm. II.

virid. æris. gr. XII.

misceantur optime, & versus somnum cuiusvis oculorum angulo ad gr. II. immittantur.


- II. Camphorata in plerisque oculorum vitiis resoluendi, discutendi, & ita quodam modo exsiccandi efficaciam habent.

1) Camphora spiritu vini soluta, omnium penetrantissime agit, modo caueatur, ne aliquid eius intra oculum defluat: Licet enim non statim insigne damnum inde redundet, grauiissima tamen ignei ardoris molestia ad momenta aliqua inde expectanda est.

2) Quodsi vero ardor quidam per spiritum vini camphoratum inductus sit, admoueatur oculo *aura*, siue per volam manus, siue per flatum oris, ita cito exhalat spiritus vini, ardor remittit & camphora poris insinuata relinquitur.

12. *Dioptrica* illa adminicula non, nisi vrgente necessitate, vel magno adiumento ex illorum usu redundante, suadere oportet; excepto illo casu, vbi adfuetudo forte continuationem huius subsidii efflagitat.

13. Vulgarem illam opinionem de *ceparum* & *alii* vsu interno, oculis noxio, satis refutant *Poloni, Hungari, & Judæi*, qui omnes ex familiari horum vsu nihil ophthalmicorum incommodorum præ aliis sentiunt: halitus tantum externus nocet.
14. Certiore experientia innititur illa cautio, ne fatigent, aut liberius vsurpent oculos, qui paullo ante, vel hæmorrhagiis largis, vel in morbo acuto inedia, vigiliis, largis sudoribus & aliis euacuationibus, sunt exhausti.
15. Horum omnium vero efficaciam, vti insigniter promouet diætâ temperata, diluta & commodum regimen, ita vel minimum leuamen succedit, vel malum recrudescit, quando causæ occasionales, procatarcticæ & irritamenta oculorum non euitantur. e. g. veneris, vini & diætæ aromaticæ abusus, multa lectio, lucubratio, cubitus in latere adfecto, vapores acres, aër frigidus pariter atque calidus nimis, lucis & candelarum splendor, præcipue fulguris sub noctem adspectus.



TABVLA XXV.

DE

ODONTALGIA.

I. DEFINITIO.

Odontalgia est periosteï & partium neruolarum, ad dentes tendentium, inflammatio, a congestione sanguinis incompleta, hæmorrhagiam narium eminus respiciente nullum autem exitum inueniente, originem trahens, Deriuatur ab ὀδούς, dens, & ἀλγέω, dōleo,

II. DIFFERENTIA.

Odontalgia est vel

1. *Idiopathica*, quæ a carie vel erosione dentium dependet, & solos dentes occupat, vel
2. *Symptomatica*, quæ motibus humorum versus caput congesto-

gestoriis, præcipue hemicranicis, vestigia legit, & præter dentes non raro etiam confinia loca occupat.

III. SIGNA.

Signa per se satis sunt manifesta, nempe

1. Dolor dentes communiter maxillares rarius anteriores, occupans exquisitissimus.
2. In symptomatica odontalgia manifesta signa congestionum ad caput occurrunt, rubor scilicet faciei, cum insigni tensione & inflatione vasorum, non solum partium vicinarum verum etiam totius capitis.
3. Hic dolor exferit se se, præcipue in periosteo & fibrillis per dentium radicum *medullarem* substantiam disseminatis, *Conf. Stahl's theoria medica pag. 855.*
4. Præter ea dolor hic specie variat: modo enim est tensivus, strictorius, fremebundus, modo lancinans, modo vibratius.
5. Non tantum per qualescunque gingivarum regiones excurrit, sed & interdum ad interiorem aurium cavitatem se se extendit.
6. Quo modo *caries* sit dignoscenda, videri potest *tabula chirurgica de carie ossium.*

IV. SVBIECTA.

1. Sunt homines plethorici, temperamenti sanguineo-phlegmatici præcipue iuniores, quorum consuetæ narium hæmorrhagiæ emanferunt.
2. Feminæ quarum menses suppressi, vel imminuti sunt.
3. Viri, quibus hæmorrhoides non legitime fluunt.
4. Feminæ pariter ac mares, qui consuetas venæ sectiones & scarificationes neglexerunt.
5. Qui nati sunt a parentibus eodem malo, vel arthritico-spasticis insultibus adfectis.
6. In cariem dentium sæpius incidunt, qui pulueribus dentifricis acrioribus abutuntur.
7. Item qui instrumenta metallica, vel alia, dentibus mundandis destinata improuide adhibent.
8. Quibus radices post euulsionem, aut cariem dentium in gingiuis remanserunt.

V. CAUSSAE.

1. Causam odontalgiae *idiopathicae* sub *differentia* iam indicavimus, nempe cariem & erosionem dentium, propter quam læsionem adfluxus humorum, & hinc stasis inflammatoria contingit.
2. Causas *occasionales* & *procatarticas* harum erosionum in *subiectis* num. 6. & 7. nominavimus.
3. Odontalgiae autem *symptomaticae* causa antecedens *remota* est plethora.
4. Causa antecedens *propior* est congestio humorum versus caput, euacuationem sanguinis per nares respiciens.
5. Causa *proxima* & *immediata* est stasis sanguinis inflammatoria in vasculis sanguiferis per radicem dentium substantiam medullarem disseminatis.
6. Causae *occasionales* & *procatarticae* in *subiectis* iam indicatae sunt, ad quas natiuitatem *dentium sapientiae* adhuc referimus, qui ad annum vsque vicesimum octauum procrefcere solent.
7. *Vermiculos* dentium & materiam *salso-acrem* in pathologia odontalgiae aliis relinquimus.

VI. PROGNOSIS.

1. Odontalgia *idiopathica*, seu quæ ab erosionem & carie dentium orta est, non nisi palliativam curam admittit, nec etiam plenarie cessat, nisi dente euulso.
2. Odontalgia *symptomatica* vero facilius curatur. Quando autem sæpius recurrit, erosioni dentium ansam præbet, & in idiopathicam transmutatur.
3. In symptomatica interdum tumor inflammatorius insignis exoritur, qui nisi perite tractetur, facile corruptionem, exulcerationem & cariem cum excrescentiis spongiosis producere potest.
4. Symptomatica, quæ per hæreditatem inducta est, promtior quidem discussionem admittit, quam illa, quæ *anudis* congestionibus dependet, contumacior autem ad malum funditus extirpandum observatur.
5. Si *tumor* in malis oboritur, odontalgiae solutionem indicat.

6. In

6. In febribus acutis & malignis odontalgia symptomatrica cum stridore dentium contingens, mortem præfagit.
7. Dantur feminæ quædam, quibus dolor dentium certum grauitatis signum præbet.
8. Ceterum, quo frequentius congestiones versus hæc loca contingunt, eo facilius dolor fit periodicus, & tandem hic adfectus ad Medicorum scandala transit, ita vt patientia magis quam medicamentis, superetur.

VII. METHODVS MEDENDI ET REMEDIA.

1. *Odontalgia idiopathica.*

- 1) Caries ante omnia est remouenda, id quod obtinetur
 - a) vel per cauterisationem, vt dicunt, *actualement* cum clauo ignito;
 - b) Vel *potentialement* cum spiritu & oleo vitrioli, sed minus secure, item per oleum caryophyl. cum camphora, per oleum ceræ, rad. pyrethri, aristoloch. rotund. & long. essent. succin.
- 2) Vel pro circumstantiarum commoda ratione dens plane euellendus est, de qua re tabula chirurgica de *carie ossium* fusius dictum est.
- 3) Ad dolores mitigandos exhibeantur specifica sympathetica & alia e. g.
 - a) Lignum fulmine tactum.
 - b) Lignum fraxini in solstitio collectum. Dens cauus hoc vel illo ligno fricatur, & lignum post ea reponitur.
 - c) Puluis sympatheticus, in cuius solutionem lignum, denti adfrictum, immittitur.
 - d) Palliative dolorem sedant narcotica, e. g. phlon. Rom. aqua hypnotica *Dorncrellii*, sem. hyoscyami cum cera denti impositum; quæ omnia tamen non facile in auxilium vocanda sunt, ob periculum inde metuendum.
 - e) Nitrum, denti immissum, egregie temperat.

2. *Symptomatice.*

- 1) Ad orgasmum sanguinis contemperandum, & dolorum atrociam mitigandam, exhibeantur singulis circiter

ho-

horis pulueres nitroso temperantes, cum antimonio diaphoretico & cinnabari combinati; quibus sub regimine leniter diaphoretico, ter vel quater propinatis, dolores communiter cedunt.

2) Quodsi vero cedere his recusent, addatur MP. de cynoglossa, & quidem ea proportionem, ut gr. i-ij, quælibet dosis contineat.

3) Sub his omnibus *externa* non negligantur, e. g. decoctum emolliens ex rad. alth. flor. chamomill. rosar. nymphaeæ, papau. cum lacte paratum, & calide intra os sumtum.

4) Ad stasim resoluendam & discutiendam subiungantur

a) *Interne*: lenia catarrhalia, e. g. essent. succini cum essent. alexipharm. *Stahl*i maritata.

b) *Externe camphorata*, e. g. spiritus vini camphorat. mediante gossypio adplicatus, emplastr. *Barbette* largiter camphorat. camphora immediate adplicata. Item *decoctum* ex rad. irid. Florent. aristolochiæ utriusque, summitat. organ. serpill. flor. sambuc. cum lacte paratum & dentibus sæpe calide adhibitum. Item epithema ex herb. hyssop. flor. chamomill. flor. sambuc. farina secalina, calida genis impostum.

5) *Reuulsionem* adfluxus promouent

a) *Interne* purgantia, pro diuersitate temperamentorum aut caussarum ordinanda, e. g.

1) *Cholericis* & biliosis; rhabarbarum.

2) *Phlegmaticis*, agaric. colocynth. mercur. dulc.

3) *Sanguineis*, ialapp. & fol. fenn.

4) *Melancholicis*, helleb. nig.

5) MP. de succin. *Craton*. ad quemlibet facile casum potest determinari.

b) *Externe*.

1) Venæsectiones, non facile tamen in *anym* doloris.

2) Scarificationes, eæque repetendæ.

3) Vesicatoria prope flexuram cubiti in latere adfecto adplicata. Est *iudæi* cuiusdam experimentum

tum, cuius mentio fit in Actis N. C. Vulgus *alium* huic flexuræ adplicat cum præsentaneo subinde leuamine.

- 4) Apophlegmatizantia stricte sic dicta, e. g. rad. pyreth. imperat. angelic. herb. tabaci &c. masticata, & per aliquod tempus in ore detenta. Item sem. staphysagriæ in petia ligatum vino adusto immixtum & dolenti denti impositum.
- 6) Tandem etiam *repellentia* in subsidium trahantur e. g. tinct. laccæ, quæ subadstringit, & hinc non statim in principio adplicanda est. Sic etiam tinctura odontalgica *Mynsichti* intra os sumta, quæ satis temperata, & egregii effectus obseruatur. Item rad. acaciæ, ceruicariæ, vuulariæ.
- 7) Alius semper legitime succedat, cum primis si anodyna adhibentur.
- 8) In causâ scorbutica tractatur adfectus, vti scorbutus. *vid. tab. de scorbuto.*
- 9) *Præseruatiue* conducit quotidiana dentium a sordibus repurgatio & frequens oris collutio.

Adsueta venæ sectiones & laxationes non negligendæ sunt.

VIII. CAUTELÆ ET OBSERVATIONES PRACTICÆ.

1. *Sympathetica*, quæ per vulgus in hoc adfectu commendantur, plerumque dubia & incerta sunt, e. g. *os bufonis* ab *Helmontio* commendatum, das mittlere Glied vom vordersten Fuß.
2. Nonnulla etiam plane periculosa existunt, v. g. *dens hominis* phthisi defuncti.
3. *Persicaria Paracelsi* vltcrius experimentanda est.
4. *Transplantatio* in arbores e. g. in salices, est quidem satis efficax, probe autem obseruandum est, ne arbor extirpetur, alias enim dolores pari vehementia redeunt. Ad hoc euitandum tales eligere solent arbores, ad quas difficilis hominibus conceditur aditus. Facta operatione vulnus arboris consolidandum est, es muß wieder verwachsen.
5. *Olea destillata empyreumatica*, aliaque acriora, item alu-

- men & acetum destillatum, sæpe quidem leuamen adferunt, sed altius dentem erodunt, & in illæsos etiam cariosam putredinem propagant.
6. Præter ea augment quoque *olea destillata* sanguinis ebullitionem, & in sanguineis adfectus erysipelaceos producant.
 7. Vsum *tabaci in fumo* aduersus odontalgiam vulgo quidem commendant, cauendum autem, ne subiectis delicatulis, quæ ab hoc remedio vomitum accipiunt, obtrudatur. Hac enim ratione remedium grauius fit ipso morbo.
 8. Ab *opiatis*, quæ doloribus odontalgicis mitigandis communiter destinantur, abstinendum est, licet dolores adsint acutissimi. Leuamen enim, quod per exiguum tempus adferunt, grauioribus damnis compensant.
 9. Quando *euulsio* necessaria iudicatur, cauendum est, ne hæc præsentem aliquo tumore fiat, alias grauiora incommoda inducuntur.
 10. Quando dens in maxillis inferioribus residet, & per cauterisationem actuale vel potentiale a carie expurgatus est, cavititas illa expleri potest frustulo quodam plumbeo, ad hoc spatium explendum aptato, & sic dolor non facile recrudescit.
 11. Ceterum post cibum adsumtum purgentur dentes puluere quodam dentifricio, e coralliis, silicibus, pumice ad albedinem calcinat. parato. Item myrrha, rad. gentian. irid. Florent. mastich. sang. dracon. quæ a carie præferuant.
 12. Aër humido-frigidus, abusus sacchari, & instrumenta metallica excludantur.
 13. Ad apophlegmatismum præsentem opem adfert oleum terebinthinæ, item piper & caryophylli, si conquassantur, linteo immittuntur, oleo terebinth. immerguntur, & deinde adplicantur.
 14. Quæ vero subiecta calida hæc non tolerant, sal Anglicanum in ore detinere possunt, quod, successiue liquefactum, dolores sedat.

